




1.5.107

COLLEGII  
GERMANICI ET HUNGARICI  
HISTORIA  
LIBRIS IV. COMPREHENSA  
*AUCTORE*  
JULIO CORDARA  
*SOCIETATIS JESU*  
*ACCEDIT*  
CATALOGUS VIRORUM ILLUSTRUM  
QUI EX HOC COLLEGIO PRODIERUNT.



ROMÆ MDCCLXX.  
TYPIS JOANNIS GENEROSI SALOMONI

---

PRÆSIDUM FACULTATE.





# CHRISTOPHORO M I G A Z Z I O

S. R. E. CARDINALI AMPLISSIMO

Viennensi Archiepiscopo, Vacienfis Ecclesiz Administratori,  
in signis Ordinis Sancti Stephani Regis Apostolici  
Magnæ Crucis Equiti, S. R. I. Principi.

JULIUS CORDARA SOC. JESU.



OLLEGII Germanici Hungarici-  
que Historiam a suis initiis scri-  
bendam cum suscepissem, vix ad  
opus aggressum res ipsa me admonuit, non alteri  
quam uni alicui e S. R. E. Cardinalibus inscriben-  
dam dedicandamque esse. Videbam enim, tamen  
Collegium hoc Pontifex Julius III. instituerit,

a 2

B. P.

B. P. Ignatius labore industriaque sua condiderit, primum tamen suaforem ejus atque architectum Joannem Moronum Cardinalem fuisse, in idem Cardinales cæteros summa voluntate consensisse, potissimas demum in eo moliendo conficiendoque Cardinalium partes fuisse, qui non auctoritatem modo, curas, atque consilia, sed opes etiam in id suas pecuniarumque contulerint: Ut mihi quidem videantur in hoc uno opere Cardinales splendidum quoddam atque immortale monumentum reliquisse, cum pietatis suæ, tum etiam liberalitatis, ac præcipuæ in gentem Germanicam benevolentia, cui nullum possit par meritum inveniri. Videbam deinde, cum labaret ex census tenuitate Collegium, ei Cardinalem Bellajum in primis, tum cæteros Cardinales de suo liberaliter subvenisse ne penitus interiret. Ad hæc, hortatu maxime studioque Othonis Cardinalis de Truchses Episcopi Augustani Gregorium XIII. ad opus instaurandum, ac velut ex integro extruendum animum appulisse, in idemque Cardinales alios incredibili assensu conspirasse: Ut rursus Apostolici Senatus auctoritate confectum id opus videri dicique possit. Postea vero quam Gregorius, Pontifex ille Orbi universo semper cum honore, nobis etiam cum eximio grati animi sensu memorandus, suam nutanti Collegio firmitatem, sede certa ac justis vectigalibus attributis, attulit, eique Alumnos

Hun-

Hungariæ nationis adjunxit ; quantâ sedulitate ac vigilantia Cardinales illi sex , quorum in tutela ac potestate Collegium est , curam ejus gesserint , resque ejus omnes ad hanc usque diem rueri , provehere , amplificare studuerint , & videbam ipse , & nemo est tam rudis omnium rerum qui nesciat . Ob eas ergo res minime ambigendum mihi fuit , ne Collegii hujus historia , qualiscunque ea esset , uni cuidam deberetur ex eo ordine , cui & originem suam , & progressus , & dignitatem , ac pene se totum Collegium ipsum deberet ; Cumque Patroni seni e Cardinalibus ei sint , unum saltem ex eodem cœtu huic operi quærendum statuebam . Sed neque diu consultandum mihi fuit quem præ cunctis eligerem . Circumspicienti statim in oculos incurristi , PRINCEPS EMINENTISSIME , multæque simul objecere se causæ , nec leves , quamobrem præter Te quærerem neminem . Primo enim Te , non solum in præcelso isto Cardinalium ordine collocatum conspiciebam , sed in hoc Collegio educatum , hic pietate bonisque artibus informatum , hinc denique in tantam istam amplitudinem provectum sciebam . Et meminera , cum hosce inter Alumnos florentissima ætate ac forma versare , adeo Te supra æquales ingenio , integritate , modestia , omnibusque doctrinæ experimentis excellere , ut jam tum videreris ad istud honoris fastigium incitato cursu

con-

contendere , proludereque quodammodo virtutis magnitudine futuræ fortunæ . Atque inde conficiebam , cuius olim contubernii pars adeo spectanda fuisses , nunc decus primum atque ornamentum esses , ejus quoque a Te protegi illustrarique præfixo nomine historiam oportere . Cum deinde viderem Te , non Viennensi tantum Insula insignitum , sed Vacienti etiam Ecclesiæ Administratorem impositum , proindeque tum in Germania , tum etiam in Hungaria honore insigni ac potestate præfulgidum , respiceremque ad Collegii hujus promiscuam Juventutem , id taciti a me poscere videbantur Germani pariter Hungarique Alumni , ut hos de communi re commentarios uni Tibi inscriptos ac consecratos vellem . Quorum ego ut mentem interpretabar , ita æquissimæ cupiditati satis mihi faciendum existimavi . Jam si privatas rationes , quæ me in idem consilii impulerunt , exequi velim , quid illis justius ? Quid officio magis consentaneum ? Meministi credo , CARDINALIS OPTIME , cum hoc in Collegio degeres , in eodem quoque me habitasse , testem scilicet admiratoremque studiorum tuorum , ex eoque tempore nonnullam me gratiam , ut se dabat occasio , apud Te iniisse . Certe meminisse es visus , cum reversus post aliquot annos Romam , atque in amplissimum XIIIVIRALE Collegium , quod Sacram Rotam appellant , cooptatus , has Professorum ædes sacrorum

rum causa frequentabas. Quam sæpe tunc, quam humaniter meum in cubiculum Te intulisti! Quoties ego Te variis de rebus scienter atque erudite differentem sum admiratus! Ut delectabar familiari sermone, quo me cupidissime audientem identidem detinebas! Post illud tempus, nec memoriam humanitatis erga me tuæ unquam abjeci, nec Tibi, absenti licet, ac longo terrarum intervallo summoto, bene precari, ac fausta omnia ominari unquam destiti. Itaque magno lætabar opere cum audirem, Te ab Augusta in intimum gratiæ locum esse receptum, Tibi legationes, Tibi graviora Reipublicæ negotia pertractanda committi, Teque in his summam fidem, integritatem, solertiamque præstare. Crebris deinde nunciis ac litteris cum audirem de honoribus multis & maximis, qui Tibi alii ex aliis deferebantur, jamque Te Mechliniensis Archiepiscopi Coadjutorem designatum, & Carthaginensis Ecclesiæ titulo Archiepiscopum consecratum, jam ad Archiepiscopatum Viennensem traductum, alias Vacienfis Ecclesiæ administratione auctum, alias Ordinis S. Stephani Regis Apostolici Cruce magna insignitum fama nunciaret, non lætabar modo, sed placebam vehementer mihi, quod tanto antea de Te omnia summa animo præcepissem, ac sæpe inter amicos haud vanus vates prænunciassem. Cum vero ad honoris cumulum Romana donatum pur-

pura,

pura , atque inter summos Ecclesiæ Principes adlectum accepi , & collucentes ob eam rem festivas in Urbe faces aspexi , tantam cepi animo voluntatem , ut proxime absuerit quin Tecum ea de re per litteras gratularer . Ac plane faciebam , nisi Virum talem , gravissimis Reipublicæ curis occupatum interpellare nefas duxissem . Abstinui tunc quidem officio , ne importune facerem . At nunc , cum occasio se dederit hujus operis evulgandi , erit ne quisquam qui miretur me sub Tuo nomine ac patrocinio id factum voluisse ? Non immo prudens quisque laudabit consilium meum , qui ansam arripuerim ad meos de Te sensus plenos venerationis & observantiæ publice profitendos ? Adde ad extremum his , ejusmodi esse res quæ hoc opere continentur , ut , quo demum cunque modo scriptæ expositæque sint , Tibi placituras sumere pro certo possim . Nam , ut omittam jucundum unicuique esse quæ adolescens viderit gesseritve , ea provectiore ætate memoria repetere , ac scripto consignata percurrere , agitur hic de Collegio , ut probe scis , ad Religionis incrementum ac decus unice nato factoque , quod Alumnorum & genere & numero florentissimum semper fuit , ac porro est , quodque dum stabit incolume , tamdiu staturam in Germania Hungariaque Catholicæ pietatis fidem opinari fas est . Multi recensentur educi ex hac virtutis palæstra Viri fortes ac  
stre-

strenui, quorum alii voce, alii calamo, alii etiam sanguine pro sacrorum fide fortiter decertarunt. Multi itidem opibus ac dignitate prævalidi, qui auctoritate ac potentia, aut gliscentem hæresim compresserunt, aut collapsam alicubi disciplinam veterumque cæremoniarum splendorem restituerunt. His Tu vero rebus, quæ adeo Catholicæ intersunt rei, poteris non magnopere delectari? Tu inquam, Antistes idem sacrorum & Ecclesiæ Princeps, eodem atque illi convictu usus, iisdem legibus ac disciplina institutus, cui semper divina Religio ante oculos, cui Ecclesiæ dignitas longe rerum omnium antiquissima, quem denique scimus in ista Romani Imperii Sede ita versari, ut nulli neque optimi Pastoris, neque Ecclesiastici Principis officio desis? Equidem futurum spero ut hæc, non libenter solum accipias, sed cum aliqua etiam, si non voluptate, certe aviditate perlegas. Quam spem confirmat atque auget, quod sciam eandem constare Tibi in summa dignitate facilitatem ingenii ac comitatem, qua in privata fortuna omnium Tibi animos devinciebas, idque esse in maximis tuis laudibus, vulgo rarum, quod honorum accessione nihil immutati sint mores. Quo fit ut dubitare vix possim, quin pro veteri tua erga me humanitate, opus hoc meum sis accepturus benevole, atque etiam cupide perlecturus. Hac itaque præsumpta spe, non ego cun-

b

Stan-

x

Etanter ac timide , sed plane fidenter ac libere ,  
quidquid id est , Tibi EMINENTISSIME PRINCEPS  
offero , dono , dicoque . Atque illud modo unum  
rogo obtestorque Te , ut cum munus acceperis ,  
animum quoque , ex quo proficiscitur , observan-  
tissimum Tui respicias , ac gratum habeas .

AD



# AD LECTOREM.

XI



*AM* inde cum in Collegio Germanico Hungarico junior versarer, meamque Alumnis operam in Philosophicis, ut loquimur, repetitionibus præstarem, mirabar quid esset quod cum Collegii hujus decora tam multa

Virorum illustrium parietibus affixæ imagines loquerentur, nulla tamen extaret Historia, quæ eadem ad notitiam gentium exterarum, & ad consequentium ætatum memoriam transmitteret. Cumque ex antiquioribus Patrum multa subinde audirem de Collegii ejusdem initiis progressibusque sane præclara, multa ego met de exquisita Alumnorum institutione meis oculis cernebam, dolebam res tales ac tantas domi abditas contineri, ignotas exteris, apud posteros in oblivione futuras. Quare, ut eram jam tum istiusmodi rerum paulo cupidior, inquirere curiosius cæpi si qua existerent prisca temporis monumenta, ex quibus confici posset Historia, si non magni ad Rempublicam momenti (talem enim non cogitabam), at rerum magnitudine & varietate digna quæ veniret in manus hominum, legique sine fastidio, cum aliqua etiam utilitate posset. Et facta mihi domestici Tabularii scrutandi potestate, tam multa reperi litteris consignata, ut magis obrueret me rerum copia, quam deficere ullo modo posset. Itaque chartas prope innumerabiles, vetustate corrosas, cum cura, nec sine labore pervolutans, & quæ scitu digniora videbantur excerptens, referensque in commentarios, amplam, at rudem & tumultuariam historiæ materiam mihi seposui, eandem cum esset otium expoliturus, & in publicum suo tempore emissurus. At, quæ meæ vitæ rationes fuere, tanto temporis intervallo

b 2

nun-

nunquam tantum otii sum nactus ; quanto opus erat ad rem uti proposueram perficiendam . Quin ad alia Majorum imperio traductus , jam nullam ultra ea de re cogitationem sumebam , ac ne memineram quidem esse in meis adversariis quæ de Collegio Germanico Hungarico tanto olim studio collegeram , baud dubie una mecum peritura , nisi eorum memoriam nuper casus plane insolens refricuisset . Iosephus scilicet Imperator advectus ex insperato Romam , invisere cum cæpisset celebratiora Urbis loca , atque inter prima hoc obnoxia sibi Juventutis domicilium adiisset , in eo longe & diutius & familiarius quam uspiam alibi commoratus , de rebus institutisque ejus edoceri voluit adeo diligenter , plane ut videretur ex omnibus rebus , quas Urbe tota conspiceret , hanc maxime cordi habere . Quæ res , utpote Collegio ipsi summe decora , cum multorum sermonibus prædicaretur , tum ego redii in memoriam operis , quod jampridem animo & cogitatione conceperam , atque hanc occasionem meam ratus , quæ junior rudi opere præparaveram scripta , eadem expolire senior evulgareque constitui , tum ut oculis Cæsaris subjiceretur Collegii , in quod se adeo propensum ferebat , imago quædam atque descriptio omnibus numeris absoluta , tum quod non indignas publico conspectu eas existimavi res , quarum cognoscendarum se adeo cupidum talis ac tantus Princeps præbuisse . Ad opus itaque aggressus , ut erat ad manus rerum ampla seges , nec de delectu laborandum mihi erat , celeritate usus , facile Historiam alioqui operosam ad exitum perduxi . Facile inquam , ac quam citissime : an satis feliciter , nescio . Quod non eo dico ut excussem minus commode scienterque dicta , quæ fortasse multa Lector invenies , sed ut antevertam judicium tuum , teque Judicem habeam paulo equiorem . Caterum opus ipsum divisi in libros quatuor

tuor. Primus est de prima institutione Collegii Germanici sub Julio III., ejusque progressu usque ad Gregorium XIII. Secundus de Collegii ejusdem instauratione, & Hungarici adjunctione per Gregorium facta. Quo loco quadam de primo atque optimo ejus Rectore Michaele Lauretano adjicienda censui. Tertius exhibet specimen quoddam rerum per Alumnos gestarum in Germania usque ad Gregorii obitum. Quartus denique presentem Collegii statum exponit. Quod interjacet spatium inter Gregorii mortem, & hanc nostram aetatem, vacuum reliqui, tum quod deerant monumenta rerum, tum quod plus nimio, ac multo supra praefinitum modum excrevisset opus, si omnia quae hoc medio tempore acta sunt persequi voluisssem. Eandem ob causam, cum haberem in animo tot virorum illustrium, qui ex Collegii hujus disciplina prodierunt, vitas summatim scribere, atque huic volumini interferere, quamquam hujus quoque argumenti materiam habebam ex magna parte congestam, id tamen omittendum statui in praesens, magisque in volumen alterum, quod, si vita suppeditabit, aliquando sum editurus, rejiciendum, eo nunc contentus, ut singulorum nomina ad operis hujus calcem tanquam appendicem attexerem. Porro in hoc Indice consiciendo Convictores, qui ex omni gente olim in Collegium recipiebantur, propriam in classem contraxi, ac primo loco posui, tum quod Alumnis nunquam permixti, nec fere nisi recto aliquandiu conjuncti fuere, tum quod eorum nulla sit mentio in Historia nisi libro primo, ut vix ad hoc Collegium pertinere videantur. Germanos contra Hungarosque Alumnos unico contextu complexus sum, quippe ex Gregorii praescripto in unum Collegii corpus conjunctos, nullaque admodum re ex vitae instituto diversos. Quae itidem causa fuit, ut non alium in iis recensendis mihi ordinem

pro-

proposuerim quam temporis, quo quisque in Collegium fuit receptus. Quia tamen non iisdem omnes, sed alii aliis ornamentis claruere, idcirco totam Catalogi seriem plures in classes partiri placuit. In colligendis singulorum nominibus, excutiendisque ob eam rem domesticis monumentis, labori non est parcitum. Qua in re, ut dicam quod est, adiutorem habui hominem in primis navum ac diligentem, cujus est effectum sagacitate & industria ut multo plures quam ego opinabar illustres Viri hoc loco producantur in lucem. Inde etiam factum, quod vix credas, ut plus temporis Catalogi hujus confectio tenuerit quam totius Historiæ. Si quis ergo casu est prætermisus, qui huic indici inscribendus videretur, aut quis alius error obrepfit, id nemo indiligentiæ tribuat, nemo in malam partem accipiat, sed potius admoneat nos, auctiorem correctioremque Catalogum, si opus fuerit, perlibenter daturus. Tu interim, amice Lector, frue hoc qualicumque meo labore; & sicubi videbor tibi leviora ac frivola consectari, scito nullas parvas esse res, quæ ad cultum Divini Numinis spectant, nihilque esse tam frivolum, quo non uti in rem tuam, si sapias, possis.

# LAURENTIUS RICCI<sup>xv</sup>

*Præpositus Generalis Societatis JESU.*

CUM librum cui titulus = *Historia Collegii Germanici, & Hungarici* = a Patre Julio Cæsare Cordara Societatis Jesu conscripta, aliquot ejusdem Societatis Theologi recognoverint, & in lucem edi posse probaverint, facultatem facimus ut typis mandetur, si iis ad quos spectat ita videbitur. Cujus rei gratia has literas manu nostra subscriptas, & sigillo nostro munitas dedimus. Romæ die 17. Januarii 1770.

*Laurentius Ricci.*

*LMPRI.*

## I M P R I M A T U R.

Si videbitur Reverendissimo Patri Magistro Sacri Palatii  
Apostolici.

*D. Jordanus Patr. Antioch. Vicefg.*

---

## A P P R O B A T I O.

**J**USSU Reverendissimi P. Fr. Thomæ Augustini Ricchini  
Sac. Pal. Apost. Magistri, serio attentoque animo per-  
legi librum inscriptum: *Historia Collegii Germanici, & Hun-  
garici, Auctore P. Julio Cordara S. J.* Cumque non modo  
nihil mihi occurrerit, quod orthodoxæ fidei, probisque mo-  
ribus adversetur, verum etiam juxta sanioris critices leges,  
ac maxima elegantia, uti Auctorem jam aliis Operibus  
clarum decebat, plurimoque propterea litterariæ Reipubli-  
cæ bono elaboratum repererim, dignum sane illum cen-  
seo, ut pro communi utilitate publica luce fruatur.

Datum Romæ in Conventu S. Mariæ super Miner-  
vam, die 3. Martii ann. 1770.

*F. Dominicus Maria Justiniani Ord. Prædicator.  
S. Theol. Mag., & Casanat. Bibliothecarius.*

---

## I M P R I M A T U R.

Fr. Thomas Augustinus Ricchinus Ordinis Prædicator.  
Sac. Pal. Apost. Mag.

LIBER



# LIBER PRIMUS

PRIMA COLLEGII INSTITUTIO

SUB JULIO III. PONTIFICE

EJUSQUE PROGRESSUS

USQUE AD GREGORIUM XIII.



UO tempore Martinus Lutherus in Germania, omni jam abjecto seu pudore seu metu, omnia Sacrorum jura turbabat, nec jam dissimulata fraude, sed aperta rebellionem contra Romanam Ecclesiam Romanumque Pontificem ad arma conclamabat, innumerabilesque ex ea gente

L.  
S. Ignatii cura  
de Germania,  
Luthero contra  
Ecclesiam do-  
bacchante.

mortales, vel errore deceptos, vel solutioris vitæ illecebra inescatos, in partes trahebat, Romæ angebatur vehementer Ignatius de Loyola tanta nobilissimæ gentis clade, reputabatque animo secum si qua posset furentis impetum remorari, & gliscenti malo præfens remedium adhibere. Quamquam enim omne genus hominum, ac totum adeo Orbem terrarum Sanctissimus Vir charitate complectebatur, Germaniam tamen præcipue cordi habebat, provinciam scilicet, non amplissimam solum, atque ab opibus, nobilitate, potentia spectatissimam, sed, quod præsentium rerum magis intererat, vicinam, ex qua videlicet brevis in Ita-

A

liam

## 2 HISTORIÆ COLLEGII GERMANICI

2.

Præter suorum  
operam aliud  
quidpiam excogitat  
ad salutem Germaniæ.

liam esset trajectus, ut facile Italicas quoque urbes corripere Lutherana contagio, atque ipsam pestilenti halitu Romam afflari, nisi intempore arceretur, posset. Et ipse quidem condiderat jam, ac rite constabiliverat suum Ordinem, qui Societas Jesu est appellatus, miseratque confestim in Germaniam e suis aliquot doctrina probitateque præstantes Viros, qui adversus Lutherum factionemque ejus fortiter decertarent; Quibus strenue, nec improspere rem gerentibus, eorum successibus magnopere lætabatur. At nimis pauci pro rerum gerendarum magnitudine illi erant, & plures ne subsidio mitteret paucitas Sociorum vetabat, cum præsertim aliis quoque ex utroque Orbe plagis, Societatis vixdum natæ operam deposcentibus, succurrendum esset. Quantumvis deinde multos mitteret, homines externos, Pontificis maximi totos, eique sacratione quodam obedientiæ vinculo obligatos, minus aptos ad rem gerendam putabat. Nam Lutherus, rebus novandis intentus, satis sciens, ubi vetus Christianæ Reipublicæ forma sub uno maximo ac summo Rectore consistat, ibi haud facilem novis opinionibus aditum inveniri, ferocem animum exstimulante etiâ ultionis repetendæ cupidine, quod Romæ plus tribui alteri cuidam Cœnobitarum familiæ quam suæ cerneret, contra Pontificem maximum, totamque adeo Pontificiam aulam debacchabatur majorem in modum, atque id modo unum agebat ut Romani Pontificatus nomen apud Germanos contemptui atque odio esset, Pontificis proinde regnum immite, tyrannicum, Principibus ob superbiam intolerandum, populis ob avaritiam calamitosum appellabat. Inanem monitosamque potestatem ejus dicebat, non lege ulla, non religione firmam, sed unice Sacerdotum fraudibus, Regum ignavia, nationum vecordia, cervicibus mortalium impositam. Romam vitiorum omnium sentinam vocitabat, illud passim vociferari solitus, venalem urbem, venalem aulam esse: Romæ

3.

Lutheri calumniæ contra Pontificem, & Urbem Romam.



mæ dibapha atque infulas inter immunditiam volutari, sacra juxta ac profana pretio divendi, totum dominationis arbitrium in pecunia esse. Quibus impudenter nec vere dictis, quamquam omnem abrogare fidem debebat ipsa temulenti blateronis improbitas, quem præsertim constaret exulcerato esse animo, nec nisi ex impotenti iracundia in has voces erumpere, eo tamen proniores præbebantur aures, quod ipsa re nonnullæ inoleverant sanctæ Civitatis labes probroque; Et tametsi sublata nuper ex maxima parte fuerant sanctissimis Pauli iij. decretis & legibus, nondum tamen oblitterata earum erat infamia, & multo etiam supra verum, ut assolet, augebantur. Atque hinc impio Buccinatori illa vulgo laus, ac popularis acclamatio, vere eum senescentis Ecclesiæ Reformatorem esse, de Cælo missum, atque his prorsus temporibus missum, ut Christi doctrinam multis partibus inquinatam repurgaret, Christianam plebem Pontificum Romanorum impotenti dominatu eximeret, suam denique Ecclesiæ dignitatem ac speciem, tot deterfis sordibus, restitueret. Quæ & latius spargebantur in dies, & ubi semel infederant, vix ullam spem reliquam rerum meliorum faciiebant. Jam ergo demendas has ex Germanorum mentibus opiniones præjudicatas Ignatius judicabat, & frustra fore quæ ad Religionem sustentandam susciperentur, nisi rursus apud eam gentem Romani Pontificis dignitas suam vim, & honorem debitum obtineret. Id vero per suos, numero paucos, plerosque alienigenas, omnes Pontifici maximo tam arcto, ut dictum est, vinculo oblitricos, eoque suspectos, minus commode fieri arbitrabatur posse. Aliud quidpiam facto opus esse, quod magis ex usu rerum præsentium esset, rebatur. Id tamen quale esset nondum statuebat, nisi quod rudem aliquam Collegii Germanici formam secum tacitus volutabat. Quid enim, agebat, si existeret in Urbe domicilium Germanicæ Juventutis,

4.

Suos minus aptos Ignatius putat ad sustentandam Pontificis dignitatem, & quare.

5.

Quandam Collegii Germanici imaginem sibi cogitatione fingit.

atque hic delecti ex ea gente Juvenes in spem Religionis, velut in plantario, succrescerent? hic pietate bonisque artibus imbuerentur? hic doctrinam incorruptam ex ipso fonte haurirent? hic sacrorum ritus, caeremoniasque castissimas, ex Ecclesiæ omnium matris & magistræ more institutisque condiscerent? hinc denique disciplinis optimis instituti, ac Sacerdotio initiati, in patriam remitterentur? Id enimvero ex usu Catholicæ pietatis futurum quam maxime. Hac enim perpetuo subolescente Sacerdotum optimorum copia, nunquam defuturos in Germania Parochos, Concionatores, Præceptoresque idoneos, qui & exemplo vitæ pie casteque traductæ populo prælucere, & rudem plebem erudirent, errantem in orbitam reducerent, doctrinæque præditiis hæreticorum insaniam redarguerent, audaciam temeritate mque refringerent. Eosdem haud dubie magnam Pontificis maximi speciem, magnam reverentiam una secum in patriam importaturos. Nec enim dubitandum, quin cujus liberalitate alti diu sustentatique fuerint, cujus beneficentiam tanto suo commodo sint experti, quem etiam interdum sacris operantem, & plus prope quam humana majestate fulgentem viderint, cujus denique in Christiana Republica administranda vigilantiam, æquitatem, moderationem, sapientiam suis ipsi oculis introspexerint, ejus auctoritatem & sequantur ipsi, & apud suos pro viribus tueantur. Hos quidem certe e populo Sacerdotes, nulli inscriptos Religiosorum ordini, indigenas, morum & linguæ gnaros, in communi patria, apud populares suos, plus auctoritatis & fidei habituros quam extraneos, & quantum usquam hominum Religiosorum est. De Urbe, de Aula, de Procerum ac Populi Romani vitiis & corruptelis quid tandem ad suos relatuuros, quod non ubique locorum ferendum dolendumque sit? Nam si quæ supersunt Romæ labe vitorum, non eas Urbis proprias, sed humanæ naturæ ingenuitas, communis-

## ET HUNGARICI LIBER PRIMUS.

5

munefque hominum genti esse . Et quæ demum cunque Romæ sint , eas tanta virtutum magnitudine tegi compensarique , quantam nullibi usquam invenias . Non alia immo via commodius eas deleri maculas posse , quas per calumniam Romano inusserit nomini Hæreticorum livor , quam si videant homines , Romam vitia sua non abdere , hostium censuram non formidare ; tanta quin immo virtutis conscientia niti , ut admittat , foveatque in sinu morum suorum testes sempiternos . His rerum secundarum imaginibus dolori blandiebatur suo B. Pater , intereaque rudimentum quoddam Collegii , quale postea conditum est , sibi , ut diximus , adumbrabat , ignarus id ipsum sibi divino consilio & inchoandum , & perficiendum esse . Aderat tum Romæ Joannes Moronus Cardinalis , doctus & experiens Vir , qui hiantia Germaniæ vulnera nuper aspexerat , Pontificis legatione perfunctus , & de remedio dies noctesque cogitabat . Is Ignatium , & instituta ejus magni faciebat . Eum vicissim amabat colebatque impense Ignatius , tum propter opinionem virtutis , tum quod suis in Germania desudantibus mire benevolum se præstiterat , Petro præsertim Fabro , quem in intimum gratiæ locum receperat , atque ut vere Sanctum locis omnibus deprecabatur . Evenit forte ut hi duo summi Viri de malis Germaniæ sermonem inter se haberent , quibus cum videretur Ignatius plurimum commoveri : Atqui , ait Moronus , si quid ego video , his mederi nemo præter te commodius potest . Mirante quid ita esset Ignatio , tum ille : Multa quidem utiliter præstitero hæcenus tui in Germania sodales , multa præstant etiam nunc , præstabuntque , ut augurari licet , in posteram . Unum est tamen momenti gravioris , tibi hac ipsa in Urbe præstandum , quod nisi fiat , cætera parum profutura pro certo habeas velim . Quo loco longum sermonem exorsus : Non ignoras , inquit , mi Pater , Lutheri omnes impetus contra Romam , Romanumque Pontificem

6.

Joannes Moronus Cardinalis Ignatium ad Collegium ex-  
trudendum .

ficem esse directos, cujus semel dejecta auctoritate, unitatem quoque Ecclesiæ scindi necesse est. Facit nempe quod ante eum omnes novorum dogmatum fatores factitasse constat, atque eo quidem ad illudendum efficacius, quod iniquis consiliis homo vaser speciem honestam prætendit Ecclesiæ reformandæ, & in primævum statum restituendæ. Obnitendum ergo contra, magnoque opere contendendum ne improbi Veteratoris artes, quæ ad dissociandam ab Apostolica Sede Germaniam unice spectant, successum habeant. Nihil in id præsentius video, quam si Sacerdotes pro Germania multi formentur Romæ, atque ita quidem ut delecti ad Sacerdotium ex ea gente Juvenes hic sanam doctrinam ac pietatem hauriant, Romam Pontificemque maximum ex vero cognoscant, atque hujus amorem ac reverentiam animo combibant. Id sane ad infringendam Lutheranae factionis potentiam, confirmandasque partium Catholicarum opes maximopere valiturum reor. Ita nimirum ego comperi, Lutheranos in Germania, non tam sua virtute, quam nostrorum Sacerdotum ignavia crescere, facile comprimentos, si minus indocti, aut paulo castigatioris exempli isti essent. Populum natura simplicem suis Pastoribus se ducendum permittere, eosque more pecudum subsequi. Horum miram esse inscitiam, vitam vitiis omnibus contaminatam; duo mala, quæ in grandibus natu viris sanari vix, aut ne vix quidem possint. Facilius certe Juvenes formari centum, quam reformari Senem unum posse. Evocandos igitur Romanos delectos e Germania Juvenes censeo, hic in Collegii formulam contrahendos, pietate ac litteris imbuendos, atque ubi satis fuerint in hac virtutis palæstra exercitati, in Germaniam remittendos ad Ecclesiarum administrationem, & ministeria. Sic fore, ut redeunte sensim in Ordinem Sacerdotalem doctrina, vitæque innocentia, plebs etiam ad ejus exempla suo more seingat, ejus se permittat arbitrio, neque admo-

admodum artes hæreticorum valefcant. Verum, adjecit, id efficere quis alius præter te possit, plane non video. Ad ea Ignatius, occurrentem suis votis providentiam Numinis admiratus, simile quiddam ait se animo præconceptum habuisse, neque ambigere quin ea divinitus utrique injecta mens esset. Ac se quidem prompto esse animo, laborem nullum subterfugere. At molem sibi imponi majorem viribus. Rem agi oppido operosam sumptuosamque, & multis impeditam difficultatibus, quibus expediendis par ipse non esset. Terreri demum se magnitudine operis, nisi si quis alius potentior auxilio veniret. Quod eo dicebat, non quasi diffideret de successu; Virum enim animi ingentis, grandia aggredi perficereque jacta in Deum fiducia solitum, nulla magnopere difficultas deterrebat; sed quia vir æque prudens recte existimabat, nihil temere suscipiendum, ac fidendum quidem Divinæ opi, Divinoque numini permittendum inceptorum exitum, at simul adhibendam industriam, & humanis artibus connitendum ut res ad exitum deducantur. Neque non intellexit Moronus. At bono esset animo. Curæ sibi fore ut Summus Pontifex, sine cujus nutu suscipi nihil posset, consilium approbet, & operi manum adjutricem apponat, tum etiam ut necessaria pecuniarum subsidia ne desint. Nec secus quam promiserat fecit. Erat tum in Pontificatu Julius eo nomine III., præstantium virorum, Ignatiique nominatim magnus æstimator & fautor, Morono autem ita addictus, ut nihil non esset eo auctore atque hortatore facturus. Moronus tamen, quo certius expugnaret, adjutorem deprecatoremque adhibendum sibi statuit virum summæ auctoritatis, Ignatii amicissimum, Marcellum Cervinum Cardinalem (Sanctacrucium vocabant), qui postea Pontifex maximus appellatione Marcelli II. fuit. Hoc igitur in consilii societatem vocato, sibi que adjuncto, adit una cum eo Pontificem, præfatusque de malis Germaniæ quod satis visum ad  
ejus

7.

Ignatii prudens responsum ad propositum nem Moroni.

8.

Moronus, & Marcellus Cervinus Cardinalis in eandem deliberationem pertrahunt Julium Pontificem.

ejus animum permovendum, de Collegio condendo proponit. Id sibi, id illi notæ sanctimonix viro Ignatio de Loyola, non solum utile, sed unice in rem præsentem necessarium videri dicit. In eandem sententiam Cervinus eloquitur. Tum ambo suadere, ac porro rogare, ut miseratus Germanix calamitatum, opus saluberrimum confectum velit. Pontifex, qui nihil mallet quam Germanix periclitanti subvenire, & sua sponte in id consilii inclinaret, facile sibi persuaderi est passus quod viris talibus probari intelligebat. At quis operis sumptum faciet? inquit. Unde petendum vectigal tot capitum familiæ sustentandæ? Exhaustum bello Parmensi, aliisque temporum calamitatibus ærarium esse. Se quidem partem annui census conferre posse, totum, ut maxime velit, omnino non posse. Tum Moronus, haudquaquam dejectus animo, quod deerit, suppleri facile posse liberalitate Cardinalium. Sperare se, ea dignitate Viros, quorum præsertim multi dites splendidique sint, haud recusaturos detrahere ultro sibi quod in salutem Germanix conferant. Et id quidem æquissimum est, subjecit Cervinus, quando e rationibus etiam sacri Senatus sit ubique terrarum salvam ac florentem esse rem Catholicam, neque minus Cardinalium quam Pontificis maximi intersit Germaniam, Christiani gregis partem adeo spectandam, ab hac Sancta Sede, Catholicæ unitatis centro, funestam luctuosamque secessionem non facere. Plura non quæsit Pontifex. Vos igitur, ait, videte quo animo Cardinales sint, & siquidem pronos, uti speratis, & consentientes inveneritis, nihil in me erit moræ quominus negotium conficiatur. Hæc summa colloqui, de quo statim Moronus certiore fecit Ignatium, nempe ut piis precibus ferventius insisteret, & progressum operis sat feliciter cæpti apud Deum superosqueurgeret. Post hæc duo quos dixi Cardinales, haudquaquam cun-

9.

Cæteris Cardinalibus persuadent ut de suo quidpiam in id conferant.

## ET HUNGARICI LIBER PRIMUS.

cunctandum rati, divisim inter se partibus, Collegas adire singulos, eos quid ageretur, de quo deliberandum in proximo apud Pontificem conventu esset, docere; num rem probarent, numquid contribuere vellent, rogare. Nemo inventus, qui non consilium magnopere collaudaret, & suam in id symbolam se collaturum adpromitteret. Quod ubi fatis visum est exploratum, Pontifex, vocato Patrum concilio, ingreditur in sermonem de rebus Germanicis, ac pauca de tanta Religionis clade, deque extremo quod instaret periculo pro loco ac tempore prolocutus, effari singulos jubet quid facto opus censeant, ne malum in deterius ruat. Fuit qui Cruciatæ mentionem intulit, immittendumque prisco more adversus perduelles exercitum cruce insignitum censuit. At consensu rejecta res est, quippe factu difficilis, incerti eventus, & tempori minus congruens. Alii alia opinantibus (nam tametsi Collegii institutionem omnes probabant, alia tamen quædam vehementiora, minusque longa multis placebant), assurgens Moronus, ut meditatus ad dicendum paratusque venerat, quod de Collegio instituendo, ejusque utilitatibus mente conceperat, fusa oratione persequitur. Nec jam remediis acrioribus locum esse demonstrat, quibus crudescere magis possint vulnera, quam sanari. Tunc his utendum fuisse, cum nondum invaluerant mali vires. Nunc contra hæresim segnius quam oportuit initio compressam, longa possessione roboratam, sectatorum numero præfidentem ac viribus, ad hæc Principum multorum opibus ac patrocinio suffultam, non vi, non armis, non impetu agendum conatu irritum. Molles quærendos accessus, lato circuitu velut per cuniculos obsidendam. Sacerdotes in Germania sint probi doctique. Ex his Concionatores, Curiones, Sacrorum Antistites eligantur. Sic sperandum fore ut sensim vertantur vices, neque solum Catholici vacillantes posthac in avito cultu, & fide Pontificis maneant,

10.

Pontifex rem  
ad Senatum re-  
fert. Moroni  
oratio pro Col-  
legio.

B

sed

II.  
Decernitur Col-  
legium Pontifi-  
cis & Cardina-  
lium sumptu  
sustentandum.  
Quid quisque  
promiserit.

fed multi etiam ex iis, qui non tam animi pravitate quam ignoratione veri ad Lutherum defecerint, respiciant sese, atque ad saniora consilia se referant. At Sacerdotes ejusmodi nullibi fingi melius posse quam Romæ, in conspectu Pontificis, in ipso Religionis sinu. Quæcunque alia afferantur in medium, speciosa magis quam utilia esse. Dicentis vocem excepit Cervinus, perrexitque in eandem sententiam eloqui tanta copia ac gravitate verborum, ut perrogatis ad extremum sententiis, una omnium fuerit vox, Collegium Germanicæ Juventutis quantovis pretio in Urbe excitandum. De censu novi Collegii placebat multis eam imponi legem Cardinalibus, ut de suis singuli opibus assignarent quod satis esset Alumnis singulis sustentandis. Sed eam legem rejecit Pontifex, maluitque ut quid quisque pro arbitrio esset daturus scripto profiteretur. Parata fuerat eum in usum ingens charta pergamena, nominibus omnium Cardinalium hinc atque hinc ordine descriptis. In summo forma nescio quæ hieroglyphica viscebatur, inscripto circum lemmate *Vias tuas Domine demonstra mihi*. Hac ergo in medium producta, calamus prior arripuit Pontifex, ac siquidem, ait, præire exemplo nos decet, *ad tam sanctum, pium, & laudabile opus conferemus quolibet anno quingentos aureos*, idque sua ipse manu conscripsit suprema in parte membranæ. Tum cæteros sequi jussit. Secuti sunt Cardinales numero tres & triginta, quot tunc Romæ aderant, & ad suum quisque nomen quantum pecuniæ esset pensitaturus adscripsit. Subducta autem summa, confectum est, ex pensionibus universis coalescere aureos nummos ter mille sexaginta & quinque, haud sane spernendum Collegii munimen, si stabile ac fixum esset. Servatur etiam nunc in Collegii tabulario ipsa membrana, Romanæ erga externos liberalitatis monumentum illustre, cujus ut perpetua apud Germanos memoria extet & gratia, tum etiam ut Cardinalibus plus minusve clargitis major minorve laus



# ET HUNGARICI LIBER PRIMUS. I 1

laus tribuatur, eam nos cum fide descriptam ad calcem libri hujus attexendam curabimus. Confecto in hunc modum quod erat præcipuum, nec tam facile explicandum videbatur, proxima illa erat deliberatio, cui novi Collegii structura, cui regimen & administratio committeretur. Sed longa non fuit hac super re consultatio, Pontifice pariter ac Cardinalibus ad unum omnibus in Ignatium, Societatemque ejus, miro consensu conspirantibus. Ergo Ignatio ut leges novi Collegii scribat, ut deligendos in Germania deducendosque in Urbem Alumnos curet, domum aptam conducat, domesticum instrumentum provideat, Rectorem imponat, & quæ sunt hujus generis alia pro sua prudentia administret, injungitur. Quibus expediendis rebus dum ille sedulo naviterque incumbit, prædiit in lucem diploma Julii Pontificis (Bullam vocant) de Collegii Germanici institutione. Eo diplomate Pontifex causas exponebat primum multas gravesque, omnes ad Religionis pietatisque incrementum spectantes, quamobrem Germanicæ nationis Collegium in Urbe excitandum judicasset. Tum Collegium ipsum, quod bene ac feliciter eveniret, decernebat, erigebat, constituebatque Apostolica auctoritate, & Societati Jesu in disciplinam tradebat. Cardinales Collegii Protectores designabat sex, Moronum, & Cervinum, de quibus antea diximus, tum Carpensem, Augustanum, Compostellanum, & de Puteo. His Collegii patrocinium cum amplissima potestate imponebat. Collegii bona, cujuscunque essent generis, ab omni vectigali onere liberabat. Rectori jus tribuebat creandi Doctores ex Alumnis eos, quos, facto scientiæ periculo, eo honore dignos comperisset. Atque alia id genus statuebat, quæ cum omnia Collegio ad memoriam perjucunda, Fundatori-que ejus Julio decora ab insigni munificentia sint, nos diploma ipsum suo infra loco subiiciemus. Datum id fuit prid. Kal. Septembris, anno MDLII. Quo vero latius spar-

## I 2.

Collegii administratio Ignatio committitur, atque ejus Ordini.

## I 3.

Bulla Julii III. de Collegii Germanici Institutione.

14.  
Collegium  
Ignatius condit  
quam brevissi-  
mo tempore.

geretur, typis impressum, ac per Germaniam circummis-  
sum est. Ignatius interea ordinandis maturandisque rebus ex  
præscripto Cardinalium intentus, in omnem partem se ver-  
sabat, ut opus tantæ molis quam celerrime confectum ha-  
beret. Cardinales protectores urgebat assidue, ut ope, au-  
ctoritate, pecunia præsto essent. Eorum placita in rebus du-  
biis exquirebat, cum iis sua omnia consilia communicabat.  
Et siquidem aberat tum Roma Carpenſis (hoc passim nomi-  
ne Rodolphum Pium Cardinalem compellabant a Carpio,  
oppido nobili, familiæ ejus obnoxio), cum eo per lit-  
teras transigebat, uti demonstrant quædam præ aliis litteræ,  
quarum exemplum, utpote ipsius B. Patris manu exaratum,  
nunc cum honore servatur in Sacratio D. Apollinaris. Pla-  
ne actuosus homo erat Ignatius, & somno detrahens quod  
daret negotiis tempus, brevi multa & maxima conficie-  
bat. Scripserat jam ad suos Viennam Coloniamque, ut  
adolescentes ingenuos minimum triginta, ex omni circum  
regione delectos, quibus ad Ecclesiæ militiam apta indoles  
ac prona voluntas esset, Romam quantocius ablegarent;  
qui cum proximo Octobri mense adventuri putarentur,  
ne quid imparatum invenirent sibi efficiendum statuit.  
Principio scribendis novi Collegii legibus adjecit animum.  
Leges porro divisit in partes tres, quarum prima super  
delectu Juvenum recipiendorum multa præscribebat. Se-  
cunda quid intra Collegium, tertia quid in digressu præ-  
standum Alumnis esset sanciebat. Eas hoc loco exscribere  
consilium non est, ne narrationis contextus abruptatur.  
Sed uti ab ipso B. Patre profectas, & sapientiæ æquitatis-  
que plenissimas, in partem libri hujus extremam reiicie-  
mus. Quamquam & in Constitutione Gregorii XIII., iti-  
dem subjungenda, legi poterunt, in quam, paucis admo-  
dum immutatis, transcriptæ fuerunt. Domum deinde in  
usum Alumnorum conduxit. Et erat domus, haud magni  
illa

15.  
Leges Collegii  
scribit, Quales  
ex fuerint.

16.  
Domum aptam  
conducit, at-  
que instruit.

illa quidem ambitus, sed ad habitandum sat commoda, loco in primis opportuna, ad Arcum, ut tunc vocabant, Camillianum, vicum Urbis frequentissimum, cui nunc a pede marmoreo nomen est. Id potissimum domus habebat commodi, quod ab gymnasio Societatis, quo bis in diem itandum Alumnis esset, brevi spatio distabat. Namque in ædes familiæ Frangipanæ, haud ita ab æde Minervæ, translatum nuper fuerat ex Capitolii radicibus Collegium Romanum, quod postea in palatium Salviatum, nunc Pamphilium, tractatum, ac demum e regione hujus, opere sumptuoso ac magnifico, quale nunc visitur, a Gregorio XIII. extructum est. Domum præterea ordinavit instruxitque sic, ut neque Sacellum, neque Bibliothecam, neque suppellectilem, neque demum quidquam, quod ad vitæ usum pertineret, Alumni desiderarent. Eidei Rectorem præfecit Andreæm Frusium, natione Gallum, humanis divinisque litteris, ac rerum usu præstantem virum, quo aptiorem regendæ Juventuti reperit neminem. Addidit Socios spectatæ virtutis aliquot, qui Alumnorum institutioni pro sua quique parte aliquam navarent operam. Demum & famulos e populo quosdam, & rei domesticæ curatores adjecit. At enim in scholis Collegii Romani nihil, ut tunc erat, publice tradebatur præter linguas tres, latinam, græcam, & hæbraicam. Ignatius, consulto Pontifice, ex ejusque mandato, addi posthac Philosophiæ, Theologiæ, Scripturæ sacræ, cæterarumque artium liberalium disciplinas in gratiam Germanorum jussit. Res plane memoratu digna, uti quæ primam quasi viam aperuit Suaresii, Vasquesii, Bellarminis, aliisque in omni litteraturæ genere excellentibus viris, qui huic Athenæo tantam deinde celebritatem atque splendorem attulere; Ut merito ambigas, quamquam in his scholis Germani Alumni erudiantur; plus ne Collegium Germanicum Romano, an Romanum Germanico debeat.

Ecce

17.

Scholæ altiores  
aperiuntur in  
Collegio Roma-  
no Germano-  
rum causâ.

18.

Primi adve-  
niunt ex Ger-  
mania Alumnii.  
Crescit eorum  
numerus.

Ecce autem his celeriter confectis rebus, paulo post dimidium Novembris mensis, trimestri nondum spatio post editum de quo dixi Pontificis diploma evoluto, octo ex Germania Juvenes, primum Collegii rudimentum, ad Urbem appellant. Succedunt post paucos dies divisim manipulis alii decem, sic ut ante anni exitum censerentur duodeviginti omnino. Perrexit dehinc augeri numerus eorum in tantum, ut anno proximo ad quinquaginta quinque pervenerint. Nimirum percrebescente in dies per Germaniam Collegii recens instituti fama, jam non conquirendi Juvenes erant, sed ultro se ac certatim offerebant, & multi ex petitoribus, quo exquisitior delectus esset, excludebantur.

19.

Ut haberentur  
primis diebus  
Juvenes.

Cæterum, ut quisque advenerat, non continuo disciplinæ subiiciebantur Juvenes, sed magis more hospitum quam Alumnorum ad dies aliquot habebantur. Rector amantissime exceptos quiescere tantisper, reficereque fessas ex itinere vires jubebat. Ne quid illis deesset, ne quid incommodaret, videbat. Curabat tamen ut per eos dies, utpote ab omni alia cura vacuos, expenderent secum diligenter militiæ genus, cui daturi erant nomen, simul recognoscerent conscientiam, & anteaactæ vitæ maculas piaculari confessione purgarent. Quo factò, talari tunica rubri coloris induti, ac pileo clericali donati, vitam ad legum normam instituere cogebantur. Illud erat primum, ut suam singuli Sedi Apostolicæ fidem obligarent, sacramento in hæc verba concepto: „ Ego N. N., intellecto Sancti hujus Collegii instituto, „ ejus me Legibus & Constitutionibus libenter submitto, „ ac Summi Pontificis, & Reverendissimorum Protectorum „ intentionem, in Litteris Apostolicis & Constitutionibus „ expressam, me in eodem Collegio manendo, & ab eo „ discedendo, servaturum, coram Deo, & Vobis promitto. Romæ, die N. Mense N. Anno N. Ita est. Ego N. N., „ Præterea, ne qua suboriri posset suspicio quid quisque de Re-

20.

Juramenti for-  
mula, quo Pon-  
tifici adstringe-  
bantur.

21.

Professio Fi-  
dei Catholicæ,  
quam præstare  
jubebantur.

ligio-

ligione sentiret, Catholicæ pietatis fidem profiteri solemnii formula jubebantur in hunc modum : „ Ego N. N. coram „ Domino Deo, & omnibus qui adsunt, manu Codici Sa- „ cro imposita, sincero animo, & simplici verbo ac sensu „ profiteor, me in fide dogmatibusque, ac ritibus univer- „ sis, idem penitus sentire cum Ecclesia Catholica atque „ Orthodoxa, quæ unica est, & certa Domini nostri „ Jesu Christi institutione per summos Pontifices Romanos „ usque in hunc diem gubernata. Alias vero doctrinas & „ opiniones contrarias tanquam erroneas abjuro, in qua- „ rum etiam expugnationem hujus Collegii pium institu- „ tum probo & amplector, ac promitto cum Dei gratia „ fideliter prosequi, juxta omnes ipsius tam generales, „ quam particulares constitutiones. In cujus rei fidem „ nomen meum manu propria hic adscribo. Romæ „ die N. Ego N. „ Chirographa hæc, in codicem ne perirent relata, servabantur, & quædam usque ad nos pervenerunt. Ex quibus cum appareat, ab iis, qui primi advenerunt, jussurandum fuisse dictum die Novembris mensis vigesimo primo, Virgini præsentatæ sacro, inerito is dies Collegii natalis habetur, ac præ cæteris sacer auspiciatusque Alumnis debet esse. Quamquam Orlandinus, accuratus alioqui Scriptor & diligens, Collegii ortum assignare maluerit diei xxviii. Octobris, SS. Simoni & Judæ sacro, propterea quod eo die, nullodum in Urbem advecto ex Germania Juvene, Petrus Ribadeneira de Collegio recens instituto, ejusque utilitatibus, luculentam orationem habuit ad cœtum Purpuratorum in S. Eustachii. Atque hæc habuit initia Collegium de quo scribimus, sane lata, ac prope supra spem prospera, si quid non sperandum Ignatio, sua omnia consilia ad majorem Dei gloriam dirigenti, foret. Chemnitium ferunt, ineptum illum e grege Lutheri scurram, cum de Collegio audisset, frementem frementemque clamasse, hoc

22.

^ Dies 21. No-  
vembris Colle-  
gii natalis.

23.

Chemnitii Lu-  
therani amara  
vox de Colle-  
gio.

hoc unum defuisse scilicet, ut Ignatius de Loyola, sua Societate non contentus, hanc etiam aciem adversus Ecclesiam reformatam instrueret. Sibi posthac, non cum externis modo, sed etiam cum indigenis negotium fore. Et magnum plane negotium sibi exhibitum iri, ubi Jesuitæ pariter atque isti e Romana palæstra milites junxerint vires. Portenti simile futurum, nisi Germanica res, tanto suo ac sodalium labore in libertatem asserta, iterum Romani Pontificis jugum accipiat, ac rursus Religio tam sceleriter instaurata evertatur ac concidat. Diceres, hominem cætera mendacissimum, in Societatis & Collegii hujus commendationem oraculum pronuntiassse, a quibus hæresis in Germania, si non excidium, luculentam sane plagam accepit. At Bavarix Dux Albertus, Princeps Catholici cultus si quis alius tenax, unusque omnium acerrimus custos, ut audivit de Collegio Romæ instituto, adeo rem comprobavit, ut similem Religionis arcem moliri statuerit pro sua ditione, hujusque unice rei gratia Henricum Schweicherum, quo utebatur a secretis, Romam ad Ignatium miserit, edocendum scilicet rationem perficiendæ rei, & necessariis in id præceptionibus instruendum. Ac Duci quidem, rem talem exposcenti, libens volensque satisfecit Ignatius, ut cognosci potest ex litteris, quas Schweichero Monachium redeunti ad Principem deferendas dedit.

„ Quia coram, inquit, agendo cum Secretario de institutione hujus Collegii Germanici, intelleximus Vestram

„ Celsitudinem aliud simile opus, sancto sane ac pernecessario consilio, moliri, Litterarum Apostolicarum, & Constitutionum ejusdem Collegii unum exemplum, & quædam

„ de institutione hujus operis Vestræ Celsitudini ferenda dedimus „. Collegium illud tamen Bavaricum successu caruit, quidve molitionem ejus interverterit incomptum mihi est. Jam de hac institutione quid senserit Ferdinandus Romanorum Rex, religiosissimus itidem, Fideique Catholicæ

## 24.

Bavarix Dux  
Albertus simile  
Collegium moliri  
statuit pro  
sua ditione, sed  
nullo effectu.

## 25.

Ferdinandus  
Romanorum  
Rex adolescentes  
aliquot in  
Collegium mit-  
tit.

## ET HUNGARICI LIBER PRIMUS. 17

licæ retinentissimus Princeps, insigni ejus factò declaratum est, anno post Collegii ortum nondum exacto. Namque ubi primum in Germaniam pervenit, regionemque pervagari fama Collegii in Urbe conditi cœpit, continuo Ingolstadium, Pragam, ad aliasque melioris notæ Academiæ quæsitum misit spectabilioris indolis adolescentes, ac sua impensa Roman traduci jussit, qui it er una ingressi, diversis licet viis, eodem prorsus die Urbem attigerunt, atque huic Germanorum Colonia se aggregarunt. Similia de Collegio sapientum fere omnium judicia fuere. Quin ad Germanicum respexisse Patres Concilii Tridentini cum decretum illud de Seminariis Episcopalibus condiderunt, proindeque ex hoc veluti primo fonte cætera Episcoporum Seminaria, quæ tam multa hodie, tam utilia ubique gentium sunt, profluxisse, atque huic originem suam debere, opinari fas est. Sane constat decretum illud fuisse factum instinctu maxime & auctoritate Moroni Cardinalis, qui Concilio cum præsideret, rem adeo salutarem, ab Jacobo Lainio antea tentatam, denuo pertractandam suscepit, atque urgere summo nisu perrexit, donec proposito exemplo Collegii Germanici, quod tam secundo successu erectum nuper in Urbe fuerat, Patres in suam sententiam traxit. Sed quaecunque id sit, quod utpote Collegio huic perhonorificum, nec taceri omnino, nec nisi leviter attingi debuit, ad institutum narrationis ordinem redeamus. Satis belle fluxere Collegii res toto triennio, ad obitum usque Julii Pontificis. At eo prius vita functo, quam Collegium, uti constituerat, certo ac stabili censu firmasset, cum aurei illi nummi quingenti, quos e fisco assignaverat, pendendi defuissent, labi nonnihil res inclinarique cœperunt. Solatio ingenti fuit successor illi datus Marcellus Cervinus, quem Marcellum II., ut diximus, appellavere, vir adeo amicus Ignatii, adeoque in Collegium propensus, ut nihil non sperandum eo Pontifice videretur. At lætam spem succidit in

26.

Seminaria Episcoporum originem suam debere Collegio Germanico.

27.

Collegii augmenta post obitum Julii III. Spes ex Marcello II. irritæ.

## 18 HISTORIÆ COLLEGII GERMANICI

28.

Paulus IV.  
Collegio labo-  
ranti nihil præ-  
bet.

ipso ortu casus nec opinatus, & maxime luctuosus, Marcello intra alterum & vigesimum ab inito Pontificatu diem extincto. Inde res in deterius ruere. Tum vero desperari cœptum, cum Pontifex post Marcellum est renunciatus Joannes Petrus Carafa, qui Paulus eo nomine IV. fuit. Vir quippe, summa quidem religione ac virtute, at pari ingenii severitate, ut Collegium non improbaret, tamen Lutheranam hæresim, non mollioribus hisce remediis, sed igni ferroque coercendam dictitans, adversus Sacrorum violatores, desertoresque veterum cæremoniarum quæstiones exerceri, Principes contumaces bello premi, Romanæ Ecclesiæ amplitudinem vi atque armis vindicari, quam leviora hæc longioraque adhiberi malebat. Itaque ad Collegii munimentum nihil conferente Pontifice, & Cardinalium, qui annuas pensiones promiserant, aliis inorte sublati, aliis morosius promissa præstantibus, brevi ad inopiam extremam deventum est.

29.

Ignatius Col-  
legii inopiam  
sublevandam sus-  
cipit.

Sed non idcirco despondit Ignatius animum, aut Collegii procurationem dimisit. Certus relictam uni sibi, suisque duntaxat humeris incumbentem molem constanter ferre, Alumnis ut necessaria provideret, amicorum opem implorare, suprem corrogare ostiatim, nomina facere, fidemque suam creditoribus obligare cœpit. Et æconomus domus Professorum monenti, si ita pergeret, brevi domum ære alieno oppressum iri, quod dissolvi nunquam posset; Immo vero, respondit, quidquid id est debiti Germanorum causa contracti, brevi, ut spero, dissolvetur ad nummum. Quod præter omnium opinionem ipsa re factum est, Deo famuli sui fidem insperato modo liberante. Accidit per hæc, ut quo maxime tempore angustior res domi erat, Romam ex insperato advenirent duodecim ex Germania Juvenes, ea tantum causa tam peregre advecti ut in Collegium reciperentur. Eos Ferdinandus Romanorum Rex e Bohemiæ Regno seligendos curaverat, veniebantque missu ejus ad Ignatium,

30.

Missos a Fer-  
dinando Roma-  
norum Rege Ju-

& lit-



& litteras commendatitias ferebant. Nimis plane multi erant quam ferret præfens Collegii copia, & plus nimio gravabatur tot accessione capitum penus domestica, si reciperentur. Sed neque repellendi videbantur Juvenes, qui & præclaris animi corporisque dotibus essent instructi, & tanti Principis commendatione muniti venissent. Ignatius ergo, ut erat non solum animo ingenti erectoque, sed etiam singulari prudentia, ne ægre faceret Regi, simul ne Collegio onus imponeret, cui ferendo non erat, mediam ingressus in viam, in suam Societatem volentes lubentesque omnes admisit. Quod adeo gratum accidit Ferdinando, Beati Viri tam bene affectum erga Nationem Germanicam animum pro merito æstimanti, ut nummos aureos quadringentos sublevandæ Societatis inopiæ elargitus continuo sit, ac deinde quotannis totidem in usum Collegii Romani mittere consueverit. Cæterum, ut difficillima essent tempora, triceni minimum in Collegio Juvenes corrogatis undeunde pecuniis alebantur, & quidem sic, ut nihil neque ad vitæ usum, neque ad honesta commoda desiderarent. Rector Frusus disciplinam ita temperabat, ut neque remissa, neque iusto intensior rigidiorque esset, sed ætati, conditioni, viribus, Ecclesiasticæ in primis institutioni congrueret. Leges sancte custodiebant plerique, speinque de se maximam in tempus posterum faciebant. Si quis morigerus parum ac degener, dimittebatur. Itaque magna domi quies, magna animorum conjunctio, nullum nisi de virtute ac litteris certamen erat. Sed quamquam hæc ita essent, & satis sua sorte contenti Alumni viverent, sive ex his quispiam aliquo suo merito dimissus, ut amoliretur a se ejectionis ignominiam, culpam in Moderatores rejecerat, sive inimici Societatis, adeo secundas res ut inverterent, ei consilere conabantur invidiam, seu demum voce coram, seu missis ab Urbe litteris grassarentur improbi calumniatores, certe serpere

venes duodecim  
in Societatem re-  
cipit.

31.

Ut haberentur  
in Collegio Alu-  
mni hoc tempo-  
re.

32.

Calumniæ per  
Germaniam dif-  
feminatæ contra  
Collegium.

per Germaniam rumor malignus cœpit, male enimvero Germanicæ Juventuti esse, quæ Romæ inter manus Jesuitarum educaretur. Non victum illi, non ad cultum corporis necessaria, nisi parce admodum ac maligne præberi. Durius deinde haberi ingenuos adolescentes, quam ferre illa ætas posset. Otii nihil esse, nullum indulgeri oblectamenti quantumvis honesti genus. Leges demum exigi, non difficiles solum, sed plane intolerabiles, quales pati nec Cœnobitarum austerissimi vellent. Quæ cum late percrebrescerent fama, de his Petrus Canisius, vir ille rebus pro salute Germaniæ gestis nominatissimus, admonendum per litteras Ignatium censuit. Sed quam falso ea jactarentur, cognosci poterit ex particula litterarum, quas ad Canisium ipse rescripsit Ignatius.

„ Collegium Germanicum quod attinet (inquit), minus  
 „ prosperum illius successum, si non est inimicus ille ho-  
 „ mo, quis spargat nescio. Secundum sane cursum Deo aspi-  
 „ rante ex sententia tenet. Iniquissimis hisce temporibus  
 „ omnino nihil Alumni desiderant, quod ad vitæ necessi-  
 „ tatem, vel morum litterarumque profectum faciat. Qui  
 „ præsentis in Collegio sunt triceni, suas in classes pro do-  
 „ ctrinæ varietate distributi, spem de se præbent futurum ut  
 „ præclari ad Dei gloriam evadant. Etiam atque etiam nu-  
 „ merum augere cuperemus bonorum. Insolens quispiam,  
 „ inter meliores admissus, iterum dimissus est. Vestra Re-  
 „ verentia in id incumbat, ut adolescentes aliquot frugi se-  
 „ ligat, ad nos mittendos. Tam paucis hi adstringuntur  
 „ opinione nostra, ut miremur æquo graviorem disciplinam  
 „ & obligationem videri. Singulis hebdomadis ad suburba-  
 „ nos agros animi causa bis concedunt. Nulla tractantur  
 „ asperitate, inmo maxima potius liberalitate, modo ut  
 „ cum ædificatione vitam instituere velint,,. Hæc Ignatius, testis ut opinor idoneus, nec subleix fidei. Accidit inter hæc ut grave bellum ac periculosum incenderetur in-

ter

33.  
 S. Ignatii testi-  
 monium ad-  
 versus eas calu-  
 mñas.

ter Paulum Pontificem, & Philippum Hispaniæ Regem. Eo jam processerant res, ut Ferdinandus Toletus Albæ Dux, qui Hispanorum copiis imperitabat, pluribus occupatis Pontificiæ ditionis oppidis, & in agrum Romanum traducto exercitu, ad ipsa Urbis mœnia victoris in modum obequitaret. Tota ob eam rem armis perstrepen- te urbe, & Populo Romano, tum ab insita virtute, tum ex recenti captæ direptæque urbis memoria, ad defensionem murorum alacriter excubante, neque solum propulsare hostem, sed in eum incitata ferocia erumpere gestiente, in illo militari tumultu, rerumque omnium perturbatione, omnia fiebant Collegio arctiora, quippe in nulla spe subsidii alicunde affuturi, quando & ipsa urbs gravi laborabat frumenti caritate, & passim audiebantur egenorum clamores atque ejulatus, vitam ægre trahentium, ac deesse sibi annonam quiritantium. Tamen ne tum quidem Collegii administrationem Ignatius dimisit. Illud magis sibi faciendum ratus, ut innocuos Juvenes, non penuriæ solum, sed etiam armorum periculo eximeret, paucis in Urbe relictis, cæteros eductos inde in ulteriorem Italiam, per varia sui Ordinis domicilia distribuit, tuto ibi futuros, ac tamdiu communi inter suos victu, cultu, tectoque usuros, donec pacatiora tempora rediissent. Fuere tum haud ita pauci, qui humanis rationibus metientes rem, aperte negarent Collegium eo statu, nulla rerum meliorum affulgente spe, conservari ultra posse. Et quidam Ignatium temeritatis coarguebant, qui molem suis majorem viribus pertinaciter sustinere pergeret, invitis quodammodo hominibus superisque. Præ cæteris Otho Truchses Cardinalis, Episcopus Augustanus, unus ex Collegii Protectoribus, ejusque antea fautor studiosissimus, cum audisset de Alumnis per causam belli Urbe eductis, ac per Societatis Collegia tributis, scripsit ad Ignatium, ne ullam ultra curam de Collegio, quod necessario esset dissolvendum, suine-

34-

Bello ingruente Alumnos distribuit Ignatius per varia sui ordinis domicilia.

35.

Ignatii constantia in tuendo Collegio adversus omnes humanas rationes.

fumeret. Satis jam laborum ac diligentiae ad illud constabiliendum quadriennii spatio contulisse. Desineret aliquando id inops conari, quod ingentem ac perpetuum sumptum exposceret. Uteretur honestissima belli causa, hanc occasionem suam duceret, Collegii procurationem dimitteret. Eadem alii suadebant amici, ac rerum prudentes viri. At Ignatius ad hæc pro cætera magnitudine animi respondebat, si quem curæ hujus tæderet atque operæ, eam sibi totam relinqueret. Stare sibi, ac fixum esse Collegium tueri dum viveret, & semetipsum venundaturum citius, quam Germanos suos defereret. Parum quidem præsidii esse in humana ope, at in divina plurimum. Peribatque obfirmato ad omnes casus animo, ut non tam frangi, quam magis incitari difficultatibus videretur. Quondam etiam in familiari sermone, exlaturum aliquando ait Pontificem, qui Germanici Collegii, non modo inopiam sublevaret, sed perennitati etiam ac dignitati consuleret, seque ei patrem non minus providum quam munificum præberet. Quod humana ne dixerit conjectura, an præsentione de cælo accepta, incertum. Vaticinium certe cumulate affirmavit eventus sub Gregorio XIII., ut suo infra loco disseremus. Sed vitam eo usque non produxit Ignatius, quem flagrante adhuc bello, multa ad tutelam firmitatemque Collegii molientem, immatura mors interceptit prid. Cal. Augusti, anno MDLVI. . Eo casu nihil videbatur proximius quam ut una velut eademque ruina Collegium obrueretur, nisi quam ei operam attulerat vivens, eandem, & multo etiam validiorem afferre de cælo Ignatius perrexisset. Vere Collegii pater, cui primam formam, ut supra ostendimus, ac veluti vitam dedit. Iterum providus pater, qui extremam ejus inopiam suis impensis sublevavit, rerum omnium indigum aluit, in summum discrimen adductum, ut hæctenus demonstratum est, ab interitu vindicavit. Pater etiam patronusque ejus, ut sperare pium est,

36.

Quoddam eius  
vaticinium de  
futuro Collegii  
sorte.

37.

Moritur S. Ignatius,  
& Collegium tueri de  
cælo pergit.

38.

Eam ut Collegii  
Parentem Alumnus  
collegit.

est, semper futurus. Merito proinde eum Alumni ut communem Parentem jam tum ab initio habuere, ac porro habent. Idque ut testatum publice facerent, statim atque honore Cœlestium coli potuit, aram ejus propriam in Divi Apollinaris extare voluerunt, hac imposita majoribus litteris inscriptione: *S. Ignatio Societatis Jesu Fundatori Collegium Germanicum Auctori suo posuit*. Inde etiam Ignatium præcipua religione colunt, diem ejus anniversariam servant, pridie jejunant, & ad ipsum Ignatii nomen, cum ex Martyrologio legitur super mensam, assurgunt omnes, & caput reverentiæ causa detegunt. Quod voluntate, non necessitate factum, pii gratique evidens argumentum est animi. Cæterum, ut eo, unde nonnihil evagati sumus, regrediamur, morte Ignatii erant plane res summæ desperationi proximæ, eo dempto viro, cujus auctoritate, consiliis, atque constantia omnia nitebantur. Accessit ad mali cumulum excessus Frusii, Rectoris experientissimi, qui intra Autumnum ejusdem anni vitam simul & Collegii administrationem alienissimo reliquit tempore. Tamen, Deo protegente, Collegium stetit incolume, immo fortuna aliquanto commodiore post paulo uti cœpit. Ignatio nimirum successit in summo sui Ordinis magistratu Jacobus ille Lainius, vir doctrinæ fama nulli ætatis suæ secundus, eoque multum apud primores Urbis auctoritate pollens & gratia; qui, ut erat B. Parentis, non dignitatis modo, sed etiam animi virtutisque hæres, omniumque consiliorum ejus ex longa & familiari consuetudine particeps, ad farcienda Germanici Collegii damna primam curarum intendit. Primo igitur Rectorem ei novum præfecit Ursinarum Guisonium, gente Belgam, eruditionis & prudentiæ laude excellentem in paucis virum, qui amissi Frusii desiderium leniret. Post conquirendæ pecuniæ, unde Alumni viverent, laxandæque rei cibariæ difficultati, studium omne convertit. Ac perdidit

39.

Ignatii successor Jacobus Lainius vias omnes exquirat Collegii conservandi-

quidem ab amicis, aliisque opulentis ac piis Civibus quanto opus fuit abstulit. At postmodum, futuri providus, incertis hisce vagisque largitionibus haud satis fidens, quando ab auctero Pontifice, belli curis implicito, exorari nihil poterat, vertit se ad Cardinales, rogavitque eos per libellum supplicem, ut in ea re, quæ ipsorum maxime beneficentia cœpta esset, beneficium ipsi suum tueri provehereque pergerent, & quam nascenti Germanorum Collegio benignitatem præstitissent, adulto ne denegarent. Valuit apud Patres oratio, haud ægre sibi persuaderi passos rem, quæ & per se æquissima, & decora ordini eorum esset. Referente itaque ad Senatum Joanne Bellajo, Cardinalium antiquissimo, factum est omnium consensu decretum in hæc verba:

„ Dic Veneris 9. Aprilis 1552. Romæ apud S. Petrum in  
 „ Palatio Apostolico prope Aulam Constantini, in Came-  
 „ ra Audientiæ appellata, præsentibus RR. DD. Episcopis,  
 „ Presbyteris, & Diaconis S. R. E. Cardinalibus, ad Con-  
 „ sistorium secretum vocatis, & iis omnibus qui tunc erant  
 „ in Urbe, paucis exceptis, totum Sacrum Collegium  
 „ ipsorum Cardinalium repræsentantibus, referente Reve-  
 „ rendissimo Domino Joanne Episcopo Ostiensi, Cardi-  
 „ nali Bellajo Decano, fuit decretum & ordinatum per ip-  
 „ sos Reverendissimos Dominos Cardinales unanimiter con-  
 „ gregatos, ut postea futuris temporibus de thesauro &  
 „ malsa pecuniarum quarumlibet ad eosdem & Sacrum Col-  
 „ legium præfatum spectantium, & pertinentium, debe-  
 „ rentur Scholaribus & Collegio Germanorum in Urbe  
 „ existentium, sive ejus Agenti, pro eleemosyna tot scu-  
 „ ta auri quolibet mense, quot essent in Urbe Cardina-  
 „ les de dictis pecuniis participantes, ac solverentur, &  
 „ solvi deberent dictis Scholaribus Germanicæ nationis, sive,  
 „ ut præfertur, eorum Agenti, in singulis divisionibus ea-  
 „ rundem pecuniarum inter præfatos Reverendissimos Car-  
 „ dina-

„dinales faciendis, ita quod in effectu quilibet ex ipsis  
 „Cardinalibus de dictis pecuniis participans singulis annis  
 „pensionem duodecim scutorum auri dictis Scholaribus &  
 „Collegio perfolveret, modo & forma prædictis, & ita  
 „scitum fuit. Ita est, Joannes Bellajus Episcopus Ostien. „  
 Hoc decreto cum redirent ad Collegium aurei quotannis  
 scutati nummi circiter quadringenti (nam Cardinales ferme  
 quinque & triginta semper in Urbe sunt) magnopere leva-  
 ta ejus egestas est. Atque hoc maxime proventu tota res ad  
 Gregorium usque XIII. stetit. Nam quod acceperat a Bel-  
 lajo Cardinali haud levis momenti subsidium, non fuit diu-  
 turnum. Id tamen quale fuerit cognoscere pretium est.  
 Prædium erat ingens ac frugiferum in patenti prope Terra-  
 cinam solo, quod nunc aqua superfusa ac stagnante totum  
 natat, fueratque olim in bonis Familiæ Medicæ, quippe  
 a Leone X. Pontifice una cum Paludibus Pontinis attributum  
 Juliano Mediceo, ac Laurentio Florentinorum Duci, fra-  
 tribus suis. Ab his ad Catharinam Franciæ Reginam, a Ca-  
 tharina ad Bellajum quem dixi Cardinalem pervenerat. Is  
 ergo, licet natione Gallus, Germanicæ Collegii hujus Juven-  
 tuti incredibiliter cupiens, ejus in usum septuaginta frumen-  
 ti modios (Rubla appellat vulgus) quotannis ex eo latifun-  
 dio percipiendos, confectis rite tabulis, in perpetuum addi-  
 xit. Sed brevis ejus fundi fuit usura. Mortuo Cardinali,  
 donationem in controversiam vocarunt sorores ejus duæ Lu-  
 dovica & Claudia, abnueruntque frumentum ex fratris præ-  
 scripto solvere. Itum est in jus. Disceptata autem in Colle-  
 gio duodeceimvirali (Rotam nominant) causa, Collegio  
 Germanico adjudicata lis est, eique agri ipsi, ex quibus fru-  
 mentum debebatur, mancipio traditi. At Terracinenses,  
 cœli gravitatem, & vapores noxios excusantes, per eos  
 prorsus agros aquam in mare corrivandam sumpsere, un-  
 de oppleti humore inundatique sunt, & inutiles ad cul-

D

turam

41.

Singularis erga  
 Collegium libe-  
 ralitas Cardina-  
 lis Bellai.

42.

Ejus beneficia  
 frui non li-  
 cet Collegio.

turam facti. Ac demum Pontifex Sixtus V., suscepta Paludum Pontinarum exsiccatione, Collegium omni agrorum usu privavit. Ita Bellajanæ donationis fructu Germani caruerunt, sed non idcirco Donatoris beneficentia tegenda silentio fuit, ejus præsertim Viri, qui non eruditione minus quam pietate inter primos ævi sui claruit, & gravissimis gerendis rebus, tum a Rege Galliarum, tum a Pontifice adhibitus, singularem in omnibus fidem, integritatem atque solertiam præstitit. Hoc interea medio tempore Toletus Hispanorum Ductor, qui ipsam premere ac tentare Urbem constituerat, jamque ad ipsa usque Urbis mœnia, ut supra docuimus, erat progressus, comperto non esse sibi cum imparatis, uti crediderat, rem, sed Populum Romanum discurrere huc illuc per muros armatum, acerrimamque defensionem parare, mutato consilio, abduxerat inde exercitum, coactus incœpto abscilire re infecta. Nec ita multo post inter Pontificem Philippumque Regem pax coaluit. Amoto igitur belli metu, pacata Urbe, annona explicata, Alumni, quos per varia Societatis domicilia dispersos dicebamus, suam in sedem vocati redierunt, ac denuo se suis sodalibus, qui Romæ subsisterant, conjunxerunt. Inde etiam firmata quadantenus novo proventu re domestica, si non lautius, securius certe, aut minus anxie vivi cœptum. At enim proventu major Alumnorum numerus erat, & multo etiam majorem Lanius cupiebat. Qui proinde se varias in partes versans, demum, quod mirere, ut suppleret tenuitatem census, augere capitum numero familiam statuit, adscitis in Collegium, præter Germanos, aliis ex omni gente ingenuis Adolescentibus, qui certum pecuniarum numerum pro convictu penderent. Ita fore, ut cum pensionem justam pro se quisque multi conferrent, ex hac communi summa participarent ii quoque, qui conferrent nihil, ut perspici in omni conviventium multitudine posset. Placuit domi forisque consilium, idque

43.

Dispulso metu  
belli, Romam  
Alumni revo-  
cantur.

44.

Alumnis Ger-  
manis nobiles  
ex omni gente  
Convictoris ad-  
ducuntur.



idque modo sancitum, ut Germani deinceps Alumnorum, cæteri Convictorum appellatione distinguerentur. Atque hinc Convictores, quod ego sciam, in orbe primi, natio hodie late fusa in tantum, ut hisce nobilium adolescentum contuberniis plena omnis prope Europa sit. Statio atque manavit in vulgus fama, patere omnibus omnium gentium, dummodo nobili natis loco, adolescentibus id Collegium, incredibiles ex omni Italia Germaniaque adolescentum concursus sunt facti, recipi postulantium, nomenque profitentium. Mutanda itaque sedes, alia quaerenda domus fuit, quæ tantam multitudinem caperet. Jam ante, vivo adhuc Ignatio, translati Juvenes Germani fuerant in ædes paulo ab Collegio Romano remotiores Cæsarinorum, ubi nunc Theatrum, ut vocant, Argentinenſe, relicta de qua supra diximus domo ad Arcum Camillianum. Sed neque ibi constiterant diu, migraverantque in domum Collegio Romano viciniorem, inter S. Stephani de Cacabo, & S. Joannis de Pinu sitam. Hic modo confidebant. Sed cum ex Convictorum accessione laxiore ædificio eſſet opus, hinc etiam migrare sunt coacti, atque in amplam insulam, ubi nunc Ludovisianum S. Ignatii Templum visitur, concessere. De aliis eorum transitionibus, quæ secutis temporibus factæ sunt, alibi sermo redibit. Eodem ergo sub tecto, iisdem sub Moderatoribus Alumni pariter Convictoresque contineri cœperunt, & easdem frequentabant scholas. Sed non iisdem hi atque illi legibus adstringebantur. Nec enim facile, aut omnino fas visum ad Ecclesiasticam Alumnorum disciplinam Convictores, nullodum vinculo Ecclesiæ mancipatos, ac forte omne aliud vitæ institutum cogitantes, adigere. Sic tamen attemperata utrisque erant omnia, ut severitate dispari, pari omnes diligentia ad pietatis bonarumque artium studia incitarentur. Nec quaecunque discrimen ægre ferebant Alumni, qui & multo pauciores numero

45.

Transferretur  
Collegium in  
domum amplio-  
rem.

46.

Diversa disci-  
plina Alumni  
ac Convictores  
gubernantur.

47.

Convictorum  
numerus ad du-  
centos excre-  
scit. Invidi ob-  
loquuntur.

essent, & gratuito uterentur victu cultuque, & demum se ad Sacerdotalis ordinis sanctitatem institui intelligerent. Nam ad numerum quod attinet, Alumni haud plures viginti censebantur, Convictores vero brevi ad ducentos & si quid amplius excessere. Et claro omnes erant genere, plerique Cardinalibus, aliisque principibus viris arcta necessitudine conjuncti. Ea res invidiosa multis erat, & eorum adversus Jesuitas odia concitabat. Hinc vetera illa de nimia disciplinæ severitate, de victus parcitate, de Moderatorum supercilio refricari. Quidam studiorum rationem, alii Juventutis inæqualem institutionem, alii alia carpere. Et fuere, ut fere semper, qui probrosa multa comminisci, & in vulgus spargere contra Collegii famam non dubitarent. Sed frustra erant jactæ ex malevolentia voces, neque his Collegii progressus retardabantur. Tum vero minus timeri cœptum,

48.

Creatur Ponti-  
fex Pius IV.  
Collegii spes  
sub novo Ponti-  
fice.

cum Paulo IV. Pontifici, austerioris ingenii, ut dictum est, viro, nec admodum in Collegium propenso, qui anno MDLX mortem oppetiit, Pius item IV. e Mediceorum Mediolanensium gente est subrogatus. Hujus creatione Pontificis magnopere recreatum Collegium est. Nam præter animum ejus splendidum ac liberalem, Collegiique ipsius, quod multis sæpe rebus perspectum antea fuerat, cupidum, erat illi cum Altempsius, nobili inter Germanos familia, arcta affinitatis necessitudo, & Truchsesium Cardinalem, qui in omnem commodandi Collegii occasionem imminebat, in magna habebat gratia, nihilque non facturus ejus deprecatione videbatur. Spem augebat Carolus Borromæus, spectatæ innocentiae virtutisque Juvenis, Pontificis sororis filius, qui jam tum ad omnem Christianæ perfectionis gradum contento studio nitebatur, & Societati Jesu favebat impense, omnemque institutorum ejus rationem magni faciebat, nec erat dubitandum quin Collegium ab Ignatio conditum, Societati concreditum, ad incrementum Catholicæ Religionis unice  
natum

natum factumque, quanta posset maxima ope esset prove-  
cturus. Nec irritæ fuerunt spes. Pontifex certior factus  
Germanos paucos in Collegio ex census tenuitate vivere,  
quinguenos iis alendis aureos in mensem adjecit, quæ  
suppetiæ cum annuo, de quo diximus, Cardinalium pen-  
so, tricenis deinceps sustentandis pares fuere. Atque hoc  
primum beneficiorum ejus fuit. Illud vero expetibilis fortas-  
se, quod cum rumore ipso atque auditione accepisset quæ  
contra Collegii famam circumferebantur, & quædam nomi-  
natim delata ad eum essent, non ea credidit temere, nec  
ob incertas hominum otiosorum aut improborum voces mu-  
tavit mentem, aut animo est alienatus, sed, ut erat prudentia  
insigni, submisit clanculum qui per speciem amicitia in  
omnem Collegii administrationem curiosius penitusque in-  
quirerent, & ad se referrent. Comperto autem quæ fe-  
rebantur vana esse omnia ac commentitia, ut Collegii si-  
mul ac Societatis famam farciret, omnemque in posterum  
obrectationi apud se aditum intercluderet, Collegium ipsum  
honestare Pontificiæ majestatis præsentia statuit. Captato igi-  
tur solemniori festo die, intulit ultro se cum amplo comitatu  
in Collegium, acceptusque in ipso vestibulo ab omni Juen-  
tute in genua provoluta, & carmine salutatus, domus inte-  
riora subiit. Aulas, conclavia, cœnationem ipsam, stratum  
jam instructamque, perlustravit, ac multa de numero Alum-  
norum Convictorumque, multa de disciplina eorum &  
studiis scitatus, probatis demum laudatque prolixè om-  
nibus, ad S. Marcum, Pontificum eo tempore habita-  
tionem, remeavit. Et notatum est, cum rediret inve-  
ctus curru domum, nullum laudandi Collegii finem fe-  
cisse, & vespere ejus diei non alium intulisse sermo-  
nem, quam qui spectaret ad laudem multo maximam  
Societatis, & eorum qui obloquerentur infamiam. Fuit  
sane id ad Collegii Societatisque commendationem illu-  
stre

49.

Pensionem Col-  
legio assignat  
Pontifex.

50.

Falsâ compe-  
rit quæ jacta-  
bantur contra  
Collegium.

51.

Collegium in-  
visit, ac prolixè  
laudat.

52.

Seminarium  
Clericorum de-  
cernit, Societa-  
tique commit-  
tendum statuit.

ltre . Multo illustrius quod sequitur . Deliberatum ha-  
bebat Pius Seminarium Clericorum ad præscriptum Con-  
cilii Tridentini in Urbe instituere , nempe ut Pontificis  
maximi exemplo reliqui terrarum Orbis Episcopi ad idem  
faciendum incitarentur . Namque hoc Concilii decretum  
unum omnium saluberrimum , & Christianæ Reipublicæ  
pernecessarium rebatur , uti quo maxime dignitati Sacerdo-  
tali , & Sacrorum cultui consultum esset . Rem itaque ad Se-  
natum retulit . Sed qua oratione erigendum Seminarium , ea-  
dem videri sibi dixit , non alteri quam Societatis Jesu homini-  
bus committendum , qui Collegio Germanico jam tot annis  
præsent , in eoque administrando tantam sibi laudem pepe-  
rissent . Quod rogati sententiam Cardinales quot aderant  
unus & viginti , refragante nemine , comprobarunt . Atque  
eodem die Cardinali Sabello , suo in Urbe Vicario , nego-  
tium dedit ea providendi , quæ ad erectionem novi Seminarii  
spectarent . Moræ nihil fuit . Conducta est sexcentis aureis  
ampla domus familiæ Capranicæ , in regione S. Eustachii ,  
prope palatium a Valle denominatum , ubi nunc templum est  
familiæ Theatinæ D. Andreæ dicatum . Eadem in usum Se-  
minarii aptata , & domestico instrumento munita est . Tum  
proventu certo , rebusque aliis ad operis firmitatem com-  
paratis , eam in domum adolescentes honesti generis ali-  
quot , qui in castris Ecclesiæ militare interposita juramenti  
fide conlitiuissent , sunt introducti , anno MDLXIII. Vestitus  
forma ex Alumnis Germanis accepta , variato tantum co-  
lore , quem esse hyacinthinum placuit . Ex iisdem assum-  
pta omnis vitæ ratio , ac disciplinæ . Rector quin etiam  
impositus Jo: Baptista Peruscius , qui Collegio Germanico  
nuper cum laude præfuerat . Sic demum ex Germanico  
natum quodammodo est Seminarium Romanum , digna pa-  
rente soboles , in quo tamen perdiu soli familiam efficere  
Clerici . Ut iis postea additi sint itidem e Collegio Ger-  
mani-

53.

Erigitur Semi-  
narium Roma-  
num ad simili-  
tudinem Colle-  
gii Germanici .

manico educti Convictores, in loco referemus. Sub idem interea tempus Collegium, de quo scribimus, denuo mutare sedem coactum est. Mutandi causa fuit Victoriz Tolfiz, foemina nobilissima, liberalitas, quæ ut Pio Pontifici gratificaretur, auctoritate hortatuque ejus Societati concessit amplas quas habebat ædes in eo soli spatio, quod nunc Ignatii Templum, & Collegii Romani pars lato ambitu includit. Huc nempe migrante ex ædibus Salviatis Collegii Romani familia, Alumnis Convictoribusque, qui ibidem, ut supra tradidimus, habitabant, cedendum loco ac convasandum fuit. Ac nunc quidem in domum satis amplam transferunt, ad latus Divi Marcelli sitam. Sed neque id stabile domicilium fuit. Septem post annos hinc quoque discessum est, & nova quaesita sedes in palatio ampliore Marci Antonii Columnæ, e regione XII. Apostolorum, ubi usque ad Gregorii XIII. tempora Collegium constitit. Per hæc mortuo Lainio, summam rerum Jesuitæ detulerant Francisco Borgia, eodemque exeunte anno, qui fuit sæculi LXV., cum decessisset Pontifex Pius Quartus, ei sub initium anni sequentis est substitutus alter Pius eo nomine Quintus; ita res gubernante Numine, ut eodem fere tempore supremum in suo quisque gradu honorem obtinerent duo summi viri, quos deinde miraculis affirmata Sanctitas Cœlestium numero adscripsit. Electio Pii grata in vulgus, gratissima Collegio Germanico accidit, cum alias ob causas, tum ob eam maxime, quod inter Convictores censebantur e familia Ghisleria adolescentes duo, qui novum Pontificem arcta sanguinis conjunctione attingebant, prætereaque duo Bonelli, ejus sororis filii. Ad hos certatim salutandi gratulandique causa, stimulante nascentis fortunæ spe, ex omni statim Urbe concursus est, nec prefationibus, ut sunt artes adhibe, parcitum. Collegium etiam, dum

§ 4.

Transfertur  
Collegium in  
aliam sedem.

§ 5.

Lainio succedit  
S. Franciscus  
Borgia, & Pio  
IV. S. Pius V.

§ 6.

Collegii lætitia  
ob electionem  
novi Pontificis.

§ 7.

Pius Convictores consanguineos suos manere in Collegio jubet.

§ 8.

Nonnulla beneficia defert Collegio.

§ 9.

Pontificis propositio erga Collegium unde orta.

dum tota Urbs festivis ignibus collucebat, signa publica lætitiæ luminibus ignibusque festivis edidit. Addidit post paulo poeticum plausum vario carmine, quod splendido apparatu, in magna nobilium ac litteratorum frequentia peractum, in laudem multo maximam sic institutæ Juventutis cessit. Procul aberat tamen a Pio intemperans illa cura suos ad principatum attollendi. Itaque manere abditos in Collegio Bonellos Ghisleriosque, nec sibi supra cæteros quidquam arrogare jussit. At qua esset erga Collegium voluntate, non uno, nec sero, nec ambiguo declaravit indicio. Mos erat, cum Pontifici recens inaugurato sacra solemni ritu Thiara primum imponebatur, eo die, ad captandam populi gratiam, argenti magnam vim proicere ad affusam multitudinem, fausta omnia novo Principi comprecantem. Pius, ambitioso more abrogato, magis pecuniam eam secreto dividi, tribuique per varias Religiosorum domos, atque alia pia inopum hospitia jussit. Et portio non mediocris Collegio Germanico jussu ejus est tradita. Neque dum primus exierat ab inito Pontificatu annus, cum pauciores Alumnos ratus pro magnitudine agri, cui excolendo parabantur, plures ut alerentur, Nosocomiis Bohemicæ Slavonicæque nationis, quibus in suos usus superfluebant opes, pensionem annuam imposuit tercentum & triginta Coronatorum nummum, Collegio Germanico persolvendam. Amabat scilicet, maximoque opere sibi fovendam hanc Juventutem statuebat Sanctissimus Pontifex, tum commendatione Borgiæ, cui ob vitæ ac morum similitudinem addictissimus erat, tum quod sanctissima disciplina educatam sentiebat, maxime Alumnos, in quibus, non qualemcunque pietatis speciem, sed virtutem masculam, ac spiritum vere sacerdotalem spectabat. Cujus rei illo ipso anno MDLXVI. specimen est editum insigne, publicum, nec tacendum. Affinis pesti lues correperat

puerat regionem Urbis eam , quæ a Campo Martio ad portam usque Flaminiam longo tractu porrigitur ; cujus invalescente morbi vi , tam multi mortalium prosternebantur , ut ægre invenirentur qui quantovis oblato pretio inducerent animam ægrotis pauperioribus necessarium vitæ com meatum ministrare , multi etiam , ob Sacerdotum qui præsto essent paucitatem , æternæ vitæ præsidii destituti perirent . Eorum itaque curam sibi ultro desumpserunt homines Societatis , qui proinde divisis inter se officiis , aut paratos domi cibos & pharmaca , onustum præ se agentes jumentum , per domos inopum circumferebant , aut languentium lectulis diu noctuque assidentes , dabant operam ne quis nisi rite expiatus , atque ultimis Christianorum sacris procuratus decederet . Movit ea charitas Alumnorum animos , incenditque sic , ut venire in ejusdem partem operæ ac laboris exposcerent . Ut multum instarent tamen , Moderatoribus naturam morbi reputantibus , qui facile trahi pestilenti halitu , aut ægrotorum attacku posset , visum non est talem Juventutem in ejusmodi discriminis aleam dare , nec ullis adduci precibus potuerunt ut ejus rei gratiam rogantibus facerent . Dejecti spe , ac pulchro frustrati voto , non quieverunt tamen ; At illud saltem sibi concedi petierunt , ut curandis mortuorum funeribus impenderent operam . Nihil huic rei subesse periculi , & velle se jam tum ad munus Sacerdotale aliquando obeundum hoc experimento proludere . Concessum est quod rogabant , dandum hunc pio fervori locum existimante Rectore . Jam quanta alacritate permissam sibi provinciam susceperint gesserintque Juvenes generosi , majus est quam ut ullis consequi verbis queam . Prodibant luce palam in publicum , alii sandapylam succollabant , alii ordines ducebant , alii consuetas Ecclesiæ preces , ac suprema funerum peragebant . Quæ cum tota inspectante Urbe fie-

E

rent ,

60.

Alumnorum  
pius ardor pe-  
stilenti lue in-  
viente .

61.

Ducendorum  
funerum procu-  
rationem susci-  
piunt , gerunt-  
que insigni pie-  
tate .

62.  
Ut Christianis  
virtutibus infor-  
marentur Alum-  
ni.

rent, obſtipeſcebant Romani ( eos dico , quos male non affecerant pravi de Societate ſenſus ) , atque ex hoc ſpecimine de cætera Alumnorum inſtitutione conjecturam facientes , ipſorum pariter ac Moderatorum in laudes effundebantur . Cenſebantur hoc tempore in Collegio Juvenes omnino ducenti octoginta tres , pars maxima Conviſtores . Verumtamen Alumnorum , ut multo inferior numerus , ita cultior virtute animus , & ſpectabilior ad exemplum vita erat . Nam cum ad Eccleſiæ miniſteria ſucceſſerent , curabant ſedulo Moderatores ut iis ſe virtutibus præmunirent , quæ Sacerdotali congruerent nomini , magno in primis rerum humanarum contemptu , ac ſui met , tum charitate , patientia , aliisque id genus inſtituti ſui præſidiis & ornamentis . Sacellum domi erat , in quod ſtatim ſubinde horis convenientes , aut piæ meditationi vacabant , aut differentem de divinis rebus Sacerdotem audiebant . Hic ſacra participabant feſtis diebus , hic divina carmina alternis concinebant , aliaque Religionis officia obibant . Conſcientiæ arbitro utebantur viro in primis gravi doctoſque , ad ejuſque nutum ita ſe componebant , ut nihil quod ad animi cultum pertineret aggredi injuſſu ejus auderent . Nec vero ſolum innocenter vivere , ſed perfectiora ſequi , in primisque naturæ cupiditates comprimere , ductu ejus hortatuque ſtudebant . Multi ad cætera vitæ communis incommoda voluntarios cruciatus identidem adhibebant , & interdum deprimendi ſui cauſa publice accuſabant ſe , & ad pedes ſodalium ſe abjiciebant . Ita cum conſueſcerent domi , foris , quoties diviſis per Urbem agminibus incederent , modèſtia , gravitate , inceſſu ipſo , ac tota oris corporiſque compoſitione omnium in ſe oculos convertebant . Studiis ſic deinde appellebant animum , ut eos decebat quibus aliquando pro ſacrorum fide cum hæreticorum doctiſſimis congregiendum , & adverſus eorum cavillatio-

63.  
Quam ſedu-  
lo incumbere  
ſtudiis . Exem-  
plum in hoc ge-  
nere inſigne .



lationes propugnanda veritas esset. Constat ex monumētis, Alumnos hosce in publico Athenæo longe cæteris condiscipulis anteire solitos. Atque illud nominatim memoriæ proditum est, cum Cardinalis Farnesii munificentia diversi generis præmia in Collegio Romano essent proposita, inter Scholasticorum præstantiores dividenda, & unicuique optio esset eligendi quod mallet, Germanos, quorum sane multis hoc virtutis honestamentum obtigit, libros quosdam eruditos præoptasse, hosque rebus aliis specie pulchrioribus, ac majoris pretii antetulisse: Quod factum circumfusa multitudo prolixè laudavit, velut excelsi cujusdam animi, doctrinæ omnia posthabentis, indicium. Mitto dicere quam crebras haberent, privatim ac publice, de Philosophicis Theologicisque rebus concertationes, quam multi doctoratus insignibus scientiæ merito ornarentur, atque hujus generis alia, quæ si velim diligentius persequi, longe supra hujus operis modum narratio excrescere, non sine legentium satietate, debeat. Ita interim se habentibus Alumnorum rebus, turbatum nonnihil est inter Convictores, & quædam evenere, quorum causa de divisione facienda, traducendisque aliam in domum Convictoribus, consilia agitari sunt cœpta. Solemne his erat sacri argumenti tragœdiam populo confluenti dare iis diebus, qui dies per varios lusus, multiplicemque lasciviam traduci ab hominibus male feriatis, more ab antiquis Bacchanalibus accepto, solent. Honestissimum porro id solatii genus, immo plane per eos dies necessarium habebatur, ne inclusa domi Juventus fervida, ad insana plebis triscurria, aliaque extra domum liberiora respiceret, domestico oblectamento contenta. Laudem etiam plausumque propter actionis elegantiam plerumque actores ferebant, indeque æmulatione laudis incendebantur adolescentes, & quod magis est, ad bene apteque dicendum exercebantur, quæ res nonnul-

64.

Convictores  
actiones comi-  
cas edunt. Quæ  
sensu inde orta.

lum habere usum, nec vero contemnendum videbatur. Accidit ut spectatum advenientibus, seseque confertim intrudentibus e plebe multis, aliqui Procerum inurbanus comprimerentur, alii etiam propter angustiam loci excluderentur. Quod necessitate, non voluntate factum, tamen offensionem fuit, conquestionesque multas & graves contra Collegium & Moderatores ejus concivit. Quare Borgia, ut mali hujus causas in posterum amputaret, scenica id genus spectacula, quæ præter externorum iras, sumptum quoque aliquem, & nonnullam disciplinæ dissolutionem afferrent, fieri deinceps vetuit. Impotentissime id interdictum accepere Juvenes. Et quamquam parendi necessitate deprecari non potuerunt, non dissimularunt tamen indignationem atque ægritudinem suam. Hinc audiri passim querulæ voces, demptum sibi scilicet campum laudis amplissimum, & quo maxime delectarentur studiorum levamen dolentium. Et indignum enimvero clamitare, quo tempore omnis ætas ac sexus genio liberius indulgeret, unos se immitibus clathris conclusos haberi fervorum more, nihil sibi ad relaxandum animum indulgeri. Nam quæcunque proponerentur alia, seu domi, seu rure, solatia, superbo fastidio respuebant. Rector (erat is Jacobus Cortesonus, vir animo consilioque promptus) ægre Juventutem ira ac dolore percitam, atque ipso numero insolescentem, in officio continebat. Verum omnem a Convictoribus Italis oriri perturbationem sentiens, & deteriora prospiciens animo, cogitare secum, & cum gravissimis Patrum deliberare cœpit, an non verius esset tantam multitudinem, in qua factiosi ac turbulenti deesse nunquam possent, dividere duas in partes, suæque Alumnis relicta domo, Convictores in alteram amandare. Hos certe, qui de suo viverent, & Sacerdotii sanctitatem non ut Alumni profiterentur, nunquam passuros se iisdem atque illos legibus coerceri:

Diver-

65.

Borgia Comœdias vetat. Convictores graviter perturbantur.

66.

Deliberatur de separandis Convictoribus ab Alumnis.

Diversa autem disciplina regi sub communi tecto Juvenes ætate, ingenio, indole pares, difficile admodum esse, ac periculo non vacare. Quidni ergo separatam in domum transferantur Convictores, & propriis legibus sub proprio Rectore vivant? Ne multa. Consilium probante Borgia, nec dissentientibus Cardinalibus Collegii Patronis, eductum e Collegio Convictorum unum, quasi tentandi vadi causa, transmittit in Seminarium Romanum, nuper, ut vidimus, institutum, id certo futurum sperans ut præeuntem, viamque sternentem quodammodo, cæteri sequerentur. At lusit illum sua spes. Secuti sunt tantum septem, qui primi in eo Seminario Convictores, aliorumque, qui postea tanto numero secuti sunt, veluti antecessores fuere, anno MDLXVII. Reliqui a Germanico divelli nullo pacto potuere. Anni post hæc fluxerant tres, & Cortesono successerat Sebastianus Romæus, mansuetioris ingenii vir, cujus facilitate Juvenes audaciores effecti, atque iterum æstu comico agitati, reddi sibi theatrum, in quo se ostentarent, procaciter petiere. Rector, eblandiri Juventutem cupiens, re nec concessa, nec præcise, uti decuit, negata, quosdam e Patribus in consilium adhibet, qui rebus in utramque partem jactatis, in hanc demum iere sententiam: Adolescentes, per Bacchanalia scholasticis studiis exsolutos, aliquo certe alio studio distinquendos videri, quod adjunctum haberet liberale oblectamentum: Nullum actione comica liberalius honestiusque occurrere, & quo magis Juvenes delectarentur. Nihil itaque causæ esse quominus denuo in scenam producerentur Convictores, modo fabulam luderent eruditam, & super hæc, arcendæ causæ plebeculæ, latino sermone concinnatam. Nam ad præteritas offensiones quod attineret, eas ab expertis præverti facile posse. Ita ludo scenico honestatis fuco illito, Borgia connivente, Drama sacrum & latinum decre-

66.

Aliqui Convictores in Seminarium Romanum transcunt,

67.

Agitur de restituendis in Collegio actionibus scenicis.

68.

Id impetrant Convictores sub certis conditionibus.

decretum est, latis velut parta victoria Convictoribus, quod rem tantoperè concupitam, non tam precibus, quam minis ac pertinacia tenuissent. Nihilque jam illis longius videbatur, quam ut optatæ advenirent feriæ, quibus denuo in scenam prodirent. Et vero prodire quo primum licuit die, & suam singuli personam scitissime agentes, magna spectatorum approbatione plausuque sunt auditi. At die postero, repetendum cum esset Drama, eventu nec opinato corrupta omnis hilaritas est, nihilque factum propius quam ut in actum vere tragicum fabula verteretur. Nimirum hoc medio tempore Juvenes aliquot e gymnasio Collegii Romani, seu sua sponte, seu improbi cujuspiam instinctu, quamdam sibi adornaverant Italica lingua comœdiam, conveneratque ut eam in theatro Collegii Germanici, cum bona Convictorum, si liceret, gratia, vel etiam ingrariis eorum agerent, ac diem in id certam, totamque gerendæ rei rationem condixerant. Hi igitur in Collegium per speciem spectandi cum venissent, paratis summa dissimulatione omnibus queis opus erat rebus, qua causa venerint renuntiant, rogantque porro sibi ut liceat propositum exsequi; Et pægma, nec expectato responso, recitaturi conscendunt. Fremere ad ea Convictores, qui nihil tale essent suspicati. Nec mora. Advolant promptissimi quique facto globo, ac jurgiis primum, deinde vi pellere injustos alieni juris usurpatores conantur. Non ferunt illi vim, jurgia jurgiis repellunt. Clamore ac tumultu personant omnia. Incensis demum animis, ac rixæ in morem atrocius efferatis, stringuntur hinc inde gladii, eo adductis rebus ut ferro dirimenda lis esset. Et haud dubie cæde ac sanguine theatrum funestabatur, nisi propere accurrens Patrum qui aderant gravissimus, furentes auctoritate compressisset, neutris recitare jussis. Adeo Juventutis incauta mens est, & nisi frænum injicias, præcipiti

69.

Factum infolens, & graves turbæ per causam actionis commicæ.

capiti magis fertur impetu, quam consilio ac ratione ducitur. Periculum utcunque discussum gratulati sunt Patres, ac tum quidem omnia quievere. At Convictores, alte defixam retinentes injuriam, cum ira pudorque versaret animos, truci ac minaci vultu vindictam circumspiciebant. Et Alumni, quamquam ab ea cura sejuncti, tamen, ut in communi causa, partem irarum capiebant.angebatur Romæus Rector, cui pax & quies domestica longe rerum omnium antiquissima, nihilque non agebat quo ferocientes, paratosque ad omne facinus demulceret. Pacatis ad extremum rebus, tamen ipse perturbatus, inquit, metuensque deteriorum, rediit ad priora consilia de amovendis Convictoribus, quorum maxime causa has commoveri turbas cerneret. Rem perurgebat Borgia, caute tamen, uti solebat, ac tacite, ne acerbius irritarentur Juvenes, quibus fixum erat a Germanico nunquam discedere. Nec nihil moræ afferebant multi Præsulum Procerumque, quibus affinitate, aut quo alio jure Juvenes attingentibus, idem sedebat. Et ipse Pontifex, ea de re consultus, haud facilem se præbebat, & negotium ampliabat. Dum ergo nectuntur aliæ ex aliis moræ, resque in longum protrahitur, incidit mors Pii Pontificis, quæ Gregorio XIII., novo Collegii Fundatori ac Parenti optimo locum dedit anno MDLXXII., exactis a prima ejus institutione annis xx. Hoc porro toto tempore, quantum ex monumentis colligere potui, Alumni sunt numerati haud plures centum & sexaginta, quidam etiam Germanis admixti Angli, Hungari, Pruteni, Poloni, at bono publico addicti plerique, deque Catholica re insigniter meriti, quorum nos libro tertio mentionem faciemus. Hoc loco liceat mihi eos tantum commemorare, qui ex Collegio transgressi in Societatem Jesu, non Collegium minus quam Societatem pietate, litteris, ac rebus gestis illustravere. Primus in his

Pau-

70.

Rursum agitur de removendis Convictoribus, sed nullo effectu.

71.

Mors Pii V. Pontificis. Numerus Alumnorum a prima Collegii institutione usque ad hoc tempus.

72.

Alumni quidam præstantes in Societatem transgressi.

73.  
Paulus Hoffæus.

Paulus ille Hoffæus fuit, de quo & Petro Canisio sapientissimum Bojorum Duce[m] Albertum dicere solitum accepimus quod de Principibus Apostolorum usurpat Ecclesia, *Petrus Canisius & Paulus Hoffæus ipsi nos docuerunt legem tuam Domine*. Adeo quod in Bavariam e proximo non irrepisset impura superstitio Lutheri, huic hominum pari ferebatur acceptum. Hoffæus, Bingæ natus in Moguntina Diœcesi, cum insigni doctrina parem prudentiam solertiamque jungebat. Itaque Theologiam cum docuisset Bononiæ, & Jus divinum Viennæ, ab exedra ad præfecturas traductus, Collegia plura Germaniæ, totamque adeo Germaniæ Superioris Provinciam rexit. Romæ suffragiis Patrum, qui ad Comitata convenerant, Claudio Aquavivæ in administranda Germanica Societate adjutor (Assistentem dicimus) datus est. Quo perfunctus ad decem annos munere, rediit in Germaniam, atque Ingolstadii non annis minus quam meritis onustus occubuit. Hoffæo prope geminus fuit Henricus Blysssemius, patria Colonien[sis].

74.  
Henricus Blysssemius.

Eum certe e Collegio in Societatem secutus, pari tuendæ Catholicæ disciplinæ studio est æmulatus. Alumnorum primus Theologiæ Doctor creatus est. Ab ipso B. P. Ignatio cooptatus in Societatem, Collegii Pragensis fundamenta jecit, eique diu præfuit. Totius deinde Provinciæ Austriacæ magistratum cum eximia laude gessit. Ad extremum Græcii, ubi recens institutam Academiam moderabatur, magno domi forisque luctu decessit, clarus eruditis aliquot libris, quos contra novos hæreticorum errores conscripsit. Ex eodem numero fuit Stephanus Arator,

75.  
Stephanus Arator.

natione Hungarus, quem memorant variis disputationibus hæreseos magistris quadraginta vocem inclusisse, ac semel tercentum ex ipsis, Varasдини in sua, ut vocabant, Synodo congregatos ad disputandum provocasse, ac pudore oppletos reliquisse, nemine e tam multis invento, qui

qui unius provocationem acciperet. Addendi his Hermanus Thyraus, Novesii in Ubiis natus, & Joannes Gibbonus gente Anglus, duo hæreticorum acerrimi insectatores, quorum adversus hæresim præclara ingenii ac doctrinæ monumenta etiam nunc exstant. Thyraus præter singularem doctrinam, quam tradendis Ingolstadtii ac Treviris altioribus disciplinis explicuit, regendis Collegiis ob prudentiæ magnitudinem fuit adhibitus, ac totam Rheni provinciam administravit. Obiit Moguntiæ, ac funere apparatusimo clatus est, viri jacturam tota complorante civitate. Gibbonus pingui Sacerdotio donatus fuerat, quo vitam sat commode posset exigere. Verum ipse, abdicato Bonnenfi Canonicatu, Christi crucem amplecti in Societate maluit. Treviris Professor Theologiæ primum, deinde Præfectus studiorum, postremo Rector Collegii fuit, ibique diem clausit extremum. Tacendi non sunt Justus Rabus Polonus, & Fabianus Quadrantinus Prutenus, qui licet ab infantia pravis opinionibus innutriti, deinde hæreticorum primipilos inito sæpe certamine ad silentium adegere, eorumque scripta virulenta scriptis eruditissimis confutavere. Rabus multarum vir litterarum, cum res ferebat, non Polonice solum, sed Latine, Græce, Germanice, Italice, Gallice loquebatur, adeo expedite, ac si vernacula lingua uteretur. Parisiis, Brunsbergæ, Vilnæ, Posnaniæ, Lublini, Claudiopoli humanas divinasque litteras tradidit. Sacra expeditione in Valachiam suscepta, ibi magnam molestiarum molem toto triennio pertulit. Sigismundo Regi Poloniæ a sacris confessionibus fuit. Denum Cracoviæ, ubi ante annos septuaginta ex nobili & opulenta familia natus erat, vivere desiit. Quadrantinus, e Lutherano Catholicus factus, prius quam Societatem ingrederetur, palinodiam cecinit, revocavitque quos antea combiberat errores publico scripto, quod Colonia una cum epistola quadam Hosii

76.

Hermanus  
Thyræus, & Jo-  
annes Gibbonus.

77.

Justus Rabus,  
& Fabianus Qua-  
drantinus.

Cardinalis est editum. Posnanix Theologiam ac Fidei controversias docuit. Annæ Aulricæ Poloniæ Reginæ conscientiam diu rexit, apud eamque mire gratus fuit, simul divini verbi ministerio pietatem inter aulicos ferens. At in magno adhuc robore ætatis, annos natus tantum sex supra quinquaginta, Brunsbergæ excessit e vita. Alii præterea multi ex eodem fuere numero, doctrina ac sanctimonia præstantes viri, sed longum esset recensere singulos. Tunc enim in Societatem multi se recipiebant, nondum Alumnis aditu in ordines religiosos, quod postea factum est, intercluso. Et nos eos maxime commendatos volumus, qui cum apud se viverent nullis adstricti Religiosorum legibus, nihil minus pietate, doctrina, ac religionis studio eminuerunt. Hi ergo cum redibant in Germaniam Juvenes, non est dictu facile quantum continuo sermonem popularibus suis darent, quanta deinde rerum ac consiliorum commutatio in urbibus eorum oppidisque fieret. Fuit ubi familiaræ integræ, quæ paulo ante ad Lutherum fœde defecerant, post Alumnorum adventum, ejurato Luthero, ad Sacra Catholica rediere. Primo enim, etsi verbum hi facerent nullum, aspectu ipso, ac vitæ incorruptæ exemplo, a fastu luxuque atque omni intemperantia longissime abhorrentes, contaminatos gregalium mores tacite perstringebant, atque eo efficacius, quod tantam innocentiam, integritatem, pietatem, non externi aliqui, non senes decrepiti, non horridioris aspectus cucullati, sed cives, sed domestici, sed florenti ætate Juvenes præ se ferrent. Sive autem rem divinam facerent (& eodem omnes ritu, Romano scilicet, factitabant), seu familiares sermones miscerent cum amicis, sive in publicum prodirent tantum, ac se conspiciendos præberent, ex modestia gravitateque ipsa Romæ educatos quisque agnoscebat, ac de Romæ, de Pontificia majestate, de

78.

Quales redirent  
in Germaniam  
Alumni. Ubi  
quædam gene-  
ratim de eorum  
moribus.



de Catholica disciplina rectius sentire cogeatur. Qua semel facta animorum inclinatione, levi deinde momento pellebantur homines ut in fidem Romani Pontificis se referrent. Disrumpebantur ira ac pudore hæc intuentes partium hæreticarum duces, at nihil habentes quod contra dicerent, hiscere non audebant. Sed non exemplo tantum, quod silentium eloquens scite dixeris, sed voce etiam atque omni labore industriaque hæresim, ut in aperta belli denunciatione, Alumni impetebant, multisque mortalium errorem, qua privatis, qua publicis sermonibus, e plano juxta ac superiore loco dicentes, exinebant. Tanta enim cum florerent doctrinæ virtutisque fama, expetebantur certatim ab Episcopis, atque alii Concionibus habendis, alii Paræciis administrandis, alii Juventuti in scholis erudiendæ adhibebantur. Quidam etiam per Dioceses ad faciendam Divini verbi sementem, revellendæque malas novorum dogmatum stirpes, circummittebantur. Omnes opus Apostolicum, pro sua quisque parte, magno pietatis proventu faciebant. Verum ampliora hæc sunt, quam ut sic cursim leviterque attingenda videantur. Ea itaque omissa in præsens, proprium in librum congesta, ac paulo distinctius pertractata, infra subjiciemus.

79.

Indicantur labores eorum Apostolici.



## EXEMPLUM CHARTÆ PERGAMENÆ

*In qua Julius III. & Cardinales, qui Romæ aderant, scripto professi sunt quid quisque esset collaturus ad sustentationem Collegii Germanici, descriptum ex autographo. Nomina Cardinalium fuerant prius suo ordine exarata.*

AD TAM SANCTUM, PIUM,  
FEREMUS QUOLIBET ANNO



ET LAUDABILE OPUS CON-  
QUINGENTOS AUREOS.

**O** *Stien.* Vestigia Sanctissimi D. N. insequendo conferam quolibet anno aureos 100. Jo. D. Card. Oilien. *Portuen.* Ego Jac. Episcopus Portuen. conferam quolibet anno aureos centum.  
*Tusculan.*  
*Pranestin.*  
*Turnon.* Ego Card. Episcopus Sabinus conferam 80.  
*Parisien.* Ego Jo: Bellajus conferam anno quolibet aureos 150.  
*Ginry.*  
*Carpn.* Ego R. Card. de Carpo conferam quadraginta.  
*S. Jacobi.* Ego Jo. Card. Compostellan. conferam quolibet anno 100.  
*Lenoncourt.*  
*Mendon.*  
*S. Crucis.* Ego M. Card. S. Crucis conferam octoginta aureos.  
*Silvius.*

*Moronus.* Ego Card. Moronus conferam decem aureos singulo quoque mense.  
*Tridentin.* Ego Card. Tridentinus conferam decem aureos singulo quoque mense.  
*Armeniacus.* Ego Georgius Cardinalis conferam aureos quinque singulis mensibus.  
*Burgen.*  
*De Hanneband.*  
*Augustan.* Ego O. Card. Augustanus conferam centum & viginti.  
*Cueva.* Ego B. Card. de la Cueva offero quolibet anno centum & viginti.  
*Celsus.* Ego Fridericus Card. Celsus conferam quolibet anno scuta centum.  
*Durantes.*  
*Portugallen.*  
*Pacicus.* Ego P. Card. Giennen. conferam quolibet anno centum.  
*S. An-*

*S. Angeli*. Ego R. Card. S. Angeli conferam quolibet anno scuta 120.  
*Gnifa, alias Lorena*. Ego C. Card. de Lotharingia conferam quolibet mense scuta viginti.  
*Verallus*. Ego H. Card. Verallus conferam quadraginta.  
*Medices*. Ego Jo. A. Card. de Medicis dabo singulis annis scuta 50.  
*Maffæus*.  
*Vandomius*.  
*Crispus*. Ego Ti. Card. Crispus conferam 25 aureos.  
*Maffilien*.  
*Perusin*. Ego F. Card. Perusin. conferam centum aureos.  
*Saracenus*.  
*Montepolitan*. Ego Jo. Card. S. Vitalis conferam quadraginta.  
*Messanen*.  
*Puteus*.  
*Campegius*. Ego A. Card. Campegius conferam quadraginta.  
*Fanen*.  
*Mignanellus*.  
*Poggius*. Ego Jo. Poggius conferam 40.  
*S. Clementis*. Ego Jo. B. Card. S. Clementis conferam quadraginta.

*Imoleu*.  
*Pipbinus*.  
*Pifanus*.  
*Mantuan*.  
*Auria*.  
*Castillionus*.  
*Farnesius*. Ego A. Card. de Farnesio conferam quolibet anno aureos centum viginti.  
*Santa Flora*. Ego G. Af. Card. Camer. conferam aureos 120. quolibet anno.  
*Polus*. Ego Reg. Card. Polus conferam centum aureos.  
*Sermoneta*. Ego N. Card. de Sermoneta conferam quinquaginta aureos.  
*Ferrarien*. Ego Hip. Card. Ferrarien. conferam centum & quinquaginta aureos quolibet anno.  
*Sabellus*. Ego Ja. Card. Sabellus conferam quadraginta.  
*S. Georgii*.  
*Urbinate*. Ego Ju. Card. Urbin. conferam aureos centum viginti quolibet anno.  
*Monte*. Ego In. Card. a Monte conferam aureos ducentos.  
*Cornelius*. Ego Aloy. Card. Cornelius conferam aureos quadraginta.

## BULLA JULII III.

## DE ERECTIONE COLLEGII GERMANICI.

JULIUS EPISCOPUS

SERVUS SERVORUM DEI.

*Ad perpetuam rei memoriam.*

**D**UM sollicita considerationis indagine perferatamur, quam sit pretiosum sapientiæ & scientiæ donum cum probitate vitæ conjunctum, & quod per illud (illo largiente, a quo procedit omne datum optimum, omneque donum perfectum derivatur) ignorantæ & vitiorum tenebræ profligantur, errores tolluntur, & mortalium actus in lumine veritatis disponuntur; solli-

citi reddimur & solertes, ut literarum simul & Christianæ pietatis studia, ex quibus divina cooperante gratia acquiruntur scientiæ cum caritate conjunctæ margarita, ubilibet, in illis præsertim locis, quæ ad ferenda, irriganda, & multiplicanda studia hujusmodi idonea & accommodata esse dignoscuntur, salubria incrementa suscipiant.

§. 1. Hinc est, quod Nos attendentes quanta sit fidelium & strenuorum operatorum penuria, præcipue in illis regionibus, ubi cultus veræ religionis per

per varias hæreses maxime imminutus, & Catholicæ ac sanæ doctrinæ, necnon vitæ lumen multis errorum tenebris obscuratum est, quantumque Christianæ Reipublicæ & Fidei Orthodoxæ conducat, ut militans Dei Ecclesia ubique, & præsertim in Germania, viris exemplari vitæ & literarum scientia præditis, quorum opera veritatis lumen protendi, & illud obumbrare nitentes dissipari valeant, in dies abundet; Motu proprio, non ad alicujus Nobis super hoc oblatæ petitionis instantiam, sed de mera deliberatione & certa scientia nostris, ad Omnipotentis Dei laudem & gloriam, ac ipsius militantis Ecclesiæ exaltationem, & Germaniæ spirituale auxilium, in alma Urbe nostra, & loco ad id convenienti & apto per infraascriptos Protectores assignando, unum Collegium Scholarum GERMANICUM nuncupandum, cum dote, Ecclesia vel Cappella, in qua Missæ & alia divina Officia, juxta providam ordinationem eorum, qui Collegii gubernationem suscipiant, celebrentur, necnon structuris, ædificiis, cameris, & locis, ac dote simili Collegio convenientibus & necessariis, in quo aliquot Nationis Germanicæ Juvenes doctiles & bonæ indolis, & si fieri possit, jam aliqua bonarum artium & sinceræ doctrinæ principia habentes, Deum timentes, & religionem zelantes, ex Regionibus, Provinciis, & locis Germaniæ educendi, instituantur & alantur, ac bonis & sanctis moribus imbuantur, necnon litterarum & pietatis studio continuo vacent, sub magistris sive præceptoribus eis per dilectos filios Societatem de Jesu nuncupatam constituendis, qui litteras humaniores trium linguarum Latinæ Græcæ & Hebræicæ, ac Logicam, Physicam, & alias liberales disciplinas, & demum Sacram Theologiam publice legant & doceant, & alias ipsorum Scholarium curam, regimen, & administrationem, in his, quæ ad morum integritatem, &

verbi Dei prædicationem ac explicationem, & ad officium Christiani Pastoris, necnon bene beateque vivendum pertinent & spectant, suscipiant, & nullis parcendo laboribus, quantum in eis fuerit, ædificent, & divina præcepta eorum animis infingere conentur, & tales se erga eosdem Scholares exhibeant, ut ipsi tandem divinæ legis capaces, necnon ætate doctriina, & probitate maturi, postquam de Beneficiis Ecclesiasticis competenter provisi fuerint, tamquam intrepidi Fidei athletæ, in suas regiones, ad alios exemplo vitæ suæ ad Christum trahendos, & qui id talentum acceperint, ad verbum Dei prædicandum & docendum, curam animarum sibi commissam ad Dei laudem & gloriam ac spiritualem fidelium profectum exercendum & administrandum, necnon hæresum latens venenum deprehendendum, & errores apertos convincendum & refellendum, ac denique Fidem ipsam totis viribus defendendum, ac verbo & exemplo ampliandum, & ubi extirpata fuit, denuo plantandum, cum animarum salute, remitti & desinari possint, auctoritate Apostolica tenore præsentium erigimus & instituímus.

§. 2. Necnon dilectos filios nostros Rødolphum Sanctæ Mariæ trans Tiberim de Carpo, & Joannem Sancti Pancratii Compollellanum, ac Marcellum Sanctæ Crucis Cervinum, & Joannem Sancti Stephani in Cælio Monte Moronum, necnon Orthonem Sanctæ Sabinæ de Augusta, & Jacobum Sancti Simeonis Titulorum de Puteo nuncupatos S.R.E. Presbyteros Cardinales, ipsorum Collegii & Scholarium Protectores & defensores, ad quos vel aliquem Societatis hujusmodi possit pro consilio & auxilio in his, quæ ad commissam sibi curam pertinent, recurrere; quique adducendorum hujusmodi Scholarium, & post studia remittendorum, & quamdiu in Collegio manebunt, sustentando-

dorum, curam habeant, auctoritate & tenore prædictis constituimus & deputamus.

§.3. Necnon Collegium præfatum, ac illius Scholares & Magistros seu Præceptores Rectores & Gubernatores pro tempore exsistentes, eorumque bona mobilia & immobilia, cuiuscumque qualitatis & quantitatis existantia, & in dicta Urbe & alias ubilibet consistentia, ab omni iurisdictione, correctione, visitatione, dominio, superioritate, & potestate pro tempore exsistentium Senatoris, Consulum, & Conservatorum ac Reformatorum dictæ Urbis, nec non Rectoris Studii generalis ejusdem Urbis, ac aliorum quorumcumque Judicum, Officialium, & personarum in dicta Urbe & alias ubilibet constitutorum, illaque, ac in propriis eorum rebus & bonis cum eis contrahentes, a solutione & exactione quorumcumque pedagii, gabelle, bolletini, decimarum, & cuiusvis alterius tam ordinarii quam extraordinarii oneris in dicta Urbe, & alias ubique locorum, & ex quacumque causa impostorum & imponendorum eximimus & totaliter liberamus, ac sub Beati Petri & Sedis Apostolicæ atque Nostra protectione suscipimus, Nobisque & dictæ Sedi immediate subijcimus, ac liberos, immunes, exemptos, susceptos, & subiectos, immunitaque & exempta fore & esse, & ita per quoscumque Judices quavis auctoritate fungentes, sublata eis quavis aliter judicandi & interpretandi facultate & auctoritate, iudicari & definiri debere;

§.4. Nec non quidquid secus super his a quoquam quavis auctoritate scienter vel ignorantur contigerit attentari, irritum & inane decernimus & declaramus.

§.5. Ipsisque Collegio, Scholaribus, Rectoribus, & Gubernatoribus, ut omnibus & singulis privilegiis, exemptionibus, libertatibus, facultatibus,

& indultis, quibus Studium generale Urbis hujusmodi & illius Rector præfatus necnon Doctores & legentes in eo quomodolibet utuntur, potiuntur, & gaudent, ac uti, potiri, & gaudere poterunt quomodolibet in futurum, non solum ad eorum instar, sed æque & pariformiter uti, potiri, & gaudere possint in omnibus & per omnia, concedimus & indulgemus, & illa eis communicamus.

§.6. Necnon Senatori, Consulibus; Conservatoribus, Reformatibus, Rectori, & aliis Judicibus, Officialibus, & personis prædictis, ac moderno & pro tempore exsistenti S. R. E. Camerario, Præsidentibus & Clericis Cameræ Apostolicæ, ac quibuscumque Commissariis super exactione decimarum & aliorum onerum prædictorum pro tempore deputatis, sub indignationis nostræ pœna, ne, prætextu quorumcumque Litterarum eis sub quibuscumque tenoribus & formis pro tempore concessarum, Collegium, Scholares, Rectores, & Gubernatores præfatos, seu eorum aliquem super præmissis quomodolibet molestant, seu molestari permittant, districtius inhibemus.

§.7. Et insuper Regentibus & Superioribus dicti Collegii pro tempore exsistentibus, assistentibus præfatis Protectoribus, seu aliquibus ex eis, aut de eorum consilio, & expresso consensu, illos, quos in dicto Collegio & alibi per tempus debitum studuisse, ac scientia & moribus idoneos esse repperint, in prædictis facultatibus ad Baccalaureatus, Licentiatum, & Doctoratus, ac Magisterii gradus, servata alias forma Concilii Viennensis, juxta Universitatis ejusdem Urbis consuetudinem, seu alias, promovendi, & ipsorum gradum solita insignia eis exhibendi, quodque in facultatibus supradictis sic promoti illa legere & interpretari, ac in eis disputare, & quoscumque gradui seu gradibus hujusmodi convenientes actus exercere, & alias

& alias omnibus & singulis privilegiis, gratiis, favoribus, prærogativis, & indultis, quibus alii in prædicta seu aliis Universitatibus & alibi, juxta illius vel aliarum Universitatum hujusmodi constitutiones & mores, ad gradus prædictos promoti de jure vel consuetudine utuntur, potiuntur, & gaudent, ac uti, potiri, & gaudere poterunt quomodolibet in futurum, uti, potiri, & gaudere possint & debeant in omnibus & per omnia, ac si gradus prædictos in ipsa Universitate, juxta consuetudines & mores prædictos, suscepissent, concedendi & indulgendi :

§.8. Necnon pro felici implemento, & salubri directione ac conservatione dicti Collegii, illiusque bonorum & rerum ac jurium tam temporalium quam spiritualium, quæcumque statuta & ordinationes rationabilia & Sacris Canonibus non contraria faciendi & edendi, ac revocandi, immutandi, corrigendi, & super illorum observatione quascunque penas imponendi ; quæ, postquam facta, edita, revocata, immutata, & correctæ fuerint, eo ipso auctoritate prædicta approbata & confirmata sint & esse censeantur ; & juxta eorum dispositionem, sublata quavis aliter judicandi & interpretandi facultate & auctoritate, judicari & definiri debere ; ac quidquid secus super his a quoquam quavis auctoritate scienter vel ignoranter contigerit attentari, irritum & inane decernendi ; omniaque & singula alia in præmissis & circa ea necessaria seu quomodolibet opportuna faciendi & exequendi, plenam & liberam, auctoritatem & potestatem concedimus.

§.9. Non obstantibus quibuscunque constitutionibus & Ordinationibus Apostolicis, ac ipsius Urbis, etiam juramento,

confirmatione Apostolica, vel quavis firmitate alia roboratis statutis & consuetudinibus, necnon privilegiis, indultis, & Litteris Apostolicis eisdem Senatori, Consulibus, Conservatoribus, Reformatoribus, Camerario, Universitatibus, ac earum Collegiis, Rectoribus, Scholaribus, & personis, & aliis præfatis, necnon præfatæ Urbi & Populo Romano sub quibuscunque tenoribus & formis, ac cum quibuscunque clausulis & decretis, etiam iteratis vicibus concessis, approbatis, & innovatis : quibus omnibus, illorum tenores præsentibus pro sufficienter expressis habentes, illis alias in suo robore permanfuris, hac vice dumtaxat specialiter & expresse derogamus, ceterisque contrariis quibuscunque.

§.10. Volumus autem quod præsentium transumptis manu Notarii publici subscriptis, & sigillo alicujus Curiae Ecclesiasticæ, seu personæ in dignitate Ecclesiastica constitutæ munitis, eadem prorsus fides in judicio & extra, ac alias ubilibet, ubi opus fuerit, adhibeatur, quæ adhiberetur eisdem præsentibus, si forent exhibitæ vel ostensæ.

Nulli ergo omnino hominum liceat hanc paginam Nostræ erectionis, institutionis, constitutionis, deputacionis, susceptionis, subjectionis, decreti, declarationis, concessionis, indulti, inhibitionis, derogacionis, & voluntatis infringere, vel ei ausu temerario contraire. Si quis autem hoc attentare præsumperit, indignationem Omnipotentis Dei, ac beatorum Petri & Pauli Apostolorum ejus se noverit incursurum.

Datum Romæ apud S. Petrum, Anno Incarnationis Dominicæ millesimo quingentesimo quinquagesimo secundo, Pridie Kal. Septembris, Pontificatus nostri Anno III.

Jo. Larinen.

L. de Loro.

JA. CARD. PUTEUS.

Registrata apud Joannem Secretarium.

Loco \* Sigilli pendens

CON-

## CONSTITUTIONES COLLEGII

AB IPSO S. IGNATIO CONSCRIPTÆ.

**H**ujus Collegii constitutiones in tres partes distribuentur. Ac primo quidem loco eorum fiet mentio, quæ debent in Germania observari in eligendis Scholasticis, qui sint ad hoc Collegium mittendi. Deinde leges præscribentur, juxta quas vitæ Scholasticorum in ipso Collegio dirigatur. Tertio loco ea explicabuntur, quæ servanda erunt, cum Scholastici, confecto studiorum suorum curriculo, in Germaniam remittentur.

## §. I.

*Observanda iis, qui ad Collegium Germanicum mittendi sunt.*

**1.** **U**T gravioribus periculis, & vehementius nunc surgentibus primum occurratur, illud, hoc saltem tempore, statuatur, ut omnes in Collegium recipiendi, aut maxima eorum pars, sint ex Superiori Germania, atque in ipsâ Germanica lingua exercitati: nisi Helvetii, Friisi, Geldrenses, Clevenses, & ex aliis Septentrionalibus Regionibus aliquot admittendi censeantur, quod hæc Regionibus, ut & Superior Germania, hæresum morbis videantur laborare.

**2.** Eligantur Juvenes, ad summum qui viginti unum, ut minimum vero quidecim annos compleverint, & ejusmodi, ut spes sit, non esse eos duos nec intractabiles futuros, sed faciles & flexibiles, ut Christianos mores cito possint imbibere. Nec vero refert magnopere vigesimum primum annum excessisse, si eluceant in Juvene alia Dei dona, quæ ætatem abunde compensent: & hoc judicium Rectoris prudentiæ relinquatur.

**3.** Sint integri ac sano corpore, & quod honestatem & bonam indolem referat. Ingenio & judicio bono præ-

diti sint. Linguam autem habeant expeditam & decoram, ad munus illud cui destinantur recte gerendum, ad proponendum, inquam, in lectionibus vel concionibus Dei verbum, & alios privatis vel publicis colloquiis instituendos; ut non exemplo vitæ modo, sed etiam sermone proximos suos ædificent.

**4.** Sint bonis moribus, aut certe ea indole præditi, quæ spem faciat bonos illos & studiosos futuros: quod intelligi ex bonorum virorum testimoniis poterit.

**5.** Nemo, qui Religionis semel susceptæ habitum deserierit, admitti possit.

**6.** Omnes promittant, sub obedientia Summi Pontificis & Sanctæ Romanæ Ecclesiæ, & in Religione Catholica, se quamdiu vixerint futuros.

**7.** Habeant in animo, & constanti voluntate proponant, tum vitam se (siquidem in Collegium recepti fuerint) Ecclesiasticam acturos, & sacros omnes Ordines suscepturos, quandocumque id per Illustrissimos & Reverendissimos Protectores fuerit injunctum; tum in Collegio tamdiu perseveraturos, donec finem suis studiis imponant, & idonei censeantur qui in Germaniam ad laborandam in vinea Domini ablegari possint. Quoniam autem hic finis est, cuius gratia Collegium hoc Germanicum est institutum, magna cautio adhibebitur, ne quis huc mittatur, qui non se ad servandum hoc statutum firma promissione obstrinxerit.

**8.** Quod ad reliquas condiciones attinet, hoc tantum in genere præscribitur, ut eo quisque aptior ad hoc Collegium existimetur, quo majores in litteris & virtutibus progressus fecerit, vel quo pluribus animi & corporis, ac exterioribus ornamentis abundare, & meliorem sui expectationem excitare videatur.

G

Deput

9. Deputabuntur etiam per eosdem Illūos & Rños Protectores, qui Germanicos Juvenes ita Romam mittant, ut comeatum pauperibus suppeditent, & omnibus de commoda societate prospiciant: quibus illud etiam curæ sit, ne quemquam in Urbem mittant, qui eam ingredi non possit ante finem mensis Maji, aut post initium mensis Octobris, ut tuendæ valetudinis eorum, qui mittentur, ratio habeatur.

10. Deputabuntur per Illūos & Rños Protectores, qui in Germania Juvenes idoneos, & necessariis conditionibus instructos inquirant, quibus leges in Collegio observandæ proponantur. Nec ullus admittatur, qui non se paratum esse significet & testetur ad observandam cuncta, quæ fuerint proposita.

11. Cum primum aliquis ex Scholasticis Romam pervenerit, Rectorem Collegii adibit, qui postquam illum diligenter examinaverit juxta Constitutiones has, ad Illūos omnes Protectores, aut aliquem ex illis de eo referet, ut judicent, admitti ne illum, an excludi oporteat. Et sic demum, post abjuratorem omnium hæresum, in Collegium recipi poterit.

#### §. II.

##### *Constitutiones in ipso Collegio servandæ.*

12. **P** Rincipio admoneantur omnes, Collegium in eum finem erectum esse, ut alantur in eo & instituuntur qui Germaniæ necessitatibus spiritualibus, pro talento quod Dei benignitate susceperint, opulentur. Proinde nemini futurum integrum ex eo discedere, vel aliam conditionem vitæ amplecti, absque facultate Illūorum & Rñorum Protectorum, penes quos potestas erit illos cum Beneficiis Ecclesiasticis mittendi, cum commodum videbitur, ad colendam Domini vineam in iis locis, in quibus spes sit, eorum opera & labore fructum uberiores percipiendum. Promissionem itaque hu-

jusmodi omnes facient, & qui hanc legem violaverint semel in Collegium admissi, præter quam quod in gravem Dei indignationem incurrent, intelligant etiam se gravius censuris & poenis subiacere.

13. Quoniam autem ea demum utilis & salutaris doctrina est, quæ pietatis habet fundamentum, nec tam decet Christianos Scholasticos de progressu in scientiis, quam de profectu in spiritu esse sollicitos; sub ipsum ingressum in Collegium de rebus spiritualibus, quæ in primis opportune videbuntur ad tuendam animi puritatem una cum timore Domini, & ad tollendam mentem in ipsum Dominum, spatio octo aut decem dierum instruentur, ut sancta paucorum dierum consuetudine assuefacti, lubenter reliquo tempore portunculam aliquam diei in conscientia suæ examinatione & plis orationibus aut meditationibus, prout edocebuntur, collocent.

14. Singulis diebus Missæ sacrum devotis & attentis animis audient. Singulis diebus Dominicis & festivis in Dei laudem ad Officium præscriptum simul dicendum mane & vespere convenient, & prædicationi ac lectioni verbi Dei, prout iis injungatur, intererunt.

15. Singulis vero mensibus semel salutem ad sacram Eucharistiam, facta prius humili peccatorum Confessione coram iis Sacerdotibus, qui ad audiendas illorum confessiones instituentur, reverenter accedent.

16. Quod ad Auditorum rationem & litterarias exercitationes attinet, nemo suum sensum & voluntatem sequatur; sed permittat se potius Rectoris judicio & arbitrio gubernari. Illi enim curæ erit, juxta sententiam Illustrissimorum & Rñorum Protectorum, ac Præpositi Societatis Jesu, cui ea cura demandata est, singulis præscribere, primum ea studia in quæ ipsos incumbere; & auctores, quibus potissimum operam dare



dare conveniat; deinde tempus, quod in quoque studio poni debeat; tum modum & rationem in ipsis studiis retinendam. Curabit etiam ille, ne quidquam ulli desit, quod ad profectum studiorum necessarium videatur.

17. Nemo nec domi nec extra domum, nisi confcio & approbante Rectore, cum quoquam sermone vel scripto conversabitur; ut ita demum caveatur ne colloquia misceantur cum illis, a quibus inquinari & corrumpi potius, quam juvari vel eisdem juvare possint. Quare nulli etiam exire domo licebit, aut postquam exierit quoquam progredi, infcio Rectore, & absque comite eo, quem ipse Rector adjunxerit. In domesticis porro officiis & actionibus, & breviter in iis omnibus, quæ ad utilem & salutarem Scholasticorum in doctrina & pietate institutionem pertinebunt, tanta eorum erga Collegii Rectorem obedientia semper constare debet, ut alacri sua promptitudine cognoscere se ostendant, non tam homini parere se, quam Deo, qui per ipsum Rectorem, tamquam per instrumentum suum, eos gubernare dignatur, a quo etiam existimabunt illas se admonitiones & increpationes accipere, quas a Rectore audierint, nec non & pœnitentias, quas nonnunquam ad corrigendos leviores ipsorum lapsus injunxerit. Nam de gravioribus nihil hic dicimus, nec etiam timendum est unquam futurum, ut in tam sancta societate gravia crimina ulla admittantur, quæve magnum aliquod offendiculum aliis afferant. Verum si id aliquando (quod Dominus avertat) acciderit, auctores protinus ex domo, tamquam contagiose oves, expellantur, ne reliquos inficere possint.

18. Singuli singulos, in quibus dormiant, habeant lectos.

19. Vitiis erit conveniens, nec ullus in eo peculiaris erit defectus, nisi qui apud omnes Catholicos servari consuevit. Nullis etiam aliis jejuniis, quam

iis quæ Ecclesia indicit, quisquam adstringetur; & ne ad illa quidem, qui per ætatem vel corporis infirmitatem non teneretur. Licebit tamen cuicunque adjungere ex propria devotione quæ velit, modo id sciente & consentiente Rectore faciat.

20. Vestitus erit honestus, & qui deceat viros Ecclesiasticos; ita ut omnes pileum clericalem, & externam vestem talarem gestent, quæ eam habeat formam, quam maxime convenire Illi & Rm̃i Protectores judicaverint.

21. Nulli liceat ullas apud se pecunias habere, sed quasque vel Scholastici ipsi attulerint, vel amici aut cognati ad eos miserint, Rector, tamquam depositarius, ad ipsorum pecuniarum sed necessariis usus servabit, absque cujus licentia nemo neque liberos neque ullam aliam rem emergere audebit.

22. Danda est opera a Rectore, ut quicumque in Collegio fuerint, multis utilibus exercitationibus assidue excolantur; utque non tantum scribendo & inter se conferendo, aut disputando, verum etiam docendo & concionando exerceantur; denique ut illa ferre arma & regere assuescant, quorum præsidio uti eos aliquando ad suorum spirituales salutem (quæ ab immaniſſimis hostibus oppugnatur) vindicandam & defendendam oportebit.

23. Curabitur quoque ut certis temporibus honestæ ipsis Scholasticis relaxationes concedantur, quæ & remittendis animis, & corporum valetudini tuendæ conducant.

### §. III.

*Statuta servanda cum aliqui ex Collegio in Germaniam remittuntur.*

24. Nullus ex iis, qui in Collegio fuerint educati, in Germaniam amandabitur, quin prius ad Illi & Rm̃os Protectores per Rectorem, aut aliquem alium de Societate Jesu referatur, & eis constet de non pœnitentia.

do ejus in bonis moribus & doctrina profectu, ac quod merito sperari possit futurum eum utilem populo illi, ad quem mittitur, bonumque aliquem fructum in Dei gloriam & animarum salutem ex ipsius labore percipiendum.

25. Ipsi vero Illiis & Rithis Protectoribus incumbat, pro cura quam suscipere dignati sunt, providere, ut Ecclesiastica Beneficia ipsis Scholasticis, juxta rationem talenti & dignitatis cujusque, conferantur; & prospicere ad quem potissimum populum quemque mitti conveniat, spectato tantum augmento divinæ gloriæ, & ipsorum

populorum necessitate. Considerabant etiam illi, an expediat aliquos in universam Germaniam mitti, & nullis certis urbibus destinari, ut medicinam nunc uni parti nunc alteri adhibeant, ut judicaverint morbi rationem exposcere.

26. Discedentibus in Germaniam, si nullos illi proventus ex suis Sacerdotiis perceperint, & commeatu omnino destituantur, Collegium ipsum viaticum impertietur, & omnia caritatis signa demonstret, ut optimum & Christianissimum opus parem principii & progressui exitum habeat.



# LIBER SECUNDUS <sup>33</sup>

*Germanici Collegii instauratio, & Hungarici institutio  
sub Gregorio XIII. Ubi quædam de primo  
Rectore Michaelæ Lauretano.*

**G**regorium XIII. Collegii hujus Conditorem Paren-temque vulgo haberi, atque hoc passum nomine compellari, mirabitur nemo, nisi qui forte ignoret quantum ad ejus amplitudinem, dignitatem, firmitatemque contulerit; Quod certe tale est, ac tantum, ut non tam conservatum ab eo, atque instauratum, quam ex integro conditum videri, dicique debeat. Nam & sedem ei certam, & amplios redditus, & leges, & privilegia attribuit, & denique Collegium ipsum ita ordinatum, auctum, ac rebus omnibus ad perennitatem constabilitum reliquit, ut Ignatii vaticinio, de quo supra memoratum est, fidem affirmaverit. Jam hæc quemadmodum facta transactaque sint, nos hoc libro breviter evolendum suscipimus. Gregorius ergo, qui Hugo Boncompagnus antea dicebatur, Pontifex factus, principio alia omnia quam Germanorum Collegium cogitabat, in eam maxime curam intentus, ut susceptum a Pio Decessore suo sacrum piumque bellum urgeret adversus Turcam, recenti ad Echinadas navali prælio attritum, atque animo consternatum, qui si paulo acrius premeretur, & victoriæ cursum Christiani prosequerentur, haud vana debellandi spes erat. Et jam tractis in sociale bellum, præter Hispaniæ Regem, Venetis, aliisque Italiæ Principibus, & ad Pontificias adjunctis eorum viribus, magnam paraverat classem longarum navium, milite, atque omni belli copia instructam, in Turcicam expeditionem ituram: Cum tantum belli apparatus orta inter  
Duces

**I.**  
Gregorius XIII.  
Collegii fundator merito dictus.

**2.**  
Bellum parans  
adversus Turcam  
incepto  
assistere cogitur.

3.  
Ad res Germaniæ se vertit hortatu Cardinalis Truchse-  
ssi.

Duces ex dignitatis æmulatione discordia turbavit, sacrum fœdus abruptit, classemque ipsam fœde dissipavit, nulla relicta spe denuo in posterum coalituram. Id acerbissime ferens Pontifex, dolebat tam levi de causa ita corruptam occasionem pulcherrimam gerendæ rei, quæ si successum haberet, haud dubie redituram ad obedientiam & fidem Ecclesiæ Romanæ gentem Græcorum, post tam longum inveteratumque dissidium, confidebat. Ac sæpe ea de re, ut se dabat occasio, querebatur. Forte fortuna in eundem sermonem devenerat cum Cardinali Truchse-ssio, Episcopo Augustano, qui negotii cujuspiam causa aderat, viro apud ipsum mire gratioso; Atque is, petita reverenter, factaque sibi dicendi quæ vellet, quæque sentiret facultate, se vero, ait, si sui res esset arbitrii, minus de Græcorum fide arque obsequio, re prope jam desperata, fore sollicitum, magisque ad gentem Germanorum, quæ periculo quidem proxima esset, spem tamen aliquam rerum meliorum adhuc ostenderet, curas ac studia conversurum. Recenti nimirum malo Germaniam laborare, Græciam inveterato. Illi salutaria futura quæ adhiberentur remedia, non item huic, quam diuturnitas ipsa morbi, ac longa possessione roborata mali vis faceret incurabilem. Denique faciliorem videri trajectum alpium ad juvandam Germaniam, quam Ægei maris ad Græciam vindicandam. Perplacuit oratio Pontifici. At quod tandem, inquit, consilium das, quod ex usu Germaniæ futurum sit? Cui Cardinalis: Opportune frequentes in Urbe sunt Patres Societatis Jesu, ad sui Comitia Ordinis convocati, (nam decesserat eodem anno MDLXXII. Franciscus Borgia summus Societatis Præses, ac de successore agebatur), estque præ aliis ille Canisius, notissima vir doctrina ac pietate, quo rerum Germanicarum nemo consultior. Hunc si audieris Beatissime Pater, quid agendum consulendumve sit,

fit, quid publicæ interfit rei, facile intelliges. Canisii nomen, rebus in Germania gestis celebratissimum, miram Gregorio cupiditatem iniecit huius de facie cognoscendi. Eum itaque acciri ad se confestim jubet. Atque ut affuit, blande compellatum, multa rogat de statu rerum in Germania, quæ spes, quæ ratio hæreseos profligandæ sit. Canisius, in sermonem ingrediens, plus quidem nimio ait afflictam in ea plaga rem Catholicam esse, non adeo prostratam tamen ac perditam, ut non restitui Deo propitio queat. Operas tantum deesse, quæ Vineam excolant a fero Apro misere devastatam. Caterum, si adhibeatur industria, si operi insistant viri strenui, nec pauci, posse enimvero quæ integra adhuc sunt conservari, quæ collapsa sarciri. In Ecclesiis Cathedralibus Collegia Sacerdotum esse, & numero & dignitate splendidissima, quæ Religionis totidem veluti propugnacula videri possint. At multum interesse quales ii sint Sacerdotes, sola ne generis claritate, an etiam doctrina, ac vitæ integritate conspici. Ex iis enim, ab iisque eligi Episcopos, magnis Principibus opibus ac potentia pares, certe haud multum impares, qui si parem potestati virtutem jungant, Religionem tueri facile possint. Paræcias deinde esse amplas, & magni quæstus; at non dignioribus plerumque committi, sed nobilioribus, nulla interdum doctrina, nulla ad pacendum gregem indole. Inde virus novæ superstitionis latius diffundi, inde opes factionis crescere, inde omnia humana ac divina jura confundi. Quæ sat copiose elocutus, tum ad Collegium Germanicum deducto sermone, multas maximasque ejus utilitates exposuit. Sapienter sane fecisse Pontificem Julium III., qui in urbe Religionis sedē hanc virtutis palæstram Germanicæ Juventuti aperuerit, pessimo publico factum esse, quod perficere eam, uti constituerat, occupatus morte non potuerit. Hoc uno insti-

4.  
Colloquium  
Petri Canisii  
cum Pontifice  
de rebus Ger-  
manicæ, deque  
Collegio Ger-  
manico.

tuto, si stabile firminque sit, stare Catholicam rem in Germania posse. Optandum tamen sibi videri, ut Alumni posthac, non solum numero plures, sed, quatenus possit, eo sint genere, ut ad splendidiora Ecclesiarum Sacerdotia, atque ad ipsas adeo Insulas, non nisi potentioribus tradi solitas, aspirare queant. Id si fiat, nullum opinione sua præsentius afferri posse Germaniæ laboranti subsidium, hoc uno cætera contineri. Ita loquentem tacitus, ac cogitabundo similis audiit Gregorius, numquam interfatus. At ad extremum: Æquum est, inquit, ut quæ Julius posuit Collegii fundamenta, per nos ad fastigium attollantur. Nec plura effatus, facto bene precantis signo, Canisium dimisit. Truchsesius statim, Moronusque Cardinales, quibus ea res maxime cordi erat, de colloquio, colloquique exitu certiores sunt facti, nullamque sibi intulerunt moram ad incendendum Pontificis animum, de quo tam læta concepta spes erat. Redit ad Pontificem captata occasione Truchsesius, adit ex composito Moronus, nec jam de Græcia, sed de Germania cogitantem, atque ultro de Collegio differentem, ac deliberantem audiunt. Gratulantur consilium, non utile solum, sed in rem præsentem necessarium, atque unicum. Facile quin etiam factu demonstrant, ne differat hortantur. Sic ambo sua currenti sponte stimulos subiicientes, tenuerunt auctoritate ut negotium maturaret, & manus operi quam ocyssime admo- veret. Forte per eos dies Jesuitæ novum sibi Præpositum Generalem creaverant Everardum Mercurianum. Huic Pontifex ad se accersito significat, venturos sub Autumnum Germanos Adoloscences centum. Det ipse operam, ut iis locus in Collegio, & quæ usui sunt omnia præsto sint. Se censum perpetuum, quo alantur, præbiturum. Quo tamen usque pertingere census debeat, habita ratione sumptus in singula capita faciendi, inquirat diligenter, referatque

5.  
Gregorius in-  
staurare Colle-  
gium statuit.  
Urgent nego-  
tium Cardina-  
les Truchses &  
Moronus.

6.  
Rem Jesuitis  
committit Pon-  
tifex, consultat-  
que de censu  
pro Alumnis  
centum.

ratque ad se. Nihil distulit Mercurianus imperata facere. Quodque ad censum attinet, disceptata inter Collegii cœconomos re, subductisque cum cura rationibus, confectum est, haud minus decies mille aureis opus esse, siquidem Alumnis centum præstari ex toto victum, vestitumque, atque omnem cultum corporis oporteret. At quando ad eum numerum excessuri essent Alumni, Convictoribus, qui longe majori essent numero, locum non relinqui. Utque non desit locus, tantam diversarum gentium Juventutem sub eodem tecto contineri nullo modo posse. Satis jam superque experimento constare quantum quietis domesticæ intersit Germanis Italos non commisceri. Unam eandemque disciplinam Adolescentibus cœlo, ingenio, instituto vitæ diversis, aptari haudquaquam posse, diversam non expedire. Aut igitur deprecandam Collegii administrationem, aut omnino Juvenes separandos. In id omnes Collegii Præsides & administri consentiebant. Quod ut accepit Pontifex, æqua postulari intelligens, vetuit jam tum ne præter Germanos alii deinceps in Collegium reciperentur. Nec ita multo post Convictores, siquidem Societatis institutione frui vellent, in Seminarium Romanum migrare jussit, nec ullis cujusquam intercessionibus ab ea sententia se dimoveri est passus. Verum ad id nisi aliquanto post non est ventum, & quo facta modo sit Juvenum separatio, nos infra disseremus. Prius quam hæc agerentur, ad Germaniæ Principes Gregorius scripsit, deque ratione consilii sui, quod ad nationis Germanicæ utilitatem ac decus unice spectaret, eos docuit, rogans ut voluntatem erga ipsos suam, benevolam oppido paternamque, grato acciperent animo, & quam suscipiebat de rebus eorum curam quo possent ipsi modo adjutarent. Nec eo contentus, delectum e Sacræ Rotæ Auditoribus Gasparem Gropperum, virum industrium, & expertæ fidei, proficisci in Germa-

7.

*Jesuitæ separandos ab Alumnis Convictores censent. Ita fieri Gregorius jubet.*

8.

*Gregorii litteræ ad Principes Germaniæ, & legatio Gasparis Gropperi ad eundem.*

niam cum potestate Legati Pontificii, singulos adire Principes, qui Catholico nomine censerentur, atque iis eadem a se renunciare iussit, hoc insuper adjuncto mandato, ut quacunque transisset, conquireret selectioris indolis adulescentes, ac sua commendatione instructos Romam ablegaret. Eadem mandata per litteras dedit Joanni Delphino, suo apud Maximilianum Cæsarem Legato. Qui dum injunctas pro se quisque partes e longinquo exequuntur, ipse propius operi manum admovit. Primum omnium fuit diploma foundationis, quod **VIII. Idus Augusti**, anno **MDLXXIII.**, rite editum obsignatumque est. Eo diplomate profitebatur Gregorius, se in spem Germaniæ, olim Religionis cultu inclytæ, sed jam nova Lutheri superstitione miserandum in modum pollutæ, Collegium ejus gentis conditum in Urbe velle, ac porro condere. Ne vero eveniret sibi quod Decessori suo Julio, ut prius excederet vita, quam Collegium ipsum firmatum probe constabilitumque esset, atque inde omnia decedente se ruerent, ei jam tum vestigal annuum aureorum decem milium in perpetuum assignabat, cujus pecuniæ partem constituebatur in Sacerdotio S. Sabbæ, partem reliquam aliunde se suppleturum, se vita suppeditaret, spondebat, atque interim ex Ærario Pontificio pendi jubebat. Primum itaque inter dotalia Collegii bona Sacerdotium, quod dixi, S. Sabbæ fuit; Quod quale sit, non abs re puto erit paucis exponere. Templum est amplum ac pervetustum, in Colle Aventino prope ad Urbis mœnia situm, domus olim, ut perhibent, Sanctæ Silvæ, magni Gregorii Parentis, quæ hinc Filio adhuc Monaco, & in Monasterio S. Andrææ degenti, legumina, ut est in historia, solebat mittere. Cujus memoriæ conservandæ causa, Ara in eodem Templo Sancto Pontifici, Matrique ejus consecrata etiam nunc visitur. Locum occupavere priscis temporibus quidam ex Græ-

9.

Bullam edit  
Gregorius de novo  
Collegio: Ei  
vestigal annuum  
assignat in Sacerdotio  
S. Sabbæ.

10.

De Templo  
ac Monasterio  
S. Sabbæ a suis  
antiquis.



## ET HUNGARICI LIBER SECUNDUS.

59

Græcia Romam adveſti Monachi, ibique Monasterio condito ſub appellatione Cellæ novæ, & ſtructo in honorem D. Sabbæ, magni inter ſuos nominis Cœnobiarchæ, templo, diu conſedere, tanta opinione virtutis, ut anno reparatæ ſalutis DCCLXXX. Petrus Monasterii Abbas dignus ſit habitus, qui Concilio Nicæno ſecundo pro Adriano Pontifice præſideret. Græcis ſucceſſere ſæculo XII. Monachi Cluniacenſes, Cluniaco evocati a Pontifice Lucio II., cujus liberalitate, non Cœnobium modo, ſed & prædia quædam non contemnendi proventus acceperunt. Variantibus decurſu temporis rebus, Cluniacenſibus ſubrogati ſunt Ciſterciienſes. Monachis tamen nihil relictum, niſi habitatio cum cenſu inodico, Templique uſus, & cultus. Prædia, juraque omnia cum omni reditu, Abbatibus externis, quos nunc Commendatarios nominant, conceſſa. Horum poſtremus fuit Innocentius de Monte Cardinalis, ſordido genere, corruptis moribus vir, quem adhuc adoleſcentem Julius III. in ſacrum Senatum legerat, ſuamque in familiam inferuerat. Huic, quod ſolutiorem probroſamque duceret vitam, id Sacerdotium ademittit Pius IV., tranſtulitque ad celebre Noſocomium S. Spiritus. At Gregorius XIII., hoc veſtigialis additamento haudquaquam indigere arbitratuſ regię prope opulentię Noſocomium, id omne in dotem Collegii Germanici cedere maluit, cui ipſum quoque Templi ac Monasterii ædificium addidit, Ciſterciienſibus ad Sanctæ Crucis in agro Seſſoriano tranſlatis. Sacerdos e populo unus modo reſidet ad S. Sabbæ, Cœnobii Templique cuſtos & cultor, cui pro ea cura merces a Collegio penditur. Illuc tamen procedunt Alumni certis intra annum diebus, ac divinatorum officiorum inajeſtatem Templo ſolitario ac ſquallenti reddunt. Cæterum S. Sabbæ redditus haud pluris æſtimabantur aureis bis mille octingentis, impar fane fundus Alumnis centum ſuſtentandis. Vidit Gre-

H 2

gorius,

II.

Dotis additamentum a Sixto V. ademptum Collegio.

**I 2.**  
Solemnes gratiarum actiones in Collegio institutæ.

**I 3.**  
Alia pro Collegio domus conducitur. Gregorii liberalitas in ea re.

gorius, eaque propter addidit aureos mille trecentos ex distributione annuli, quem recens creati Cardinales accipiunt, Collegii subsidium haud leve, si fuisset perpetuum. Verum id Pontifex Sixtus V. postea abrogavit. Atque hoc specimen primum Gregorii erga Collegium munificentia fuit. Quo accepto Alumni, tam propensam Pontificis erga se voluntatem admirati, verterunt se ad fontem omnis beneficentia, ac debitas largitori Deo gratias in communi perfolverunt, Psalmum *Confitemini Domino quoniam bonus* alterno ac læto cantu decurrentes. Atque inde mos invaluit, qui etiam nunc sancte retinetur, ut recolendæ causæ memoriæ anniversariæ, tum Julianæ institutionis, tum Gregorianæ Collegii instaurationis, quæ duo in Augustum mensem inciderunt, idem ab Alumnis Psalmus pridie ejus diei, quæ proxima est post calendas sextiles dies dominica, quotannis decantetur. Eluxit deinde Gregorii liberalitas in nova domo, ad quam traduci ex Palatio Columnensi Alumnos visum est oportere. Placebat maxime ea pro Collegio domus, quæ locata pridem fuerat Seminario Romano, in regione, uti docuimus, S. Eustachii, prope ad Palatium Vallenſe. Et facile adducebantur Seminarii Præsides, ut eam Collegio Germanico sublocarent. Veruntamen rependi sibi postulabant impensas in ea adornanda factas, quæ res argenti summam non mediocrem hauserat. Et super hæc in usum familiæ frequentioris aptanda rursum erat, ac nova suppellectile instruenda, quod fieri sine ingenti sumptu non poterat. Hærente ad id alliso quasi vadum negotio, medium se injecit Gregorius, ac representata de suo pecunia, Collegium ab ea cura liberavit. Quin digressio inde Seminario, atque aliam in sedem ad S. Mahuti, ubi nunc est, translato, præter impensas in domo aptanda ornandaque factas, instrui rebus necessariis Penum, Cellam, Vestiarium, cæterasque officinas jussit,

nc

ne quid imparatum offenderent venturi ex Germania Juvenes, atque in id quanto opus fuit prolixè contulit. Hæc dum aguntur, venere a binis quos supra memoravi Legatis Pontificiis, Groppero ac Delphino, litteræ, conscriptos jam aliquot Juvenes, ac propediem itineri se daturos nunciantes. Eo nuncio promoveri summa festinatione, perficique omnia. Mercurianus, ad operis perfectionem Rectorem novum novo Collegio imponendum ratus, virum delegit, quo non alius virtute prudentiaque ad id munus aptior, Michaelẽ Lauretanum: Quem ego virum si alterum post Gregorium Collegii Parentem dixerim, nimius fortasse videar, vere dixerim tamen. Adeo quæcunque rite recteque in eo, lege vel more, sancita institutaque sunt, ad ipsum tamquam ad auctorem primarium sunt referenda, qui nullam industriæ partem ad formandos Alumnos prætermisit, & præfecturam eam annos continenter duo de viginti eximia cum laude gessit. Lauretano adinistrum, & curarum socium adjunxit Fabium Amadæum. Huic exterior disciplina concredita. Studiorum regimini Lucam Pinellum, interiori foro Fridericum Sanctinum præfecit, præter alios minoris ordinis præfectos. His autem vix dum explicitis rebus, adsunt ex Germania Juvenes octo, aliorum, qui sequebantur, præcursores, ac nuncii. Unus ex his, Joannes Pistorius nomine, pridie quam in Urbem discederet, bona fortunaque suas inter egenos diviserat, contemptu scilicet divitiarum parandam sibi viam ad hoc vitæ institutum, tamquam ad Apostolatam, arbitratus. Tanta Collegii hujus existimatio apud Germanos erat! Ab horum adventu, qui & amantissime a Lauretano excepti, & Alumnis cæteris sunt aggregati, decreta separatio est Juvenum, & præfinita dies Octobris mensis xvii., festam S. Lucæ diem proxime præcedens, qua die Alumni e Columnensi domo ad Vallengem, seorsum deinceps victuri, tradu-

I 4.

Novus Collegio  
Rector imponi-  
tur Michael Lau-  
retanus cum ali-  
quot Patribus.

I 5.

Primi appellantur  
ex Germania Ju-  
venes. Unius  
factum memora-  
bile.

I 6.

Decernitur in  
certam diem se-  
paratio Alumno-  
rum a Convictori-  
bus. Mæror ex  
ea re.

traducerentur. Vulgata per Collegium re, non est dictu facile quantus Juventutem eam omnem incesse- rit mœror. Coaluerant namque ex longa societate convic- tuque animi, ut ægre jam, nec sine acerbo doloris sensu possent divelli. Quanto aberat propius, tanto sauciabat acerbius amari divortii appetens dies. Dolori itaque mitigando Thomas Ludovicus Victoria, artis musicæ id temporis Magister insignis, psalmum *Super flumina Babylonis* ad modos fle- biles composuit, quem suavi concentu repetitum audire sæpius jovit. Illuxit tandem præstituta separationi dies, ac posteaquam ultimis salutationibus inter questus & lacry- mas satis indultum est, sole occiduo Lauretanus Alumnos duos & triginta cum attributis sibi Patribus, longo ac si- lenti agimine, paratam in domum deduxit, relictis in ma- gno luctu, ac tristissima comploratione Convictoribus, quos paulo post e domo Columnnensi amotos nova Semi- narii Romani sedes accepit, ad S. Mahuti, ut diximus, collocata. Instructum jam ante fuerat religionibus obeundis Sacellum opportuno intra domum loco. Huc itum est re- cta, ac fusæ ad Deum pro gratiarum actione preces, tum etiam ut auspicato esset quæ capiebatur domus possessio. In sacellum denuo conventum est intentis tenebris, ac post Sanctorum pias invocationes, præeunte verba Lauretano in communi peractas, aspera diverberatione se quisque nudatis tergis cecidit, illud comprecantibus cunctis Deum, ut suo fortunaret numine Collegii primordia, ut bonus, ut præ- sens adesset rebus, atque inde bene ac feliciter omnia verterent. Die postero Rector, rursus conventu Alumno- rum habito, apta loco ac tempore verba fecit, demon- strans quid ab iis Deus, Vicariusque ejus Pontifex Maximus, quid homines superique poscerent, quanta de ipsis spes & expectatio esset. Qua oratione ad cultum Christianæ pietatis incensus, peracta re divina, sua ipse manu Eucharisticum panem

## 17.

Traducuntur  
propriam in do-  
mum Alumni.  
Initium rerum  
a pietate sumi-  
tur.

panem impertiit . Transactis per hæc , aliaque Religionis officia horis antemeridianis , quod superfuit diei adeundis quibusdam sanctioribus Urbis Templis datum est . Ecce autem , paucis interjectis diebus , adest insperato ex aula nuncius , velle Pontificem Collegium suum invisere , & perendie affuturum . Parata continuo sunt , ut in angustia temporis licuit , majestati excipiendæ necessaria . Mundata domus , Sacellum holoserico intectum . Et ipsa re Pontifex ad præstitutam diem , quæ fuit Octobris mensis septima supra vigesimam , affuit cum Cardinalium ac Procerum splendido comitatu . Venientem excepit provolutus in genua cum primariis Patribus Mercurianus , & in Sacellum recta deduxit . Quo loco ut consedit , pauca cum Patribus collocutus , acciri ad se Juvenes , quorum esset cupidissimus , jussit . Illi haud cunctanter vocati inferunt se , procumbentesque in genua , adoratum procedunt , mixto gaudii ac reverentiæ sensu . Quos sibi ad pedes accidentes Sanctissimus Senex vix non manantibus gaudio lacrymis contuebatur , affabaturque , ac fausta prece prosequabatur . Ex iis unus , experrectioris ingenii , & præclaræ speciei Adolescens , brevis , quam paraverar , nec inconcinna oratione communi omnium nomine gratias egit Pontifici pro immortalibus ejus in Germanicam gentem meritis , pro singulari erga se benevolentia , pro eoque nominatim honore , quo Collegium eo die esset dignatus . Cui Gregorius pauca , sed plenissima humanitatis verba reposuit . Tum assurgens , cuircuire domum , angulosque ejus omnes instituit . Conclavia singula , Bibliothecam , Triclinium , officinas ipsas curiosissime perlustravit , magnopereque probans omnia , & quantumvis sumptum recte in ea domo collocatum affirmans : Quid est , inquit , quamobrem non coematur domus in Collegii formam tam apte commodeque instructa ? Quanti tandem venire poterit ? Sed

quan-

18.

Pontifex Collegium invisit ,  
Alumnos ad pedes osculum excipit amantissimè .

quanti quanti veneat, nobis curæ erit pretium solvere. Ad ea Lauretanus modeste intercedens, domum specie ordinatissimam, multis maximisque incommodis laborare ostendit. Minus in primis laxam pro numero Alumnorum, qui ex Germania expectarentur, esse; & continendæ intra disciplinam Juventuti amplam sane, spatiosamque esse domum oportere. Nullam præterea adjacere ædem sacram, in qua Juvenes Ecclesiastici Ecclesiæ ministeriis exercerentur. Si qua esset hujusmodi, eamque ad se trahere Collegium posset, id enimvero ex usu ejus futurum maximopere. Alias addidit haud levis momenti causas, quæ ita animatum Pontificem, omniaque Collegii utilitatibus metientem, ab emptionis proposito depulerunt. Cæterum ab hoc Gregorii adventu congressuque omnia deinceps Collegio procliviora sunt facta. Est in Lauretani monumentis ipsius manu conscriptis, sibi post illum diem, non tempus captandum, non molles quærendos fuisse aditus, ut a Pontifice in colloquium admitteretur. Patuisse sibi qualibet die, qualibet diei hora velum; nec vero parce, aut meticulose emendicanda sibi fuisse pecuniarum subsidia, quæ ultro nec poscenti ingereret beneficus Princeps, ac liberaliter erogaret. Gubernati hactenus Alumni fuerant iis legibus, quas ab ipso B. P. Ignatio conscriptas alibi diximus; & erant plane ad indolem usumque eorum quam maxime accommodatæ. Tamen quod non omnem complecti disciplinæ rationem viderentur, placuit, servata methodo Ignatiana, quædam explicatius exponere, quædam etiam de novo jubere. Novus itaque legum est propositus Codex, cui Cardinales Moronus & Comensis, duo ex Protectoribus, ut est in Authographo, subscribere. Alii interea atque alii supervenere ex Germania Juvenes eo numero, ut brevi ad centum censerentur. Huic multitudini angusta cum esset domus, jungenda

20.

Secutæ utilitates ex B. P. Gregorii in Collegium adventu.

21.

Novæ sribuntur pro Collegio leges.

22.

Crescit Alumnorum numerus, domus amplior exquiruntur.

genda ligneo ponte fuit cum alia e regione posita, in qua pars familiaris est collocata. Ita res pro præsenti utcunque composita. At Lauretanus explorabat, imminebatque in occasionein, si qua alia vacaret domus amplior, quæ & situ comoda esset, & templum aliquod haberet adjunctum. Namque id maxime in rem suam fore arbitrabatur. Omnia circumspicienti, occurrit Palatium adhærens Ædi D. Apollinaris, in quo nullam desiderares earum rerum, quas ipse postulabat. Huc ut intenderet animum effecit obitus Caroli Cardinalis a Lotharingia, qui D. Apollinaris titulo insignitus cum esset, adnexum ei Palatium ratione tituli possidebat. Quamquam autem id habitandum acceperat Lotharingi permissu Cardinalis Alexandrinus, tamen Titularis morte vacans ac vacuum videri poterat. Lauretanus ergo, occasionem velut in sinum sponte illapsam arripiens, rem ad Pontificem detulit, qui nihil morans, suppresso D. Apollinaris titulo Cardinalitio, non Palatium modo, sed omnes ei titulo adnexas ædes Germanorum Collegio in perpetuum addixit. Datum est hac de re diploma v. Idus Januarii, anno MDLXXIV. Possessio tamen dilata in annum proximum, credo ut spatium Cardinali Alexandrino relinqueretur aliam sibi habitationem comparandi. Atque hoc medio tempore effecit Lauretanus, ut sacra quoque Ædes Apollinaris in usum potestatemque Collegii cederet; quod tamen ut sine cuiusquam injuria eveniret, haud sine præsenti Numinis ope est impetratum. Erat nimirum Ædes ea, ut loquimur, Collegiata, & Parochialis. Et Gregorius, ut multum Germanorum Collegio faveret, sua tamen possessione depellere Canonicos, quibus omne jus bonum in id templum esset, animum non inducebat, nisi assensus eorum accederet. Quid vero Lauretanus? Exorata prius superum ope, precibus etiam in id, jejuniis, piaculisque aliis in commune imperatis, Ca-

23.

Palatium S. Apollinaris Collegio tradit Pontifex suppresso titulo Cardinalitio.

24.

Templum quoque S. Apollinaris Lauretanus impetrat, abolito Canonico Collegio.

nonicos adiit singulos ( quinque omnino erant cum Præposito uno ), rogavitque, vellentne suum templum Collegio Germanico ex æquo & bono cedere, suis alioqui redditibus titulisque dum viverent fruituri, omnique ejus cura in posterum exsoluti. Subingressuros nempe eorum in locum Alumnos centum, divinis officiis operaturos, & quos ipsi celebrare consueissent sacrorum ritus cum fide celebraturos. Tantæ vetustatis ac religionis templo, sublato licet Canonicali Collegio, nihil de suo splendore cultuque detractum iri. Responsum est placere, quodque obstupescas, dissentiente nemine. Quod cum privatim singuli, deinde omnes re in communi deliberata confirmassent, ex conventionem factum est decretum, ac Pontificio diplomate confirmatum, ut templum D. Apollinaris transfiret in potestatem Collegii Germanici, & sacris in eo cæremoniis Alumni deinceps fungerentur, Canonicorum Collegio penitus abrogato, quorum annuæ pensiones post decessum eorum itidem Collegio Germanico cederent. De Paræcia sancitum, ne moveretur loco. Parochos tamen in posterum instituerent destituerentque pro libito Cardinales Collegii Patroni, atque intra Collegii parietes Parcho S. Apollinaris jus nullum, nulla potestas esset. Quibus ita constitutis rebus, templi possessio est capta, & Sanctissimæ Trinitatis festa luce Alumni, qui jam in proximum palatium transferant, primum in eo Sacrum post solemnem ejus diei psalmodiam augustiore ritu peregerunt, anno MDLXXV. Ea porro tam faulta lux etiam nunc ob facti memoriam præcipuæ religionis Alumnis est, & recolere quottannis solet Psalmo *Consecramini Domino, & invocate nomen ejus*, quem præter alios ea die concinunt. Priusquam ulterius progrediamur, siquidem D. Apollinaris templum vetus postremis hisce temporibus dejectum est, ac novum a fundamentis erectum, ne una cum parietibus adempta poste-

25.

Quid sancitum  
sit de Paræcia.  
Templi possessionem  
Alumni  
capiunt.

26.

Templi hujus  
historia a suis  
initiiis.



posteris memoria ejus sit, liceat mihi hoc loco totam ejus historiam altius repetitam ad legentium eruditionem paucis complecti. Vetusissimum id fuisse templum nemini dubium est. Id manifeste monstrabat, non tam structura ædificii, quam alte subsidens pavementum, atque adeo depressum, ut descensus in illud multos per gradus esset. Nec enim in tantam altitudinem attolli circum humus, nisi plurium sæculorum intercurfu potuit. Et quæcunque visuntur Romæ sic demersæ terræ ædificia, antiquissimi esse temporis constat; sensim elato scilicet viarum solo, seu pulvere deciduo, seu veterum ædificiorum ruinis, seu decurrente ex alto, semperque luti aliquid relinquirentem aqua pluvia, seu qua alia, quæ demum cunque sit, causa. Apollinis fanum fuisse eruditi putant, primo bello Punico extructum, in cujus dedicatione institutos in honorem Apollinis ludos Apollinares Livius tradit. Inde regionem eam Urbis, inter Tiberim & Circum Agonalem sitam, Apollinarem fuisse dictam. Sanctum vero Pontificem Silvestrum ajunt, ut celebris in Urbe regio, quæ a superstizioso Ethnicorum numine habebat nomen, a Divo cognomine in posterum denominari pergeret, purgatum ab impuro cultu fanum D. Apollinari Ravennatum Episcopo consecrassse. Utcunque hæc sint, illud constat, temporibus Hadriani Pontificis Basilianis quibusdam Monachis, qui metu Leonis Isaurici, & Constantini Copronymi, sacras Divorum reliquias nefario bello insectantium, ex Oriente profugerant, id templum fuisse traditum, insigni Cœnobio ad eorum habitationem extructo; per eamque occasionem avecta ab iis sacra corpora Sanctorum Martyrum Eustrathii, Eugenii, Auxentii, Mardarii, & Orestis, sub templi hujus ara maxima fuisse condita. Quod cum pro certo habeatur, etiam nunc dies eorum Martyrum festa, Decembris mensis tertia decima,

I 2

præci-

28.

De corporibus  
SS. Martyrum in  
hoc Templo re-  
conditis.

præcipuo apparatu ac pompa celebrari in D. Apollinaris est solita. Depulsis inde Monachis Græcis, Cœnobium facratæ Deo Virgines occupavere. Quamdiu tenuerint, incompertum mihi est. Secutis certe temporibus Apostolicæ, ut vocant, Pœnitentiariæ sedem ibi extitisse indicabat præfixus marmori superliminari lapis, his notis inscriptus *Officium Pœnitentiariæ Apostolicæ*, quem lapidem pro foribus Curionis locatum ipsi vidimus. Parœciam esse antiquissimam constat. Sed quo primum tempore ea dignitas addita templo fuerit, incertum; quamquam id ad tempora Caroli Magni domestica referant monumenta. Titulum in eo Cardinalitium primus habuit Joannes Baptista Pallavicinus, qui etiam tantum seposuit æris, quanto opus fuit instituendo justo Canonicorum Collegio. Hoc tamen nisi aliquanto post non est institutum, sedente in Petri folio Clemente VII., & Joanne Dominico de Cuppis Cardinali titulum S. Apollinaris obrinente. Prætereunda non est effigies Divinæ Matris, clara miraculis, quæ in porticu templi hujus depicta muro visitur, & magna populi religione colitur, ab ipso etiam artificio spectanda, quippe opus excellens, Petro Perusino peritorum judicio assignatum. Ut detecta primum fuerit anno MDCXXXVII. imago sacra, quæ calce super inducta latebat, ut cœperit statim miraculis inclarescere, longum esset commemorare. Et propria ejus rei circumfertur historia, parvo libello comprehensa, quam qui velit facile inveniet. Quod ad rem pertinet, in molitione novi templi, quæ memoria nostra facta est, quamquam omnia diruebantur, servata est Virginis imago integra, pariete circumsecto, ac rursus publicæ venerationi proposita in novo atrio, quod a reliquo templo disclusum est de industria, ut quavis hora diei adeuntibus pateat. Atque hæc de Templo D. Apollinaris. Palatium illi ad hærens, quod Alumni habitandum sumpserunt, Guillelmum Rhod-

29.

De Imagine  
divinæ Matris,  
quæ in atrio  
Templi colitur.

30.

De Palatio S. Apollinaris.

Rhotomagenſem , & Hieronymum Roborem Cardinales habuit auctores , ut eorum inſignia , vel lacunaribus depicta , vel parietibus affixa monſtrabant . Sed jam nullum ejus extat veſtigium , novo , ut infra dicemus , ac ſane commodiore ædificio excitato . Et nos ad narrationis textum , poſt longiuſculam , non inutilem tamen , excuſſionem convertimur . Tradita , ut dictum eſt , Collegio Germanico Apollinaris Æde , Lauretanus ad eam repurgandam , inſtaurandam , & quatenus poſſet ornandam , adjecit animum . Nam ſqualebat vetuſtate ac ſitu in tantum , ut ſpeciem ſpelunçæ quam templi ſimiliorem referret . Prima cura fuit attollere fornicibus ſolum , in quod multis , ut dixi , gradibus ab oſtio deſcendebatur , ac ruſum ſternere . Tum aræ aut erectæ ex integro , aut renovatæ . Parietes partim deterſi , partim picturis ornati . Additæ ad excipiendum lumen fenestræ . Quibus perficiendis rebus pecuniam ad quatuor ferme aureorum millia Gregorius eſt elargitus , Nec vero puduit nobiliſſimos quoſque Alumnorum templo in honorem Numinis reſtaurando manum atque operam adhibere , Lauretano , Patribuſque aliis exemplo præeuntibus . Itaque alii humum egerere , alii cæmenta , lapides , materiam nullo intuentium reſpectu comportare . Quod conſpicatus forte civis Romanus , vir pius & locuples , comperto , ex iis , qui inter operas tam alacriter deſudarent , eſſe aliquos Romani Imperii Comites e primaria inter Germanos nobilitate , miratus tantam in tali Juventute magnitudinem animi , rerumque humanarum contemptum , argenti vim non ſpernendam ultro miſit operi perficiendo . Quod quidem ſumma celeritate , ſeſquimenſ minus , priuſquam adveniret D. Apollinaris feſta dies , perfectum eſt , Templo , ſi non in ſplendorem debitum , at tolerabilem ſaltem in ſtatum perducto , quale ad nos uſque pervenit . Jam ergo templum Apollinaris , antea in

triſti

31.

Ut repurgatum  
ornatumque ſue-  
rit Templum .

32.

Alumni partem  
laboris capiunt  
inter operas .

33.

Sacrae ceremoniæ magna dignitate peraguntur in D. Apollinaris.

34.

Alumni villiora quæque Templi ministeria obse-  
rant.

35.

Gregorius Collegio benefacere pergit.

36.

Collegio transcribit Sacerdotium S. Petri in agro Laudensi.

tristi solitudine ac silentio pene destitutum, post id tempus concursu hominum frequentari est cœptum, mirante Populo Romano modestiam, gravitatem, diligentiamque Alumnorum, seu consueta Sacerdotum carmina alterno decurrerent cantu, seu divina mysteria solemnioribus ceremoniis celebrarent. Erat illud quoque magnæ in vulgus admirationi & exemplo, quod abjectissima quæque, ac maxima laboriosa templi ministeria Alumni obirent. Ipsi namque pavementum everrebant, ipsi aras convelliebant, mappas componebant, lychnos adornabant incendebantque, sedilia aut ponebant, aut removebant, & sexcenta hujus generis alia præstabant, nihil videlicet vile, nihil a se alienum, aut infra dignitatem suam existimantes, quod ad Divini Numinis cultum pertineret. Quæ tunc laudabiliter usurpata, ne distracti his curis Alumni ab studiis scholasticis, potiori utique officio, averterentur, externis administris postea visum est demandari. De his interim vel fama, vel percuntationibus cum audiret Gregorius, voluptate incredibili perfundebatur, atque inde ansas omnes, quæcunque se darent, bene de Collegio merendi cupide arripiebat. Verteabat annus de quo modo dicebam MDLXXV., & jam ad centum quinquaginta, & si quid amplius, Alumni excreverant, quibus si adderes domesticos Jesuitas, reique familiaris externos administratos & curatores, familia erat capitum prope biscentum, neque huic sustentandæ census idoneus suppetebat. Gregorius necessaria, ut res ac tempus posceret, large subministrabat. At simul vias rimabatur omnes augendi vectigalis ad eam usque summam, de qua semel constituerat. Nisi enim habuisset vivo se Collegium, quo perpetuo se ipsum tueri ac sustentare posset, haud facile Successores Pontifices id ei tradituros, nunquam certe onus perpetuum tantæ multitudinis sustentandæ Ærario Pontificio imposituros. Idcirco,  
ut

ut forte statuere pro arbitrio poterat de dimidia parte Sacerdotii, quod Sancti Petri vocant, in agro Laudensi, eam Collegio addictam voluit, in ejusque possessionem immitti Collegii Procuratores jussit. Quod factum est, curante sanctissimo illo Mediolanensium Episcopo Carolo Borromæo, cui id negotii Pontifex dedit. Ac tertio post anno partem Sacerdotii ejusdem alteram, ab Theodoro de Rhaude sponte dimissam, similiter in dotem Collegii transtulit novo diplomate, quo non solum domini jus in omne prædium, sed immunitatem etiam a decimis Collegio tribuebat. Sub idem fere tempus alia patuit Collegii constabiliendi via, fato functis modico intervallo binis longe ditissimis Cardinalibus, Julio Roboreo, quem Urbinatem vocabant, & Alexandro Sfortia, quem a Sancta Flora, suæ ditionis oppido, denominatum legimus. Nam cum ille prior commendatum haberet Monasterium S. Crucis Avelanarum in Diocesi Eugubina, alter nullius Dioceseos Sacerdotium, a S. Christina nuncupatum, haud ita a Mediolano possideret, hæc duo morte eorum ad Sedem Apostolicam devoluta, Gregorius nullibi melius collocari posse arbitratus, quam nutriendis Catholicæ veritatis factoribus, divinorumque sacrorum propugnatoribus, itidem Collegio transcripsit, pensionibus tamen quibusdam impositis haud sane levibus, quas commemorare nil attinet. Per hos veluti gradus sua Collegio confecta dos est, Alumnis centum sustentandis haud dubie par futura, nisi auctâ magnopere rerum omnium utilium pretia cariorem hoc tempore victum, atque omnem vitæ cultum facerent. Neque hic tamen finis Gregorii munificentiae fuit. Præter privilegia quædam plane singularia Collegio nec petenti concessa, bona ejus ab omni scriptura, portorio, decuma, aut quovis alio vectigali libera amplissimis verborum formulis dixit. Eidem salis libras mille quingentas assignavit,

37.

Ei addit duo Sacerdotia, Sanctæ Crucis in Diocesi Eugubina, & S. Christinæ in Mediolanensi.

38.

Alia quædam beneficia Collegio a Gregorio delata.

vit, ab vectigalis hujus Exactoribus, aut Redemptoribus quovis anno tribuendas. Aquæ præterea virginis, quæ saluberrima omnium in Urbe habetur, sextantem Collegio adscripsit sine pretio, ac subterraneis e plumbo tubis duci in Collegium sua impensa jussit. Quid quod iis haudquaquam contentus, quæ præstare per se ipse poterat, patrociniū quoque ac beneficentiā Principum exterorum Collegio petivit? Ut alia omittam, scripsit ad Philippum Hispaniarum Regem, abstulitque ab eo Regium diploma, Matriti editum die IX. Octobris, anno MDLXXIV., quo diplomate Collegio Germanico potestas fiebat exportandi e citeriore Sicilia vini quotannis dolia ducenta, idque nulla solutione portorii. Sed longum esset numerare singula. Eo usque processit Pontificis amantiissimi favor, ac longe in tempus posterum prospiciens benevolentia, ut Alumnorum, non modo necessitatibus, sed voluptatibus etiam, atque honestis relaxationibus consultum voluerit. Itaque, fatis sciens atteri paulatim debilitarique studio, atque assidua mentis contentione Juvenum vires, atque inde malas sæpe valetudines suboriri, iis reficiendis coemptam ære suo Villulam puri ac patentis foli, cœli salubris, atque amœni prospectus, edito loco in Pariolo extra Portam Flaminiam sitam, Collegio donavit. Quibus autem tabulis donationem fecit, id spectare se maxime declaravit, ut haberent Alumni posthac quo animi causa divertere, ac feriari nonnihil possent. Et magni sane usus id suburbani fuit, ac porro est. Quippe haustus ille cœli purioris, illa quies & remissio animi, illi per innocuos ludos traducti dies, ac studiis quotidianis per intervalla interpositi, incolumem vegetamque Juventutem, variis antea morbis conficiari solitam, præstant. Inde etiam impensis multis est parcitum, quas antea Pharmacopolæ ac Medici abliguriebant, cum præsertim ante id tempus qui affecta erant

39.

Villam pro Collegio Gregorius emit ad animi relaxationem.

erant valetudine in Tusculanum, aut Tiburtinum rus mitti curationis causa solerent, magno & incommodo & impendio, quod posthac fieri desitum est. Sic rebus demum omnibus ad delicias usque Collegium communitum Gregorius voluit. Quietis ejus, ac securitati prospexerat ab initio, designatis ex amplissimo Cardinalium ordine Vviris (Protectores vocavit), quibus curæ esset Collegii jura, res, privilegia tueri, temporibusque ejus numquam non adesse, tanta in eos collata potestate, ut de causis Collegii cognoscere ac judicare nemo præter ipsos posset. Per hæc ventum erat ad annum sæculi LXXVII., cum ad gentem quoque Hungarorum, jam inde a temporibus sanctissimi Regis Stephani eximie Catholicam, ac perdiu sacrorum cultu florentissimam, nunc vero & Turcarum colluvie temeratam, & novis hæreticorum opinionibus fœde corruptam, Gregorius reflexit oculos. Et miseratus gentis nobilissimæ, bellica in primis laude inter cæteras inclytæ, statum, ex tanta fortuna adeo calamitosum, quam Germaniæ medelam adhibuerat, eandem adhibere statuit Hungariæ, simili nationis hujus Collegio in Urbe condito. Id nempe alte defixum gerebat animo, qui modo adolescentesscentes essent, tempore grandes natu viros fore, & totam consiliis eorum rempublicam administrandam. Qui proinde si Catholicæ pietatis disciplinam hauserint, penitusque combiberint a prima ætate, eam postea & sancte professuri ipsi sint, & late inter suos propagaturi. Hoc ergo consilio, ut erat in recte factis moræ omnis impatiens, eodem illo anno MDLXXVII., ad Calendas Martii, diploma dedit, quo Collegium Hungariæ Juventutis in Urbe constituebat, Societatiq; Jesu regendum tradebat. Ei dotalem in fundum assignabat opimum prædium S. Mariæ in Celsano, ad Galeriam oppidum, in Portuensi Diocesi, idque præter templum, ad quod ea possessio spe-

K

ctabat,

40.

Cardinales Protectores Collegio imponit cum amplissima potestate.

41.

Collegium etiam nationis Hungariæ Gregorius decernit.

42.

Bulla de erectione Collegii Hungarici, cum assignatione prævium.

atabat, S. Stephani in Monte Cælio. Paucos vero, qui id templum cum cænobio proximo obtinebant Cænobitas, S. Pauli Eremitarum primi disciplinam sectantes, natione Hungaros, migrare alio ad præscriptum Cardinalis Protectoris sui jubebat. Diplomate eodem novo Collegio ad dicebat Ædem alteram S. Stephani Hungarorum Regis, & adjacentem ei domum hospitalem prope Basilicam S. Petri, quæ erat domus excipiendis adventantibus ex Hungaria peregrinis destinata, & justo in id censu munita. Hic quoque Cænobitæ pauci ex ea, quam dixi, Pauli Eremitæ familia confidebant, Xenodochii redditus administrantes, & hospitalitatem erga suæ gentis advenas exercentes. At raro cum advenirent ex Hungaria peregrini, & vix huic charitatis officio esset locus, Gregorius verius duxit, amotis inde Eremitis, domum atque ædem sacram eam cum suo proventu transferre in dotem Collegii Hungarici, cum hoc tamen, ut quoties adessent Hungari peregrini, iis per dies tres necessaria Collegii sumptu præberentur. Qua conditione accepta, Collegii Procuratores, tum Xenodochii hujus & templi S. Stephani Regis, tum templi cænobiique S. Stephani Protomartyris, omniumque bonorum, fortunarum, ac jurium, quæ subjuncta iis erant, possessionem rite adiere. Addubitatum nonnihil est, quæ collocarentur ad convivendum domo Juvenes, qui primi accitu Pontificis ex Hungaria venerunt. Binæ vacabant domus, ab iis quos dixi Eremitis relictæ, & erant ambæ, non modo justæ familiæ capaces, sed jam Collegii ipsius, ut ostendimus, propriæ. At imparatæ cum essent ab omnibus rebus, prætereaque remotioribus sitæ locis, & nimis multum a Collegio Romano distantes, placuit Cardinalibus recipi eos interea in Collegium Germanicum, dum hac de re consultius decerneretur. Biennium integrum Hungari Alumni Germanis admixti fecerunt, ac toto eo tem-

43.

Onus hospitalitatis Collegio impositum.

44.

Primi ex Hungaria Alumni in Collegium Germanicum recipiuntur.

45.

Deinde in eo perpetuo consistere jubentur, nulla re a Germanis diverſi.



temporis spatio compertum est, non modo utriusque gentis ingenii optime convenire, sed incendi invicem ad laudem Juvenes, incitarique æmulatione virtutis. Pulchrum id porro esse, ac fovendo studiorum ardori peropportuum videri. Bene etiam Collegio utrique cessurum, si utriusque jungerentur opes, quæ divisæ minus valerent, sibi quoque mutuo auxilio essent. His cognitis rebus Gregorius, simul intelligens non posse sine ingenti sumptu novam conduci, aptari, ornarique debito instrumento domum, ut impensarum compendium faceret, manere Hungaros in eadem cum Germanis domo iussit, non tecto solum conjunctos, sed nulla admodum re diversos, deditque hac super re proprium ac peculiare diploma Idibus Aprilis, anno MDLXXX. Diplomate eodem numerum Hungarorum ad duodecim præfinit, respectu scilicet habito ad Sacerdotes totidem, quibus olim Sanctus ille Rex Hungarorum Stephanus perpetuam Romæ sedem, & certos ad vivendum fundos dedisse fertur. Sic duo in unum Collegia coaluere, mosque post illud tempus obtinuit, ut id Collegium vulgari appellatione Germanicum & Hungaricum dicitur, quippe ex duplici natione compactum. Sed quando de templo S. Stephani in Monte Cælio est facta mentio, nefas hoc loco duxerim non in eo paululum immorari, quæque de tam vetusto ac sumptuoso ædificio scitu digniora sunt, prætermittere. Sedet in aperto atque edito Colle, uno ex septem Urbis notissimis, cui Cælii nomen antiquitas indidit. Operis est perquam magnifici, habetque in circuitu e marmore Ægyptio columnas sex & quinquaginta, quas ordo duplex in orbem distinguit, unde a figura templum S. Stephani Rotundi appellat vulgus. A priscis Romanis fuisse conditum, & Fauno superstizioso Numini consecratum, communior eruditorum opinio est. Vera ne ea sit, non definio. Certe id vero similis,

46.

Notiones historicæ circa Templum S. Stephani in Monte Cælio.

quam quod aliqui dixere, conditorem ejus fuisse Divum Stephanum Hungarorum Regem. Hujus enim opinionis vanitatem, cum structura ipsa & forma operis, quæ remotissimam antiquitatem redolet, tum litterarum monumenta aperte revincunt. Sane constat, sanctissimi Regis Stephani munificentia quoddam fuisse templum in Urbe conditum in honorem Stephani Protomartyris, ac duodecim Sacerdotum Collegio auctum; sed quale illud sit, siquidem adhuc extet, prorsus incertum. Atque ego quidem vehementer assentior Pancirolo, aliisque harum rerum indagatoribus, qui haud vana conjectura conficiunt illud ipsum esse, quod nunc S. Stephani in Piscinula vocant, ducta appellatione a foro Piscario, quod forte eo loco olim fuit, ac templo titulum fecit. Cæterum hoc, de quo scribimus, multo ante Regis Apostolici tempora Simplicius Pontifex ab Ethnicorum sordibus expurgatum Sancto Protomartyri dedicavit. In eo deinde Magnus Gregorius titulum constituit Presbyteri Cardinalis, & stationem feria sexta, quæ Dominicam Palmarum proxime antecedit. Quin eundem sanctissimum Pontificem in hac Æde concionem quandoque habuisse ad Populum Romanum, docet præfixus Homiliæ ejus quartæ in Evangelia titulus. Extat etiam nunc vetustissima sella e marmore, quales in antiquioribus Urbis Basilicis multæ conspiciuntur, in quantum Gregorium, tum alios Romanos Pontifices sedere consuevisse putandum est. Præter hæc vetustatis documenta, Theodorum Pontificem scimus anno Christi DCXLV. Sanctorum Martyrum Primi & Feliciani sacra corpora ex Nomentano Arenario in hoc templum intulisse, ac decenti loco condidisse. Quæ quidem hac nostra ætate, nobisque adeo præsentibus & inspectantibus, Antonius Xaverius Gentilius Cardinalis, utpote templi hujus titulo insignitus, e latebris educta, rite coram testibus recognovit,

## 47.

De Sacris Corporibus SS. Primi, & Feliciani in hoc templo repositis.

vit, transtulitque magna celebritate nobiliorem in arcam, ac nova excitata egregii operis ara, honore cultuque auxit. Illud haud minus constat, id olim templum Basilicæ Lateranensis fuisse subjunctum, ceu matri filium, proindeque Sacerdotem ab ea perpetuo ali consuevisse mercede conductum, qui templi custos, & Aedituus esset. Sed siue homo venalis suo munere indiligentius, ut assoleret, fungeretur, seu dies ipsa ac senium indultriam ejus vicerat, certe Nicolaus V., non modo incultum & squalens, sed ruinofum reperit. Quare instaurandum suscepit, disiectoque quo claudebatur muro ampliore, alium circumduxit interiorem, perampli alioqui ambitus, & lacunar duplex pro duplici columnarum ordine imposuit. Tum circumspicienti quos ei addiceret custodes in posterum, divinique cultus & sacrorum Ministros, objecere se Eremitæ, quos supra commemoravi, S. Pauli, ædiculam proximam habitantes S. Salvatoris, ut vocant, in Unda. Oriundi erant ii ex Regno Hungariæ, ubi is ordo & numero & dignitate claret, atque inde Romam ibant redibantque, ut Majorum imperia, aut necessitas ferret; nihilque habentes certi proventus, sola Fidelium liberalitate victitabant, cætera probi piique, & in magna apud populum opinione sanctitatis ac fama, quam religiose consuetudinis exemplo collegerant. Hos ergo Nicolaus Pontifex, e suis eductos angustis, transtulit ad S. Stephani, donavitque hortu contiguo, & prædio quodam Tusculano, quod deinde Burghesii, sumptuosam illam Mondragonii Villam extruentes, ex Collegio redemerunt, ac suam soluto pretio fecerunt. Addidit & alios quosdam census momenti levioris, quibus vitam sat commodè tolerarent. Sic ibi collocati Eremitæ excurrerant identidem pietatis instinctu ad rurale Virginis templum in Celsano, prope Galeriam oppidum, xul. ab Urbe lapide, quod ea tempestate ad

gen-

48.

Ut Templum  
possederit Basili-  
ca Lateranensis.

49.

Ut illud instau-  
raverit Nico-  
laus V., & Ere-  
mitis S. Pauli  
utendum dede-  
rit.

50.

Ut prædium  
Eremitæ acquie-  
rint S. Mariæ in  
Celsano.

gentem Ursinam jure patronatus pertinebat, & Divinæ Matris cultum, templique ejus venerationem late per circumposita propagabant. Qua moti pietatis specie pii conjuges, Joannes Jordanus Ursinus, & Felix de Ruvere, Bracciani Duces, impetratis Julii II. litteris Apostolicis, non illud modo templum, sed agrum præterea adjacentem hominibus tam bene merentibus mancipio dedere, anno rep. sal. MDXII. Hoc auctu Eremitæ, pauci cum essent numero, vitam commodius agitabant. Verumtamen ad Gregorii tempora cum devenire, post annos a Nicolao V. omnino centum & septendecim, stationem relinquere, uti diximus, sunt coacti, propterea quod Christianæ Reipublicæ minus utilis eorum opera (quæ totidem sunt Gregoriani diplomatis verba), quam Collegii Hungarici nova institutio videretur. Nec tamen Collegio pacata admodum, ac sine molesta interpellatione fuit possessio templi S. Stephani in monte Cælio. Nam, ut paulum ad superiora me referam, quo tempore Nicolaus V. Eremitas ad hoc templum, ut dictum est, transtulit, Canonici Lateranenses, etsi nihil palam ausi repugnare Pontifici, at scriptum ab iis abstinere, quo pollicebantur, si quo casu inde abscederent, non alteri se templum quam Lateranensi Basilicæ reddituros, atque hujus pactionis publicas confici tabulas curavere. Quibus post Gregorii mortem productis, templum ut suum repetentes, dicam Collegio scripsere, litemque intentavere, quam eo usque sunt prosecuti, dum adjudicato possessoribus templo, causa cecidere. Jam ut eo, unde paulum digressi sumus, narratio redeat, post constitutum eo quo diximus modo duplex in una domo Collegium, & utrumque rebus omnibus necessariis probe firmatum, ac stabilitum, aliud deerat nihil, quam ut novæ scriberentur leges, quibus disciplina Alumnorum, atque omnis vivendi agendique ratio contineretur.

## § 1.

Lis Collegio intentata a Basilica Lateranensi super Templo S. Stephani.

## § 2.

Bullam Constitutionum Gregorius edit ad perpetuum Collegii regimen.

tineretur. Nam tametsi optimis institutis gubernata ad eam diem Juventus fuerat, & quæ S. Ignatius primum, deinde Cardinales Moronus & Comensis præscripserant, ita erant rebus accommodata, ut iis nihil addi, nihil detrahi videretur posse, quædam tamen in melius commutanda docuerat magistra omnium rerum experientia. Et denum placebat ab ipsomet Pontifice Collegii conditore leges juberi, ut tantæ auctoritatis legislatori major esset reverentia, nec fas earum violare quisquam auderet. Rejecta hæc cura est a Gregorio in annos ultimos sui Pontificatus de industria, ut usu longo scilicet & consuetudine uberior, intimiorque compararetur naturæ, indolis, affectionum Germanicæ & Hungaricæ Juventutis peritia, atque inde aptiora, ac congruentiora decerni possent. Ergo ubi satis explorata omnia fuere, anno MDLXXXIV. diploma legum sanctissimarum Pontifex edidit, tum Moderatorum officia, tum Alumnorum omnem institutionem disciplinamque complectens. Quod quæle sit, ad calcem libri hujus videre erit. Tenuere leges hæc usque in præsens; Nec enim iis derogare cuiquam nisi Pontifici Maximo, ac Cætui Cardinalium Protectorum licet, quibus etiam nova statuta condere, ut res ac tempus postulaverint, permissum est. Notatum volumus tamen, etiamsi Pontifex legum lator imperantis, ac præcipientis in modum edicat quid fieri, quid caveri velit, iis verbis non adstringi Alumnorum, aut Moderatorum conscientiam, nisi qua alia lege res ipsa iussa vetitave sit; id quod Gregorius XIV. rogatus respondit, ac proprio diplomate declaravit. Sic demum omnibus confectis ad votum rebus, crescente in dies Collegio, non Alumnorum solum numero, & generis claritate, sed etiam fama ac commendatione virtutis, diem supremum Gregorius obiit, IV. Idus Aprilis, anno MDLXXXV. Mortem ejus multis ac veris lacrymis Alumni, ut in tristissima

## § 3.

Leges Gregorianæ non adstringunt conscientiam.

## § 4.

Obitus Gregorii XIII. Ei sub nebria perfolvunt Alumni etiam nunc.

stissima orbitatē fleverunt . Parentatum illi est funere apparatus tribus continenter diebus in D. Apollinaris, institutumque ut perpetuis deinceps temporibus, eodem recurrente quotannis die, aut certe intra mensem Aprilem, idem Pontifici merentissimo pietatis officium solveretur .

ss.  
Quanta bene-  
volentia Colle-  
gium comple-  
teretur Grego-  
rius .

Quod hodieque fit, quamquam partem ejus immortalem Cælo jam receptam opinari fas est . Beneficus vere Princeps, Paterque Juventutis hujus amantissimus Gregorius fuit, quam tanta complectebatur charitate, quanta major, esse cuius ergo liberos Parenti vix possit . Nam, ut cætera quæ hujus argumenti sunt expediam, præter multa & maxima beneficia, quæ hæctenus recensuimus, Collegio huic & cupere & benefacere quibuscunque potuit rebus nunquam desuit . Inter gravissima Pontificatus negotia, curasque multiplices, de Collegio Germanico inquirebat sæpe, de hoc sermones miscebat, hoc prope unum cogitare videbatur . Hujus vero successibus lætabatur in tantum, ut nihil supra . Observarunt Aulici, Principum scilicet affectionum intenti & assidui indagatores, si quando contracto vultu subtristior, perturbatusque Pontifex apparet, Collegii Germanici vix illata mentione, exhilarari statim, frontemque explicare, atque ita ingredi in sermonem, ac si negotium esset nullum præ manibus operosius, aut momenti gravioris . Alumnos, quoties ad se advenirent, nunquam aditu prohiberi jusserat . Venientes incredibili comitate excipiebat, detinebatque . Sacerdotia, quæ in Ecclesiis Germaniæ vacarent, petentibus, si modo Re-ctoris testimonio commendarentur, nulla tergiversatione concedebat; his omnia deberi dicentis, & idcirco se Collegium condidisse, ut Canonicorum, Parochorum, Episcoporum etiam, si superis placet, seminarium pro Germania esset . Xenia, cupediaque, atque hujus generis alia identidem e Palatio in Collegium afferebantur, haud magni

gni pretii munera, sed Pontificiæ voluntatis argumenta in maximo habenda pretio. Fuit tamen cum magni ponderis Crucem, ex puro argento affabre factam, misit, quæ etiam nunc inter pretiosiora templi servatur. Ut olim in Collegium se contulerit, cum ad Vallenſe Palatium Alumni habitabant, ostendimus supra. Rediit iterum ac tertio, cum jam ad S. Apollinaris migraverant, denuo intulit se in domus interiora, totamque circumiit, nullum finem faciens approbandi, atque laudandi ordinem rerum, convenientiam, munditiem, ac subinde rogans ex Patribus numquid deesset, cupidior ipse largiendi, quam illi accipiendi essent. Audierat votum Juventutis esse, ut tot tantisque in se collatis ad præsidium corporis beneficiis, adderet sanctiora quædam e thesauris Ecclesiæ dona ad munimen animæ, illicia scilicet ac fomenta pietatis futura. Nec ipse se minus profusum ac splendidum in hoc genere liberalitatis præbuit. Primo enim Alumnis, tum in ingressu Collegii, tum in digressu, Eucharisticum panem expiata conscientia sumentibus, plenam admissorum veniam indulſit. Sodalitates deinde eorum in honorem Virginis institutas, quæ erant in Collegio plures, probavit amplo diplomate, ac simili indulgentia diebus per annum constitutis fruenda communiit, quibusdam tantum impositis pietatis officiis, quæ more essent recepta. Postremo, quod præstabilius, Alumnis juxta atque omnibus domesticis ac familiaribus, quinquies Orationem Dominicam cum salutatione Angelica ad Aram templi maximam, semel ad minores pie decurrentibus, omnes acquirendas sanxit Indulgentiarum opes, quasunque Pontifices Maximi solemnibus Urbis stationibus affixerunt: Ingens sane privilegium, ac rari exempli, cujus beneficio habent ipsi domi quo ditescant, quodque alii longe quæsitum ire coguntur. Ut summam faciam, hoc Gregorius Collegio, velut eximio quodam

§ 6.

Largitiones Indulgentiarum Collegio sanctæ Gregorio.

57.  
Alia Collegia  
ad hujus simili-  
tudinem a Gre-  
gorio condita.

dam fructu curarum ac consiliorum suorum, maxime delectabatur, nihilque erat quoquo modo utile, aut decorum, quod non in eo optime collocatum crederet. Hac animi inductione similia, non in Urbe solum, sed ubicunque gentium potuit, inolienda suscepit, affirmare solitus, hanc Christi Vicario curam esse antiquissimam oportere, ut idonei sacrorum Ministri ubique sint, nec ullibi melius Ecclesiæ opes quam in his efformandis impendi. Quæ ejus consilia collaudantibus, magnopereque promoventibus Cardinalibus Morono & Comensi, quos in intimo habebat auctoritatis & gratiæ loco, præter Germanicum hoc & Hungaricum, de quo scribimus, suum etiam extare in Urbe Collegium voluit Anglis, suum Græcis, suum Maronitis, & Laureti suum Illyricis. Atque hinc prolata extra fines Pontificiæ ditionis beneficentia, Viennæ, Pragæ, Dilingæ, Brunsbergæ, Græcii, Fuldæ, Olomucii, Rhemis, Mussiponte, Claudiopoli. Vilmæ, in ipso adeo Orbe ultimo, atque in extrema Japonia, Arimæ, & Auxuchixami, Seminaria Juventutis condidit, ac justo censu dotavit. Quæ tametsi non videantur huc pertinere, pertinent tamen vel maxime, propterea quod a Collegio Germanico stimulos ad alia progrediendi cepit, ad hujusque similitudinem instituta omnia, & iisdem de Societate Rectoribus tradita in disciplinam voluit. Pertinet immo huc ipsa Collegii Romani, quali nunc Societas fruitur, tam ampla moles, quæque tantam familiam continet, atque sustentat. Nec enim alia Gregorio causa fuit ejus in tantam amplitudinem excitandi, quam ut Collegio Germanico, aliisque aliarum gentium Collegiis, quæ in Urbe condiderat, provideret. Quod ne forte ex vano a me dictum videatur, rem ipsam exscribo ex Annalibus Societatis. \*

„ Cardinalis S. Stephani Mathæus Contarellus, cum &  
 „ Societatis percupidus, & Pontificis perfamiliaris esset,  
 „ idem-

58.  
Collegium Romanum magnificientius extruit occasione sumpta a Germanico.

\* Sacchin. P. v.  
lib. 1. n. 50.



„ idemque Datarius , observato tempore dum de Colle-  
 „ giis a Pontifice institutis sermo miscetur , præclaram  
 „ sibi dixit videri statuat ab eo factam , sed ei similem ,  
 „ quam in quiete Nabuchodonosor vidit . Quærentemque  
 „ Gregorio , cur ita censeret : Quia , inquit , Collegio-  
 „ rum , quæ Vestra Sanctitas condidit , Urbanum hoc  
 „ Germanicum tam affluenter instructum , Caput aureum  
 „ potest videri : Anglicanum nondum ita ornatum , pe-  
 „ ctus argenteum : Eademque ratione e reliquis sunt aliis  
 „ alia melius ab re domestica constituta , quæ statua fe-  
 „ moribus , tibiisque respondeant . Cæterum omnia pedi-  
 „ bus nituntur quasi terreis , fundamento ægre coheren-  
 „ te , ac nisi fulciatur , tandem lapsuro . Expectante Pon-  
 „ tifice ut edissereret , quosnam diceret ejusmodi pedes ,  
 „ addidit : Nam pedes , quibus hæc præclara moles infi-  
 „ sit , Romanum ego Societatis Jesu Collegium dixerim .  
 „ Id nimirum cæterorum Alumnos Collegiorum cum mo-  
 „ ribus informet ac litteris , omnia , si recte existimamus ,  
 „ sustinet . Sed , ut nunc quidem se habet , ita angusto  
 „ ruinosoque testæ continetur , ita arcto censu fulcitur ,  
 „ tam multo premitur ære alieno , ut stare diu non pos-  
 „ sit . Hic vero exhilaratus renidensque Gregorius , Re-  
 „ cte , inquit , narras : Ergo fulciamus istos pedes . „ Ex  
 „ eoque temporis puncto augere Collegii Romani vesti-  
 „ galia , ac tale moliri ædificium statuit , quod ipsa frontis  
 „ amplitudine ac majestate speciem Romanæ magnificentiæ  
 „ præferret . Sed jam de Gregorio quod satis visum est  
 „ executi , de Lauretano Collegii hujus primo Rectore , at-  
 „ que altero , si ita loqui fas est , ejus Parente , pauca  
 „ extremo hoc libro videamus . Nec enim abs re pu-  
 „ to erit agnoscere , quales ille Alumnos , qua industria ,  
 „ quibus artibus fingeret ; utque ego arbitror , optimus ille  
 „ erit Rector , qui ad Lauretanum propius accesserit . Prin-

cipio naturæ Alumnorum, indolis, ac propensionum acerrimus observator Lauretanus erat, in eoque nervos gubernationis præcipuos reponebat, ut omnes probe atque intime haberet cognitos. Quod ubi confecerat, cupiditatum irritamenta animis eorum subtrahebat adeo solerter, ut nec indulgeret quidlibet, nec negaret omnia, sic contrahens aut relaxans fræna, ut omnes disciplinæ severitatem læti alacresque tolerarent. Auctoritatem, non fastu, non supercilio, non ullo artificio, sed eximia morum innocentia, ac vitæ sanctioris exemplo sustentabat, cornis alioqui, atque apertus, aditu facilis, nunquam imperii nimius. At idem parcus verborum, & propositi tenax, parem in tuenda disciplina diligentiam, ac severitatem præstabat. Custodiam legum usque ad supremos apices exigebat. Immorigeros & refractarios, postquam mitiora expertus incassum fuerat, Collegio pellebat, dicere solitus ( quod & scripto consignatum reliquit ) remedium mali hoc esse ultimum, at necessarium, nec nimio plus differendum, ne paucorum societate cæteri corrumpantur. Nec vero spectandum qui qualesque ii sint. Si modo perturbatores, aut pravi exempli sint, eliminari oportere, ne malum ultra remedium valescat. Anno uno denis missionem dedisse constat. Atque uni cuidam, apud quem litteræ sunt repertæ ad amicum paulo benevolentiores quam calamum pudicum decuit, eodem die protectionem indixit, & ipsa re proficisci coegit, quodque acerbius, sine viatico, & testimonio. Adeo hujus affines noxæ non ferebat. Quoties aliquem sic exauthoratum dimiserat, convocare Alumnos, & austero sermone alloqui, urgereque ad officium solebat, sic ut errorem omnes agnoscerent, ac pœnam formidarent. Ex quo apparet rigidioris naturæ Lauretanum fuisse, qui nihil impunitum dimitteret, nec tam blandimentis quam metu Juventutem contineret. Cæterum

60.

Immorigeros, & qui mali exempli essent, e Collegio dimittit.

terum gnarus, non qualescunque sibi Juvenes, sed Ecclesiasticos, ac Sacerdotalis officii candidatos esse concreditos, illud agebat primum, illud summa ope studioque curabat, ut amore cœlestium incenderentur, caduca vero hæc & fluxa in postremis haberent. Adjutore in id utebatur uno ex Patrum gravioribus, cujus erat Alumnorum confessiones audire, & quæcunque ad animæ cultum pertinent, moderari. Is, ut quemque habebat intime cognitum, singulis aptiora præscribebat, omnes ad perfectiora quodammodo manu ducebat. Accedebant exempla Patrum, maxime juniorum, quibus haud minus advigilabat Lauretanus, illud ab unoquoque postulans, ut prærent exemplo Alumnis, ac veluti facem ad omnem pietatem præferrent. Quo ex numero fuit aliquandiu vir ille sanctissimus, non tam accepto a majoribus, quam fuso pro Christo sanguine illustris, Rodolphus Aquaviva, qui tum in Collegio Germanico studiis Theologicis operabatur, atque hinc in Indicam expeditionem profectus, præclarum Fidei suæ testimonium inter barbaros Salsettanos dedit securi percussus. Cujus aspectu ipso, ut est in litteris ejus temporis, pelli se tacite ad pietatem Alumni sentiebant. Certa erant intra diem precandi præfinita spatia, neque ab his ulla unquam vacatio indulgebatur, ne tum quidem cum in Tusculanum aut Tiburtinum, ut supra dictum est, ad reficiendas attritas morbo vires Alumni mittebantur. Tunc, ut nunquam nisi plures manipulatim mitti mos erat, ipsi unum aliquem e suo numero eligebant prudentiorem, sibi que rerum arbitrum, legumque exactorem ultro imponebant, qui deinde cæteris advigilabat, in primisque ut pietatis officia sancte peragerentur videbat, & quæ deinceps cunque inciderent, ad Rectorem per litteras referebat. Indicem hujus rei ac testem habeo epistolam Tibure ad Lauretanum scriptam, atque in hæc

61.

Pietatis præmam curam gerit. Quantum in id profuerint exempla Ven. Rodulphi Aquavivæ.

62.

De studio Orationis quo Alumni exercebantur. Documentum hujus rei.

in hæc verba conceptam : „ Valemus omnes di vino auxilio . Rectorem hodie Joannem Adolphum more introducto elegimus . Prius tamen leges illi observandas constituimus , scilicet ut mane & vespere curam Orationis habeat , ante & post mensam gratias agat , in hebdomada semel curet nos convenire , ibique quæ videbuntur agat in Domino . Itaque quidquid in posterum incidet , de iis Reverentiæ Vestræ prædictus Rector noster scribet . „ Rusticationes eas initio Alumnis valetudinariis concedebat Lauretanus . Sed cum in aperto cælo , longiore otio , ac liberiore vitæ genere nonnihil remollesceret disciplinæ vigor , eisdem postea ipse sustulit , præsertim quod non adeo necessariæ sunt visæ , cum villam suburbanam , de qua diximus , Alumni frequentare cœperunt . Verum hæc obiter , ac dicis causa . Multa jam dicere haberem de studio pietatis , quo sic exulta Juventus spectabatur . Instar omnium sit quod Lauretanus ipse relatum in Commentarios reliquit . Anno piaculari MDLXXV. , quo anno tota urbs exterorum undique adventantium concursu , supplicationibus , religionibusque fervebat , Germani quoque Alumni centum & triginta numero , haud semel ad Apostolorum Basilicas supplicabundi processere , sic tamen ad modestiam compositi , ut incessu ipso pietatem meram spirarent . Demissis namque , ac nusquam evagantibus oculis incedebant , aut divina meditantes taciti , aut precarios globulos manu volventes . Quod spectantes Romani pariter atque advenæ , hærebant admiratione defixi . Ac tanta spectaculi hujus admiratio fuit , ut piæ quædam Sodalitates , majori fortasse pompa quam modestia supplicatum ire solitæ , motæ Germanorum exemplo , legem sibi fecerint ab usitatis confabulationibus , oculorumque conjectibus in posterum abstinendi . Ne vero hæc , utpote publica , & in oculis amplissimæ civitatis facta , ostentui fuisse dicantur .

63.

Supplicationes  
ab Alumnis habi-  
tæ anno piac-  
ulari .

64.

Quantus pietatis  
fervor exarsit  
domi eodem  
anno .

dicantur, is eodem tempore fervor exarsit domi, ut fuerit Majorum auctoritate & imperio comprimendus, ne ultra modum excurreret. Nisi enim aliqui essent injecti fratri, nullum plane modum afflictationibus voluntariis multi faciebant. Alii cilicium setis horridum sibi ad lumbos præcinxerant, idque diu noctuque gestabant. Alii inedia, alii flagris, alii aliis tormentorum formis corpus immaniter cruciabant. Fuit qui ad Basilicas processurus, prius præacutos inclusit calceis scrupulos, quibus ad passus singulos læderentur inter eundem pedes sensu doloris acerrimo. At enim satis non habebat Lauretanus, ut privatam duntaxat, atque, ut ita dicam, sterilem pietatem Alumni colerent; sed dabat operam, ut in alios quoque pium ardorem effunderent. Atque illi satis gnari se, non in suam modo, sed etiam in proximorum salutem tanto labore studioque enutrir, Apostolica ministeria jam tum volentes libentesque, quoad poterant, capeſſebant. Si quem audierant ex Germania advectum, cujus suspecta esset religio, eum blande circumveniebant, obsidebantque quodammodo, nec nisi pravas opiniones dedoctum, & doctrinam Catholicam aperte profitentem dimittebant. Germanos, qui in publicis nosocomiis ægroti jacerent, adibant assidue, eorum lectulis quantumvis sordidis assidebant, Sacerdotes peccata consentibus aures dabant, ut ægritudinem, ac mortem etiam pie patienterque exciperent, apta loco ac tempori subiicientes, persuadebant. Nec ferme talium quispam in Nosocomium deferabatur, quin unus aliquis e Collegio Sacerdos ad ejus solatium evocaretur. Namque hos constabat, cum ob usum linguæ Germanicæ, tum maxime ob pium quo flagrabant animarum studium, suis popularibus adjuvandis aptos in primis utilesque esse. Cohors Romæ est militum haltatorum, e gente Helvetica, quos utpote sui corporis stipatores Pontifex, cum procedit

64.  
Laboribus Apostolicis Alumni assueſcunt.

cedit in publicum, circa se habet, atque in Palatio frequentes alit. Horum cura uni ex Alumnis erat commissa, quem proinde illi velut pastorem suum habebant. Ab eo divini verbi, sacrorumque pabulum statis temporibus accipiebant, apud eum conscientiarum onera deponebant, eum unum, cum ægrotabant, ad se opis ferendæ causâ accersebant. Gaudebat his rebus maxime Lauretanus, uti qui semel animo defixisset, quot essent in Collegio Alumni, tot effingi Apostolos oportere. Inde etiam cum intelligeret, Apostolici muneris partem esse varias peragrarè terras, ex unaque in aliam peregrinando discurrere; his etiam peregrinationibus ut assuescerent, eorum interdum aliquot paria, aut ad Lauretanam Virginis domum, aut Cassinum, ad montem S. Benedicti memoria nobilem, pedibus iter facere jubebat. Tantum virtuti eorum, ac pietati tribuebat! Sed ne his ultra præfinitam brevitem immoremur, pietatis cultum excipiebant studia litteraria, altera Lauretani cura, cui nihilo segnius insistebat. Nec est ut referam quam sæpe, quam serio Alumnos adhortaretur, ut hanc officii partem, si non primam, certe inter primas habendam implerent, quotque intra annum, quam exquisita sumeret progressum, quæ quisque fecisset, experimenta. Cessantes increpabat, currentibus stimulos addebat, quid Pontificis benevolentiarum, quid hominum expectationi, quid sibi, quid patriæ deberent subinde subiiciens. Quibus verborum stimulis, & proposito Doctoratus honore, quem nisi merentibus non deferrebat, adeo incitabantur generosi, atque ab ipsâ natura appetentes laudis Juvenes, ut orbem studiorum summo nisu & ardore plerique decurrerent, & multi humanis divinisque litteris demum excellerent. Præter litteras, sacros quoque Ecclesiæ ritus ediscere, atque exercere Alumni jubebantur, eosdem scilicet in Germaniam Hungariamque, ubi fere

66.

Post pietatem  
studia litteraria  
Lauretanus pro-  
moveret.

67.

Qua cura insi-  
stet Sacris Ec-  
clesiæ ritibus ac  
cæremoniis.

fere ex toto exoleverant, reportaturi. Atque id etiam inter præcipuas Lauretani curas fuit. Idcirco Magistros instituebat ex peritioribus, qui cæremoniis moderandis præessent. Neminem produci in publicum patiebatur, nisi scientiæ periculo prius privatim facto. Privatis experimentis aderat ipse interdum, publicis in templo officiis nunquam non aderat, inspector, censorque adeo rigidus, ut levissima quæque errata notaret, corrigeretque. Si quem vero vidisset in sacri functione muneris garrientem, ridentem, aut huc illuc oculos liberius obvertentem, eum panis tantum esu, ac frigida potu multabat. Hac assiduitate ac rigore censuræ facile est comparatum, ut Ecclesiæ ritus cæremoniæque in D. Apollinaris accuratissime, ac summa dignitate peragerentur. Inde templo ingens hominum frequentia, quippe quo spectatum adveniret populus, non Alumnorum minus modestia, quam sacrorum rituum splendore ac majestate illectus. Est in litteris annuis Societatis, extitisse aliquando Romæ Episcopos externos, qui Clericos e suis quosdam mittebant identidem ad S. Apollinaris hac una causa, ut observarent, ediscerentque ab Alumnis rationem gerendarum rerum, ad eorum deinde exemplum res sacras administraturi in suis Ecclesiis. Cæterum solo quem vocant cantu Gregoriano res agebatur initio, cui condiscendo horæ semissem quotidie Alumni tribuebant. Addi postmodum Lauretanus jussit modulos musicos argutiores (cantum figuratum appellant), & sonora instrumenta, quorum erat receptus in templis usus, sic tamen ut Odæum D. Apollinaris soli exercerent Alumni musicæ artis periti. At mortuo Lauretano, seu peregrinæ vocis accentu Romanorum aures offenderentur, seu studio Musices plus nimio avocarentur a scholasticis rebus Juvenes, quæ demum fuerit causa, relicto Alumnis in usus quotidianos cantu duntaxat Gregoriano, ad faciendas

M

popu-

68.

Cantu Grego-  
riano & Figura-  
to Alumni cære-  
centur.

69.  
Quale Collegium fuerit sub Lauretano.

70.  
Alumnorum eximia benevolentia erga Laurretanum.

populo illecebras molliorum suavitate chromatum, verius visum est Cantores externos & Symphonicos pretio conducere, qui mos etiam nunc tenet. Atque hæc ferme tota Lauretani administratio fuit, ad annos plus duodeviginti, ut alibi dictum est, producta. Jam ut cum primis extrema contexam, eo Rectore sic ordinata compositaque fuere omnia, cursumque adeo secundum res tenere, ut fervidissimæ Juventutis Collegium, in tanta multitudine ac varietate ingeniorum, in tanto nobilitatis splendore, qua re plerumque efferi & inolescere Juventus solet, ab austerioris disciplinæ cœnobio vix differret. Ea pax, quies, animorum conjunctio, & index innocentiae hilaritas inerat. Accedebat Alumnorum erga hujusmodi Moderatorem incredibilis, non solum reverentia, sed, quod magis est, etiam amor, isque adeo constans, ut nullo umquam casu sit iminutus. Documento sit, quod cum Claudius Aquaviva, summus Societatis Præses, anovere Collegio eum, & in Poloniam cum potestate Visitatoris mittere statuisset, ea re commoti perturbatique sunt Alumni in tantum, ut adierint supplices Gregorium Pontificem, ejusque nutu & auctoritate Aquavivæ decretum interverterint. Itaque Magistratum eundem dum vixit Laurretanus tenuit. Sed neque eo mortuo, quod magis obstupescas, carere Alumni sustinuerunt. Elatus namque cum fuisset, ut tunc moris erat, in templum Professorum Societatis, ibique humandus inter suos esset, intercessere Alumni, reddi sibi optatissimum Patrem ac Rectorem suum magnis questibus deposcentes; reque exorata, cadaver ipsimet sandapylæ impositum succollantes deportavere in D. Apollinaris, atque honestissimo loco condidere, hoc insuper lapidi inscripto elogio, brevi, sed ponderis succique pleno: *Collegii Germanico Hungarici Recter primus, & optimus*. Neque vero intra Collegii fines hæc



## ET HUNGARICI LIBER SECUNDUS. 91

hæc tanta benevolentia se continuit. Pervasis usque in Germaniam, Hungariamque, eam scilicet secum quotquot Rectorem in Collegio habuerant comportantibus, ac late propagantibus. Itaque ut innotuit illic de Lauretani obitu, id Germani Hungarique passim velut acerbissimum suæ gentis vulnus accepere, ac dolore luctuque publico sunt persecuti. Multi etiam in suis Ecclesiis solemne pro eo Sacrum cum exequiali pompa celebravere. Quid quod Alumnorum unus, haud scio utrum amantior, an doctior, qui postea ad Jesuitas transiit, Matthæus Schrickius nomine, ne carissimi Patris memoria interiret, vitam ejus, resque omnes gestas, accurate conscripsit, ac Romam transmisit, suæ in eum voluntatis monumentum nullo unquam tempore abolendum? Magna profecto hæc, & ad Viri commendationem præclara. At enim de Lauretano nihil tam magnifice loquebatur, quam ipsa Collegii fama, quæ eo vivo tanta, tam secunda fuit, ut nobilissimi quique ex Germania Hungariaque adolescentæ Romanam hanc institutionem avidissime expeterent, arriperentque. Qui cum revertebantur in patriam, opinionem quæ de Collegio erat, non æquabant modo, sed multis etiam partibus superabant. Obstupescabant sane eorum conterranei, hos cum viderent, haud ita pridem adolescentes primis tantum litteris tinctos, nunc de philosophicis ac theologicis rebus erudite disserere, cum hæreticorum doctissimis congrédi, conciones sacras habere, huc illuc ad ferendam pietatem discurrere, omnia, non Sacerdotum modo, sed Apostolorum munia strenue impigreque obire, in alios prope homines versos. Hæc eadem mirari, hæc fateri ipsimet Religionis adversarii cgebantur. Atque illi sectæ Doctores, illi rabulæ importuni, ac latratores effrontes, qui antea ut merum indigorum receptaculum, ac mendicabulorum asylum Collegium

71.

Quanta de Collegio esset opinio in Germania, utque eam Alumni æquarent.

72.

Quanta apud ipsos Hæreticos Collegii existimatio esset.

Germanicum inter gregales traducere consueverant , tam multos eo confluere cum viderent ex flore nobilitatis , mutire jam non audebant . Ubi vero reduces conspiciabant , & quantam doctrinæ pietatisque supellectilem secum ferrent , ut vitam instituerent , quid molirentur , atque hos laudari unos , hos passim deprædicari , sibi que longe anteponi intelligebant , urebantur pudore & invidia miseri , multum de arrogantia remittebant , ac rebus suis vehementer timebant , Sed de his paulo copiosius libro sequenti .



## BULLA GREGORII XIII.

## CONSTITUTIONUM COLLEGII GERMANICI ET HUNGARICI.

GREGORIUS EPISCOPUS

SERVUS SERVORUM DEI

*Ad perpetuam rei memoriam.*

**E**X Collegio Germanico, quod superioribus annis in Urbe constitutum, magnisque hucusque sumptibus auximus & locupletavimus, Religioni Christianæ, præsertimque carissimæ nobis Germanicæ Nationi, cuius causâ initio institutum est, magna cum animi nostri voluptate jam fructus consequuntur non mediocres: unde magis in dies invitamur, ut studiosius in eam curam incumbamus. Frustra tamen a nobis suscepta esse omnia satis intelligimus, nisi illud, quemadmodum optimis disciplinis, & Sacræ præsertim Theologiæ doctrina, curamus imbuendum, ita etiam salubribus institutis communicamus: ut Juvenes in ipsum cooptati normam aliquam habeant, ad cujus præscriptionem & ipsi suas dirigant actiones, & Superiores omnia suorum momenta perpendant officiorum, atque illa lubrica ac sæpe prolapsa, cuius iter cognitu est perdifficile, in circumscripto ei a nobis virtutis curriculo se exercens, suam modestiam probet & continentiam, paternisque nostris monitis innitens, & monstratam semitam assidue terens, ad propositam gloriæ palmam, non illam quidem corruptibilem sed æternam, inoffenso cursu deferatur.

§.1. Quare Motu proprio certa que nostra scientia in perpetuum statuimus & ordinamus, ut pro subveniendo spiritualibus Germanicæ necessitatibus, quo institutio Collegii spectat, in opportunis ipsius Germanicæ locis viri aliqui pii & prudentes constituantur, qui præclaræ indolis Juvenes conquirant, examinatosque Collegio proponant,

ex quibus Superiores Collegii optimos quosque deligent. Sint etiam Romæ tres Examinatores, qui coram Rectore Collegii Juvenes examinent, eosque Juramento (quod tamen, si Superioribus minime necessarium videbitur, possit remitti) approbent aut reproben. Debent autem viri Religiosi, & Ecclesiastica Beneficia jam obtinentes aliis præferri.

§.2. Juvenes vero in hoc Collegium admittendi ex Superiore Germania, Westphalia, Saxonia, Prussia, Rheno, atque ex Regno Hungariæ, ut hucusque factum est, accipiantur. Oportet enim, ex Germania Provinciisque prædictis centum Alumnos, quod in aliis Literis Apostolicis fuit expressum, in Collegio esse. Si vero aliqua Collegii loca vacua remanebunt, ea poterunt ex Aquilonaribus Provinciis hæresi etiam infectis expleri, modo Juvenes ex his Provinciis valde sint idonei, Protectoresque & Superiores eorum admissionem Catholicæ Ecclesiæ utilem fore judicaverint & necessariam. Nemo tamen ex quacumque gente aut Provincia admittatur, qui, studiis absolutis & Sacris Ordinibus susceptis, certum locum non habuerit, ad quem se recipiat, & in quo boni & eruditi Sacerdotis munere perfungatur.

§.3. Omnes legitimo matrimonio sint nati, bona fama commendati, sano præterea sint corpore, lingua minime impedita, & aspectu non deformi, nullius Religionis desertores, Latine & Germanicæ linguæ periti, nihil Romæ negotii aut litium habentes. Sint etiam ætatis maturæ, viginti circiter annos nati: quod si fuerint Nobiles, quique in Superioribus Germanicæ Cathedralibus Ecclesiis admitti consueverunt.

runt, tunc minimum sexdecim annos attingant, & Grammaticam sciant; ceteri omnes ad Theologica vel Philosophica sint idonei. Ignoti, amplumque de vita & moribus testimonium non habentes, vel qui extra Germaniam in Aulis aut in Universitatibus vixerunt, aut vagi cuius domino inservientes ingentem Germanicam illam simplicitatem amiserunt, hanc disciplinam idoneos non judicamus, eosque ab ingressu Collegii rejicimus: quod Collegii prædicti Superiores observabunt in iis omnibus, quos ad hoc vitæ institutum minime aptos esse cognoverint. Verum qui bonæ indolis fuerint, nullumque hujusmodi habuerint impedimentum, post legitimum examen, a Præposito Generali recipi poterunt; iis qui defectum patientur rejectis, qui omnino admitti non debeant, nisi gravis aliqua causa intercedat, & de unanimi omnium Professorum & Superiorum consensu. Paterna vero Præpositi Generalis in hoc maxime se ostendat sollicitudo, ut omnes Germaniæ Dioceses pro singularum necessitate & amplitudine juventur, ex eisque quot poterunt in Collegii loca distribuatur: quæ distributio mutari poterit, ut se mutabit Germaniæ status, & animarum salus postulaverit. Si qua vero in Diocesi non reperiantur ad hanc institutionem idonei Juvenes, alii ex finitima aut alia Provincia deligantur, qui in Collegio instituti, ad desolatas ejusmodi Ecclesias exemplo & doctrina sublevandas postea dimittantur. Plures autem non recipiantur, quam quot Superiorum judicio atque experientia in Collegio prædicto poterunt commode sustentari.

§.4. Antequam in Collegio quicquam admittatur, vel in sine sex primorum mensium, in Superiorum manibus iurandum dare debeat, Velle se statum Ecclesiasticum amplecti; Et ad omnes sacros, etiam Presbyteratus, Ordines, cum visum fuerit Su-

perioribus, promoveri; Cumque iidem mandaverint, in Patriam statim reversuros; Juris Civilis aut Medicinæ studia non professuros; Aliam rationem vitæ, alicam præsertim, non sectaturos; Sed continuo, ubi a Collegio dimissi fuerint, in Germaniam ad juvandas animas remigraturos, etiam ante constitutum studii ordinarium terminum, si ita animarum salutem conducere, aut pro Collegii commodo Superioribus videbitur expedire: Juret etiam, se Collegii instituta secundum Superiorum interpretationem observaturum; Nec a communi omnium Alumnorum vivendi ratione discessurum.

§.5. Postquam autem prædicti in Collegium fuerint recepti, Christianam pietatem, & Dei timorem primum, & summum Religionis studium sibi esse propositum in animum inducant: inde enim salutaris & vera initium habet sapientia. Quare statim pietatis & Ecclesiasticæ vitæ fundamenta jacent; vocationem, quam Deus illis impertiri dignatus est, etiam atque etiam considerent; generalem totius vitæ confessionem instituant; Divinum Officium recitare, & caelestia meditari discant; Catechismo studeant; iis, quæ In Uomo Dei & in Choro a Clericis peragenda sunt, diligenter assuescant; atque id genus alia: quibus novi Alumni perdiscendis dies ut minimum quadraginta impendant; nec ante, quam in iis se bene exercuerint, Alumnorum veste induantur, aut ad disciplinarum studia mittantur, etiam si Nobiles fuerint aut Religiosi & in Sacerdotio constituti.

§.6. Sex item menses cuicque tribuantur, quibus, an in Collegio perseverare, institutionemque hujusmodi observare, & propositum ad finem perducere velint, secum deliberent; & tantum pecuniæ penes Collegii Ministris deponant, quantum infra sex menses, aut post studiorum cursum discedentibus ad reditum in Patriam suffi-

sufficiat, ne Collegium viaticis gravetur: pauperum tamen ratio habeatur. Quæ sex mensium præscriptio ad novorum Alumnorum probationem concessorum Superiores non arcebat, quominus, si deprehenderint Juvenes ad hujusmodi disciplinam Sacrosque Ordines parum aptos, eos intra sex menses prædictos sine mora possint dimittere. Nemo enim hoc in Collegio est alendus, qui sine spe solidi in pietate fundamenti hinc videatur discessurus; ne forte malus pravi unius Alumni exitus ea destruat, quæ multorum in religione & pietate profectus ædificaverit: neque enim, quibus severitate pœnarum opus est coercendis, digni sunt hujus vitæ instituto. Tantum igitur retineri eos volumus, qui, sua sponte & amore virtutis, pietatis litterarumque studio vacabunt.

§.7. Omnes in Collegio fraterna caritate devincti eisdem legibus vivant, eadem præcepta servant, sive Nobiles sive Sacerdotes sint; omnium, etiam Religiosorum, idem sit victus & vestitus, honestus tamen & personis Ecclesiasticis Superiorum judicio conveniens.

§.8. Et ut, quod intendimus, spirituale ædificium ad culmen Deo dante perducatur, statuatur ante omnia fundamenta pietatis. Itaque Sacramentorum pius & assiduus usus conservetur, singulisque mensibus sollempnibusque festis ac Dominicis Adventus & Quadragesimæ omnes constitutis per Superiores Sacerdotibus peccata confessi, nisi legitimum intercedat impedimentum, communicent. Quotidie Missam audiant; & mane, antequam studiis operam dare incipiant, dimidiatam horam pie meditationi impendant; & vespere, antequam cubitum eant, quartam horæ partem Litaniis & discutiendæ conscientiæ tribuant: & si quis Officium Ecclesiasticum recitare debet, id aliis horis absolvat. Sacerdotes Missæ Sacrificium frequentius Deo offe-

rant, in quo peragendo non minus dimidiata hora insistant. Pie quoque consuetudines nascentis Collegii omnes perscribantur, & posteris observandæ proponantur.

§.9. Præter constitutos per Superiores Collegii Confessarios, sint in tanta multitudine aliqui rerum spiritualium Magistri, qui pietatis disciplinam primum quidem novis Alumnis, deinde etiam adultis ceterisque omnibus accuratissime tradant; quod si tales Magistri ex ipsa Societate deligi non potuerint, optimi quique ex ipsis Alumnis assumantur, qui ab omni cura omnino vacui hoc tantum munus sollicitè subeant.

§.10. Alumni vero studii quidem addicti, in pietate vero desidioli, quique suis moribus alios ab ardenti pietatis studio tepefecerint aut quomodolibet averterint, vel a rectis Superiorum consiliis aut obedientia abduxerint, vel hujusmodi facere tentaverint, statim a Collegio dimittantur.

§.11. Festis diebus domi se contineant; orationi, pie lectioni, Divinis Officiis, Sacris Cæremoniis perdiscendis & exercendis dent operam. Quod si Superioribus incommodum videretur, omnibus diebus festis totum Divinum Officium decantare, in sollempnioribus tamen diebus, & Dominicis Adventus ac Quadragesimæ, & in diebus festis Beatissimæ Virginis Mariæ, Sanctorum Omnium, Apostolorum, & Angelorum partim decantetur; partim distincte & devote sine cantu recitetur.

§.12. At cum Autumni tempore a lectionibus vacant, tum maxime in Divinis Officiis perdiscendis & cantandis, ut Superioribus videbitur, se se exercent: in quo tamen ne remissius aut indulgentius agatur, Rectoris conscientiam oneramus. Eo quoque tempore, aut alio cum studia intermittuntur, ea doceri curent, quæ celebrando Missæ Sacrificio sunt accommodata, præsertim hostias & corporalia parare: die-

diebusque festis nulla umquam litteraria exercitatio aut Divinum Officium aut Ecclesiæ curam quomodolibet interrumpat seu impediatur.

§.13. Beneficiorum in Collegium a Dei benignitate collatorum memoriam pie colant, memoresque sint bene de Collegio prædicto & de se meritum, & Superiorum, præcipue defunctorum, quorum nomina in Ecclesiæ suarum Sacerario aut in Choro descripta habebunt: proque iis, qui majore fuerint in se uti beneficentia, Anniversaria Sacra perpetuo solemniter fiant, singulisque hebdomadis pro illis orationes & sacrificia Deo offerantur.

§.14. Alumni morientes, & in ipso agone, & ab hora transitus usque ad horam sepulture, fraternis Alumnorum obsequiis atque orationibus adjuventur; quorum funeri omnes interfint; & intra octo dies exsequiis illis pie persolvantur. Quando autem contigerit, aliquem ex Cardinalibus Protectoribus decedere e vita, triduo orationes & sacrificia pro illius animâ Deo offerantur; cujus misericordia pro futuro Protectore rogetur, ut talem dignetur Nobis aut pro tempore futuris Romanis Pontificibus suggerere, qui tantum opus amplecti velit, & quam maxima poterit caritate tueri.

§.15. Qui ex Alumnis Superiorum iudicio in pietatis studio & in Ecclesiasticis functionibus bene fuerint versati, ad omnes sacros, etiam Presbyteratus, Ordines promoveantur, etiam sine litteris dimissorialibus suorum Ordinariarum, & sine titulo Beneficii aut Patrimonii, etiam extra legitima Ordinationum tempora. Antequam vero Sacris Ordinibus initientur, in Spirituibus Exeritiis & piis meditationibus per dies ut minimum quindecim contineantur: unoque anno, antequam in Patriam sint profecturi, aut (si commode fieri possit) adhuc citius ad Sacerdotium assumantur: quo tempore in

Sacerdotalibus officiis, atque in Sacramentorum administratione, & in concionibus ad populum exerceantur; ita tamen, ut hac occasione Sacerdotes neque liberiores sint quam antea, neque extra Collegium comedant aut pernoctent.

§.16. Omnes quoque Collegii nostri Alumni a cauponis, & hospitibus locandis, & a quorumvis negotiorum procuratore abstineant: nullis Ecclesiasticorum Beneficiorum litibus aut controverfiis impliceantur; nec per Aulas, Tribunalia, laicorum aut externorum aliorumve domos discurrant. Constituta autem aliquis pius prudens & experiens vir, qui ipsorum Alumnorum negotia sine eorum interventu expediri curet. Alumni sine comite a Superiore illis adjuncto e Collegio egredi non audeant: quod si fecerint, aut comitem deseruerint, vel eo pro foribus relicto negotia intus occulte tractaverint, in Collegium amplius non recipiantur. Non prandium aut cenam extra Collegium capiant sine expresso Rectoris & Præpositi Generalis consensu; qui Alumnis ipsis, ut extra Collegium pernoctent, aut post Solis occasum cœnent, facultatem concedere minime poterunt. Si quis autem ex Alumnis extra Collegium ebrius fiat, in Collegium amplius non recipiatur: quod si cuiquam in Collegio non semel neque casu idem acceidat, debet e Collegio dimitti. Ad tollendas autem commensationes, & quæ inde oriuntur scandala, non possit Rector quemquam externum in Collegii Vineas atque Hortos introducere sine Præpositi Generalis consensu: qui eam diligentiam in hoc Collegio gubernando adhibeat, quam, si esset suæ Societatis Collegium, adhiberet; consuetudine autem & modo suæ Societatis non utatur, sed novas regulas proponat, quibus Alumni Collegii privatim & publicè secundum Canones & Clericorum sæcularium mores intuantur.

§.17. Litteræ, quas Alumni perscribent,

scribent, item eorum libri diligenter inspiciantur; quæ, si quidpiam amatorium, aut bonis moribus perniciosum contineant, comburantur, & qui eos habuerint, severe puniantur. Si quis autem deprehendatur litteras impuras scribere, seditiosas, vel detractorias, malum aliquod consilium vel vitia quorumvis continentes, statim e Collegio ejiciatur. Eandem pœnam subeant, qui seditionis speciem aliquam excitaverint, vel occasionem præbuerint atque auctores fuerint quominus aliquis Superioribus obtemperaverit, aut si quem contra eos re aut verbo concitaverint. Si etiam ejiciantur, qui injunctam sibi pœnam detraxerint; aut, invitis Superioribus, pecuniam occulte retinuerint: quique quemvis maledictis aut injuriis dictis affecerint, aut perculserint, vel Collegii pacem quomodocumque turbaverint, factis item & verbis inhonestis, statim, tamquam pestis quædam, e Collegio extrudantur.

§.18. Ad ea se quisque studia applicabit, eosque libros habebit, quos Rector censuerit. Interpretationes Auditorum in Gymnasio tantum Societatis audient. Ad Theologica studia quatuor annos assignamus, ad Philosophica tres, totidem ad Conscientiæ Casus perdiscendos. Juris autem Civilis aut Humaniorum litterarum studia nullum in hoc Collegio locum habeant. Harum, quas demonstravimus, disciplinarum studii ultimus annus Alumnis non concedatur, nisi prius in Subdiaconatus saltē Ordine sint constituti. Quod si quis ad Sacros Ordines aptus non videbitur aut illis indignus, is in Collegio nequaquam retineatur; nec ei permittatur Theologiæ aut quodvis aliud studium inchoare. Sacerdotes autem & virtute & doctrina præstantes in Theologia Magistri creentur, sine ullo tamen Collegii sumptu: qui autem Sacerdotii Ordinem non fuerint consequu-

ti, ad hujusmodi gradus non sunt admittendi.

§.19. Studiis absolutis; dies triginta in Collegio permanendi Alumnis concedantur; quibus transactis, non possint Superiores amplius eos in Collegio retinere: triginta vero illis diebus non erunt Alumni a Collegii legibus soluti, sed omnia facient ex Superiorum præscripto. Quæ vero pauperibus Alumnis vestes, aut pro vestibus quæ pecuniæ in discessu dandæ sint, ita Rectori præscribatur, ut querelarum & invidiæ occasio præcidatur: Alumnis vero, qui pauperes non fuerint, aut qui studiorum cursum non abolverint, aut qui ob culpam aliquam dimissi fuerint, nihil detur.

§.20. Superiores facultatem habeant aliquos egregiæ virtutis Alumnos, etiam post absolutâ studia, in Collegio retinendi, quorum opera utantur in Collegii administratione, & cura rerum ad Collegium pertinentium; vel etiam ut Alumni prædicti concionibus & administratione Sacramentorum Germanos juvent in Urbe commorantes; & ob alias hujusmodi pias causas ad Collegii commodum & animarum salutem pertinentes.

§.21. Nullus autem in Collegio, vel postquam e Collegio egressus fuerit, causarum in Curia sit Procurator; nec cuiusvis Principis aut Prælati negotia etiam spiritualia procuret; nec absolutis studiis quisquam vel in Collegio vel in Urbe permaneat, ut Curie praxim edifcat.

§.22. Si quis Alumnus divinx gratiæ impulsu ad perfectionis statum & ad aliquod Religiosæ vitæ genus aspiret, non debet a quoquam quavis de causa impediri, etiam si eo consilio fuisset in Collegium ingressus, ut, studiis absolutis, e sæculi fluctibus se in tutum reciperet; dummodo virtute confirmatus, in aliquam Germaniæ Provinciam se conferat.

N

Loca

§.23. Loca discendentium Alumnorum ultra annum non vacent; & si ii ad quos loca vacua pertinent non advenierint, Superiores eorum loco alios recipiant idoneos Juvenes: qua in re nemo poterit Superiores impedire. Erga absentes Alumnos atque in Germania commorantes Rector Collegii paternam utatur sollicitudine, eorum labores cognoscendo, eosque qua decet caritate consolando.

§.24. Collegii Superiores primum pii sint, animarum salutis studiosi, & maximam Divini cultus habeant rationem: Deinde Juvenes maximo cum delectu recipiant, receptos statim in Dei timore accurate institui procurent: Postremo pietati negligentius vacantes, & ad virtutem non valde propensos, sine ulla mora dimittant. Quæ tria ut Superioribus cordi sint, sub obsecratione divini iudicii mandamus.

§.25. Maxima quoque habeatur cura Ecclesiarum, divinusque in illis cultus ac ornatus religiosissime conservetur; piique Sacerdotes a Superioribus eligantur, qui in illis semper resideant, ac, ut debebunt, Missas & Divina Officia celebrent; ipsique Superiores pro honore Dei Ecclesiis prædictis liberaliter quidquid opus erit provideant, cultumque in eis ita exhibeant, ut earum redditus primum illis ipsis Ecclesiis serviant. Divinorum Officiorum tempore nullus Alumnus absit; Sacerdotesque viri pii & graves Choro præsent; Sacrarumque Cæremoniarum Magistri sint Divini Officii moderatores. Si quis autem ex Alumnis indignum quid orationis domo, aut inhonestum dicto vel facto, nutu vel aspectu minus honesto commiserit, confectum e Collegio dimittatur. Si quis etiam Sacras Cæremonias discere vel exercere neglexerit, aut ab Ecclesiasticis & Clericalibus officiis alienus fuerit, vel Templum & Chorum fugit; nisi monitus resipuerit, in Collegio non tolleretur.

§.26. Quæ omnia quia a Rectoris pietate pendet, Præpositus Generalis Rectorem in hoc Collegio constituat virum aliquem rectum, sobrium, prudentem, pietatis & timoris Dei studiosissimum; qui omnes Nationes pari caritatis studio complectatur, & Christianum inter Alumnos amorem conferret; vitæ suæ exemplis omnes ad sui imitationem, & ad cælestis cum Sanctis consortii desiderium inflammet; bonos in virtutis soliditate confirmet; malos a bonis discernat, & ex hoc loco intrepide, nulla cuiusquam ratione habita, expellat: sæpe Alumnis eorum vocationem exponat, in Adventus & Quadragesimæ octavo quoque die Alumnis verbum Dei pro statu cuiusque explicet; aliis vero temporibus bis quolibet mense salutaria documenta publice proponat, omnesque ad timorem Dei & amorem excitet atque inflammet. Sit etiam Rector Divini cultus, Ecclesiastici officii, Sacrarum Cæremoniarum, Rituumque Romani valde studiosus; Domus Domini decorem amet; neque tamen suæ Religionis non necessarias hic retineat consuetudines, aut in Collegium inducere studeat; sed, pro pia tot Alumnorum institutione, sæcularium Clericorum ritum imitetur; ut Alumni non solum eum monentem audiant, sed ea quoque facientem videant, quæ ipsis facienda proponuntur.

§.27. Spiritualis jurisdictio & animarum cura, quam Ecclesiæ habent Collegio unitæ, totam ad Collegii ipsius Protectores pertinere volumus. Quæ autem tam in spiritualibus rebus quam Ecclesiis curandis fieri debent, marmoreis tabulis incisa in Choro affixa habeantur.

§.28. Superioribus non liceat supellectilem Ecclesiarum vel earum ornamenta cuiquam commodare: ex Reliquiis vero ne minimum quidem vel ipsis Regibus tradi possit, nisi ex sub-

scripto



## ET HUNGARICI LIBER SECUNDUS.

99

scripto manu nostra aut pro tempore fieri Pontificis Romani mandato. Si quis aliter fecerit, sententiam excommunicationis incurrat eo ipso.

§. 29. Et quia spiritualia sine temporalium adminiculo consistere minime possunt, ideo eorum cura esse non debet in postremis. Quare ipse Rector viros fideles atque idoneos, quot ad hoc erunt necessarii, habere curet; quibus etiam præstandi ab eis officii leges, & quid in pietate & moribus observare debeant præscribat. Quorum primus sit Œconomus generalis, quem si Superiores eligere recusent, duo vel tres probatæ vicæ viri Superioribus ipsis & Protectoribus cogniti proponantur, ex quibus Protectores, quem omnium apertissimum judicaverint, eligant & Œconomum deputent generalem; qui administrationis suæ rationem reddet & Superioribus ipsis & Protectoribus quoties ipsi petierint. Œconomus generali adjungantur a Superioribus alii particulares Œconomi, præcipue vero fideles aliquis vir, qui Œconomum generalem in tanta rerum multitudine adjuvet, quique ipsius absæntis vel etiam ægotantis vices subire & bene gerere sciat & possit. Singulis vero Œconomis necessaria suorum cujusque officiorum functio scripto tribuatur. Reditus sive pecunie Collegii penes fidelem mercatorem tuto deponantur, ac deinde, prout necessitas postulaverit, mandato a Rectore & a duobus Œconomis subscripto repetantur. Nullus Œconomus vel generalis vel particularis, nullus item qui Collegio in quovis munere deserviat, ulli ex Protectoribus vel Superioribus, vel qui in Collegio jus aliquod administrationem vel potestatem habeat, sit sanguine vel aliqua affinitate conjunctus; neque ab aliquo ex prædictis, neque ab ullo alio Prælato aut Domino quovis modo dependeat, aut cum prædictis clientelam habeat. Pater & filius, duo fratres, duo consanguinei in eadem Civitate aut

Provincia non sint alicujus Collegii Œconomi; neque quisquam in Collegio deserviat, qui sit sanguine propinquus Œconomus generali, neque ad ipsum aliquo modo pertineat. Bona Collegii quæcumque non locentur Protectorum aut Superiorum consanguineis, nulliusve cujusvis Ordinis Religiosis, non magnis Prælatiis, non Œconomis aut aliis Collegii Ministris, neque eorum consanguineis, neque ulli qui aliquod jus potestatem vel administrationem habeat in Collegio. Bonorum locationes a Rectore, vel ab Œconomus generali in ipso Collegio fiant, Rectore præsentem, atque eas approbante. Quicumque autem bona Collegii sive in Urbe sive extra Urbem locaverit, antequam locatio perficiatur, iurandum coram Rectore vel alio deputato præstet, affirmans, se in ea locatione solam Collegii utilitatem spectasse, & propter illam se nullum munus nullamque utilitatem cepisse, aut in futurum expectare; juret item, se nihil facere aut fecisse alicujus instantiam aut commendationem aut propter cujusquam consanguinitatem vel amicitiam; & sine hoc juramento, de quo conset, quævis a quocumque & ubicumque facta locatio irrita sit & invalida. Bona prædicta tertio aut quarto quoque anno a peritis & fidelibus viris visitentur, eorum limites recognoscantur, & si opus fuerit renoventur; atque una cum Visitatoribus, si fieri poterit, adsit aliquis ex Collegii Superioribus, aut saltem Alumnus Sacerdos vir prudens & pius. Œconomus tam generalis quam particularis alique præcipui Collegii Officiales singulis annis mense Januario fidelis & rectæ administrationis, & ad officium, quo fungitur, aptitudinis, nec non Christianæ pietatis & honestæ conversationis testimonium a Rectore habeant; quod nisi habuerint, eo ipso officiis privati esse censeantur. Societatis vero homines ad temporalem administrationem

non obligentur, nisi de sui Præpositi Generalis mandato: a quo uno in omnibus regantur & corrigantur, & illi soli suæ quisque administrationis rationem tantum reddant.

§.30. Si quid forte in his Constitutionibus desiderari usus rerum magister demonstraverit, aut obscurum fuerit vel ambiguum; id Protectores & Superiores, re mature deliberata, ex communi omnium consensu, suppleant, & declarent, & ad alia extendant. Quis autem vel Protector vel alius dispensandi potestatem non habeat, sed id fiat ex communi omnium consensu, raro tamen, & nisi ob graves causas, ubi præsertim nulla sit privati commodi aut gratiæ suspicio, sed vel necessitas cogat, vel magnum Collegii bonum agatur, resque ad maiorem Dei honorem vel Collegii ipsius commodum manifeste pertinere appareat.

§.31. Quæ omnia & singula in his Constitutionibus contenta ab omnibus tam Alumnis quam aliis quibuscumque, ad quos pertinent, cuiusvis status, conditionis, & ordinis, etiam Sacerdotibus, in virtute sanctæ obedientiæ, & sub censuris & pœnis Nostro aut Protectorum vel Rectoris arbitrio pro culpa modo infligendis, mandamus inviolabiliter observari. Decernentes, quascunque alias dicti Collegii Constitutiones a quocumque, etiam a Nobis, emanatas vel approbatas, præsenibus contrarias, nullius esse roboris & momen-

ti: & ex nunc irritum & inane, quidquid fecus in prædictis per quoscumque scienter vel ignoranter, etiam obtentu aliarum dicti Collegii ordinationum (quæ tamen per præsenes, nisi his adversentur, abrogatæ non sint), aut alias quomodocumque contigerit attentari.

§.32. Non obstantibus Constitutionibus & Ordinationibus Apostolicis, ac aliis ipsius Collegii, iuramento, confirmatione Apostolica, vel quavis firmitate alia roboratis statutis & consuetudinibus contrariis quibuscumque; aut si aliquibus communiter vel divisim ab Apostolica sit Sede indultum, quod interdicti suspendi vel excommunicari non possint per Litteras Apostolicas non facientes plenam & expressam & ad verbum de indulto huiusmodi mentionem.

Nulli ergo omnino hominum liceat hanc paginam Nostrorum statuti, ordinationis, refectionis, onerationis, assignationis, voluntatis, mandatorum, & decreti infringere, vel ei ausu temerario contraire. Si quis autem hoc attemptare præsumpserit, indignationem Omnipotentis Dei ac beatorum Petri & Pauli Apostolorum ejus se noverit incursum.

Datum Romæ apud Sanctum Petrum Anno Incarnationis Dominicæ Millesimo quingentesimo octogesimo quarto. Kal. Aprilis. Pontificatus nostri Anno duodecimo.

M. CARD. S. STEPHANI,

Cæf. Glorierius.

A. de Alexiis.

Loco \* Sigilli pendentis.

*Registrata apud Cæsarem Secretarium.*

## LIBER TERTIUS

*Alumnorum res in Germania gesta ab initio Collegii  
ad obitum usque Gregorii XIII.*

I.

Collegii Alumnos fieri Apostolos oportere.

**I**D spectasse sanctissimum Societatis conditorem Ignatium cum ad Collegii Germanici molitionem appulit animum, ut quot essent in eo Alumni, tot pro Germania Apostoli efficerentur: id ipsum voluisse Pontifices maximos Julium III. & Gregorium XIII., quorum prior primam operi manum, alter supremam imposuit: id Cardinales Moronum, Cervinum, Augustanum, Coimensem, aliosque, qui Collegii primordia vel pecunia, vel consilio, vel alia quavis ope adjutarunt provexeruntque: id demum primos ejus Moderatores, quorum institutis optime constabilita ad hanc usque ætatem disciplina pervenit, satis ut arbitror ex libris superioribus intelligi potest. Jam hæc tot sapientum consilia successum habuisse, ex Alumnorum rebus gestis demonstrare aggredior, intra eos tamen fines contracta narratione, ut extra Gregorii Pontificatum non excurrat. Nam si velim annorum cursum sequi, & quæcunque ad hanc usque diem pro salute mortalium incepta ab iis strenue, feliciterque confecta sunt, memorare contendam, nimis plane operosum negotium suscipere, & multorum voluminum historiam texere necesse habeam. Quamquam non negaverim feraciores rerum primos illos annos fuisse, quam posteriores: seu natura ipsa istiusmodi institutionum, quarum fervidissima esse initia solent, seu quod ea tempestate pauciores e primaria nobilitate Alumni fuere, & Juvenes in tenui fortuna nati difficilia ac laboriosa Apostolatus munia facilius libentiusque capebant. Veruntamen, ut plures prima Collegii ætas Apostolos, ita multo etiam plures Episcopos, Cardinales, Electores, & qua-

2.

Cur plures sub initia Collegii Apostoli quam postea.

3.

Succedant majori numero Episcopi, alique Ecclesie Principes.

vis summa dignitate Principes posterior dedit; nec scias utri plus Catholicæ profuerint rei, hi ne potestate & imperio, an illi labore & industria. Utcunque sit, id ita fieri oportuit, ut prius ex hac palæstra milites rebus exequendis, quam duces imperandis idonei educerentur. Et nos quemadmodum virorum dignitate illustrium, qui ex hac disciplina prodierunt, Indicem accuratum infra subiciemus, ita hoc libro pauca de Alumnorum laboribus Apostolicis ad specimen exponenda sumimus. Crescente in dies, ut supra memoratum est, fama Collegii, totamque late Germaniam pervagante, crebræ afferebantur inde Episcoporum, jam ad Pontificem Maximum, jam ad Collegii Rectorem litteræ, Alumnos deposcentium, ex iisque aliquot submitti ad se postulantium, in usus scilicet Ecclesiarum suarum adhibendos; Et qui magis viderentur idonei, precibus eorum concedi mos erat. Primus, quod quidem constet, hac de re litteras ad Lauretanum scripsit Daniel ab Homburgo, Septemvir & Archiepiscopus Moguntinus, eique Alumni primum duo dati sunt in paucis egregii, Christophorus Veilhammer ortu Bavarus, & Vitus Miletus Suecus, quibus deinde alii atque alii, ut in loco dicemus, accessere. Venientes amantissime excepit Septemvir. Ac Miletum quidem in aula confidere concionibus habendis jussit. Veilhammerum Eislefeldiæ excolendæ applicuit, parvæ provinciæ, sed propter errores inveteratos, atque incredibilem hominum contumaciam, haud facili negotio subigendæ. Jam ante in eo solo naviter desudabat Nicolaus Elgardus, iridem Collegii Alumnus, de quo multa inferius dicturi sumus, totque animarum manipulos colligebat, ut ea potissimum res persuaserit Moguntino Alumnorum operam esse fructuosissimam, & cuivis Episcopo maxime expetendam. Igitur Elgardo se Veilhammerus adjunxit, ac conjunctis deinceps uterque viribus agrum

4.  
Alumnos exponunt Germaniæ Episcopi.

5.  
Primi duo Archiepiscopo Moguntino concessi.

6.  
Eislefeldiam excolunt Nicolaus Elgardus, & Christophorus Veilhammerus.

agrum sylvescentem excolere perrexere. Vidi Elgardi ad Lauretanum litteras, quibus de adventu Veilhammeri certiorum cum faciebat, & talem sibi comitem obvenisse in loco beneficii multo maximi se habere profitebatur. Addebat tamen iisdem litteris, quod mihi visum notabile, interesse rei Catholicæ ut qui remittebantur in Germaniam Alumni, siquidem posset, doctoratus insignibus essent honestati. Ita quippe vulgi opinione esse comparatum, ut quæcunque ad salutem animarum afferantur, tanquam oracula excipiantur ex ore Doctoris. Contra eadem si quis alius proponat, contemptui irrisuique sint. Huic hominum imbecillitati aliquid condonandum inquebat, & quatenus liceat, obsecundandum insanix, quæ in salutem animarum vertat. Cæterum amoto post aliquod tempus Elgardo, solus in Eislefeldia Veilhammerus mansit, auctus quidem ille titulo ac potestate Visitatoris, at rerum gerendarum magnitudini, ut ipse de se fatebatur, longe impar. Quare suppetias e Collegio petivit, impetravitque a Lauretano socios quatuor, Jacobum Herzæum, Leonardum Saurium, Martinum Weinreichium, & Lucam Murarium, qui ab Archiepiscopo probati, ejusque missu in Eislefeldiam profecti, Veilhammero omnium præside, opus evangelicum facere instituerunt. Pagos atque oppida inter se diviserant, eaque, salutarem doctrinam circumferentes, perpetuo percurfabant. Duderstadii, ut in oppido frequentiore, sedem fixerat Veilhammerus, ibique cum Saurio rei comuni advigilans considebat. Et nihilominus ipse etiam ad pagos circumpositos identidem excurrebat, non imbri, non hyeme, non præalta interdum nive deterritus, ne ad rusticanam plebem salutis præsidia deferret. Nec tamen par labori constabat fructus. Obfirmabant ad contumaciam hæretici, Deique Ministros vera nunciantes, aut furda aure præteribant, aut cum

7.

Doctores Lauretani cæteris utiliores.

8.

Alii in Eislefeldia Alumni collocantur. Eorum labores.

9.

Hæreticorum contumacia adversus eos.

con-

contemptu repellabant . Si qui rusticorum errorem de-  
docti Romano Pontifici sacramentum dicerent , id adeo  
impotenter accipiebant Magistri hæreseos ( Prædicantes vo-  
cant ), natio hominum æque ferox ac stolidi , ut contra  
innocuos Sacerdotes turbas seditionesque concirent , qui  
proinde conviciis , fannis , lapidibus interdum , atque  
omnibus indignitatibus impetebantur . Fuit Duderstadii qui  
in Herzæum ad aram facientem , dum maxime divinam  
attollit Hostiam , lapidem grandiusculum summo nisu je-  
cit , haud dubie Sacerdotem aut Hostiam ictu nefario vio-  
laturus , nisi conatum impium male directus lapis fefellit-  
set . Talia , atque his etiam deteriora viri fortes constanti  
animo perferebant . De quibus Veilhammerus Romam ad  
Contubernales olim suos scribens , his verbis claudebat  
epistolam : „ Facile est , Fratres mei , in Collegio Ger-  
„ manico mane divinis meditationibus & lectionibus ani-  
„ mam saginare , ubi nemo est qui perturbet . Difficile  
„ vero festivis diebus , & Dominicis omnibus , ad tres  
„ aut quatuor pagos discurrere , jejunum , in frigore &  
„ æstu , imbris & nivibus , usque ad raucedinem cla-  
„ mare , & nullum inde fructum ferre , sed ab omnibus  
„ irrideri . Magna profecto requiritur patientia . Hanc in  
„ tanta commoditate comparare studeatis , & nitamini .  
„ Nolite vobis persuadere perfectos vos esse , aut jam pa-  
„ tientia quid sit satis nosse . Decipimini , Fratres mei ,  
„ mihi credite . Experientiam habere me puto „ . Qui-  
bus ex verbis cognosci potest , qualem Alumni spiritum  
ex Collegii disciplina haustum in Germaniam ferrent . Sed  
quædam paulo distinctius videamus . Weinreichio deman-  
data fuerat Paræciæ cujusdam administratio , quam omnes  
novorum dogmatum pestes sædum in modum infecerant .  
Populus Eucharisticam cænam Lutherano ritu poscebat  
sub utraque specie . Pastor , ut dignum erat , pernegabat .

Irati

## 10.

Christophori  
Veilhammeri lit-  
teræ ad Sodales .

## 11.

Martini Wein-  
reichii constan-  
tia adversus hæ-  
reticos .

Irati ob eam rem Oppidani, ubi vident Pastoris Catholici firmitatem precibus expugnari non posse, suos illi reditus atque alimenta subtrahunt. Cum ne sic quidem flecteretur viri constantia, vertunt se ad artes veteratorias, atque expugnare saltem castitatem ejus conantur, clam introducto in domum ipsius scorto; triumphaturi gaudio scilicet, si violati pudoris turpem inurere notam homini innocentissimo possent. Redit ille ignarus insidiarum, ac nihil tale suspicans, domum. At mulierculam occurrentem, sibi-que blanditias parantem ut vidit, exarsit ira subita, arreptoque qui primus occurrit fuisse, male profecto eam habebat, nisi celeri fuga se subduxisset. Non impune tamen improbis scelestâ machinatio fuit, nec præsentî præmio viri virtus caruit. Invasit post paulo oppidum tetra morbi vis, qua multi passim absumebantur. Weinreichius nulla re caro Gregi, quantumvis imminerenti, deesse. Quocunque vocaret necessitas, diu noctuque accurrere, languentibus quod poterat mali solatium afferre, morientibus sacra ministrare. Nam in eo rerum articulo, dante, ut ferme usuvenit, vexatione intellectum, respiciebant plerique, & sacra Catholica flagitabant. Verum ipse, dum his diligentius quam cautius sui prope securus insistit, lethale tabum hausit venis, deportatusque Duderstadium, post paucos dies inter Sodalium manus & lacrymas victima caritatis occubuit. Eo casu sodales, quamquam jactura tam cari capitis graviter vulnerati, non animo tamen sunt dejecti. Utque par morbus tota grassabatur Eisleldia, parem operam pari studio ægrotis præstandam susceperunt, beatos enimvero se prædicantes, si pari etiam exitu vitam finire in eo caritatis officio contingeret. Totum triennium sæviit lues infesta, magna mortalium edita strage. Hoc autem medio tempore, seu caritas impen-  

O

seu

I 2.

Ejus castitas experimento probata.

I 3.

Ejusdem præclara mors in obsequio tabidorum.

I 4.

Res gestæ in Eisleldia lue sævi-  
viente.

seu calamitas ipsa fregerat quos nulla persuasio mollebat, nonnulla rerum est facta inclinatio, & illud antea contumax solum minus maligne reddidit cultoribus frugem. Sex integri pagi, abdicato Luthero, sectæque ejus Ministris vel pulsus vel exauctoratis, ad partes Catholicas transitionem fecere, & in verba Romani Pontificis jurare. Quo successu in spem meliorum erecti Apostolici Operarii, laborem ferebant libentius, & cœpta fidentius prosequabantur. At lue vix extincta, soluti metu Hæretici ad ingenium rediere, & salutem eorum quærentibus multo uberiores patiendi quam agendi materiem præbuerent. Exemplo sit quod subijcio. Lucas Murarius Parœciæ Duncensis susceperat curam, Ministro Lutheranorum Archiepiscopi auctoritate proscripto. Id autem ita pro imperio, nec alio quam religionis obtentu factum, non Ministrum modo, sed multos etiam e plebe pupugerat. Nam de religione integrum unicuique esse debere contendebant quam mallet sequi. Acerbius tamen rem ferebat Minister, quippe officio quæstuoso abstinere coactus. Itaque vindictæ stimulis agitatus, adjuncta sibi magna rusticorum manu, adit vicinum Dynastam Comitem a Schwartzemburgo, virum præpotentem, opumque multarum, itidem perditæ Lutheranorum, fidemque ejus & auctoritatem implorans, per communem religionem, per quidquid sanctum ubique est rogat, ut ulciscatur injuriam, non tam, ut ajebat, sibi, quam sacrosancto Evangelio, cujus interpretes ipse esset, irrogatam, nec Reformatæ Religionis Ministros patiatur Papistis, (sic enim loquebatur) ludibrio esse. Eadem rustici succlamantes vociferantur. Ille querelis & clamore insano incitatus, ut erat suo ingenio præceps in omne facinus, coactis propere armatis fere ducentis, agmen expeditum in Duncenses rapit. Murarium conviciis primum, deinde verberibus oneratum exturbat oppido, necem

15.

Lucas Murarius  
e sua parœcia  
exturbatur ab  
hæreticis, ac di-  
re vexatur.



necem interminans ni statim abscedat, & beneficio apponens quod vivum dimittat. Domum ejus Curialem militi deprædandam permittit. Quo factò, ut jam re bene præclareque gesta, discedit. Murarius pæne semiaminis, ægre per hiemis inclementiam & præaltam nivem moliens vestigia, Duderstadium binis inde leucis venit ad Veilhammerum & Saurium, qui sodalem carissimum, plagis prope enectum ac frigore, lætum tamen quod dignus esset habitus pro nomine Jesu contumeliam pati, omnibus fraternæ caritatis officiis refecerunt. At indignum facinus inultum non tulit Moguntinus. Læsum jus territorii, læsam Principis Augustalis dignitatem clamans, continuo armatos ad tria millia sub peritis belli ducibus in Eisfeldiam mittit, quorum ipso adventu exterritus Schwarzenburgicus facti veniam suppliciter petiit, ac de injuria satisfecit. Dunenses, quo se verterent non habentes, clementiæ Principis se permisit, cujus jussu multatis, ut dignum erat, nocentioribus. Murarius suam in sedem est restitutus. Hæc ita prorsus ut a nobis narrata sunt ad Laurentanum Veilhammerus perscribebat, aliaque multa de suis ac sociorum laboribus adjiciebat, quæ singillatim persequi longum esset. Elgardus interea, cujus supra mentionem fecimus, haud paulo graviores laborum ac molestiarum molem Erfordiæ sustinebat. Est ea civitas Thuringiæ primaria, ad amnem Jeram, intra fines Moguntinæ Dioceseos, & id temporis non potentia minus quam sacrorum contemptu insignis habebatur. Pars Civitatis inulto maxima Lutherum sequebantur, adeo præfracte, ut spem respiscendi nullam facerent. Nihilo meliores Sacerdotes, quippe non solum hæresi contaminati, sed otio fluentes ac luxu, ac, ne quid gravius dicam, conviviis ganeisque intemperantius indulgere soliti. Sæpe his malis remedium quæsierat Archipræsul, nunc severitate, nunc benignita-

I 6.

In eam restituitur ab Archiepiscopo Moguntino.

I 7.

Nicolaus Elgardus fuit Episcopus Suffraganeus Erfordiæ.

18.

Multiplices ejus  
molestiæ ab hæ-  
reticis.

gnitate usus, at frustra. Omnem ægroti medicinam, tamquam phrenetici, respuebant, curationem omnem morbi vis superabat. Ad extremum Septemvir Suffraganeum, ut vocant, Episcopum hunc de quo loquimur Elgardum creat, & Erfordiensium sacris præsidere jubet, si forte talis viri sagacitate & industria, quam multis antea rebus perspexerat, extricari quid posset. Ergo inunctus rite in Templo Societatis Moguntia, & Episcopi Afcalonensis titulo insignitus, Erfordiam Elgardus venit. At eo vix appulsus, plus sane oneris quam honoris sibi impositum sensit. Hominem, ut aiebant, Romanum invitissimi acceperunt hæretici Magistratus, metu de sacrorum cultu ne quid novaret. Quasi vero non ipsi prius res novas essent amplexi, cum repudiato majorum cultu antiquissimo, ad Lutheri signa defecerant. Eundem ut censorem molestum averfabantur improbi Sacerdotes, sua sibi exprobrari vitia non ferentes. Itaque dictis monitisque ejus vix quisquam Civium honestiorum aures dabat. Tantum plebs infima, magis scilicet ignorance veri quam animi pravitate prolapsa in hæresim, e superiore sæpe loco dicentem, & doctrinæ cælestis oracula explicantem libenter audiebat, ac propter opinionem virtutis in honore habebat. Ea res ægre faciebat adversariis. Conspirant in hominis innocentissimi caput; & siquidem furori & invidiæ nonnullam impondere honesti speciem placebat, cum deferunt ad Magistratus, quasi leges Imperii infringat, nova dogmata ferens in vulgus, & pacem Religionis turbans Augustanis firmatam pactionibus. Accepta accusatione, fit Senatus consultum ut vocetur in jus Elgardus, intereaque concionibus ac suggestu absteineat. Non abstinuit tamen fortis tenaxque propositi vir, sed illam usurpans Apostolorum vocem: *Obedire oportet magis Deo quam hominibus*, negansque sibi fraudi esse debere quod muneris sui partem fere præcipuam

19.

Concionari per-  
git quamvis pro-  
hibitus.

puam impleret, nihilo secius concionari perrexit. Nec vero abnuitt causam in iudicio dicere. At obiecta crimina diluit adeo nervose simul atque perspicue, ut liberatus ipse fuerit culpa, & pudor improbos accusatores inceserit. Cum nihil hac via esset profectum, agi adversus eum manifestis injuriis coeptum est. Potentiores concitant plebem ingenio mobilem, quæ seditionis in morem coorta, sæpe fannis ac sibilis, interdum etiam lapidibus hominem officio ac dignitate spectandum impetere est ausa. Omnino id ex composito agebatur, ut molestiarum impatientia abscederet sponte, quem vi pellere non licebat. His ipse de rebus fule scripsit ad Gregorium Pontificem quo primum anno Erfordiam advenerat, stationem tamen non deseruit. Quin anno eodem, ne officio Episcopali deesset, sacro Pentecostes die Sacramentum quod vocant Confirmationis, longa desuetudine jam prope apud Erfordienfes abolitum, restituit, ex iisque Catholicorum reliquiis quinquagenos supra centum sacro illitos chrismate initiavit. Sacris Ordinibus initiari major fortasse numerus postulabant, quæstus nimirum, opumque humanarum cupidine divini afflatus vicem supplente. At Elgardus, ad leges Concilii Tridentini rem exigendam ratus, periculum scientiæ instituit, in quo paucissimos cum reperisset idoneos, his tantum admissis, cæteros petitores ut ineptos rejecit. Qua de re scribens ad Cardinalem Comensem: „ Qui ten-  
 „ tarunt, ait, ad unum fere omnes reperti sunt ineptis-  
 „ simi, & pro meritis rejecti. Pudet me Germanorum  
 „ nostrorum turpitudinem revelare; quales larvas ad sacra  
 „ ministeria tam multis annis protruserint. Miror ego in  
 „ his locis vel unam animam remanere potuisse Catho-  
 „ licam. Adeo pauci sunt Sacerdotio digni, & tam mul-  
 „ ti, qui nec foro, nec agro, nec stivæ, nec texturæ  
 „ apti, dummodo beneficiolum mercati sint, Ordines  
 „ quof-

20.

Episcopalia  
 exercet magna  
 constantia.

21.

Ejus litteræ ad  
 Cardinalem Co-  
 mensensem.

„ quoslibet facili negotio coemerunt „ . Cæterum ut difficillima Elgardo rerum initia Erfordiæ fuere , sic decursu temporis omnia procliviora sunt facta , præsertim cum adiutores aliquot habuit ex Collegii Germanici disciplina profectos , in quibus Vitus ille Miletus , quem supra memoravimus , fuit . Is nunc apud Septemvirum Moguntinum ,

22.

Vitus Miletus  
egregie rem ge-  
rit in aula Mo-  
guntina .

ut diximus , sacri Concionatoris munereungebatur , audiebaturque pari hominum approbatione ac fructu . Eodem tempore quæ factu optima viderentur Principi suggerebat , suadebatque , & totam aulam , non verbo minus quam

23.

Scribit ad Car-  
dinalem Comen-  
sem de se , ac de  
aliis Alumnis .

exemplo , ad pietatis officia exstimulabat . Exstat etiam nunc ejus Epistola ad eundem Comensem Cardinalem sub idem tempus scripta ( nam scribebant Alumni identidem ad Cardinales Collegii Patronos , eosque de suis ac Religionis rebus docebant ) , qua epistola quoniam non suas tantum res , sed etiam aliquot Collegiarum suorum officia laboresque commemorat , eam libet in summam contractam

24.

Summa littera-  
rum .

apponere . Principio se quidem , aiebat , prope otiosum videri posse , qui in aulae umbraculis resideret , aliis in sole & pulvere per aperta camporum usquequaque excurrentibus ; nihil tamen sibi minus licere quam otari . Tum de se , deque iis quibus distineretur curis pauca elocutus , ita pergit . Archipræsuli Moguntino , veterum institutorum retinentissimo , nullam pro præsentis curam esse potiore , quam ut ad Ecclesiæ obsequium revocetur Eislefeldia . Eo in opere summa fide versari Doctorem Veilhammerum , strenuum ac fortem virum , adiutore Jacobo Herzæo . Utrumque in eam rem multa agere , plura pati , & progressus non pigendos facere . In idem alios alibi Alumnos cum laude incumbere . Erfordiæ Nicolaum Elgardum , Episcopum Suffraganeum , inter sexcentas difficultates sacra Catholica naviter restituere . Aschaffenburgi magno populi concursu plausuque Jodocum Camerarium sacras con-

conciones habere. Moguntia Cornelium Lansteinium, in Oberroda ac vicinis locis Philippum Furstium, Herbipoli Doctorem Balthassarem Conigium, & Daniele Stauderum, quam acceperint muneris Apostolici partem impigre obire. Sibi non deesse Matthæum Reutterum Spiræ, at majorem viribus laborem ferre. Brumia Petrum Binsfeldium, Confluentibus Jacobum Testonium, Monasterii Joannem Kaltium, pro se quemque Religionis negotium urgere provehereque. Omnes & vitæ innocentia, & Catholica pietatis studio, veros se Collegii Germanici Alumnos probare. Nondum, cum hæc scribebat Miletus, Moguntiam advenerat Ætherius Hoffmannus, præclaræ indolis Juvenis, quem florenti adhuc ætate Ammerbaci, in oppido Moguntinæ provinciæ, concionum sacrarum cursum per majora jejunia peregrisse, & nonnullos hæreticorum pervicacissimos a perfidia dimovisse tradunt. Hunc Septemvir ab Urbe venientem ad Sacelli sui ministerium adferat. Cum verò de præstanti ejus ingenio, vel fama vel litteris, comperisset, eundem Romanæ sapientiæ publicum dare specimen jussit, Theologica disputatione instituta, cujus tanta admiratio fuit, ut in præmium rei feliciter gestæ Canonicatu donandum judicaverit, & ipsa re Canonicum dixerit D. Petri extra Urbem. Ut deinde ad graviora negotia adhibitus Hoffmannus fuerit, non est hujus loci differere. Miletus interea, qui hætenus Concionator, ut dictum est, in Aula Moguntina fuerat, relicta hujus functione muneris Jodoco Camerario, Erfordiam transiit, Elgardo, amico ac veterum studiorum socio, adjutor, omniumque curarum & laborum particeps in ea rerum administratione futurus. Cujus adventu tantum Elgardo adjunctum est roboris, tantum oneris imminutum, ut scripserit ad Lauretanum, tali addito comite, videri se sibi quodammodo revixisse. Et brevi fuit ubi insitam animo

25.

De Ætherio Hoffmanno ejusque singulari doctrina.

26.

Miletus Elgardo jungitur Erfordia.

27.

Eam a concionibus deterrere conantur hæretici.

vir-

virtutem Miletus ostenderet. Ut erat in dicendo æque copiosus ac vehemens, dictisque ejus populus vehementer commovebatur, id ægre ferentes hæretici, ad suggestum properantem bis terque aditu prohibere sunt conati, primo quidem minis intentatis, post etiam lapidibus furenter in eum jactis. Ille tamen, nec tumultuantium infano clamore, nec sæva saxorum grandine exterritus, porro ire ad suggestum perrexit, nec deinceps ad concionem prodire unquam desit. Accessit irarum nova graviorque causa ex eo, quod circa Paschales ferias de Sacramento Eucharistico differens, dogma Catholicum ad captum populi explicabat, Calvinianorum vero Lutheranorumque ea de re opiniones non aperte minus quam valide refellebat. Qua re offensi supra quam dici possit sectæ Ministri, ac prope in furem acti, non id satis habuere ut invisum Concionatorem voce palam maledictis proscinderent, sed libellum maledicum, ineris contumeliis calumniisque confectum (qui mos ferme hæreticorum, omniumque malam causam sustinentium est) adversus eum ediderunt, inque imperitum vulgus sparserunt, gravi insuper interdicto proposito, ne quis maledictum illum Jesuitam (sic passim Alumnos vocitabant) concionantem audiret sub pœna privationis Cœnæ Lutheranae. Ad ea Miletus, quamquam spernebat cætera, læsam sui existimationem nominis, rem sacra ministeria tractanti apprime necessariam, non tulit. Sed, ut erat non minus scribendi quam dicendi peritus, & ingenio manuque promptus, ad amolendam infamiam, libello mendaci ac virulento libellum justæ defensionis opposuit, ediditque in lucem, tum Germanice, tum latine. Quod non minus moderate quam libere pro communi jure factum, tametsi ad tuendam ejus famam egregie valuit, hæreticis tamen vocem non inclusit, Nam quis malevolos obtrectatores adigere ad silentium

28.

Libellum maledicum contra ipsum edunt in lucem.

29.

Suam famam scripto defendit Miletus.

tium queat? Nihil habentes quod contra Miletum innocentiam reponerent, adversus Jesuitas, quorum institutione, ut agebant, isti sic insolescerent, odia converterunt, ac libellum alterum pestilentiorum, cui titulus *Speculum Jesuitarum*, tota passim Urbe disseminare cœperunt. Neque hunc tamen Miletus incastigatum abire permisit. Recte existimans, unam esse causam Jesuitarum ac suam, eamque cum Religionis causa esse quam conjunctissimam, opus tenebri-  
cosum, ne lumen inclusam aspergeret multitudini, binis excepit vernaculo sermone libris, jugulavitque sic, ut deinceps paulum resederit hæreticorum audacia, & multi e populo proniores ad excipiendam veritatem sint facti. Atque hæc in Diœcesi Moguntina. Haud minus interim strenue viriliterque res agebatur in Trevirensi sub Archiepiscopo Electore Jacobo ab Eltzio, qui itidem se eximium Collegii Germanici æstimatorem ac fautorem ferebat. Venerant ab initio invitatu ejus Treviros ab Urbe accersiti Juvenes ornatissimi tres, Petrus Binsfeldius, Felix Hortulanus, & Jacobus Tectonius. Sed æ irreperant in amplam Diœcesim ex conterminis hæreticorum provinciis malorum labes, ut his convellendis multo majori operariorum numero esset opus. Itaque nova auxilia petivit. Et petenti dati sunt haud absimili ingenio virtuteque Juvenes, Nicolaus Eringius, Guillelmus Lindener, Joannes Saliceus, aliique suis infra locis nominandi. His autem succinctus hominibus pius Præsul, ad sananda suæ Diœceseos vulnera se convertit, atque ab insigni Monasterio Bruuniensi sumendum duxit initium. Brumia oppidum est ad amnem cognominem, a Treviris iter bidui, Abbati Monasterii, quod ibi est Ordinis Benedictini, obnoxium. Vetustissimum id Monasterium est. Conditum ferunt sub Pontifice Sergio, ab eoque sacris corporibus Martyrum sex & quadraginta donatum dicitur. Abbatis tantæ erant opes, ut

36.

Societatis quoque Jesu defensionem suscipit.

32.

Alumni aliquot in Diœcesim Trevirensensem vocati ab Archiepiscopo.

31.

Quædam de Monasterio Bruuniensi.

vix ulli e potentioribus Dynastis de potentia concederet. At Monachi; antea disciplinæ tenaces, & sanctimoniaz laude florentissimi, turbulentis illis Germaniæ temporibus, ut sunt res humanæ, sensim ad remissionem licentiamque vitæ defluerant. Oppidani vero, parum aut male excul- ti, tantum non aperte fidem Catholicæ pietatis mutave- rant. Ad mali cumulum, extincto nuper legitimo Abbate, in ejus locum vi se intruserat Comes a Manderfcheido Vernemburgus, secta Lutheranus, atque omnia Monaste- rii bona occupaverat. Verum Eltzius Septemvir, Cæsareo ac Pontificio decreto suffultus, Abbatem novum creave- rat, & possessore injusto armis exacto, loci dominatio- nem, & subjuncta prædia in potestatem receperat. In hoc statu cum essent res, restitui in Oppido cultum Catholi- cum, in Cœnobio priscam sanctitatem atque ordinem re- vocari Septemvir cupiens, id negotii Petro quem supra nominavi Binsfeldio dedit, Juveni docto ac prudenti, e Collegio Germanico recens educito. Arduum plane nego- tium, præsertim Juveni, cujus inter grandes natu viros, & professione Monachos, haud magna esse posset au- ctoritas, nisi pietate eximia, nec vulgari doctrina susten- taretur. Binsfeldius tamen suavitate & patientia opus in- junctum egregie præstitit. Profectus Brumiam, illiberali- ter primum a Monachis est exceptus, quippe hominem censorium refugientibus. Ille, ne esset julto molestior, bis tantum intra hebdomadam ad eos verba facere insti- tuit, nunc Regulam S. Benedicti opportunis explanans enar- rationibus, nunc de Theologicis rebus erudite differens, atque his aliqua, quæ excitandis ad pietatis cultum animis aptiora viderentur, interferens. Dies reliquos oppido Con- cionibus & Catechesi excolendo tribuebat. Nihil admo- dum succedebat initio, perinde Monachis atque Oppida- nis in deteriore partem quæcunque afferret accipientibus.

33.

Petrus Binsfel-  
dus reformando  
Monasterio præ-  
sicitur.

34.

Ut rem geren-  
dam suscepit.



# ET HUNGARICI LIBER TERTIUS. 115

bus. Qua de re scribens ad Lauretanum: „ Omnia, in-  
 „ quit, quæ sunt, in malam Monachi partem interpre-  
 „ tantur; unde me non libenter, maxime Seniores, vi-  
 „ dent, qui eorum vitam noto, mihiq̃ue causam insti-  
 „ tuendæ reformationis tribuunt. Multa video quæ dissi-  
 „ mulare cogor, & interim in animo crucior. Mihi cre-  
 „ dat Reverentia Vestra, in nulla adhuc schola discipu-  
 „ lus tantam exercere patientiam coactus sum, quantam  
 „ doctor disco. Sed omnia libenter perferrem, si vide-  
 „ rem eos pro sua utilitate laborare, quorum causa ego  
 „ laboro „. Hæc de Monachis. Tum ad Oppidanos de-  
 „ ducto sermone, eos ait Catholicos videri dicique velle,  
 „ sed hujus professionis non nisi inanem nomenclaturam fer-  
 „ re, mille erroribus depravatos, & ipsa re Lutheranos.  
 „ Nuper, addit, cum de Missa dicere cœpissem, plurimi  
 „ ex Templo fugerunt nunquam reversuri. Jactant a suis  
 „ Pastoribus talia non doceri. Sacerdotes ignorantissimi  
 „ sunt, nihil omnino de divinis sciunt, aut docent „.  
 „ His tamen difficultatibus animum non despondebat, natu-  
 „ ram laboris frugem a die magis, atque ope divina, quam  
 „ ab industria conatuque suo exspectans. Atque interim  
 „ Romam ad veteres Collegii sodales scribens, magno-  
 „ pere eos hortabatur ut virtutis copiam, dum liceret, sibi  
 „ comparare studerent, usui futuram suo tempore, nec alibi  
 „ melius quam in Collegio comparandam. Juvat ipsa ejus  
 „ verba referre, minus illa quidem compta, sed pium ar-  
 „ dorem spirantia, & animi ejus sensa, quæ simplicius, eo  
 „ verius apertiusque prodentia. Multa igitur de Germaniæ  
 „ necessitatibus, de Sacerdotum incitiis, de bonorum Paro-  
 „ chorum paucitate prolocutus, ita subjungit. „ Vos Fratres  
 „ carissimi laborate jam pro hieme, quæ veniet. Veniet,  
 „ veniet tempus, quando memores eritis Collegii Ger-  
 „ manici. Quid sit Collegium Germanicum, in Collegio

35.

Ejus ad Laure-  
 tanum Litteræ  
 de negotio Bru-  
 mienfi.

36.

Scribit ad Soda-  
 les Collegii epi-  
 scolam.

„ Germanico non cognoscitur. Qui nihil aliud nisi lucem  
 „ inhabitat, de tenebris judicare nescit, nec lucis præ-  
 „ stantia dignoscitur, nisi quando tenebris comparatur.  
 „ Cælum vos inhabitatis modo, & ego inhabitavi quando  
 „ vobiscum fui. Conversationem domus vestræ si conse-  
 „ ram cum hominibus hujus mundi, miraculum sane haud  
 „ exiguum est, si qui apud vos male vixit, in mundo  
 „ bene vivat. Videte fratres, videte ne occasionem ne-  
 „ gligatis, ac vestrum bonum cognoscite. Utinam talia  
 „ Monasteria in Germania haberemus, in quibus tanta  
 „ pietatis exercitia, quanta apud vos, essent. Felix ni-  
 „ mirum esset Germania. Proinde fruimini vestra felici-  
 „ tate dum licet. Deo gratias agite, & cavete ne ingra-  
 „ ti sitis, & tantum bonum negligatis, . Hæc ille qua-  
 „ dam velut effusione ardoris, quo intus flagrabat. Binos  
 „ ipsos annos Brumæ Binsfeldius posuit, lente, ut videba-  
 „ tur, negotium agens, at sensim in animos Monachorum  
 „ insinuans, & quotidie aliquid ab iis exculpens, donec fa-  
 „ cilitate, lenitate, patientia, in primisque vitæ integerrimæ  
 „ exemplo captos & conciliatos, ad omnia dociles &  
 „ dicto audientes habuit, nemine jam renuente veteris disci-  
 „ plinæ jugum accipere, & ad normam legum vitam insti-  
 „ tuere. Nec minus prospere gesta res apud oppidanos, ea  
 „ facta morum atque opinionum commutatione, ut jam,  
 „ non tantum nomine, sed re Catholicos diceres. Hos re-  
 „ rum successus ut accepit Septemvir, hominem tam exper-  
 „ tæ virtutis, & cuivis, ut apparebat, negotio ab insigni  
 „ prudentia parem, habere apud se honore censuque auctum  
 „ statuit. Et siquidem debilitari sibi vires in dies ætate gra-  
 „ vescente sentiebat, & Episcopalia munia per se, uti sole-  
 „ bat, obire ægre jam poterat, Binsfeldium nec opinantem  
 „ evocavit Treviros, sacravitque Episcopum titulo Azoten-  
 „ sem, vicario in eum officio ac potestate translata. Addi-  
 „ dit

37.

Rem felici-  
 ter conficit Bru-  
 miæ.

38.

Evocatur Tre-  
 viros, & fit Epi-  
 scopus, Vicarius-  
 que Archiepisco-  
 pi.

dit opimam Præposituram S. Simonis, quo sustinere dignitatem commodius posset. Nihil in nova luce, & ampliore theatro, de usitato vitæ instituto Binsfeldius mutavit. Par modestia, par pietas, eadem in cultu corporis abstinentia. Laborum moles fortasse gravior, cum & Diocesim amplissimam lustrare, & negotia expedire, & quæ propria sunt Episcoporum sacra ministrare, ad hæc adesse Principi in consiliis, & sententiam dicere cogeretur. Quæ ille omnia summa semper fide ac sedulitate præstitit. Cæteras ejus dotes eximia quædam benignitas ac liberalitas commendabat. Opum contemptor splendidus, e locuplete censu nihil seponebat sibi præter egestatis depellendæ præsidia. Quod erat reliquum, in pauperes erogabat. Egentiores, ne a potentioribus, ut sæpe fit, in judiciis opprimerentur, pecunia ac patrocinio adjuvabat. Quædam etiam scripsit vulgavitque admodum utilia, e quibus quod est *De receptis in Theologia sententiis*, spissum atque eruditum opus, magna doctorum approbatione fuit exceptum. Sed ne in uno hædere cæterorum obliiti videamur, Binsfeldii virtutem alii per Trevirenses Diocesim Alumni æmulabantur. Jacobus Tectonius, quo primum anno redux e Collegio fuit, Canonicatu S. Florini donatus Confluentibus, sacras ad populum Confluentinum conciones per Quadragesimam jejuniorum habuit, tanta eloquentiæ laude, ut parem in dicendo neminem sibi auditum prædicarent homines exactæ ætatis. Felix Hortulanus Parœciam S. Laurentii administrabat Trevis, Joannes Saliceus Polchemensem, Guillelmus Lindener Vilmarinam, Nicolaus Eringius Limponsensem. Omnes in officium intenti, Pastorum diligentium laudem non vulgarem ferebant. Eringii tamen præcipue eluxit ingenium ac diligentia in opere, quod subijcio. Hunc Septemvir ornatissimum Juvenem detinuerat initio apud se velut unum ex familiaribus,

cum

39.  
Indicantur virtutes Binsfeldii præcipuæ.

40.  
De aliis Alumnis per diocesim Trevirenses distributis.

41.  
Nicolaus Eringius reformat Breviarium Trevirensis.

cum eoque transigere plures quotidie horas a publicis negotiis vacuas solebat. Venit forte in sermonem de reformando quotidianæ psalmodiæ codice Sacerdotali ( Breviarium appellant ), qui codex ad eam diem incerta lege atque ordine apud Trevirenses fuerat. Eringius id ita confiteri censuit oportere, ut ab Romana Pii V. forma quam minime abesset. Et accepto rei conficiendæ mandato, jam supplens quod deerat, jam quod redundabat refecans, ordine quæque suo disponens, Breviarium quale nunc est Trevirensi Ecclesiæ dedit, optime ordinatum, atque ab omni parte perfectum. Per hæc alii ex aliis subinde adventabant ab Urbe Alumni, quo ex numero Jacobus Duirrus, Guillelmus Tilius, & Maternus Guillensfeltus fuere. Semptemvir, omnes ex Romana schola venientes benigne complecti solitus, Duirrum Paræciæ Polcheni imposuit. Frequens ea erat incolis, & fidei tenax, at propter hæreticorum vicinatem periculo obnoxia. Namque accolæ Lutherani, contracta cum Polchenisibus ex frequenti commercio familiaritate, eos ad defectionem blandis sæpe sermunculis sollicitabant. Hæc autem ferme ingerebant. Fatuos enim vero Papistas esse, qui a suis Parochis eo usque dementari se sinerent, ut præter ipsos audirent neminem, ac ne libros quidem eruditos, in quibus contraria traduntur, legere ab illis prohibiti auderent. Hos paulum si volutarent, intelligerent profecto imponi pulcre sibi a suis Pastoribus, nec iis se tamquam brutæ animantes duccendos permitterent. Minus quidem certe nexus illos conscientiæ, illas Ecclesiæ censuras expavescerent, vacua nomina, veram Papæ carnificinam. Quæ, & his similia ut altius insiderent animis, ejusdem argumenti libros venenatos identidem supportabant, & amicis legendos tradebant. Inde Parochi assiduus atque infinitus labor erudiendi nutantem in fide gregem, & offusas mentibus tenebras dissipant.

42.

Jacobus Duirrus ab hæreticorum contagione defendit Polchenienses.

ſipandi. Nihil tamen ægrius impetrabat, quam ut vetitis abſtinerent libris, quorum ſane multos eorum ereptos manibus igni tradidit. Tilius eodem tempore in urbe Conſluentina curabat, Canonicus idem, & in æde B. Virginis Parochus, utrumque cum laude. Ea in urbe Septemvir Collegium Societatis moliebatur. Dum paratur inſtruiturque Patribus excipiendis domus, Tilius moræ longioris impatiens, quosdam ex iis evocavit ſuam in domum, ſua menſa ſuſtentavit, ac plane hoſpitaliter ad aliquot menſes habuit, lætus hanc a ſe poſſe vicem rependi iis hominibus, quos adoleſcentiæ ſuæ duces altoresque habuiſſet. Similem, & ampliorem fortasſe hoſpitalitatis laudem tulit per cauſam tumultus Belgici, quo hæretici regionem pervolantes, rapinis, incendiis, ſtupris, atque omni ſcele- rum atrocitate omnia humana ac divina jura miſcebant, funeſti belli faces ac furia. Tunc enim effudentibus inde ſe multis omnis ætatis ac ſexus, & fuga ſalutem quærentibus, Catholicos Sacerdotes e Belgio profugos excipiebat domi, & quoad poterat ſuſtentabat. Accidit ut Conſuentes per eandem cauſam ſe reciperent ſex ſacratæ Deo Virgines, rerum omnium indigæ, omni humana ope deſtitutæ. Eas etiam Tilius excepit domo, quam Canonicatus titulo poſſidebat, & partim ſua, partim corro- gata ab amicis ope diu aluit, binos eodem tempore Sacerdotes apud ſe habens in domo Curiali, quos itidem ex Belgio pavor expulerat. Quibus Chriſtianæ benigni- tatis officiis ſatis declarabat Sacerdos pius, intelligere ſe quos in uſus expendi Eccleſiæ proventus oporteret. Guil- lenſeltum Septemvir Canonicum renunciaverat eadem in urbe Conſluentina ad S. Caſtoris, cum hoc ut militare præſidium arcis Chrembreiſteinianæ, quæ Trevirenſis ditionis præcipuum munimentum eſt, ſacris procuraret. Ut brevis eſt Chrembreiſteinium ex Conſluentibus per flu-  
men

43.

Guillelmi Tili  
hoſpitalitas in  
Urbe Conſluentina.

44.

Maternus Guil-  
lenſeltus pieta-  
tem ſerit inter  
militēs.

men Rhenum trajectus , eo se diebus prope singulis Guillensfeltus transferebat , Milites otio , alex , jurgiisque deditos , atque in omnem vitæ licentiam effulos , qua privatis alloquiis , qua publicis sermonibus ab tristi vitiatorum veterno , quo misere obruebantur , ad metum Numinis excitabat , peccata confitentibus aures dabat , nullam caritatis industriæque partem , quo meliores fierent , prætermittebat . Verum hæc dum ita diversis per Diocesium geruntur partibus , Eltzii Elector & Archiepiscopus , cujus maxime patrocinio stabant Alumnorum res , senio atque ægritudine confectus diem obiit extremum . Antistes idem ac Princeps tanto religionis studio , ut pares ea laude haberet admodum paucos , superiorem fortasse neminem . Morte ejus gravissimum damnum Ecclesia Trevirensis fecit , & par Alumnorum eo casu luctus fuit , tam benevolum ac potentem Patronum desiderantium . Mœrorem lenivit tamen successor illi datus Joannes a Schonenburgo , præclaris animi fortunæque ornamentis vir , ex Præposito Ecclesiæ Metropolitanæ Archiepiscopus Trevirensis , & S. R. I. Elector factus . Comitibus interfuit Adrianus Scheffartus a Merode , æque pius ac nobilis adolescens , qui ejus licet Ecclesiæ Canonicus , in Collegio degerebat . Namque ut audivit de morte Eltzii , magnis statim itineribus contendit Treviros ferendi causa suffragii in electione successoris . Hac autem vix peracta re , post usitata gratulationum officia denuo properabat Romam , deliberatum habens ad exitum usque prosequi quæ intermiserat studia Theologica . Properantem attinuit tantisper novus Præsul , captus videlicet egregia adolescentis indole , & moribus suavissimis . Mox eundem electionis suæ nuntium ad Pontificem Maximum , & confirmationis deprecatorem designavit , addito legationis socio Hugone Cratzio , Ecclesiæ ejusdem Canonico . Instructus igitur

45.

Mors Electoris  
Archiepiscopi  
Trevirensis. Successor  
illi datus.

46.

Adrianus Scheffartus  
ad Comitibus  
Trevirensis  
properat e Collegio.

47.

Redit Romam  
novi Archiepiscopi  
Nuntius  
ad Pontificem.

tur usitatis in eam rem litteris, Romam quam celerissime revolavit Merodius, unaque secum aliquot in Collegium sodales, ac præ cæteris Henricum ab Heideno, antiquæ nobilitatis adolescentem, itidem Ecclesiæ ejus Canonicum traxit. Legationem vero injunctam obiit tanta simul oris modestia, & elegantia sermonis, ut dicentem incredibili voluptate Gregorius audierit, magno sibi opere gratulatus tales in suo Collegio Alumnos fingi, talem ab illo tot suis laboribus culto novali frugem reddi. Quo facto, in stationem pristinam se Merodius recepit, atque iterum intra Collegii ac disciplinæ septa se abdidit. Pontificiæ confirmationis diploma, & Pallium, Archiepiscopatus insignie, Cratzius ad Septemvirum deportavit. Simillimam legationem sub idem fere tempus peregit Georgius Helffensteinius, alter Collegii Alumnus. Hunc videlicet ab urbe Trevirensi ad Gregorium Pontificem confirmationis petendæ causa misit recens electus Abbas insignis Monasterii, cui a S. Maximino est nomen. Ex quo etiam licet agnoscere, quanto jam tum in pretio apud Germaniæ Præfules Alumni Collegii hujus essent. Sed ex Trevirensi provincia in Bojariam, quam usitatore vocabulo Bavariam nominant, gradum faciamus. Rerum ibi potiebatur Dux Albertus, Princeps si quis alius avitæ religionis & cultor & custos diligens, qui cum audisset de rebus sane multis & maximis, quæ per Alumnos Collegii Germanici tota late Germania gerebantur, unum aliquem ex his suæ etiam prodesse Baviaræ cupiens, Veilhammerum, de quo supra diximus, misso ad Moguntinum nuncio repetiit, hominem scilicet ortu Bavarum, sibi que jure natalium obnoxium. Negavit initio Moguntinus se daturum quem a summo Pontifice accepisset. Tamen Principi amico, & ad preces descendenti, diu refragari non sustinens, hominem, quantumvis sibi, ut aje-

Q

bat,

48.

Legationem obiit, ac denuo intra Collegium se includit.

49.

Simili legatione perfungitur Georgius Helffensteinius.

50.

Albertus Baviaræ Dux Veilhammerum reposcit ab Archiepiscopo Moguntino.

51.

Egre impetrat. Straubingam Veilhammerus excolit.

bat, necessarium, in Bavariam dimisit. Profectus illuc Veilhammerus, Straubingæ excolendæ imponitur. Hanc urbem ex vicinis Ratisbonensibus nonnulla hæreseos aura afflare cœperat, & metus erat ne ex toto corrumpere. Veilhammerus, suscepta quo decuit studio provincia, jam privatim, jam publice pravas opiniones refellens, non modo labantem inter Straubingenses Catholicam rem sustinuit, sed Civitatem adversus hæreticorum insidias egregie munitam ac tutam præstitit. Ei laborum comes & adiutor aliquandiu Martinus Drumius fuit, qui disciplinæ socius in Collegio fuerat. Sed hunc Albertus Dux, Straubinga evocatum, habere apud se Monachii maluit in sanctiore quodam Consilio, quod Ecclesiasticum vocitabant. Pius nimirum metuensque Numinis Princeps potestatem a summo Pontifice acceperat statuendi pios in usus de quibusdam Ecclesiæ bonis, quæ mali Sacerdotes, aut Cœnobitæ, ob vitam contaminatam profugi, vel proscripti, sine possessore reliquerant. Id autem ut rite ac recte fieret, Consiliarios sibi adsciverat ex ordine Sacerdotali doctos & rerum experientes viros, quorum nutu & auctoritate omnia gerebantur. Et plerumque aliendis erudiendisque in spem Sacerdotii adolescentibus, aut Parochis egentioribus sublevandis bona addicebantur. Hunc ergo in Senatum Drumius, ætate licet cæteris immaturior, fuit adlectus. Adeo quod ætati deerat, virtus ac prudentia supplebat. Verum oppugnante hujus auctoritatem Senatus Archiepiscopo Salisburgensi, quasi per speciem rerum meliorum violarentur sacra Ecclesiæ jura, ea res nonnullam optimo Sacerdoti religionem injecit. Hæsit itaque aliquandiu incertus animi quid consilii caperet, & prope absuit ut honori cederet, quem gerere sine labe conscientiæ non posset, donec, evulgato Pontificiæ concessionis documento, nullam ultra moram objiciente Salisburgensi, ipse etiam quie-

## § 2.

Martinus Drumius in consilium Principis Ecclesiasticum adsciscitur.

## § 3.

Idem Consiliarius integer, & Concionator egregius.



quievit. Cæterum Consiliarii officio officium aulici Concionatoris Drumius jungebat, pari utrumque cum laude, illud integritatis eximie, hoc eloquentie. Collega ejus & con-  
tubernalis Romæ fuerat Michaël Anisius, atque inde Salis-  
burgum accitus, de divinis rebus aliquandiu ad populum  
Salisburgensem peroraverat. Postea Monachium venerat, ubi  
semel jussus pro concione dicere, tam secundo populi as-  
sensu est auditus, ut sacram deinceps facundiam in ea  
urbe exercere coactus sit, ad eum audiendum summis in-  
fimisque gregatim concurrentibus. Nihilo minorem orato-  
rie facultatis famam Balthassar Conigius collegerat superio-  
ribus annis Herbipoli, & nunc in ditione Bavarica collige-  
bat. Quamquam is aliis quoque ornamentis rebusque  
gestis clarus inter Alumnos fuit. Nam Bojarie Principibus  
ob animi candorem, & prudentie magnitudinem inter pau-  
cos carus probatusque, gravioribus Reipublice negotiis sæ-  
pe est adhibitus, & interdum ad externos Principes in le-  
gationem missus. Inensis Præpositus primum, deinde Ca-  
nonicus Frisingensis, ad extremum translatus Landishutum,  
& D. Martini Parochus renunciatus, ubicunque fuit, divi-  
ni verbi ministerio nunquam abstinuit. Eo auctore in æde  
S. Martini Landishutana Collegium Canoniorum est insti-  
tutum, cujus cum esset ipse, ut vocant, Decanus, quæ  
primaria dignitas est, in hanc maxime curam incubuit, ut  
sacra omnia cæremoniæque Romano fierent ritu. Ejusdem  
opera sacri cineres S. Castuli Martyris ex Mosburgo oppi-  
do, ubi minus decore habebantur, in eam quam dixi  
Martini ædem sunt translati. Quod tamen præterea co-  
nabatur ut Canonici communiter sub eodem tecto vive-  
rent, migrarentque in domum, quam in eum ipse usum  
de suo condiderat, id illi apud Collegas severioris disci-  
plinæ oïores conflavit invidiam, & successu caruit. Eodem  
interea tempore Andreas Backes Monasterium Mettense,

§ 4.

Michael Ani-  
sius cum magno  
populi assensu  
concionatur Mo-  
nachii.

§ 5.

Balthassar Co-  
nigius Orator  
excellens, & re-  
bus gestis cla-  
rus.

§ 6.

Quædam ejus  
acta præclara  
Landishuti.

§ 7.

Andreas Backes  
in Monasterio  
Mettensi disci-  
plinam restituit.

in quo vetus disciplina penitus consenuerat, meliorem in statum felici successu reducebat. Hunc Ducis imperio sibi censorem ac reformatorem impositum invitisissimi acceperant Monachi, quippe assueti licenter vivere; sibi vero suorum institutorum sanctitatem usque usque oggerentem, nec æquo animo audire, nec ferre poterant. Tamen paulatim patientia ejus lenitateque emolliti, meliora consilia ceperunt, & vitam suo dignam nomine ac professione instituerunt. Ingolstadii duo locati fuerant excellentis ingenii virtutisque Juvenes, Bartholomæus Fischerus, & Robertus Turnerus, prior ad regendum Collegium Georgianum; alter ad tradendas in publica Academia litteras politiores. Nam qui ex Collegii Germanici disciplina prodissent, Juniores licet, regendæ docendæque Juventuti supra ceteros habebantur idonei, eoque nomine ab iis, quibus hæc curæ erant, prensabantur. Neque hi opinionein, quæ de se erat, fefellerunt. Fischerus Juventutem sibi concreditam ad eam regebat normam, quæ gubernari Collegium Germanicum Romæ viderat. Easdem consuetudines, eandem inter suos morum ac vitæ sanctitatem inducere conabatur. Qua de re Romam ad sodales scribens: „ In vestro, ait, Collegio non possunt nisi bene omnia succedere. Utinam „ sanctitatis Collegii vestri unum gradum acquisivisset „ meum. Recrearer profecto, & animarer ad majora. „ Hoc tamen dixerim absque arrogancia, quod Collegium „ meum, cui indignus præsum, Superiorum meorum voluntati egregie respondet. „ His rebus intentum ornare cum vellet Gregorius Pontifex, Canonicum Cathedralis Ecclesiæ Ratisbonensis dixerat. Arcebant eum tamen ab ineunda possessione Canonici, propterea quod doctoratus insignia non accepisset nisi in Collegio Germanico. Namque hoc Collegii jus, utpote recens, nondum satis inter Germanos cognitum, aut non satis legitimum judicio eorum erat. Sed

§ 8.

Bartholomæus  
Fischerus Collegio  
Georgiano  
Rector imponitur  
Ingolstadii.

§ 9.

Collegium regit  
ad normam  
Germanici. Ejus  
litteræ ad So-  
dales.

60.

Orta Ratisbonæ  
contentio de do-  
ctoratibus Col-  
legii Germanici.

Sed litteris Cardinalis Comensis admoniti de voluntate Pontificis, Fischerum nihil ultra repugnantes in gremium admifere. Et nihilominus, ad præcidendas in tempus posterum ejusmodi disceptationes, qui Lauretano post intervallum successit Bernardinus Castorius, vir hic etiam inter Collegii Rectores insignis, atque immortaliter memorandus, impetravit ab Ferdinando II. Imperatore privilegium amplissimis conceptum verbis, quo delati in Collegio Germanico honores magisterii Cæsareo quoque jure rati ac firmi esse jubentur, quique hinc lauream abstulerint, quarumcunque Universitatum Doctoribus laureatis pares fiunt, & ad omnes Germanicarum Ecclesiarum dignitates idonei pronunciantur. Cujus diplomatis exemplum nos huic libro subnectimus. Turnerus, etsi gente Anglus, in Collegium Germanicum, ut erant ea rerum initia, receptus, amœniores, ut dictum est, litteras in Ingolstadtensi Lycæo profitebatur, & præcepta eloquentiæ tradebat. Quantum vero hac scientia emineret, documento sunt ab eo conscripti, editique in lucem publicam libri, quibus celebre illud doctrinæ emporium haud parum locupletavit, illustravitque. Eorum indicem texere non est hujus loci. Sane plures, & varii argumenti sunt. Præcipuo habendæ in pretio vitæ Pontificum, quas a Platina incuriosius conscriptas reformavit, atque a mendis castigatas excudit. Tum Ludovici Granatensis divina opera, quæ ut omnibus prodesse gentibus possent, ex hispanico in latinum vertit. Per hæc Adamus Orth Straubingensis Ecclesiæ Canonicus renunciatur, & Veilhammero, quem ea in urbe curantem vidimus, jungitur. Erat Adamus humanis diviniſque litteris egregie excultus. Nec absuit diu, cum occasio ei se dedit experiendæ virtutis. Quantam vero doctrinæ gazam secum ab Urbe extulisset, apparuit. Ratisbonæ, proxima in urbe, Smidelinus erat, projectæ vir audaciæ, par-

61.

Hac de re privilegium impetratur a Ferdinando II.

62.

Robertus Turnerus eloquentiam proficitur Ingolstadii. Quidam ejus libri indicantur.

63.

Adamus Orth Straubinga Ratisbonam progreditur ad disputandum cum Lutherano ingeni.

64.  
Adversarium  
confundit, &  
Victor Straubingam  
redit.

partium hæreticarum antesignanus, ac primum columen, qui scientiæ fiducia Catholicos subinde in arenam hâcessebat, provocabatque ad certandum de Religionis capitibus controversis. Homini arroganti, & opinionem doctrinæ exquisitoris vulgo habenti, se opponere audente nemine, provocationem hic de quo scribimus Adamus, vix e Collegio egressus, accepit, in eamque cogitationem Straubinga Ratisbonam, adjunctis sibi comitibus aliquot, arbitris nimirum certaminis testibusque futuris, venit. Condicta die, conventum ad disputandum est, circumstantibus ex omni Civitate doctioribus. Smidelinus telum paraverat opinione sua ineluctabile, quod tamen callide celabat sinu, cum usus posceret producturus, adaكتورusque in hostem. Ubi ergo incaluerunt disputando animi, pressus vi rationum ac pondere hæreticus disputator, locum ex sacris paginis nescio quem objicit hæbraico sermone. Jamque plaudebat sibi, jam victoriam gratulabatur, ignarum ejus linguæ adversarium, eoque hæsurum attonitum, nihilque responsurum putans. At Adamus, qui hæbraice sciret quam qui optime, loco in suam rem explicato, exultantem ita repressit confunditque, ut fateri palam coactus sit, sua majores fama Collegii Germanici Alumnos esse, nec sperasse unquam se talem ex Romana institutione pugilem sibi oblatum iri. Sic victor omnium qui aderant testimonio acclamatus, Straubingam Adamus rediit, & victoris in morem magna Civium obviam itione est exceptus. Expetitus post hæc a Canonicis Ratisbonensibus, in eorumque Collegium translatus, partam eruditionis opinionem adjuncto sanctissimæ vitæ exemplo ad cumulum laudis perduxit. Itaque & Decanatus, & Præposituræ honorem suffragiis collegarum tenuit. Nec potestate unquam est usus, nisi ad augendum sacrorum cultum, divinatorumque officiorum & cæremoniarum splendorem, qui comuni

65.  
Ejusilem egregia  
virtus inter  
Canonicos Ratisbonenses.

muni temporum fato miserandum in modum conciderat, reparandum. Sed in hoc genere nihil memorabilius quam quod Monachii, in ipsa aula Principis, gestum est. Mortuo Alberto Duce, successerat in regnum Guillelmus filius, ille notæ sanctitatis Princeps, qui postea rerum divinarum studio, quamvis esset in ipso robore ætatis, abdicato imperio, privatam, ac meris religionibus deditam vitam prope solitarius exegit. Is sub ipsa regni sui primordia, minus decenter administrari res sacras in aula videns, ut præclare de Alumnis Collegii Germanici sentiebat, ex iis unum poposcit ab Lauretano, quem sacris cæremoniis præficeret. Visus in id maxime idoneus Walramus Tumberus, qui propterea statim e Collegio in Bavariam est missus. At Monachium appulsus, aditum non impetrabat ad Principem, fraude Sacerdotum aulicorum, qui externum hominem, haud dubie novandis rebus quæsitum, sibi imponendum, ex composito arcebant. Mensem integrum hæsit in diversorio quotidianis repulsis fatigatus, ut jam de re tantum non desperaret. At admissus tandem in conspectum Principis, ab eoque humanissime acceptus, Sacello aulico ac Sacellariis præficitur, sacrarum cæremoniarum Magister appellatus. Non est dictu facile quam perturbata, depravata, fordida omnia sit nactus, in aula cæteroqui eximie Catholica, & regiam magnificentiam rebus cæteris æmulante. Sacerdotes rerum Liturgicarum imperitissimi divina mysteria, non lege ulla, non ordine, nullo dierum discrimine, ut tulisset animus, aut libido, celebrabant. Cantores æque imperiti, & rerum negligentiores, quas vocamus Commemorationes, velut res nihili, prorsusque inutiles, omittebant. Antiphonas inutilabant, psalmos irreverenter mira properantia decurrebant. Sacerdotein quin etiam sacris operantem, si lentius ageret, premebant cominus, & ad festinandum urgebant. Supellex Sacelli squalida,

66.

Guillelmus Bavariæ Dux unum ex Alumnis poposcit ad ministerium Sacelli aulici.

67.

Poscenti datur Walramus Tumberus, & Sacello præficitur.

68.

Depravata omnia Walramus reperit.

69.

Omnia instauranda suscipit. Sacerdotes & Cantores edocet.

70.

Nova suppellectile Sacellum instruit.

71.

Reformati ritus primum editur specimen.

lida, vestes ipsæ Sacerdotales obsoletæ, semilaceræ, olidæ, sacrorum majestate prorsus indignæ. Quæ intime contemplatus novus Cæremoniarum Præses, facile intellēxit novari immutarique omnia oportere, atque in hanc continuo curam totus incubuit. Prius vero quam ad rem ipsam aggrederetur, vocata concione, coram ipso Duce, atque aulae proceribus, de sanctitate sacrorum rituum erudite disseruit, demonstrans hæc augusta specie haud parum Christi religionem castissimam commendari, ac divini Numinis majestatem hominibus quadantenus perspicuam fieri. Tum Sacerdotes, ac minoris ordinis Clericos ex Romanæ Ecclesiæ codice rituali, Cantores ex quibusdam allatis ab Urbe formulis erudire instituit. Sacelli quoque novum confici vasarium, Principe sumptum faciente, jussit. Utque omnia Romano fierent more, misso Romam ad Lauretanum navo homine & industrio, Sacerdotalium indumentorum, rerumque cæterarum, quæ Altaris ministerio sunt necessaria, quædam exemplaria ad se deferenda curavit, quorum ad similitudinem nova Sacelli supellex conficeretur. Hinc Sacerdotum multæ variæque vestes holosericæ, quædam etiam auro argentoque intextæ, aut acu pictæ, & amiculi linei, & mappæ, & inappulæ, & quæ demum sunt hujus generis alia, in aulico Gynæceo manu virginum sunt elaborata. Addita his per Monachienfes opifices cælata ex argento vasa, candelabra, thuribula, calices, & reliquum Sacelli instrumentum, ut nihil neque ad necessitatem, neque ad ornatum ac splendorem deesset. Interim cum & Sacerdotes, & minores Clerici Cantoresque satis ad rem gerendam viderentur instructi, placuit reformati ritus primum specimen dare natalis Christi festo die, quo die tota in aulam convenire Nobilitas erat solita. Et rem moderante Walramo, solemnia ejus diei tanto celebrata sunt ordine ac dignitate, ut magno silentio inter admirationem

nem ac reverentiam intuentes hæserint. Gaudebat in sinu  
 pius Princeps, eaque de re amabat Walramum vehemen-  
 ter, ac magnifice collaudabat. Non defuere tamen, ut  
 fere in rebus optimis numquam defunt, improbi obtre-  
 ctatores, qui apparatus illum, ac vanas, ut aiebant, no-  
 vitates deridiculo haberent, ac maligne carperent. Qui-  
 bus compescendis principale edictum urbe tota est affi-  
 xum, in quo erat, placere Principi ut ad exemplum Aulae  
 Romani ubique ritus usurparentur, & multa gravis pecu-  
 niaria, si quis obfisteret, aut obloqueretur, imponebatur.  
 Cujus auctoritate edicti, non solum compressæ obloquen-  
 tium voces, sed plerique Ecclesiarum Rectores ad instau-  
 randos Romano more ritus sacrorum & caeremonias ani-  
 mum appulerunt. Hæc si cui forte leviora videantur, is  
 sciat velim nos, non regni cujuscumque aut Imperii, sed Col-  
 legii Sacerdotalis historiam texere; Hæc autem Sacerdotum  
 præclara esse facinora, has victorias, hos triumphos, ac  
 tanto quidem cæteris illustriores, quanto omnibus huma-  
 nis rebus divina Christi religio, quæ his maxime rebus  
 clarescit, dignitate antecellit. Sed ut ad rem redeamus,  
 Guillelmi Ducis tam apertus favor, ut sunt mores aulici,  
 magnam Walramo concitavit invidiam, & quod fatendum,  
 ex Alumnis etiam, ejus olim collegis, aliqui ad eum deji-  
 ciendum conspiravere. Qua de re nunciantem, ac leniter  
 conquerentem, his Lauretanus litteris solabatur, & adver-  
 sus malevolorum latratus confirmabat: „ Nondum, ait,  
 „ plane constitui mecum, plus ne mœroris, an jucundi-  
 „ tatis litteræ mihi attulerint tuæ. Scito tamen quodam  
 „ sensu voluptatis vehementer recreatum me esse, omnes-  
 „ que tristitiæ nubeculas depulisse, quod tristiora quæ nun-  
 „ cias, uti religionis causa evenerunt, ita laudem tibi ma-  
 „ ximam paritura sunt, & amicis non mediocrem volu-  
 „ ptatem. Oro te ne concidas animo, neve te commo-

R

,, veant

72.

Obtrektatores  
 edicto Principis  
 coercentur. To-  
 ta Bavaria Ro-  
 manos ritus am-  
 plectitur.

73.

Walramum in-  
 sectantur Auli-  
 ci, & quidam  
 etiam ex Alum-  
 nis.

74.

Lauretani ad  
 eum litteræ con-  
 solatoriæ.

„ veant voculæ invidorum . Omnia tamen circumspecte ,  
 „ omnia lustra , ac perpende . Nihil inconsulto vel teme-  
 „ re aggrediaris , & cum omnia ad salutem animarum ,  
 „ ac Dei venerationem referantur , prius omnia Deo Di-  
 „ visque sæpius commenda , illosque precare ne tibi de-  
 „ sint , ne pro eorum cultu pugnantem deferant , ne ope-  
 „ ram ac piam industriam tuam ab improbis ludificari pa-  
 „ tiantur . Equidem acerbissime fero quod a quibusdam  
 „ Alumnis , aut deferaris , aut ex insidiis oppugneris . Po-  
 „ teris tamen cum Salvatore nostro canere : *Extraneus*  
 „ *factus sum Fratribus meis , Es peregrinus filiis Matris*  
 „ *meæ* „ Quibus stimulus incitatus vir animi ingentis , &  
 „ recte factorum conscientia erectus , persistit incredibili  
 „ constantia , non in aula solum , sed tota late Bojaria mul-  
 „ tas , quæ inoleverant , labes & corruptelas convellere . Et  
 „ semel in intimum dignationis & gratiæ locum acceptus a  
 „ Principe , nefariis adversariorum machinationibus dejici  
 „ nunquam potuit . Multa cogor prætermittere , ne nimius  
 „ sim . Et occurrendum sentio fatietati legentium , quæ ex  
 „ narratione perpetua rerum simillarum gignitur . Itaque  
 „ per alios Germaniæ tractus properantius deinceps discur-  
 „ ram , & ex magna rerum copia ea tantum , quæ notabi-  
 „ liora videbuntur , excerpam . Vienna , Austriaci Imperii se-  
 „ des , etsi adnitentibus Principibus Austriis ab hæresi sem-  
 „ per intacta , tempore de quo scribimus nonnihil in hære-  
 „ sim inclinare videbatur , inventis pluribus civium millibus ,  
 „ qui permitti sibi Confessionem Augustanam procaciter effla-  
 „ gitare sunt ausi . Iniqua petentibus restitit quidem invicta  
 „ constantia Rodolphus Cæsar ; At simul intelligens quid im-  
 „ probe petitioni subesset mali , pluribus intra extraque ur-  
 „ bem locis disponi optimos Sacerdotes , animarumque Recto-  
 „ res iussit , qui nutantem in fide populum salutare doctrina  
 „ continerent . In iis deni ex Collegii Germanici Alumnis  
 „ fue-

75.

Malevolorum  
 artes adversus  
 eum irritæ.

76.

Rodolphus Im-  
 perator Alum-  
 nos ad tuitio-  
 nem Religionis  
 adhibet .



fuere. Eminuit tamen Joannis Carbonis, ornatissimi Juvenis, virtus, qui sponte eam in se curam recepit, & magnam laboris molem, non ex officio, sed mero pietatis instinctu subiit. Nam cum videret patere alicubi hæreticorum insidiis Christi gregem, nec esse qui circumfrementes lupos satis viriliter propulsaret, stitit ultro se Pontifici Viennensi, petiitque sibi ut liceret cum bona ejus venia vicinum in oppidum, quinque ab urbe millibus passuum, Divini verbi sementem inferre. Quo facile impetrato, illuc cœpit excurrere diebus festis, & populum frequentissimum (hominum plus novem millia erant) sacris concionibus edocendum, confirmandumque in fide Romanæ Ecclesiæ suscepit. His dum insistit, incidit forte in Cathecismus abominandæ doctrinæ, quem nuper Lutherani Turingenses ediderant sermone italico. Et veritus, ne si in Italiam pervaderet liber pestilens, Italibus quoque, quorum maxime in perniciem editus videbatur, aliquid novi dogmatis adhæresceret, de eo scripsit ad Lauretanum, monuitque ut opus exitiale ad Fidei Quæsitores deferret, vendendum scilicet, atque e fidelium manibus eripiendum. Adeo, non solum patriæ, sed etiam exteræ regionis cura premebatur. Pataviæ, quæ Civitas proprio Episcopo civili juxta ac sacro jure paret, haud minus strenue negotium religionis Georgius Gothardus promovebat. Is Canonicatu donatus in æde urbis primaria, illuc ut primum venit, continuo magnam ab Episcopo iniit gratiam, ea etiam causa, quod Canonicorum præter ipsum nemo erat sacerdotio initiatus, & ipse omnia sacerdotii munia incredibili sedulitate obibat. Sed quanto apud Antistitem gratiosior, eo majori apud Collegas flagrabat invidia, diligentiam ejus suæ accusationem ignaviæ interpretantes. Scholæ Pataviensi Rector impositus, præcepta morum publice prælegebat. Quod inter Ecclesiæ Gymnasique curas sub-

77.

Joannis Carbonis Apostolicus labor prope Viennam.

78.

Scribit Romam de libro quodam exitiali.

79.

Georgius Gothardus pietatis & doctrinæ documenta præbat Pataviæ.

80.

Christophorus  
Pettingerus præ-  
cunctis carus  
Episcopo Pata-  
vienti.

celivi erat temporis, ita apud se occupabat, ut spatium habuerit conscribendi librum *De bonorum operum & Sacramentorum necessitate*, eruditum opus, cujus unum exemplar Romam ad Lauretanum transmisit. Gothardo deinde comes accessit Christophorus Pettingerus, ex Collegii Alumno Præpositus Patavienſis a Gregorio creatus, de quo aliud nihil dicam, nisi in tanta apud Episcopum fuisse gratia, ut nemini magis prudentissimus Præsul quam ipsi fideret. Ei sane uni graviora Ecclesiæ negotia committebat. Quin Pettingerum semel properare Romam jussit, suum de rebus gravissimis ad Pontificem maximum legatum; per eamque occasionem ad Gregorium scribens, experiri se dixit quantum pietate doctrinaque præstarent cæteris qui Romæ educati in Collegio ejus essent. Constantiæ, quæ item urbs in ditione erat Episcopi, sub clientela tamen domus Austriacæ, elucebat Jacobi Milleri virtus in tantum, ut ei Proepiscopus, absente Episcopo Cardinali Altempsio, Juveni licet talium inexperto, lustrationem urbis demandaverit. Provinciam arduam, ac periculi plenam suscepit Millerus magno animo, nihil deterritus quod reprehendenda multa, præsertim inter eminentiores Sacerdotes essent, multa corrigenda: Res plane difficilior, quam ut fieri sine aliqua offensione posset. Et vero offensi gravissime sunt Canonici, & Parochus S. Stephani, quasi vero dum corruptelas exagitat dictis, convictio violati ab eo, atque injuriosius compellati fuissent. Inde magna irarum moles adversus eum. Missæ statim querelæ atroces, & amaræ contra imprudentem Visitatorem litteræ ad Ferdinandum Archiducem, Tyrolis Comitem, Constantiensium Patronum. Qui nihil cunctatus, Millerum paulo acrioribus increpuit litteris, monens viris talibus, qui & dignitate & virtute inter cæteros spectarentur, non fuisse contra jus fasque inferendam contumeliam.

Tem-

82.

Offendit apud  
Archiducem Cō-  
stantiensium Pa-  
tronum, incre-  
paturque ab eo.

Temperaret ardori immodico, quantumvis pio: Potestate, non ad irritandos alienandosque homines, sed magis ad demerendos & conciliandos uteretur. Facile ex his litteris intellexit Millerus falsis delationibus occupatum Principem. Nihil tamen commotus, lustrationem qua coeperat constantia ad exitum perduxit, multis ex usu Religionis provide sapienterque factis decretis, quibus mala non pauca de medio tollebantur. Simul Principi innocentiam ac moderationem ita probavit suam, ut Archidux, deposita quam male præsumpserat opinione, eum jam tum in clientelam acceperit, ejusque mox uti opera in simili negotio constituerit. Brigantium, Rhatia oppidum celebre, Tyroli adjunctum, & circumpositos pagos invalerat Anabaptistarum fœda superstitio, eo furore & insania, ut incolæ passim, prædiis vel divenditis, vel relictis, liberis etiam conjugibusque abdicatis, communem & promiscuam inter infanda commercia, quod eorum est institutum, ducerent vitam. Infanientibus mederi multi ac sæpe tentaverant, sed conatu irritato. Archidux, multa expertus frustra, ad extremum experiendum statuit. Milleri quid posset industria. Rogatus ea de re Episcopus Constantiensis Cardinalis Altempsius, prolixè consensit Principi, & Millerum in sacram expeditionem proficisci ad Brigantinos jussit. Quæ ille jussu non minus prompte quam alacriter executus, ut venit ad locum, iniecit se in medios furiosorum globos, & qua monendo, qua docendo, qua hortando, tantum dicendo valuit, ut brevi tempore eorum plerosque ad saniores mentem traductos, Ecclesiæ pariter ac Principi morigeros & obedientes reddiderit. Ab hoc successu, qui late fama percrebuit, Millerus hominum opinione crescere, & vulgo celebrari virtus ejus eximia, quavis difficultate periculoque major. Movit in primis ea res Episcopum Cardinalem. Itaque Millerum totius Diœceseos Constantien-

83.

Purgat se apud Archiducem, ab eoque in gratiam recipitur.

84.

Ejus expeditio ad Brigantinos, & operæ fructus.

85.

Totam Diœcesim Constantiensem Millerus cum amplissima potestate lustrat.

stantienſis Viſitatoreſ cum ampliffima poteſtate creat, illis ferme uſus verbis: *Ut evellas, & deſtruas, & ædiſices, & plantes*. Magnum id enimvero erat negotium, cum multa revellenda eſſent malorum germina, quæ in tam amplo ſolo radices egerant. Quo fiebat ut multis ex omni ordine, & maxime ſacerdotali, moleſtus eſſe, non ſine ſummo ſuo periculo Viſitator cogeretur. Tamen vir magnanimus, Deo, ad quem ſua omnia dirigebat, frētus, cultuque duntaxat ejus ſibi ante oculos poſito, Diœceſim luſtrare aggreſſus, totam circumiit, atque ab omni inquinamento, quoad ejus fieri potuit, purgatam reliquit, non metu potentiorum, non gratia, non ullo rerum humanarum reſpectu prohibitus, ne quas deprehendiſſet publici exempli labes ediſctis ſeveriſſimis coerceret. Præcipua illi cura dignitatis officiique ſacerdotalis fuit. Clericorum mores, indumentum, ſtudia ad præſcriptum Concilii Tridentini exegit. Si quos invenerat muliercularum amoribus irretitos, loco movit, aut qua alia poena multavit. Neminem hac fæce conſpurcatum, aut quavis alia notatum infamia, ſacris operari permiſit. Matrimonia præter leges Eccleſiæ contracta redintegavit, cenſus Eccleſiarum male diſtractos, aut poſſeſſorum incuria peſſumdatos, vindicavit. Decretis demum ejus & curis decens ædibus ſacris nitor eſt additus, ſacrorum ritus cæremoniæque ad Romanum morem compoſitæ, omnia ad Dei Divorumque cultum ſpectantia, reformata. At enim luſtratio in hunc modum inſtituta magnum tota regione concivit ſtrepitum, multorum odia adverſus rigidum Quaſitorem incendit. Obmurmurabant cæco fremitu oſores diſciplinæ, minasque jactabant. Quidam ejus inſuſcare famam fictis criminibus, quidam etiam vitæ inſidias ſtruere non ſunt veriti. Fuit qui rem divinam facienti lixivium pro vino, non minus impio quam atroci uſu, miſcuit. Quibus tamen ille de animi firmi-

86.

Res in ea luſtratione ſalubriter conſtitutæ.

87.

Pericula quæ adiit, ac ſuperavit. Ut demum translatus fuerit Ratiſbonam.

firmitate se dimoveri nunquam est passus. Sic ergo confecta post longam circuitiorem provincia, propositi victor Constantiam Millerus se retulit, ubi in præmium rei bene sceleriterque gestæ in Collegium Canonicorum primæ ædis ab Altempfio Cardinali est cooptatus. Idem postea evocatus Ratisbonam, Vicariusque Episcopi renunciatus, eum Episcopatum usque ad obitum administravit tanta sapientia, ut ejus maxime consiliis constantiaque apud Ratisbonenses steterit res Catholica. Nam & hæreticorum furori se tanquam murum semper objecit, & depravatos Clericorum mores corrigere nunquam destitit, & demum Societatis Collegium in ea urbe, adnitente Guillelmo Duce Baviaræ, ringentibus frustra primipilis hæreticorum, instituit. Sub idem fere tempus similem suæ Dioceseos lustrationem instituit Episcopus Vormatiensis, eumque in usum arcessitos Moguntia binos Collegii Alumnos sibi adjutores adjunxit, Georgium Voltzium, & Christianum Agricolam. Quæ tamen ab his per eam occasione incepta actaque sunt, præclara licet, reique publicæ saluberrima, supervacaneum est memorare, quippe iis quæ hætenus recensuimus quam simillima. Peragrata Diocesi, Vormatiæ Voltzium substituit, sacras habere conciones jussus. Agricola Moguntiam inter Canonicos adscriptus rediit. Sed jam stylum ad se vocat Moravia. Eam nos non sine horrore aliquo metuque ingredimur, quædam exposituri scilicet oblivione magis digna quam litteris, quæ tamen silentio tegi non sinit historia, *cujus ea prima lex est, teste Cicero-  
ne, ne quid falsi dicere audeat, deinde ne quid veri non audeat.* Olomucium, ampla civitas, Moraviæ caput, contrariis pro Episcopatu studiis misere discissum erat anno MDLXXV. Mortuo siquidem Thoma Albino, urbis Episcopo ac Principe, eam ambire infulam cœperant præpotentes Canonici duo, Daniel Ducçius, Collegii Germanici olim

88.

Similia de Georgio Voltzio, & Christiano Agricola Vormatiæ.

89.

Atrox Olomucii discordia ex electione duorum Episcoporum.

olim Alumnus, & Adamus Laudechius; Utque ambo ntagnam post se factionem ducebant, ambo distractis suas in partes suffragiis electi fuerant. Et uterque pro Antistite se gerebat, magna non solum Canonicorum, sed totius Moraviæ secessione ac discordia, qua gliscente in dies, multi studio partium in armis erant, & nihil aberat propius quam ut lis ferro decerneretur. Dum ita inter se illi de Episcopatu depugnant, alia nihilo mitior orta contentio est de Decanatu inter Joannem Telezium, & Joannem Philipponum. Collegii hi quoque Alumni erant, sed longe dispari ingenio, moribus plane diversis. Telezium natura perbonus, quietus, candidus, ad hæc insigni pietate atque prudentia. Philipponus contra audax, vecors, iniquus, tam insana ambitione, ut in pensandis honoribus non officii memor, non sui potens videretur. Contentionis hæ causæ fuerunt. Decano Olomucensis Ecclesiæ morte sublato, Telezium adhuc Romæ in Collegio degentem ea dignitate ornaverant Gregorius Pontifex, atque Olomucium proficisci quantocius jusserrat, tum ad ineundam honoris possessionem, tum etiam ad pacandas, si qua posset, ejus Ecclesiæ res nimio plus perturbatas. Eo autem ab Urbe digresso, Philipponus alias surripuerat dolo malo ab Apostolica sede litteras, quibus eadem sibi dignitas deferrebatur. Pontificias ergo pro se litteras uterque proferebant, sed alter legitimas, alter subreptitias. His tamen suffultus litteris Philipponus sua deturbare sede æmulum, summo Canonicorum consensu Decanum jam salutatum, nitebatur. Id amice conatus primum obtentu juris, ubi videt hac via nihil profici, fremens frændensque, involat armatorum globo stipatus in domum Decanalem, obvios quosque sclopis intentis in fugam agit, & domo potitur. Inde inigrans in templum, Decani solium, nemine furore ejus obsistente, occupat, seque ipsemet Decanum appellat,

90.

Alia contentio de Decanatu inter Joannem Telezium & Joannem Philipponum, Collegii Alumnos.

91.

Philipponus Decanatum vi occupat. Mox in ordinem redigitur.

pellat, nescias majorine temeritate, an infania. Ad ea Telezium nihil. Nec enim vi agendum existimabat, cum posset jure. Tantum de tota re ad Gregorium Pontificem, & ad Cardinalem Comensem accurate perscripsit. Nec absuit malo remedium. Venere haud multo post Romana decreta, quæ alieni juris sacrilegum usurpatorem, ni incepto abstinisset statim, deque injuria satisfecisset, diris devotum omni honore spoliabant. Prius tamen quam hæc in Moraviam pervenirent, Philipponum in ordinem redegerant Canonici, ac Telezium in domum ac solium suæ dignitatis restituerant. Hoc exitu finita est controversia de Decanatu. At feralis dissidii, quo certabatur de Episcopatu, nullus exitus inveniebatur, perstabantque pari prope potentia & obstinatione Episcopi ambitiosi jus quisque suum tueri, & potestatem, quod magis est, pessimo publico exercere, nullas honestæ conventionis leges admittere. Et Telezium, ut multum apud Collegas auctoritate posset & gratia, omnes revocandæ concordie vias exquirens, ac sæpe de certo constituendo Præsule multumque differens, nihil admodum promovebat. Plures menses tenuit atrox discordia, donec interventu Cæsaris ad Pontificium Legatum delata est causa, qui, auditis quæ in utramque partem afferebantur, utrique Episcopo jus ad Insulam abjudicavit, novamque fieri electionem priori abrogata jussit. Coguntur ergo ad præstitutum diem Comitia, feruntur suffragia, &, quod mirum, primis calculis is, de quo hæcenus locuti sumus, Telezium, ætate licet omnium postremus, eligitur, quem continuo omnes & Præsulem & Principem summo consensu consalutarunt. Actum id magno omnium gaudio, præter quam Telezii ipsius, ac Philipponi, quod ex utriusque vultu licuit agnoscere tristi mœroque, sed diversa ex causa. Ac Telezium quidem uberes eo die fudit lacrymas, quippe Insulæ non tam splendorem,

92.

Utriusque Episcopi pertinacia. Novam fieri electionem Nuncius Pontificius jubet.

93.

Eligitur Telezium. Mœror ejus, & litteræ ad Lauretanum de sua electione.

dorem, quam pondus æstimans. Et nuntias electionis suæ litteras ad Lauretanum scribens, hæc demissionis modestique sensu totidem verbis explicuit. „ Robustiores cor-  
 „ pore, prudentiores consilio, magis compositum animo,  
 „ & pietate instructum, Moravia expectabat Episcopum.  
 „ Quod mihi ex pulveribus scholasticis nuper reverso,  
 „ præter meam & omnium expectationem de rebus gra-  
 „ vissimis negotia imposuerint, mirari satis non queo. Si  
 „ a Deo est, stabit. Si ex favore, non cupio ut mihi  
 „ favor prodesse debeat, & obesse Patriæ ac Religioni.  
 „ In omnibus me divinæ voluntati resigno. Faciat ad lau-  
 „ dem sui nominis, ad utilitatem Ecclesiæ suæ sanctæ, &  
 „ salutem animæ meæ quidquid placuerit. Laborem non  
 „ subterfugio, honorem non quero nisi in cælis. Quod  
 „ in me ambitio non fuerit, testantur lacrymæ, quas statim  
 „ publice in conspectu omnium fudi, testatur & cubicu-  
 „ lum meum, in quo continuos gemitus feci, & vim la-  
 „ crymarum non potui cohibere, videns & imbecillita-  
 „ tem meam, & negotii gravitatem, populique ac pro-  
 „ vincię corruptionem „. Philipponus, parere jam co-  
 „ actus ei, quem honoris rivalem non sustinuerat, inclusum  
 „ sinu dolorem & indignationem truci turbidoque vultu  
 „ præferebat, & quiddam coquebat animo, quod quale fue-  
 „ rit, mox dicemus. Telezium interim, vix inito Episcopa-  
 „ tu, moliri multa cœpit, quibus religio & pietas tota Mo-  
 „ ravia augetur, Alumnorum maxime utens opera, quo-  
 „ rum delectam apud se manum habebat. At brevior quam  
 „ oportuit vita ejus fuit. Biennii spatio nondum evoluto,  
 „ correptus lethali morbo Brunæ, adstantibus Societatis Patri-  
 „ bus, quos incredibili benevolentia complectebatur, & Ca-  
 „ nonicis tribus, Michaele Schramio, Melchiorre Pyrnesio,  
 „ & Thoma Coco, quos in Collegio sodales habuerat,  
 „ sacris omnibus procuratus excessit e vita: bene alioqui  
 tam

94.

Mœror Philip-  
 poni de electio-  
 ne Telezii.

95.

Brevi moritur  
 Telezium. Ejus  
 æta præclara  
 tam brevi tem-  
 pore.



tam brevi tempore meritis de Diœcesi, in qua collapsam pietatem multis partibus instauravit, bene de Societate Jesu, cujus Brunense Tiocinium constabilivit, Collegiumque in sedem ubi nunc est transtulit, plura facturus majoraque, si diutius viveret. Morbi interea genus insolens, quo est absumptus, suspicionem injecit veneni, & statim in Philipponum omnium conversi sunt oculi, veterem nimirum hostem, & ad omne facinus ab ingenio promptum. Aucta vehementer est suspicio cum agi de successore cœptum. Namque emendicare ostiatim pro se calculos cœpit, atque alios precibus, alios pollicitationibus eblandiri adeo sollicitate, plane ut videretur conscire sibi culpam, & idcirco affectare eum dignitatis & potentia locum, ne pœnam lueret. Voti ille quidem compos non est factus, prohibente rem ultore scelerum Deo; verumtamen suffragatores ita distraxit in partes, tantamque rerum ac consiliorum perturbationem commovit, ut eligi Episcopus nisi post sesquiannum non potuerit. At electus est tandem quem minime omnium vellet, Stanislaus Paulocius, alter Germanici Collegii Alumnus, Brunensis Ecclesiæ tunc Præpositus, & Olomucensis, ut vocant, Scholasticus, vir eximius animi dotibus, & Rodulpho Cæsari imprimis acceptus. Qui in eo fastigio collocatus, ut ab insigni facinore principatum auspicaretur, primum omnium Joannem Philipponum, odiorum incentorem, discordia fatorem, reique publicæ haud dubium perturbatorem, & Joannis Telezii Episcopi, ut communis erat opinio, interfectorem, capi, deportarique in arcem Hocwaltensem iussit. Ibi quæstione habita de parricidio, cum multorum testimonio reus propinati Episcopo veneni fieret, & in manifesto crimine teneretur, lege actum in eum est capite amputato. Has intemperantis animi pœnas Philipponus dedit, atque hunc habuit vitæ exitum qui in schola

96.

Oritur suspicio veneni. Suspicionem de se auget Philipponus.

97.

Stanislaus Paulocius novus Episcopus Philipponum contrudit in carcerem.

98.

Ei veneficii convictum capite piecti jubet.

pietatis, inter optimos adolescentes, sub disciplina sanctissima educatus, nihil inde nisi effrænem audaciam, & insanam ambitionem extulerat. Utili documento eorum, qui deflecentes a suæ institutionis tramite, naturæ cupiditatibus remittunt frena, & suborientes animi motus comprimere non assuescunt a prima ætate. Sed meliora videamus. Martinus Episcopus Eichstädiensis Clericorum Seminarium Eichstädiū instituerat, Episcoporum, qui huic Concilii Tridentini de Seminariis erigendis sanctioni paruerint, in Germania primus. Quamquam autem sua cuique proles esse carior solet quam aliena, tamen præ suis, ac suo velut in sinu educatis, caros habere Collegii Germanici Alumnos videbatur. Ut ex his quam plurimos haberet semper ad manus, non solum aliquos exposcebat identidem ab Lauretano, sed ad ipsum mittebat delectos e sua Diœcesi adolescentes eo consilio, ut exquisitiore eruditione, & nova quadam morum elegantia cultos reciperet, per eosque Romanam quodammodo institutionem in suum Seminarium importaret. Huic moderando, priusquam Jesuitæ Eichstädiū figerent sedem, non alios quam Collegii Germanici Alumnos adhibuit, ita divisus inter eos officiis, ut ipsi uni disciplinam Clericorum, remque omnem litterariam administrarent. Præses omnium ac Rector Petrus Stevartius erat. Theologiam Joannes Vogelius, Philosophiam Joannes Heysius, eloquentiam Adamus Fabritius, Grammaticam Simon Schnegalsius & Joannes Egloffius tradebant, suasque singuli partes cum eximia diligentia laude, & pari Juventutis profectu implebant. Vogelius tamen ad magisterii laborem Pastoris addebat curas. Nam cum Canonicatu frueretur S. Villibaldi, cui subiecta Parrocchia rusticana erat, in villam duo inde millia passuum excurrere diebus festis, Divinique verbi & sacrorum pabulum gregi famelico dispensabat. Herbipoli post discesum

99.

Quanti faceret  
Episcopus Eich-  
städiensis Alu-  
mnos Collegii  
Germanici.

100.

Suo Seminario  
Rectorem & Ma-  
gistros imponit  
ex Alumnis.  
Alumnorum no-  
mina.

# ET HUNGARICI LIBER TERTIUS. 141

sum Balthassaris Conigii , cuius supra est facta mentio , Alumni duo confederant , Nicolaus Florschutzius , & Joannes Fischerus , ambo ob excellentem virtutem Episcopo Principi supra quam dici possit cari probatique , de quibus hæc memoriæ sunt prodita . Nicolaus Parœciam amplam cum amplissima potestate acceperat in oppido , cui nomen Eberen , ad confinia Saxoniae . Prædium id est opulentum Episcopi , quod in plura minora prædia dividitur . Parochus rusticis jus dicit , censum locupletem colligit , aliosque sub se Parochos agrestes habet . Huic affixus loco Nicolaus , non , ut alii ante eum plerique , reddituum ubertate contentus in otio desidiaque languebat , sed commissi gregis saluti primas curas & maximas impendebat . Doctrinam Christi pueris explicabat , grandiores natu sacrorum ministerio procurabat . Idem ut facerent cæteri animarum Pastores videbat . Fischeri attributa fuerat Parœcia Laudensis , quinque fere leucis ab Herbipoli . In ea Catholicis permixti hæretici multi erant . Sed ii utriusque mores , ea vitiorum contagies , ut alii ab aliis vix differerent nisi nomine . In tanta morum fœditate positus scribebat ad Lauretanum , valde vereri se , quod de se agebat Apostolus , ne cum aliis prædicaret , ipse reprobus fieret , eoque sodalium pro se preces enixe implorabat . Adeo de se demisse , quod hominum sanctiorum est , sentiebat . Idem tamen , divina aspirante gratia , paucorum mensium labore Lutheranos aliquot pervicacissimos in Ecclesiae fidem recepit , & quosdam e Catholicis , qui efferatioris erant ingenii , mansuectos Christianis adtrinxit legibus : quod item ex ejus litteris constat . Lubecam , inferioris Saxoniae celebre emporium , venerat e Collegio Germanico Laurentius Surius adeundi causa Canonicatus , quem a Gregorio Pontifice utendum acceperat . Nam scintillæ adhuc aliquæ prisca cultus elucebant inter Canonicos Lubecenses ,

101.

Acta Nicolai  
Florschutzi in  
Dioecesi Herbipolensi .

102.

Et Joannis Fischeri in parœcia Laudensi .

103.

Laurentius Surius adversus omnia reperit Lubecæ .

centes, quantumvis debiles & interinortuæ. Ce terum plerique aperte sequebantur Lutherum, & qui Catholici dicebantur, non solum pauci, sed mali, vitiisque omnibus cooperti erant. Episcopi suspecta religio. Civitas Lutheri tota. Vix urbem Surius intraverat, cum conclamari passim cœpit, adesse hominem Romanum, proditorem patriæ. Haud dubie eum res novas moliturum, & Romani Pontificis potestatem magnifice prædicaturum. Cave-  
rent sibi ab ejus præstigiis boni quique cives, nisi mal-  
lent excussum semel Deo propitio jugum Romanæ tyran-  
nidis denuo suis cervicibus imponi. Quibus vocibus, &  
publica alienatione vulgi, præclusum sibi omnem aditum  
rei gerendæ videns, tacitus sibi vacabat ac Deo, soloque  
vitæ castigatissimæ exemplo Catholicæ pietatis cultum de-  
prædicabat. Tamen, cum se dedit occasio, Pontificis maxi-  
mi auctoritatem libere aperteque tueri non est veritus. Agebatur inter Canonicos de abrogando eo Pontificis ju-  
re, quo statuere de Canonicatibus solet alternis cum  
Episcopo mensibus; quod eo spectabat, ut omnes dein-  
ceps Catholicos e suo collegio eliminarent. Id autem mo-  
lientibus impavide se objecit Surius, scelusque detesta-  
tus, ita de re peroravit apud Collegas, ut verecundia  
iis fuerit ita aspernari Pontificem. Itaque negotium tunc  
quidem hæsit in ipso molimine. Quamquam postea,  
prævalentibus Lutheranorum opibus, nihil neque Pon-  
tificii juris, neque Catholici nominis Lubecæ relictum  
est. Simillima clades religioni imminebat Osnabrugi, quæ  
urbs est ampla Westphaliæ in dominio Episcopi. Civitas  
prope tota novis inbuta opinionibus, ab avita pietate, &  
prisicarum caeremoniarum cultu desciverat, adeo profligatis  
Catholicorum rebus, ut eas restituendi vix ulla reliqua  
esset spes, ac tentare tantum periculo non vacaret. In  
eam itaque urbem, natale solum, reversus e Collegio  
David

104.

Pontificis maxi-  
mi auctoritatem  
intrepide defen-  
dit inter Cano-  
nicos.

105.

David Fabritius  
Osnabrugi otio-  
sus.

David Fabritius, meris apud Deum ac superos precibus, atque integerrimæ viræ exemplis religionis causam agebat, cetera otiosus, tacitus, ac plerumque domi reclusus. Bonus ejus odor manavit ad Abbatem Hasburgensem, princeps pietatis cupidissimum virum, cujus Monasterium erat in interiore Saxonia; utque jamdiu hominem conquirebat religionis studio flagrantem, Fabritium missis litteris invitavit, traxitque ad se. Duo postulabat ex eo Abbas, alterum ut concionaretur ad populum, alterum ut Cœnobii sui tirones institueret. Primum volens libensque accipit Fabritius. Secundum, ætatem excusans, & monasticæ institutionis imperitiam prætexens, modeste detrectabat. Utrumque tamen urgente Abbate suscepit, atque incredibili felicitate gessit. Populum infinitis hæreticis circumseptum, & sæpe ex insidiis ad defectionem sollicitatum, concionibus erudit, & in fide Ecclesiæ continuit. Novitios vero Monachos veram religiosæ virtutis rationem edocuit, formavitque sic, ut juvenculi veteranis exemplo essent. Hasburgo propius absunt nobilium Germanorum amœnæ villæ, quas more patrio incolere certis anni temporibus solent. Eorum subinde aliqui Hasburgum ventitabant, atque inter prandendum sermones de religione miscebant. Nam, ut quisque est imperitior, eo fidentius in hunc sermonem ingreditur. Sed Fabritii responsis haud semel revicti erroris, & pudore suffusi, suos deinde Ministros submittere, cum eoque committere instituerunt, futurum sperantes, ut, sin minus doctrina, at saltem voce ac clamore obrueretur. Fefellit illos tamen sua spes. Ministri itidem superati, & ad silentium adacti, latendi consilium cepere. Ensisheimii, quod Alsatiæ nobile est oppidum, publico gymnasio præerat Joannes Hirlinæus, idque curabat primum, quod Romæ usurpari viderat in scholis Societatis, ut Ludimagistri litterarum illecebra uterentur

106.

Evocatur Hasburgum. Ibi rem gerit egregie.

107.

Hæreticos de Religione differentes confundit.

108.

Joannis Hirlinæi res gestæ Ensisheimii.

rentur ad instillandum teneræ ætati metum Numinis , & amorem virtutis. Jesuitis , quibus se omnia debere profitebatur , ut nonnullam rependeret pro benefactis vicem , persuasit Magistratibus ut Collegium ejus ordinis in urbe sua conderent, idque ut confieri expeditius posset , Gymnasium ipse suum sponte dimisit, atque in usum Societatis tradidit. Translatus deinde est Bambergam vir egregius ,

## 109.

De Laurentio Ulnero , & Jacobo Schutizio in Diœcesi Argentinenſi .

atque ibi Proepiscopus appellatus . Argentinenſis Episcopus binos cum accepisset ab Urbe Alumnos, eorum uni Laurentio Ulnero Parœciam Molshemiensis oppidi , quod totius Diœceseos præcipuum est , commiserat, ejusque assignabat industriæ novam pietatis speciem inter Molshemienses invecſtam . Alterum , Jacobum Schutizium, nondum per ætatem Sacerdotio insignitum, habebat apud se amantissime, dum crescente cum annis virtute , aptus ad ministerium Sacerdotale fieret .

## 110.

Brunsbergæ Fridericus Bartzius ad Ecclesiam trahit Sebastianum Hortmannum . Hujus virtus egregia .

Brunsbergæ in Prussia regali Fridericus Bartzius, salutis proximorum dies noctesque intentus, crebras animarum prædas stygio hosti eripiebat . Ex eo numero fuit , ut alios præteream, adolescens clari generis, egregiæ indolis, patria Regiomontanus, Sebastianus Hortmannus nomine, quem erroribus innutritum ad Christi ovile perduxit, transmisitque Romam altioribus disciplinis in Collegio Germanico informandum . Cujus tanta virtus fuit, ut ob eam causam exheredatus a patre, non idcirco mentem, non fidem mutaverit . Merito proinde Canonicatu donatus Uratislaviensi ,

## 111.

Bernardi Eder Canonici Uratislaviensis monumenta quædam grati erga Collegium animi .

cujus usura damnum amissi patrimonii sarciret . Et siquidem Uratislaviam nominavimus, non est hoc loco omittendus Bernardus Eder, Ecclesiæ ejusdem Canonicus , Romanæ institutionis adeo memor, ut ejus monumenta quædam exstare voluerit ad posteros transitura . Collegio nimirum Germanico, in quo pietatem bonasque artes hauserat, sacrificales Calices ex argento duos dono misit , suæ erga ipsum voluntatis & grati animi

animi pignora . Et in Æde Cathedrali novum cum extruxisset operis per quam magnifici Odæum , ei præfigi effigiem Gregorii XIII. iussit , subjecto lemmate *Deo & ejus Vicario* . Haud minus gratum Collegio se exhibuit Wolfgangus Theodoricus a Reitenau , qui ad Archiepiscopatum Salisburgensem , primam Germaniæ sedem , assumptus , perinde quasi eum honorem , non tam suæ virtuti , quam institutioni adolescentiæ suæ deberet , ab ipso Episcopatus aditu Candelabra sex argentea , aureis quadringentis æstimata , Romam transmisit ad Collegium Germanicum . Alii quoque plures similia grati animi argumenta Collegio dedere . Sed ea nos , quod neque ad tempus de quo scribimus , neque ad classem rerum , quas evolvendas suscepimus , pertinent , missa facimus . In provincia Tyrolensi paræciam Brixinensem ab ejus urbis Episcopo Gothardus Seeman acceperat , Caldariensem ab Episcopo Tridentino Cardinali Madrutio Petrus Ogilbenus , spectatæ virtutis uterque viri , quos mihi tamen nominare ad alia festinanti sat est . Græcii operam diligentem ad aliquot annos posuit Georgius Stobæus , Carolo Archiduci ob integritatem & fidem mire carus , cujus deinde deprecatione Episcopatum Lavantinum tenuit . Sed non tam leviter attingenda virtus Gualterii Belii , & Joannis Villarii , quorum ille prior caritatem qua majorem nemo habet ostendit , animam pro fratribus ponens , alter gloriosam pro sacrorum fide mortem Alumnorum primus oppetiit . Ut dicam de singulis , parem cum nobilitate doctrinam Belius conjungebat . Rodolpho Aquavivæ , cujus alibi est facta mentio , carus in primis ac familiaris in Collegio fuerat , ejusque præceptis ac consuetudine ad eum pervenerat virtutis gradum , quem vita insequens , ac demum secuta mors docuit . Decanus cum esset Ecclesiæ Cathedralis Curia , quæ Rhætia primaria Civitas est , nullam neque Sa-

## II 2.

Volfangi Theodorici a Reitenau Archiepiscopi Salisburgensis liberalitas erga Collegium .

## II 3.

De Gothardo Seemano , Petro Ogilbeno , & Georgio Stobæo quædam indicantur .

## II 4.

Gualterii Belii præclara mors in charitatis officio Curia .

cerdotis, neque Pastoris optimi partem prætermittebat, adeo ab innocentia vitæ spectatus, ut vulgo Sanctus audiret. Cum vero urbem dira lues corripuisset, & miserandam mortalium ederet stagem, non modo suis se bonis ac facultatibus spoliavit ut multorum egestati inopixque succurreret, sed sui pene oblitus, iniecit ultro se medias in mortes, perrexitque ægrotis adesse, ac sacra ministrare, donec eodem contracto morbo, parem Aquavivæ suo palmam abstulit, morte obita martyrii quam simillima. Villarius triennium in Collegio fecerat pari commendatione ingenii ac pietatis, æqualibus juxta ac Moderatoribus probatissimus. Regressus in patriam, Nervix, Leodiensis agri pago, Christiani gregis susceperat curam, ibique confidebat, populo dispertiens sacra, & quæcunque boni Pastoris sunt sedulo administrans. Forte sacrum Viaticum deferere ægroto remotiorem in locum, cum obviam hæreticorum manum infestam habuit. Sacerdotem Catholicum, tremenda mysteria gestantem, ut conspexere latrones impii, irruunt continuo in eum ferociter, conviciis ac contumeliis onerant, demum indumentis spoliatum affligunt humi, ac multis impositis plagis crudeliter contrucidant. Nuncius gloriosæ necis Romam delatus, ut mirifice delectavit Pontificem, hos curarum & industriæ suæ fructus pro merito æstimantem, ita beatæ fortis cupidine, ac pia æmulatione incendit Alumnorum animos. Et vero exsistere secutis temporibus Villarii imitatores haud ita pauci, quorum nos res gestas, & felicem exitum hoc loco non exsequimur, ne extra præfinitum spatium excurrat historia, eorum alioqui nomina ad operis calcem edituri. Liceat potius non nihil extremo hoc loco evagari extra Germaniam. Et siquidem his finibus non contentus Alumnorum labor, in Sueciam usque memorabili expeditione se protulit, eo usque sequi abeuntes ne pigeat,

## 115.

Joannis Villarii  
Martyrium illustre prope Leodium.

## 116.

De celebri expeditione in Sueciam Antonii Pesevini.



pigeat , fasque mihi sit totam ejus expeditionis seriem a suis initiis evolvere . Joannes III. Sueciæ Rex , a puero Lutheranus , cum haberet in matrimonio Catharinam Sigismundi Poloniæ Regis filiam , feminam eximie Catholicam , partim illecebris hortatuque ejus , partim Sanctorum Patrum voluminibus volutandis , qua lectione plurimum delectabatur , discussio quo tenebatur errore , palam in sacra Catholica inclinare coeperat . Quin adductus in spem totam quoque Suecorum gentem , si quædam a Pontifice Maximo permitterentur , ad fidem Romanæ Ecclesiæ perductum iri , submisso clam Roman nuncio ad Gregorium ( Ponto a Guardia nomen erat nuncio ) certos poposcerat homines , qui Catholici cultus prima jacerent in regione semina , & unum præcipue aliquem , quicum sua consilia communicaret . Poscenti dati sunt jussu Pontificis Jesuitæ primum duo , Stanislaus Varsevicius Vilnensis Collegii Rector , jam ante notum Reginæ gratumque caput , & Laurentius Norvegus . Oriundus erat is ex Norvegia , unde illi cognomen inditum , ac tum degebat in Belgio . Quibus haud multo post tertius accessit ab urbe Roma Antonius Possevinus , eruditionis laude clarus in primis vir , ac rerum usu limatus . Stockolmiam , urbem regiam , profectus Varsevicius , quamquam in colloquium perhumaniter admissus a Rege , Vilnam tunc quidem rediit , nulla ob imperitiam linguæ confecta re . Ex ejus tamen ad Gregorium litteris intellectum est , natura timidum , ancipitemque animi Regem esse , & quantumvis Catholicæ Religionis proclivem , plus æquo sibi metuere ab ordinibus regni , qui Luthero præfracte studerent . Norvegus sermone patrio ita demeruit Regem , ut ejus nutu & auctoritate plura , ac spe prope majora inceptaverit . Scholis enim Stockolmienfibus Rector impositus , Magistros Catholicos evocavit ex Belgio , eisque ludos litterarios

117.  
Sueciæ Rex Catholicæ Religionis favens , operarios poscit a Pontifice .

118.  
Missus ad eum Stanislaus Varsevicius S. J. re infecta discedit .

119.  
Laurentius Norvegus satis belle rem gerit Stockolmiæ .

## 120.

Possevinus auditis postulatibus Regis revertitur Romam.

cominifit. Nec eo contentus, Seminarium aperuit ad Juventutem ritu Catholico instituendam, Rege non solum consentiente, sed etiam Alumnorum sumptum liberaliter faciente. Possevinum Pontificis litteras deferentem, ut Legatum ejus accepit Rex, habuitque in magno honore. Quin apud eum hæresim ejuravit ex formula sibi tradita, criminum confessionem piacularem peregit, ex ejusque manu sacram hostiam sumpsit, aperte se Catholicum ferens, ac porro futurum sancte promittens. Verum ut ventum ad secretiora colloquia, quædam esse dixit, quæ tutandæ propagandæque causa Catholicæ Religionis sibi a Pontifice concedi vellet. Summa erat, ut liceret laicis de sacra mensa participare sub utraque specie: Ne Clerici adigerentur ad cælibatum: Ne Romani ritus ac cæremoniæ, hoc saltem primo tempore, in Suecia exercerentur. Hæc si Pontifex, laxata paulum disciplina, indulgeret, totam brevi tempore Sveciam fore Catholicam confidebat. Risit in sinu Possevinus conditiones, non rejiciendas modo, sed ne audiendas quidem. Nec dissimulavit quid his subesset incommodi. Ne tamen omnem præcideret negotii consilendi spem; eo etiam ut tempus traheret, quod sæpe rebus gerendis utile, pollicitus se mandata ejus cum fide ad Pontificem relaturum, Romam se retulit, unaque secum adolescentes ex ea gente aliquot in Collegio Germanico instituendos duxit. Romæ nihil eorum quæ Rex postulabat concessum est, ne res, quod erat timendum, alibi in exemplum traheretur. Possevinus tamen redire in Sueciam est jussus, uti qui mitigare dolorem repulsæ, & bene animatum Regem confirmare unus videretur posse. Simul traditæ ei amantissimæ Gregorii litteræ, tum ad ipsum Regem, tum ad Reginam conjugem, & ad Sigismundum filium, qui postea Rex Poloniæ fuit, perferendæ. At Possevinus, dum ad iter Sve-

## 121.

Romæ relictis postulatibus Regis. Possevinus redire in Sueciam jubetur.

Suecicum denno se accingit , adjungi sibi duos e Collegio Germanico delectos Sacerdotes voluit , Joannem Ardulphum , & Nicolaum Mylonium , cum his scilicet Apostolici ministerii curas laboresque partiturus in Suecia . Præsto fuere Juvenes , quippe laborem nullum periculumve refugientes cum divini Numinis cultus ob oculos ponebatur , nihilque amplius morati quam ut fausta cum prece a Pontifice dimitterentur , se in viam longam ac difficilem cum Possévino dedere . Profecti Roma , Tridentum primo , deinde Pragam , urbem Bohemiæ principem , partim terrestri itinere , partim secundo Oeno Danubioque devenere . Pragæ Collegium erat nobilium Convictorum ad centum numero , eodemque sub recto alebantur Gregorii Pontificis sumptu lectissimi adolescentes sexdecim sub disciplina Societatis . Ibi Ardulpho Mylonioque hospitium est præbitum . Quos Bohemi juvenes advectos Roma , ex eadem disciplina , ac velut ex communis Parentis gremio educatos , loco fratrum ac numero habuerunt , atque omni fraternæ caritatis officio coluerunt . Vicissim hi urbanitate , pietate , modestia , Romanæ institutionis exempla splendida ediderunt . Ab urbe Praga ventum erat Brunbergam in Polonia . Et Possévinus Seminarii Brunsbergensis fundamenta ponebat , cum affuit a Rege Sueciæ navis bellica , quæ ipsum sociosque per mare Balticum deportaret in Sueciam . Consensa igitur navi , ad portum Regionontanum brevi trajectu appulerunt . Verum hinc laxatis iterum velis dum in altum tendunt , coorta subito tempestate jactari cœperunt adeo fœdum in modum , ut irreparabile videretur exitium . In summa humanæ spei inopia , cum & undarum insanæ moles attollerentur , & venti circumquaque furerent , pietas salutis fuit . Quippe dejecta in mare cerea cælestis Agni effigies , Pontificis maximi prece consecrata , momento procellam sedavit .

Secun-

122.

Jo: Ardulphus  
& Nicolaus Mylonius in Sueciam discedunt cum Possévino.

123.

Pragæ hospitium sumunt inter alios Gregorii Alumnos.

124.

Mari deferuntur in Sueciam .  
Naufragii periculum divina ope disipulum.

# 150 HISTORIÆ COLLEGII GERMANICI

125.  
Quo honore  
acceptus fuerit  
Possevinus in  
Suecia.

Secundissimum deinceps cursum navigationis habuerunt, & octavo die maritimam Sueciæ oram, ubi portum duæ breves efficiunt insulæ, sex a Stockolinia leucis tenuerunt. Occupaverant hoc loco eorum adventum viri duo nobiles a Rege missi, a quibus & comiteatu recreati, & post quietem modicam deducti Stockolmiam usque sunt. Quæ cum abessent ab urbe propius, obviam processere alii duo Proceres, Possevinum verbis regiis salutarunt, mediumque accipientes, in urbem, atque adeo in paratam domum, ut fieri Legatis Regiis mos erat, honorifice introduxerunt. Substitit ibi dies decem, lautis interea donatus, atque omni officio a primoribus civitatis cultus, donec vocatu Regis, qui Upsaliæ cum aula confidebat, eo cum Ardulpho Mylonioque processit. Neque dum propius ad urbem accesserat, cum obviam extra portas habuit alam Equitum honorariorum ad centum. Præerat sublimis equo Dux, auro argentoque fulgens. Is Patrem comitesque, in equis pariter sublato, in urbem cum toto agmine est prosecutus. Domus parata Possevino fuerat regio cultu insignis. Splendorem ac pompam deprecanti, religiosamque quam profitebatur paupertatem obtendenti, responsum est, honorem eum deberi Pontifici maximo, cujus personam sustineret. Post triduum in conspectum Regis cum sociis admittitur. Adstabat usitato inore corona Procerum. Rex post prima salutationum officia, acceptis resignatisque Pontificis litteris, multa in laudem Gregorii elocutus, scitatur, quem in usum adduxerit quos videbat comites. Adductos, respondit Pater, ad veritatem Catholicam populo denunciandam. Quod eo dixit, ut præoccuparet concionandi facultatem, & concionaturis nemo molestus esset. Rex annuit vehementer. At post hæc, dimissis Proceribus, seducit in conclave secretius Patrem, deque postulatis suis quid censuerit Pontifex quærit. Non nescie-

126.  
Primum ejus  
cum Rege col-  
loquium.

nesciebat Possevinus quam delicata fastidia Regum sint. Ægre adduci ut rogent, rogata vero sibi negari nullo modo pati. Itaque circuitione usus, de Gregorii erga ipsum ac Regnum Sueciæ propensissima voluntate, de maturitate qua Romæ tractarentur negotia, de sanctitate æquitateque institutorum Ecclesiæ Romanæ, aliisque id genus ita disseruit, ut distracto sermone, si non repulsam exponere, at præparare Regis animum ad eam mitius accipiendam videretur. Et satis intellexit Princeps minime habes quò ea circumlocutio spectaret. Tamen eo die nihil amplius quæsitum, nihil explicatius responsum est. Recepit se Possevinus suam in domum, jacuitque ad aliquot dies afflictus morbo. Mylonius conciones habere statim cœpit ad populum, audiebaturque hominum magno concursu. Ardulphus doctrinam Catholicam pueris explicabat, errores adversos confutabat, argumenti ejusdem libros in vulgus spargebat. Fremebant ira ac dolore superstitionis ministri, qui hæc palam fieri Rege consentiente cernerent. Rex interea spem inter ac metum fluctuabat. Nam tametsi redire postliminio in Sueciam avorum religionem percupiebat, at gentis indignationem, nisi postulata concederentur, timebat. Metum vehementer augebant Caroli fratris, Sudermannix Ducis, minaces litteræ, qui icto cum Rege Daniæ fœdere, bellum denunciabat, si qua religionis commutatio in Suecia fieret. Similem terrorem Legati Principum Protestantium incutiebant, & periculum præsentius imminerebat a Moscho, veteri hoste, prævalido, ac vicino. Ergo ut primum confirmatum ex morbo Possevinum audiit, accersitum ad se, effari aperte, præcise, ac nulla verborum ambage jubet, permittat nec ne Pontifex usum Calicis laicis, Sacerdotibus connubia, sacrificium lingua vernacula in Suecia, quæ tria rogatus pridem esset suo nomine. Tergiversandi locus non erat. Hæc eadem negata

127.

Alumni doctrinam Catholicam serunt. Regis anxietas & metus.

128.

Novum Possevini colloquium cum Rege.

negata Cæsari, ac Romanorum Regi, respondit Possevinus. Res esse exempli perniciosissimi, n e mini salva Romanæ Ecclesiæ dignitate concedi posse. Quæ vix effatus, leniendo vulnere, ad eximiam Gregorii Pontificis erga omnes Principes liberalitatem, & singularem erga ipsum benevolentiam propensione inque sermonem detorsit. Experiretur porro, nova postulata proponeret. Nihil eum, quod sui esset arbitrii, poscenti negaturum. Sed nihil magnopere profuit. Perturbatum, quiritantemque acerbius exulcerarunt Aulici, cum dicerent, his patere injuriis Reges, qui Romanorum Pontificum jugo supposuerint collum. Sed nihil esse, quod eorum ingratis non possint per se constituere accepta a Deo potestate Principes. Quibus sermonibus incitatus, ægrum animum exstimulante in primis intestini tumultus, & belli externi formidine, Ardulpho Mylonioque primum concionibus interdixit. Norvego deinde, quem Gymnasio Stockolmiensi præfectum, & Juventutis Seminarium ritu catholico instituentem supra demonstravimus, subtrahi honorarium, & constitutum pro alumnis censum jussit. Ut gravior commoveretur effecit Varsevici, cujus supra est facta mentio, factum, ut quibusdam visum est, eo tempore inopportunist. Redierat namque in Sueciam accitu Reginæ Varsevicius, & adstantes ei Catholicos sacrorum ministerio procurabat. Cum autem videret regium Principem Sigismundum identidem ad conciones hæreticorum a patre duci, Reginam admonuit, per eamque ipsum Regem, nefas id esse. Facile enim corrumpi pervertique sermonibus contaminatis posse teneri adolescentuli animum, nec posse sine grandi piaculo in ejusmodi periculum conjici hæredem regni, sub matris disciplina catholice educatum. Quod ut accepit Rex, renuente in primis Sigismundo eas deinceps adire conciones, ingentem irarum

129.

Offensus repulsa  
Rex omnia bene  
cepta rescindit.

130.

Nova irarum &  
offensionis cau-  
sa.

rum molem adversus importunum monitorem, totamque adeo Jesuitarum nationem concepit. Varsevicium tamen loco movere animum non inducebat, partim respectu Conjugis, partim, credo, quod vera locutum, atque ita esse ut ille admonuerat sentiebat. De Possevinio itidem nihil statuebat acerbius, ne contra fas Legatorum, quod nomen ubique gentium sanctum inviolatumque est, facere videretur. Sed nulli erat dubium quin ipsum pariter, & quantum sociorum ejus erat, quamprimum esset proscripturnus, ac solum vertere coacturus. Prævertit homo sagax tamen edictum Principis. Namque ubi vidit nec voce coram, nec gravissimis litteris, quibus ei obligatam Deo ac summo Pontifici fidem objectabat, omniaque ad persuadendum aptiora subiciebat, confici nihil posse, ut jam desperato religionis negotio, atque omni tractatione ejus rescissa, causatus pestilentiam, quæ Stockolmiam invaserat, recepit primum se in eam extra urbem insulam, ubi Rex locari Seminarium jusserat. Nec ita multo post una cum Norvego, & paucis sociorum, qui Juventutem docebant, Regno decessit. Soli itaque in Suecia restitere apud Reginam Varsevicium, Ardulphus, & Mylonius, sane pro rerum gerendarum magnitudine pauci, & insuper docere palam concionarique prohibiti, quos etiam haud multo post Rex excedere Regno jussit. Adeo apud eum humanæ res ac fluxæ præ cælestibus ac sempiternis valere. Non tamen fructu omnino caruit susceptus labor, nec si copiosam uti sperabant Evangelici messores frugem, at non spicas saltem aliquas collegere. Vel illud quantum est, quod regius Princeps Sigisfinundus ita post id tempus est connivente Patre enutritus, ut adultus carere paterno regno maluerit, quam ab avita ac vera Religione desciscere? Quamquam, ob hanc maxime causam vocatus ad Poloniæ Regnum fuit, eoque con-

131.  
Possevinus re  
desperata disce-  
dit.

132.  
Infelix exitus  
Sueciæ expedi-  
tionis.

133.  
Quædam ex ea  
collectæ fruges.

tentus. Nec vero pauci sub Norvego, in eo de quo dixi Seminario, Catholicam pietatem hauserunt, nec paucos conciones eæ Mylonii, de quibus pariter dictum est, iique pii libri Suecice versi, perque manus hominum disseminati, errorem dedocuerunt. Sane cum venisset illuc post annos prope quadraginta unus de Societate, quædam reperit enata ex his feminibus germina, quosdam latentes adhuc Religionis igniculos, quos facile exfuscitasset, nisi in ipso molimine detectus, Regnoque pulsus fuisset, ut in Annalibus Societatis traditur. Sed quædam paulo distinctius videamus. In celebri Monasterio Vastanenſi, quod S. Birgittæ institutione, incolatu, & reliquiis nominatissimum est, degebant sacratæ Deo Virgines duodeviginti, ab omni Lutheranæ fæcis inquinamento adhuc intactæ, sed penitus destitutæ, quippe nullo legitimo Antistite cui parerent, nullo catholico Sacerdote, a quo acciperent sacra. Varsevicius ad Vastanenſe usque oppidum cum Regina profectus, eas & divini verbi, & sacrorum ministerio mirifice recreavit. Possevinus vero, pro ea quam acceperat a Pontifice maximo potestate, novam præterea renunciavit Antistitam, quarundam professionem solemniter recepit, omnes incredibili voluptate perfusas, & ad constantiam optime animatas reliquit. Præter eas inventæ sunt extra Monasterii septa sacræ Virgines duæ, quas Lutheranus Minister sustentabat, & similiter expiatæ recreatæque sunt. Vetula earum una erat annorum prope octoginta, ob ævitatem orbata oculis, aiebatque sacrum velum sibi traditum ab Olao Magno, ultimo Upsalensium Episcopo catholico, & ab annis quadraginta nullasse frequentasse mysteria. Quo magis lætari est visa, cum sacra catholica rursus nec opinanti oblata fuerunt. Senex item fuit octogenario major, qui annos ipsos quadraginta nunquam conscientiæ sordes eluerat confessione

piacu-

134.

Vastanenſis  
Monasterii Vir-  
gines expiatæ  
& confirmatæ.

135.

Aliis utiliter  
impensa opera.



piaculari, nunquam Eucharisticum panem acceperat, ne se Lutheri impuro cultu contaminaret. Vitam agitabat deserto in loco priscae religionis retinens, expectabatque velut alter Simeon, priusquam videret mortem, consolationem aliquam ægritudinis suæ. Audiit advectos Upsaliam ab Urbe Roma Catholicos Sacerdotes, eoque statim advolans, confessionem a prima usque ætate repetitam peregit, sacram dapem quasi viaticum ad iter æternæ vitæ sumpsit, ac reversus domum, paucis post diebus plenus optimæ spei diem clausit extremum. Eodem tempore Tartarorum Legatus cum advenisset in Sueciam negotiorum causa, veritatem divinæ Fidei, quam Sueci pertinaciter respuebant, commonstrantibus nostris, agnovit agnitam vero complecti profiterique palam non erubuit. Atque hæc ferme præcipua sunt in litteris. Cæterum, ut dicam quod est, Suecicæ hujus expeditionis major apparatus quam fructus fuit, nec initiis respondit exitus, malo ejus gentis fato, quæ cum proxime abesset a regno Dei, obfirmare in nova Lutheri superstitione, sua maxima, nec satis deploranda perniciæ, maluit. Claudenda hic esset satis jam proluxa narratio, sed coronidis loco sit casus luctuosus atque insolens, qui degentes adhuc in Suecia Ardulphum ac Mylonium haud leviter contristavit. Res est exempli sequioris, & Collegio de quo scribimus parum decora, sed non idcirco prætermittenda, cum maxime de eo alia tam multa, tamque præclara, & ad memoriæ illustria hæctenus executi simus. Ita deinde nos persuasum habemus, perinde boni ac mali exempli res, si sapienter utare, prodesse legenti posse. Illæ enim quid agendum, hæc quid vitandum fugiendumque sit, docent. Laurentius Montanus, adolescens olim eximæ spei, natione Suecus, post annos nescio quot Romæ in Germanorum Collegio positos, rediit in patriam quo maxime tem-

136.

De luctuoso  
quodam even-  
tu.

137.

Laurentius  
Montanus Collegio  
redux paulatim ad hæreticos deficit.

pore receſſerat inde Poſſevinus, & hæretici diſceſſum ejus occaſionem ſuam rati, ruinam ultimam Religionis urgebant. Utque ex arcto in apertum veniebat omni ſolutus fræno, abreptus voluptatum illecebris, ſtatim genio liberius indulgere, remiſſo pietatis antiquæ ſtudio, cœpit. Quod ad Religionem attinet, pro eo ut jungeret cum Ardulpho Mylonioque ſodalibus olim ſuis, uti decuit, vires, & labanti rei Catholicæ pro ſua virili parte ſuccurreret, diſſimulare aliquandiu, quaſi neutrarum eſſet partium, maluit, ad omnium ingenium ſtudiaque ſe fingens, ut ab omnibus iniret gratiam. Sed, ut media conſilia in deteriorem plerumque partem ad extremum declinant, familiaritatem affectans cum hæreticis, captus paulatim tendiculis eorum eſt, ac tandem obligatam Deo Eccleſiæque fidem, dictu nefas! turpiter prodidit, ad Lutheri ſigna tranſgreſſus. Adeo cupiditates pravæ, cum ſemel occupaverunt animum, non modo prima pietatis ſemina, ſed omnem etiam honeſti ſenſum exſtinguunt. Ne vero objectaretur ſibi Romana inſtitutio, qua plus nimio probroſam fieri defectionem ſuam ſentiebat, de Collegio Germanico palam obloqui, ac diſſeminare multa cœpit, non minus criminofa quam falſa. Calumniis ſcilicet, quod sæpe fit, velare ignominiam perfidiæ ſuæ ſtudebat. Quo hæc animo acciperent Ardulphus & Mylonius, tantæ perversitatis teſtes, pronum eſt conjecturam facere. Non id tamen ſatis habuere ut miſeri ſodalis caſum luctu ſterili proſequerentur. Revocandum præterea in male deſertam viam ſuſcepere, nihil in id intentatum reliquere. Ut ſe reſpiceret ac miſerrimam conditionem ſuam, ut meliora conſilia caperet, ut ſaltem Collegii ita de ſe meriti famæ parceret, per fidem ſuperum, per omnia priſcæ familiaritatis jura, qua voce coram, qua ſcriptis litteris rogavere. Fruſtra omnia. Ad extremum Ardulphus, fervidioris ingenii vir, ubi videt precibus

138.

De Collegio  
palam obloquitur.

139.

Eum Sodales ad  
frugem revocare  
conantur fruſtra.

140.

Ardulphus Collegii  
vindictas ſcribit,  
editque in lucem.

cibus exorari nihil posse, violatam Collegii famam non ferens, utque olim Hieronymus contra Rufinum clamans, *Canes latrant pro dominis suis, Et tu non vis me latrare pro Christo? Mori possum, tacere non possum (lib. 3.)*, non ultra tenuit se quin petulantis calumniatoris audaciam scripto refringeret. Stricto itaque in eum calamo, Collegii Germanici vindicias scripsit, in lucem protulit, disperfitque in vulgus. Quæ si hoc loco exscriberentur, ut iis tota vivendi agendique ratio, quæ ea tempestate Alumnis usitata erat, exponebatur, appareret sane quam feliciter primævus ille Collegii mos ad nostra usque tempora constanti successione pervenerit. Sed nimis ultra præfinitum modum opus excreveret. Et nos longum jam spatium emensos, hic parumper quiescere ac respirare par est.



158 HISTORIÆ COLLEGII GERMANICI  
PRIVILEGIUM IMPERIALE

PRO COLLEGIO GERMANICO URBIS

*Quod Alumni ibidem ad gradus promoti gaudere debeant iisdem  
Privilegiis, quibus ii, qui in aliqua Italia vel Germanica  
Universitate gradus susceperunt, & ad omnes  
Dignitates Ecclesiasticas in Germania  
possint promoveri &c.*

FERDINANDUS SECUNDUS

DIVINA FAVENTE CLEMENTIA ELECTUS ROMANORUM  
IMPERATOR SEMPER AUGUSTUS

Ac Germaniæ, Hungariæ, Bohemiæ, Dalmatiæ, Croatiæ, Sclawoniæ &c. Rex;  
Archidux Austriæ; Dux Burgundiæ, Brabantæ, Stiriz, Carinthiæ,  
Carniolæ &c.; Marchio Moraviæ &c.; Dux Lucemburgiæ, ac Su-  
perioris & Inferioris Silesiæ, Wirtembergæ, & Teckæ; Prin-  
ceps Sueviæ; Comes Habsburgi, Tyrolis, Ferreti, Ky-  
burgi, & Goritiæ; Landgravius Alsatiz; Marchio  
Sacri Romani Imperii Burgoviæ, ac Superioris  
& Inferioris Lusatiz; Dominus Marchiæ  
Sclawoniæ, Portus Naonis  
& Salinarum &c.

*Agnosimus & notum facimus tenore præsentium universis.*

**P**ostquam Dei præpotentis con-  
cessu ac munere ad supremum  
Majestatis Imperialis fastigium evecti  
sumus, officii Nostri munus cum primis  
requirere existimamus, Majorum No-  
strorum Romanorum Imperatorum ac  
Regum exemplo sollicitè curare, ut,  
variis Gymnasiis, Academiis, & Uni-  
versitatibus erectis, liberalium artium  
ac scientiarum studia, quæ ad Reipu-  
blicæ gubernationem & conservatio-  
nem necessaria & opportuna sint, ex-  
colantur, & convenientibus honoribus  
ac præmiis excitentur, Nostroque  
auspicio felicia incrementa consequan-  
tur.

§. 1. Cum itaque Honorabilis, Re-  
ligiosus, Devotus, Nobis dilectus Pa-

ter Bernardinus Castorius Societatis  
Jesu Sacerdos, & Collegii Germanici  
Romæ Rector, humiliter Nobis ex-  
poni curavit, Summos Pontifices Ju-  
lium III. & Gregorium XIII. recolendæ  
memoriæ provida sollicitudine di-  
ctum Collegium in beneficium Natio-  
nis Germanicæ fundasse & instituisse,  
& amplis redditibus dotasse, ut centum  
ibidem ex ejusdem gremio adolescentes  
seu Alumni in studiis alantur & in-  
struantur, qui tandem divinæ legis ca-  
paces, necnon ætate, doctrina, &  
probitate maturi, postquam de Bene-  
ficiis Ecclesiasticis competenter pro-  
visi fuerint, tamquam intrepidi Fidei  
athletæ, in Germaniam ac regiones  
suas ad alios exemplo vitæ suæ ad  
Chri-

Christum trahendos, & qui id tantum acceperint, ad verbum Dei prædicandum & docendum, necnon hæresim latens venenum deprehendendum, & errores refecandum, atque in vinea Domini strenue fortiterque laborandum remitti & destinari possint. Atque hinc varia quoque dicto Collegio privilegia contulisse, inter quæ illud speciale sit, quod Regentes ac Superiores ejusdem Collegii Germanici, cum consensu & assensu Cardinalium Protectorum, eos, qui Philosophiæ & Theologiæ ibidem studuerint, ac scientia & moribus idonei reperi fuerint, ad Baccalaureatus, Licentias, Doctoratus, & Magistrii gradum in dictis facultatibus promoveri, &que prærogativas & privilegia, quibus in ipsa Urbis Universitate promoti fruuntur, conferre possint & valeant. Et quamvis nonnunquam ejusdem Collegii Germanici Alumnos, vigore memoratorum privilegiorum, Doctoris Laureæ ibidem decoratos, Patriæ servire cupientes, Professuras publicas ambire, aut Beneficia aliqua Ecclesiastica præsertim majora in Germania affectare contingat; ex eo tamen aditum ipsis præcludi, quod isthic in Collegio, & non alibi, publica nempe Universitate, gradu & honoribus scholasticis insigniti fuerint; unde vel ab ejusmodi prætensione desistere, vel, post exactum studiorum suorum cursum, ad alias Universitates suscipiendi gradus ergo proficisci cogantur, non sine temporis & pecuniarum dispendio. Ac proinde memoratus Collegii Rector demisse Nobis supplicavit, ut dicto Collegio Germanico Romæ Privilegium clementissime concedere dignaremur, quod, qui ejusdem Collegii Alumni ibidem in Philosophia ac Theologia promoti fuerint, omnino omnino Ecclesiasticorum Beneficiorum per universam Germaniam, non sicut ac si in alia quavis Universitate eundem gradum suscepissent, ca-

paces reddantur. Nos itaque, benigne considerantes, quam expeditum Collegium Nationi Nostræ utile, & ad propagandam ac conservandam in Germania Religionem Orthodoxam opportunum fuerit, quam multos viros insignes ac doctos produxerit, qui Rempublicam in Religionem nutantem doctrina, verbo, & exemplo egregie juverint, & quam ingens fructus in posterum quoque ex eodem Collegio expectari possit, precibus supplicis Rectoris Patris Bernardini Calorii clementer locum dandum esse censuimus.

§. 2. Idcirco ex certa scientia, animo bene deliberato, sano & maturo accedente consilio, & de Cæsare Nostræ potestatis plenitudine, in expedito Collegio Germanico Summorum Pontificum auctoritate Romæ fundato, ejusque Alumnis Nationis Germanicæ, qui Baccalaureatus, Magistrii, Licentiæ, aut Doctoratus gradum ibidem secundum Collegii statuta solemniter susceperint aut suscepturi sint, hanc gratiam concessimus, Quod iidem debeant & possint in omnibus locis & terris Sacri Romani Imperii, & ubique terrarum & locorum libere omnes actus Professorum legendi, docendi, interpretandi, & glossandi, facere & exercere, quos ceteri Professores, Baccalaurei, Magistri, Licentiat, ac Doctores, in aliis Studiis privilegiatis promoti & insigniti, exercent & exercere possunt.

§. 3. Volumus præterea & decernimus, quod memorati Collegii Germanici Alumni, ibidem dignitatem seu gradum aliquem assumentes, gaudeant & potantur, utique, frui, gaudere, & potiri possint ac debeant omnibus & quibuscunque gratiis, honoribus, dignitatibus, præminentis, immunitatibus, privilegiis, franchisiis, concessionibus, favoribus, & indultis, ac aliis quibuscunque, quibus alii in Gymnasio Parisiensi, Bononiensi,

Patæ

Patavino, Perusino, Pisano, Viennensi, Colonienſi, Ingolſtadienſi, aut alio privilegiato Gymnaſio Germaniæ, juxta ordinationes, uſus, ritus, conſuetudines, & mores cujuſque pro tempore promoti, aut aliqua dignitate ſeu gradu inſigniti, gaudent, utuntur, fruuntur, & potiuntur; & ad Metropolitanas, Cathedralas, Collegiatas Eccleſias, aliave Beneficia ac Dignitates Eccleſiaſticas majores ac minores admitti, ad quæ illi admittuntur quomodolibet conſuetudine vel de jure.

§.4. Non obſtantibus, quantum ad hanc conſeſſionem Noſtram, aliquibus privilegiis, indultis, prærogativis, gratiis, ſtatutis, ordinationibus, legibus, conſtitutionibus, reformationibus, exemptionibus, aut aliis quibuſcumque in contrarium facientibus. Quibus omnibus & ſingulis, ex certa Noſtra ſcientia, & animo bene deliberato, per hoc Diploma Noſtrum derogamus, & derogatum eſſe volumus. Supplentes omnes & quoscumque defectus tam juris quam facti, ſi qui in præmiſſis omnibus & ſingulis interveniſſent, aut interveniſſe dici aut allegari poſſent, quovis modo, conſuetudine, vel de jure.

§.5. Hac tamen conditione diſertim adjecta, ut iidem Alumni præmemorato modo in Collegio Germanico promoti, ſi ad dictas Metropolitanas, Cathe-

dralas, aut Collegiatas Eccleſias, aliave Beneficia, ac Dignitates Eccleſiaſticas in Germania aſpirare cupiant, earumdem Eccleſiarum ſeu Capitulorum Statutis ſe in reliquis accomodent, nec in diſputationem aut controverſiam ea vocare præſumant.

§.6. Nulli ergo omnino hominum, cujuſcumque ſtatus, gradus, ordinis, conditionis, dignitatis, aut præ eminentiæ fuerit, liceat hanc Noſtræ conſeſſionis, indulti, conſeſſionis, & privilegii gratiam & facultatem infringere, aut ei quovis aſu temerario contraire, ſeu ea quovis modo violare. Si quis autem id attentare præſumpſerit, Noſtram & Imperii Sacri indignationem graviffimam, & pœnam quinquaginta Marcharum auri puri toties, quoties contra factum fuerit, ſe noverit irremiſſibiliter incurſurum; quarum dimidiam Imperiali Fiſco ſeu Aerario Noſtro, reliquam vero partem ſixpenominato Collegio Germanico decernimus applicandam. Harum teſtimonio litterarum, manu noſtra ſubſcriptarum, & ſigilli noſtri Caſarei apenſione munitarum.

Datum in Civitate Noſtra Viennæ, die decima quarta Menſis Septembris, Anno Domini Milleſimo ſexcenteſimo vigefimo octavo, Regnorum Noſtrorum, Romani decimo, Hungarici undecimo, Bohemici vero duodecimo.

FERDINANDUS.

V.  
PH. a Stralendorff.

Loco \* Sigilli pendentis.

*Ad mandatum Sacra Caſarea  
Majeſtatis proprium  
Gerh. a Zwethen.*

LIBER

# LIBER QUARTUS 161

## *Status præsens Collegii :*

**U**Rbs Roma, ut olim, Imperii potens cum esset, optimam Reipublicæ administrandæ formam sibi atque Orbi terrarum universo præscripsit, sic postea Divinæ religionis sedes, ac magistra veritatis effecta, non modo sanctissimas Christiani gregis gubernandi leges, sed optima etiam exempla cunctis urbibus populisque proposuit. Jam inter exempla, quæ multa variæque sunt, postremo non esse ponenda loco tot illa ad aptam Juventutis institutionem erecta Seminaria, quorum ad similitudinem tam multa hodie, tam utilia ubique locorum constituta cernimus, quivis facile intelligit. Neque vero exiltimandum, novum inventum ea fuisse Sæculi XVI. Adumbratio quædam eorum, ac veluti præludium fuere celebres illæ, totque ante sæculis institutæ scholæ, Vaticana ac Lateranensis, ex quibus Pontifices Sacerdotesque, atque alii sacrorum Ministri, tanquam ex Equo Trojano, nunquam non educantur, tanta virorum illustrium sæcunditate, ut ex iis novem, teste Anastasio, ad summi Pontificatus fastigium aliis ex alio pervenerint. Perplacuit jam tum id institutum exteris, ac brevi ab urbe Roma ad totum Occidentem propagatum est. Hoc tamen interfuit, quod cæteri Ecclesiarum Antistites in suas scholas non admittebant nisi delectos e sua quisque Diœcesi Juvenes, Pontifices vero maximi, quibus omnium Ecclesiarum divinitus tradita cura est, ex omni natione eos alliciebant accersebantque, hausturos scilicet purissimæ doctrinæ laticem ex ipso fonte, atque inde in suas terras remittendos ad evulganda sermone patrio Oracula Vaticana, & Canonum scita, quæ Romæ didicissent. Documento sunt Gregorii VII. ad

I.

Prima Seminariorum exempla Romæ posita ab antiquo tempore.

2.  
Gregorii VII. lit-  
teræ ad Olauum  
Norvegiæ Re-  
gem de hac re.

Olauum Norvegiæ Regem litteræ, in hæc verba conceptæ.  
 „ Rogamus vos, uti & Regi Danorum denunciavimus,  
 „ ut de Junioribus vestris, & nobilibus terræ vestræ, ad  
 „ Apostolicam sedem mittatis, quatenus sub alis Apo-  
 „ stolorum Petri & Pauli sacris ac divinis legibus edocti,  
 „ Apostolicæ Sedis ad vos mandata referre, non quasi  
 „ ignoti, sed cogniti, & quæ Christianæ Religionis or-  
 „ do postulaverit, apud vos, non quasi rudes & ignari,  
 „ sed lingua atque scientia moribusque prudentes, digne  
 „ Deum prædicare, & efficaciter, ipso adjuvante, gen-  
 „ tem istam excolere valeant,,. Huc ego spectasse cre-

3.  
Renovantur ex-  
empla sub Gre-  
gorio XIII.

diderim Gregorium XIII., cum tot diversarum Gentium Collegia exstare in Urbe voluit, quorum tamen primum, ac velut exemplar cæterorum, hoc de quo scribimus Germanorum & Hungarorum, ut supra ostendimus, fuit. Jam ergo hujus, ut ita dicam, infantiam, ac primam adolescentiam libris superioribus executi, quale nunc confirmata ætate sit, breviter demonstrabimus. Et futurum speramus, ut qui hæc leget, comparatione instituta inter priora, quæ sparsim alibi sunt indicata, & præsentia, quæ nunc in unum congesta daturi sumus, facile intelligat, conficiatque apud se, quamquam nonnullam rebus commutationem attulerit dies, ac conditio temporum, tamen præclarum hoc, atque ita constabilitum opus, tot annis interlapsis, nulla dum vetustatis danina, communi fere rerum aliarum fato, sentire. Ut ab iis, quæ magis obvia expositaque sunt, ordiar, multo nunc quam antea laxior commodiorque habitatio Alumnorum est. Quod ut intelligas quale sit, palatio veteri, de quo alibi diximus, junctæ olim fuerant ducto trans viam ponte lapideo domus aliquot e regione positæ, & in usum Collegii nova molitione structæ, sic ut tota habitatio duas ingentes insulas complecteretur. At nuper palatium vetus, quod male

4.  
De novo Colle-  
gii ædificio.



# ET HUNGARICI LIBER QUARTUS. 163

male materiatur, ac vetustate fatiscens videretur, omnino dirutum, novumque a fundamentis est excitatum, pari magnitudine, sed operis multo elegantioris, cum apto impluvio, scala nobili, spatiosis ambulacris, eo in primis rerum ordine, ut, jungente uti prius utramque insulam ponte, Alumni circiter centum divisim per utramque cubiculis habitare sat commode queant. Cubicula eorum sunt octo, iuxta amplitudinem, quæ a diversis Cælibus habent nomen. In iis suis unicuique est lectulus cum ductili conopeo, & sella, & mensula, & servandis rebus scrinium. Munditiem procurat famulus pretio conductus. Cubiculis singulis singuli assignati sunt Custodes (Præfectos nominant), Sacerdotes spectatæ probitatis & fidei. Hi si quid factum viderint contra leges, ad Majores referunt, & suos quisque, cum per Urbem incedunt, affectantur quocunque ierint, semperque in conspectu habent. Duo sunt propria Novitiorum cubicula, quibus nullum cum aliis commercium, nulla communicatio intercedit. Nec enim veteranis novitiisque colloqui inter se licet, nec, si non impetrata prius facultate fiat, impune est. Bibliotheca est Alumnorum usui ampla, locuples, nec spernendæ speciei, sed non promiscue omnibus patens. Ad præcidendas vetitarum collocationum occasiones, certi sunt unicuique cubiculo assignati in orbem dies, quibus eam frequentare jus est. Ejus curam custodiamque unus Alumnorum gerit ex probatioribus. Bibliothecam Novitii habent propriam, minus amplam, nec adeo librorum copia divitem. Sacella duo sunt domestica, Divinæ Matri dicata, in quibus nonnulla pietatis officia, ut infra dicemus, Alumni exercent. Ad hæc Aula ingens, in quam convenire omnes solent, seu Rector illos alloqui in communi velit, seu solemnes disputationes sint habendæ, quidvis demum publice audiendum spectandumque sit. Nec

5.  
De Alumnorum  
Cubiculis.

6.  
Cubiculorum  
Præfecti.

7.  
Bibliotheca.

8.  
Sacella domestica.

9.  
Aula communis.

alibi externos, officii aut negotii causa venientes, in colloquium admittunt veterani. Novitii, si ab externorum quopiam conveniantur, eum separato loco excipiunt. Aulae parietes circumquaque vestiunt pictae imagines Cardinalium, Electorum, aliorumque virorum principum, qui ex Collegii hujus disciplina ad summam fortunam pervenerunt, virtutis domestica incitamenta. Quamquam succrescente in dies virorum illustrium numero, eorum nunc pictae tabulae, non in aula solum, sed etiam per ambulacra visuntur. Dum haec scribimus, Episcopi ad sex & triginta in Germania Hungariaque vivunt, in hoc olim Collegio educati. Triclinium est capax, in plures tributum oblongas mensas, qualia religiosarum familiarum plerumque sunt. Et lectione pia, aut sacra oratione, quae diebus festis ab uno Alumnorum e suggestu habetur, coniunguntur dapes, silentio audientibus qui accumbunt. Orationes haec latinis conceptae sunt verbis. Lectio nunc Italica, nunc Latina, ut visum Moderatoribus. Quaedam praeterea sunt separato loco conclavia, in quibus aegroti curantur. Munda ea sunt nitidaeque praeter communem modum, & necessariis utensilibus abunde instructa. Alitur perpetuo domi vir chirurgicae artis peritus, ut in omnem casum, seu cuiuspiam incidenda sit vena, seu quid fomenti adhibendum, diu noctuque praesto sit. Huic Valetudinarii cura est tradita, eique, ut quisque in malam inciderit valetudinem, famulus jungitur adventitius, qui aegroti subserviat. Jam templum si spectes Divi Apollinaris, antiqui nullum vestigium vides. Quippe illud quoque dejectum haud ita pridem est, novumque ex integro conditum, multo augustius ac sumptuosius. Sacelli maximi, quod lecto matmore auroque totum fulget, sumptum munifice de suo fecit Benedictus XIV., qui & Collegio exstruendo fructum nescio quem pecuniae publicae ad certum tempus addixit.

Idem

I O.  
Triclinium.

I I.  
Valetudinarium.

I 2.  
De novo Aedificio Templi Sancti Apollinaris.

Idem templi lapidem primum posuit insigni cæremonia, & perfectum absolutumque solemniter ritu sacravit. Cui proinde Pontifici Collegium, tamquam de se optime merito, & lapidem cum inscriptione ad memoriam beneficiorum posuit, & quotannis lultrale sacrum solemniori ritu pendit. Præter commune Sacrarium, aliud templo adjacet Alumnorum proprium, cum apta vestium Sacerdotalium copia, quibus operaturi se induunt. Et huic Æditui præsidet ex Alumnis duo, quorum æque probata sit integritas ac solertia. Quacunque demum ex parte, sive Collegii, sive Templi ædificium præfens intucare, multo melius Alumnis modo est, quam antea fuit. Collegio Cardinales sunt impositi sex, Protectorum nomine, quorum insignia gentilitia pro foribus, imagines grandioribus depictæ tabulis in aula visuntur. His, si modo consentiant, leges novas sciendi, Collegii cum visum fuerit inspicundi, de rebus ejus ac disciplina cognoscendi decernendique, jus summum ac potestas est. Ad eos itaque Alumni pariter ac Moderatores quæcunque incident gravioris momenti, deferunt. Vicissim ipsi, qua pollent auctoritate, Collegii bona, res, fortunæque, ac privilegia tuentur, atque ab omni injuria defendunt. Quibus proinde Alumni, ut Patronis merentissimis, omne obsequium dum vivunt præstant, mortuis apparatu & pompa lugubri per triduum juxta persolvunt. Cardinales omnino pares auctoritate sunt. Uni tamen, ac ferme antiquiori, aliorum consensu permissum est de minoribus negotiis, quæ intra annum interdicant, pro arbitrato statuere. Ea nunc provincia incumbit Alexandro Albano, Cardinalium Protectorum, non antiquissimo solum, sed etiam Collegii studiosissimo, rerumque ejus experientissimo, quem honoris causa nomino. Decreta Cardinalium multa sunt, diversis Collegii lustrationibus facta, quæ vim obtinent legum, & præter

13.

Cardinales Collegii Protectores, eorumque auctoritas.

14.

De Jesuitis in  
Collegio degen-  
tibus, eorum-  
que officiis.

præter Gregorii Constitutionem identidem in communi perleguntur. Jesuitæ in Collegio degunt, præter Fratres paucos rei domesticæ curatores, undecim, omnes Itali: quæ præter alias est causa, quamobrem Alumnis interdictum sit alia uti lingua, quam Italica, aut Latina. Et singuli, pro sua quisque parte, quidpiam ad Alumnorum institutionem conferunt. Est primo Collegii Rector, vir annis plerumque gravis, & prudens rerum, ad quem omnia referuntur. Proximus potestate quem Ministrum appellant. Huic legum custodia, atque ordo rerum, omnisque exterior disciplina curæ est. Ministro, propter curarum multitudinem ac varietatem, adjutor particepsque muneris jungitur unus Patrum, appellatione Socii. Sequuntur Patres duo, rerum, quæ potissimæ omnium habentur, præfecti, pietatis, atque doctrinæ. Alter Alumnorum conscientiam, alter studia litteraria dirigit. Tum alii duo, quorum unus doctrinam inter Catholicos & hæreticos controversam (Polemicam nominant), alter Canones Ecclesiæ tradit. Namque has Alumni facultates, homini Ecclesiastico, præsertim in Germania, pernecessarias, privatim condiscunt domi, cæteras publice in Collegio Romano. Tres præterea quos vocant Repetitores, Juvenes Theologiæ studiis operantes, quorum est Alumnos suæ classis quotidie in unum cogere, lectiones scholasticas repetentes audire, binos committere, & ad leges Dialecticæ disputantibus præsto esse. Est demum Collegii Oeconomus, cujus vel in exigendis, vel in administrandis proventibus tota procuratio versatur. Mitto mercenarios servulos, qui multi sunt, sed in usum tam frequentis familiaræ necessarii. De Collegii vectigalibus hoc habeo dicere, eosdem exstare nunc fundos, quos Gregorius reliquit. Et quamquam illud pecuniæ subsidium, quod ex distributione Annuli Cardinalitii redibat, ut suo loco diximus, sublatum

15.

Collegii proven-  
tus, eorumque  
administratio.

tum fuerit a Sixto V. , adhuc tamen amplios proventus esse , & ampliores fortasse quam Gregorii tempore , idque *Œconomorum* sedulitate & industria , qui diligentius excolenda prædia , eaque pecore , olea , frumento , frugibusque aliis augenda curavere . Sed quamquam id ita sit , ægre hodie centenos Juvenes , præter Jesuitas , aliosque domi forisque administratos , Collegium alit , tum communi temporum difficultate , quæ multo quam ante cariorem annonam reddidit , tum etiam quod in domus templique fabricam multum argenti impensum est , & Collegium versuram facere , nec parum æris alieni contrahere est coactum . Cæterum hi proventus per Collegii *Œconomum* administrantur , virum expertæ probitatis & fidei . Assidet ei *Ratiocinator* diligens , qui rationes omnes sumptuarias in libros dati & accepti cum fide refert . Libros hosce Cardinales , cum volunt , recognoscunt . Et unoquoque anno summa impensarum , quæ eo anno sunt factæ , scripto calculoque explicata ad eos mittitur . Sed jam quæ propria Alumnorum sunt videamus . Vestis eorum promissa ad talos , ut Clericos decet , rubri coloris , nigro cincta ad latera . Huic togam laxam fluentemque imponunt cum procedunt domo , domi vero alteram crassiorrem hiberno tempore ad arcendam brumam . Colorem rubrum cæteris præoptavit jam inde ab initio B. Pater Ignatius , forte idem spectans quod Innocentius IV. in galero Cardinalium , nempe ut meminissent fundendum sibi , si ita res posceret , sanguinem pro Religione . Pileo Clericali quadrato caput obtegunt domi , idque præter pileolum rotundum , quem capiti appressum plerique gestant tegendæ causâ tonsuræ . Sed eorum varia indumenta videre erit in tabula graphio delineata , quam infra apponemus . Cæterum his comam alere , artificiose crispare , odorato pulvere aspergere , nefas . Incessus ipse solutior ,

aut

16.

Indumentum  
Alumnorum.

17. Quam propria gravitas Ecclesiastica eorum sit.

18. Ut laudati olim fuerint a Benedicto XIII. ob modestiam.

19. Recipiuntur in Collegium etiam Monachi.

20. Numerus Alumnorum incertus.

21. Quo pacto fiat delectus Alumnorum in Germania Hungariaque.

aut minus compositus, notaretur, utpote ab Ecclesiastica gravitate abhorrens. Adeo propria eorum gravitas quædam, & compositio est, ut hac laude a cæteris, non minus quam colore vestium, dignosci debeant. Memoria nostra, nobisque adeo inspectantibus, Sanctissimus Pontifex Benedictus XIII., acer ille Ecclesiasticæ disciplinæ exactor & custos, conspicatus forte horum per urbem agmen, tonso capillo, totoque corporis habitu modestiam præferentium, vocari eos ad se jussit in Divi Ignatii, quo se conferebat. Hic circumfusus, accidentisque ad pedes excepit amantissime, laudavitque majorem in modum, illud subinde ingeminans: *Utinam ab his exemplum omnes Clerici, aliorumque Collegiorum Alumni petant.* Quo elogio cohonestatos alii deinde Clerici Alumnique, abjecto levi atque indecoro ornatu, imitari studuerunt. Non solis Clericis id Collegium patet, sed etiam Monachis cujuscunque sint ordinis, ea tamen lege, ut communi utantur indumento, communem disciplinam servant, nulla re ab aliis Alumnis differant. Alumnorum numerus ad centum ferme; major tamen minorve, pro frugum cujusque anni copia. Conveniunt nimirum in Collegium Cardinales Protectores certa post frumentationem die, cum de anni sterilitate vel ubertate judicari certo potest, & audito Œconomo, rationibusque subductis, plures paucioresve admittunt, ut ali in annum sequentem posse judicaverint. Hungarorum nunquam pauciores duodecim, quem numerum Gregorius præscripsit, interdum tamen plures pro arbitrio recipiunt. Nam utriusque Collegii ita permixtæ sunt opes, ut quamquam Germanorum, propter ampliores proventus, potior habenda sit ratio, his tamen ex aliqua justa causa substitui jure possint Hungari. Delectus habendi ratio hæc est. Petitores, qui semper in Germania Hungariaque multi, etiam ex Monachis, sistunt se Colle-

# ET HUNGARICI LIBER QUARTUS. 169

Collegio Societatis proximiori , & apud Rectorem profitentur nomen . Eos Rector examini subjicit ad normam formulæ sibi ab Urbe missæ , rogatque distincte multa de patria , de conditione , de studiis , aliisque id genus . Cum omnibus satisfecerunt , tum Rector , si honesti saltem generis , & bonæ indolis sint , si sano corpore , si facie decora , si parati in castris Ecclesiæ militare , & stare Collegii legibus , si Logicam ut minimum perdidicerint , & nisi quid aliud obstet , hæc omnia scripto accurate comprehensa , una cum testimonio suo , plerumque etiam cum Episcopi , aut viri cujuscumque principis commendatione , Romam transmittit ad Collegii Rectorem . Ea communicantur Cardinalibus , qui cætu habito , cujus acta perscribit Secretarius Congregationis de Propaganda Fide , deliberant inter se quos præ cunctis deligant . Illud vident primum , quod supra diximus , ne plures recipiantur quam commode ali possint . Proxima ea est cura , ut ex omnibus provinciis , quæ in Constitutione Gregorii recensentur , unus semper aliquis , quatenus possit , in Collegio sit . Et provinciis Hungariæ Croatia Sclavoniamque ex Gregorii præscripto adnumerant . Si qui sunt in provinciis hæreticorum nati , cæteris præferuntur . Ubi concurrant cætera , magna habetur ratio nobilitatis , & agnationum . Quo fit , ut nunquam e primario nobilium ordine Alumni desint , & S. R. I. Comites Baronesque multi sint semper . Principum quoque commendationibus multum tribuitur . Ætatem requirunt leges annorum saltem undeviginti ; sed etiam si minor aliquanto sit , id facile Cardinales condonant , præsertim nobilioribus . De Monachis ita est comparatum , ut haud plures octo in Collegio sint . Hos , quo latius educationis beneficium pateat , ex diversis , tum Benedictinorum , tum Canonicorum Regularium , & maxime Eremitarum S. Pauli cœnobiis peti consuetum est .

22.

Quid præcipue spectent Cardinales in admissionibus .

23.

De Monachis in Collegium recipi solitis .

Y

Sunt

24.  
De Convictori-  
bus.

Sunt interdum qui recipi in Collegium postulant ut meri Convictores, stipendium pro victu vestituque pensaturi, nec se ullo vinculo ad Ecclesiæ militiam obstricturi. His, cum admittuntur, communia omnia fiunt cum Alumnis, præter juramenta quædam peculiaria, de quibus infra dicitur. Sed de his, qui admodum infrequentes hac ætate

25.  
Vocantur Alu-  
mni Romam sub  
certis conditio-  
nibus.

sunt, nullum ultra verbum nos faciemus. Confecto demum inter Cardinales novorum Alumnorum indice, jubetur Rector unumquemque per litteras admonere de Romano itinere suscipiendo, his tamen conditionibus: Ne Romam attingant nisi Octobri mense inclinato, cum solemnis studiorum instaurationis imminet: Ut ingressi Romam, Collegium recta petant, aditu prohibendi, si vel unam noctem extra ipsum fecerint: Demum ut secum centum scutatos nummos ferant, apud Collegii Œconomum deponendos, servandosque sub binis clavibus, atque in digressu, quales prorsus depositi fuerint, iis redhibendos ad relegendum iter. Id ultimum ideo cautum est, ne rursus eveniat, quod ante non semel, Alumnos viatico destitutos, aut diutius quam par sit in Collegio detineri, aut Collegii sumptibus in patriam remitti oportere. Cum expectati advenere Juvenes, non continuo Alumnis commi-

26.  
Primæ eorum  
occupationes &  
experimenta.

scuntur. Primos dies tres transigunt in secessu pio, rerum divinarum commentationibus distenti, intereaque antea vitæ noxas confessione abstergunt, & Collegii sanctiones evolvunt expenduntque. Die tertia procedunt ad Basilicam S. Petri, in eaque panem Eucharisticum sumunt. Post triduum vocantur ad examen a delectis Patribus, & super dotibus ad id institutum necessariis interrogantur. Et siquidem instituta Collegii libentes volentesque amplectantur, talari donantur veste, ac Novitiis adnumerantur. Duo nempe sunt propria, ut diximus, Novitiis cubacula, in quibus annum integrum ad severioris disciplinæ

26.  
De Novitiatu  
ipforum.

nor-



# ET HUNGARICI LIBER QUARTUS. 171

normam Novitii exigunt. His duo præsumt Alumni veterani, quorum inter cæteros spectata virtus & prudentia sit. Alterum Magistrum Novitiorum, Ductorem alterum appellant. Unusquisque suorum agmen locis omnibus ducit, eos, qua pollet auctoritate, in officio continet, nec a se longius discedere unquam patitur. Evoluto sex mensium spatio, si sine querela tirones vixerint, seque ita probaverint Moderatoribus, ut ad vitam Sacerdotalem satis comparati videantur, divisim convocantur binis diebus ( qui plerumque sunt dies festi Pentecostes ) in Sacellum domesticum cum aliquot testibus ad jurandum. Ingens parata est sella, mensulaque tapete instrata, cum sigillo Christi Crucifixi, facibus, & Evangeliorum codice. Rector ad Aram splendidissime apparatus facit, & Divinam hostiam iis impertit. Post Sacrum procedunt ante eum rite sedentem singuli, provolutique in genua, manu sacro Codici imposita, sacramentum in hæc verba dicunt.

„ Ego N. N. Filius N. N. Diocæsis N. Nationis N. ple-

„ nam habens hujus Collegii notitiam, legibus & institutio-

„ tionibus ipsius, quas juxta Superiorum interpretationem

„ complector, sponte me subjicio, easque pro posse ser-

„ vare coram Deo & Vobis promitto: Juro me velle

„ statum Ecclesiasticum amplecti, & ad omnes sacros,

„ etiam Presbyteratus, ordines, cum Superioribus visum

„ fuerit, promoveri: Cumque iidem mandaverint, me

„ statim in patriam reversurum: Juris Civilis ac Medici-

„ næ studia non professurum; aliamque vitæ rationem,

„ præsertim aulicam, non sectaturum: sed continuo, ubi

„ e Collegio dimissus fuero, in Patriam ad juvandas ani-

„ mas remigraturum, etiam ante constitutum studiis or-

„ dinarium terminum, si ita animarum saluti, aut pro

„ Collegii commodo Superioribus ejus visum fuerit expe-

„ dire. Collegii autem instituta juxta Superiorum inter-

28.

De juramentis,  
quæ prestare ju-  
bentur.

„ pretationem servaturum, nec a communi vivendi ratio-  
 „ ne discessurum. Insuper juro, quod ubi in Patriam e-  
 „ Collegio discedens remigravero, inde, saltem triennio  
 „ durante a die mei reditus, nullo sub quæsito colore  
 „ discedam, in Italiam, & multo minus Romam reditu-  
 „ rus, nisi de proprii Ordinarii in scriptis, & ex causa  
 „ quadam urgente ibidem expressa, licentia impetranda,  
 „ & ab Eminentissimis hujus Collegii pro tempore Pro-  
 „ tectoribus approbanda. Insuper spondeo ac juro, quod  
 „ dum in Collegio permanebo, & postquam ex eo, si-  
 „ ve completis, sive incompletis studiis exiero, ante cla-  
 „ psum triennii terminum, sine Apostolicæ Sedis licentia,  
 „ vel post triennium sine licentia EE. Cardinalium Pote-  
 „ storum, nullam Religionem, Societatem, aut Congre-  
 „ gationem regularem ingrediar, nec in earum aliqua  
 „ professionem emittam. Quod si cum licentia prædicta  
 „ in Religionem, Societatem, aut Congregationem ali-  
 „ quam ingressus fuero, spondeo, ac juro in patriam Ita-  
 „ liam ad juvandas animas me reversurum. Sic me Deus  
 „ 29. „ adjuvet, & hæc sancta Dei Evangelia „. Prius quam  
 „ ad alia progrediamur, nolim hoc loco offendatur quispiam  
 „ eo juramenti capite, quo sibi aditum in Ordines religio-  
 „ sos Alumni præcludunt, quasi vero injuriosum id statui  
 „ religioso, & contrarium sanctitati ejus perfectionique sit.  
 „ Primo enim id ita jurant, ut facile exsolvere se vinculo,  
 „ quo tenentur, possint, facultatem haud difficulter conce-  
 „ dendam rogantes. Rem deinde si intime inspicias, ut alio  
 „ quocunque infra Episcopalem statu sanctiora Religiosorum  
 „ omnia instituta sint, at non etiam aliis, reique publi-  
 „ cæ utiliora sunt omnia. Plus certe publicæ prodest rei,  
 „ qui Apostolorum exemplo totum se proximorum salutem  
 „ devovet, quam qui intra solitaria quædam claustra se  
 „ abdit, uni vacaturus sibi, ac suæ salutem. Collegii porro hu-  
 „ jus

29.  
 Quale illud sit  
 de non ample-  
 ctendo statu Re-  
 ligioso.

jus institutio, non tam ad privatam Alumnorum sanctitatem, quam ad publicam populorum utilitatem spectat, neque id solum voluit Gregorius ut sancti, sed etiam ut Apostolici Sacerdotes in hoc Collegio efformarentur. Æquum proinde fuit, ne per speciem boni majoris Collegii institutio frustraretur, Alumnis statum religiosum inire cupientibus quasdam interponi moras, non ex propria eorum libidine, sed Apostolicæ Sedis arbitrio removendas. Quare sapienter hoc addi iussurandum Alexander VII. iussit, eaque in re, non tam Gregorii Constitutioni derogandum, quam ejus mentem sibi interpretandam censuit. Sed ut eo redeam unde discessi, juramento præstito, formulam scripto consignatam, chirographoque firmatam Novitii tradunt Rectori, ac post hæc alios præterea sex menses in tirocinio ponunt. Expleto anno, in veteranorum cubicula tribuuntur, hoc servato, quoad ejus fieri possit, ordine, ut qui ex eadem natione, civitate, provinciæ sunt, bini saltem aut terni, eidem cubiculo adscribantur, fovendæ causâ mutuæ inter populares benevolentia & charitatis. Nam, ut hoc non præteream, nationes quibus hæc tota Juventus constat, sunt decem, Austriaca, Allatica, Bavarica, Franconica, Rhenana, Silesitica, Svevica, Westphalica, Tyrolensis, & Hungarica, quæ Croaticam Sclavonicamque, ut dictum est, complectitur. Et tamen si pari omnes loco ac numero habentur, nec discrimen ullum inter Alumnos quantumvis natione ac genere diversos ponitur, ea tamen habetur æquissima ratio, ut qui ex eadem natione sunt, conjunctius vivere, ac familiarius agere inter se, præsertim initio, possint. Inde etiam nationibus singulis unus aliquis e Cælitibus est attributus, quem Alumni ut proprium suæ gentis Patronum habent, coluntque, & recurrente ejus festo die, oratione panegyrica laudant super mensam. Talem inter inter Cælitæ Austriaci

30.

Tirocinio expleto ad Veteranos transeunt.

31.

Nationes diversæ quibus Collegium constat.

32.

Nationum proprii e Cælo Patroni.

ci habent Leopoldum Austriæ Marchionem, Alsatæ Othiliam Virginem, Bavari Henricum Imperatorem, Francones Chilianum Episcopum & socios Martyres, Rhemani Ursulam socialque, Silesiæ Joannem Nepomucenum, Suevi Uldaricum Episcopum Augustanum, Tyrolenses Romedius Eremitam, Westphali Liborium Episcopum, demum Hungari Martinum Episcopum, & Stephanum Regem Apostolicum. Hi tamen duo postremi, præter laudationem in triclinio, solemni etiam liturgia coluntur in templo, cum redit eorum dies festa. Cæterum hæc non sic accipias velim, quasi dividi quodammodo dissociarique videantur nationes. Nam permisceri immo solent de industria ex diversis nationibus, præsertim in decursu, Alumni, & cubiculo jungi qui disjunctissimi ab ortu fuerint; fovendæ scilicet in communi domo concordiæ, tum etiam factionibus prævertendis, quæ ex popularium conjunctione suboriri facile possent. Nationum igitur ea tantum habetur ratio, quam diximus. Cum ætas patitur, nisi obstant mores, sacris Ordinibus omnes initiantur, idque solo judicio ac testimonio Rectoris, nullis Episcopi litteris, quas dimissorias vocant, impetratis, nullo quin etiam patrimonio beneficiove instructi. Nam Missionum sacram titulo Sacerdotes ex Pontificio privilegio fiunt. Confecto demum studiorum orbe, qui sex ut summum annos tenet, qui post rigidum examen satis a doctrina censeantur idonei, Doctores, tum Pontificio, tum Cæsareo jure creantur. Creari antea non poterant nisi qui essent jam Sacerdotes. Nunc concessu Benedicti XIV. satis est, si uno aliquo e sacris Ordinibus sint instructi. Itaque pauciores nunc honoris hujus expertes e Collegio discedunt, quamquam immerentibus nunquam concedatur. Quanti porro valeant in Germania gradus hi litterarii in Collegio suscepti, libro superiori declaratum est, ubi de privilegio quodam

33.

Permiscuntur  
Alumni ex di-  
versis nationi-  
bus.

34.

Fiunt Sacerdo-  
tes titulo Mis-  
sionum.

35.

Confecto studio-  
rum orbe, cre-  
antur Doctores.

dam amplissimo Ferdinandi II. Imperatoris sermo est habitus. Prius quam discedant, adeunt omnes Rectore duce Summum Pontificem, tum ut ejus exosculentur pedes, tum ut Indulgentias, & sacra quædam privilegia postulent. Quæ Pontifex concedere benigne solet, addito insuper e cereis Agnis, & Divorum reliquiis munere in patriam perferendo, quod illis carissimum est contra aurum. Discessuris Deposuit, de quo diximus, nummum scutatorum centum intactum redditur, & litteræ testimonii traduntur. Hungaris tamen, qui e Diœcesi Strigoniensi sint, quoddam præterea pecuniæ subsidium, si ita ipsi velint, & certæ conditiones concurrant, tribuendum est, ex veteri quodam legato Cardinalis Petri Pazmanii Archiepiscopi Strigoniensis. In ipso digressu solemnem cærimoniam more prisco usurpant. Descendunt in templum, Rectore Patribusque aliis deducentibus, & brevi peracta ad aram Virginis prece, talarem vestem Rectori cum gratiarum actione reddunt. Vicissim eos Rector complectitur suavissime, & ad dignam sua institutione vitam verbis ultimis adhortatur. Tum progressi ad portam, inter faustas Patrum læta omnia comprecantium voces, paratam conscendunt rhedam, disceduntque. Eorum fidei commissum est, ne, uti juraverunt, pernoctent Romæ ullo modo, neve ex itinere aliorum divertant, sed via brevior in patriam tendant. At nos Alumnos huc usque profecuti, nunc cessim abire tantisper cogimur, quæ ad eorum educationem pertinent paulo diligentius executuri. Quæcunque ad vitæ usum sunt necessaria, Alumnis Collegium præbet, non exteriores tantum vestes, sed interulas quoque, indusia, tibialia, femoralia, caligas, pileos, demum omnia, non ea quidem in suo genere exquisita, sed neque sordida, neque aspera, quæ viros Ecclesiasticos deceant. Tunicam pileumque commutant annis singulis,

cætera

36.

Discessuri e  
Collegio adeunt  
Summum Pontificem.

37.

Qua cærimoniam  
discedant e Col-  
legio.

38.

Redire jubentur  
in patriam via  
brevior.

39.

Alumnis omnia  
necessaria gratis  
subministrantur.

40.  
Qualis eorum  
victus sit.

41.  
Ut plectantur  
eorum errata.

42.  
Commercium cum  
externis quatenus  
permissum.

43.  
Quas frequen-  
tent Alumni  
scholas.

44.  
Dies vacatio-  
num transgunt  
rurē.

cætera quotiescunque est opus. Mensa nec frugalis nimium, nec lauta; aliquanto tamen quam in aliis adolescentum contuberniis, & ciborum delectu, & copia apparatior, ratione habita laboris quem hi præ aliis durant, ætatis robustæ, ac moris patrii. Mensura somni ad horas minimum septem. Nihil in coercionibus asperum, nihil puerile, ne pœnæ quidem erratorum, quæ, ut in magna Juventutis multitudine, interdum, vel dolo malo, vel per incuriam, admitti necesse est. Peccata leviora puniuntur vulgata ad pudorem culpa super mensam, ac levi multa imposita. Pervicacior quispiam, quem non correxerit pudor, privato cubiculo addicitur, silentioque tristi plectitur ac solitudine, quippe a sodalibus segregatus, ac publico abstinere jussus. At si quispiam, quod absit, violati pudoris revinceretur, si sodali manus injiceret, si contra Præsides contumax, eorum detrectaret imperia, aut seditionem concitaret, statim dimittitur e Collegio, ac per portam rusticam indecore abscedit. Verum hæc admodum infrequentia sunt. Nullum certe hujus rei exemplum ab annis multis est editum. Nemini privatas subire domos, ac ne Proceres quidem officii causa invisere, multo minus convivari cum quoquam externorum licet, injussu Cardinalium. Quin confabulari cum externis domi nulli permissum est, nisi petita facultate. Ignoti homines, aut suspecti excluduntur. Cæteri, officii aut negotiorum causa advenientes, admittuntur, non aliter tamen collocuturi quam publice in aula, nec ultra præscriptum a Ministro spatium sermo protrahitur. Scholas frequentant Alumni publicas Collegii Romani, eoque bini itant quotidie longo per Urbem agmine. Nulli tamen scholam, quæ infra Physicam sit, adire permittitur. Dies vacationum, nisi si festi sacrique sint, in amœna extra Urbem villula, quam in Pariolo colle sitam diximus, vel per varios lusus

sus innocuos se exercentes, vel per tonsas laurus ac topia-  
 ria inambulantes, in otio honestissimo transigunt. Nullæ  
 fere, aut perexiguæ Alumnis pecuniæ relinquuntur, quas  
 in proprios expendant usus. Qui re aliqua indiget, Mini-  
 strum adit, apud quem pecuniolæ quiddam unusquisque ha-  
 bet depositum in expensas quasdam, si non necessarias,  
 at honestas tamen, quæ intra annum incidunt. Prius quam  
 e Collegio discedant, rationes exæquantur sic, ut nihil  
 cuiquam discedentes debeant. Nullæ in hoc Collegio eque-  
 stres quas vocant artes. Non choreæ saltationesve, non  
 ficta inter duos certamina, non decursiones equorum,  
 non spectacula scenica, res in aliis ingenuæ Juventutis  
 contuberniis tolerabiles, utiles etiam fortasse, ut multi  
 putant, ac necessariæ, sed Ecclesiastica disciplina prorsus  
 indignæ. Hic non nisi studiis severioribus, pietati, & sa-  
 cris Ecclesiæ officiis locus. Quæ tria quemadmodum ex-  
 colantur, cognoscere pretium est. Facultates, quibus ope-  
 ram navant, sunt quatuor, Philosophia, Theologia, Con-  
 troversiarum de Fide, Canones sacri. Doctrinam de moribus  
 qui provectiores ætate sunt privatim hauriunt ex libris,  
 nullo scientiæ hujus proprio antecessore. De ea inter se  
 conferunt, & Magistrum Controversiarum aut Canonum,  
 cum libet, consulunt. Hisque coram sabbato quoque die  
 de casu aliquo morali disceptant. Philosophiam cum di-  
 cimus, eam intelligi volumus, quam hodie eruditi lau-  
 dant, non longo ut olim circuitu, sed pressius naturam  
 rerum scrutantem, ad Newtoni ferme placita. Nam Jesui-  
 tis, eatenus humanas litteras tradentibus, quatenus vehicu-  
 lo sunt ad instillandam teneris mentibus pietatem, perin-  
 de usui est Aristotelica, ac Newtoniana Philosophia, & in  
 hac re facile sunt adducti ut temporis ingenio fervirent.  
 Eamdemque ob causam Theologiam quoque, multis dese-  
 ctis abitrusioribus, minusque utilibus, reformaverunt, ac

45.

De quodam pe-  
 culio Alumnis  
 fare necessario.

46.

Collegio ex-  
 colant artes eque-  
 stre.

47.

Quibus Alumnis  
 studiis dent ope-  
 ram.

succi pleniorē , totamque fere dogmaticam effecerunt , salva tamen dialectica argumentatione , ingeniorum cote , & veritatis optima indagatrice . Philosophos ergo Theologosque Alumni audiunt in Collegio Romano , & quæ dicantur scribunt . Aliarum quas dixi facultatum antecessores , ut supra docuimus , domi habent , eosque nihil scribentes audiunt proxima ante prandium hora , sic tamen divisīs rebus , ut annis diversis alii Canones , alii Controversias accipiant . Jam studiorum multi stimuli , nec pauca præsidia sunt . Convenire jubentur certa fere quotidie hora , divisi in suas classes , ad ea quæ scripserint audierintve repetenda . Disputatur super iis more scholastico , configiturque . Urgentur , refelluntur objecta , veritas elucescit . Adest unus Patrum docti certaminis moderator atque arbiter , contentionesque componit . Quotidianis hisce exercitationibus accedunt Philosophicæ Theologicæque disputationes , quæ nulla non hebdomada habentur domi coram Patribus , circumstante Alumnorum corona . Et præter has domesticas , alias quasdam intra annum honoratiores habent in scholis Collegii Romani . His vero quantum incendantur æmulatione laudis animi , promptum est intelligere . Quos jam qualesque singuli progressus fecerint , bis intra annum cognoscitur , semel Majo , iterum Septembri mense , instituto in id acri ac publico examine , cui ipse Rector præsidet . Negligentioribus parata reprehensio est , & aliqui interdum novo subjiciuntur examini , quod indecorum valde ac turpe est , ac pœnæ instar habet . Contra qui excellunt , honestamentum haud leve Patrum suffragio referunt , non solum privatæ laudis , sed etiam publici honoris . Nam ex iis pauci designantur ad habendas sub finem anni publicas disputationes , quod sibi quisque pulchrum præclarumque ducit . Præterea ab examine unus pro unaquaque classe eligitur rei scholasticæ admi-

48.

Scholasticæ  
exercitationes  
quam assiduæ .

49.

Duo intra annum  
examina .

50.

Alii ad studen-  
dum stimuli .



administer ( Bidellum nominant ), quod munus privilegia quædam habet adjuncta, & perhonorificum, utpote index præstantioris ingenii, habetur. Tot studiorum incitamentis adde ad extremum opima Sacerdotia Germaniæ, quæ, ubi paria sint cætera, studiosioribus plerumque deferri ex Rectoris testimonio & commendatione solent. Magna enim habetur a Pontificibus Collegii hujus ratio in Canonicatibus, aliisque Germaniæ Dignitatibus largiendis, & sæpe Alumnos hosce cæteris petitoribus anteponi cernimus. Quod quale sit, nemo est qui non videat. At enim studia nihil sic alit fovetque ac Pietas, quæ caput rerum in hoc Collegio est. Intelligunt quippe ea ætate, atque ea mentis acie Juvenes, non posse se sine grandi piaculo gravissimam hanc officii partem negligere, & reos apud Deum fore fraudatæ mentis Gregorii, & male perceptorum Collegii alimentorum, si indiligentes ac desides in scientiis consecrandis sint. Et sæpe hæc eadem remissioribus inculcantur. Cæterum ad pietatem quod attinet, mane summo, cum ad campanulæ pulsus evigilarunt, horæ dimidium divinis meditandis tradunt. Sacræ quotidie rei Sacerdotes operantur, alii una omnes interfunt. In singulis cubiculis quotidie Rosarii pars tertia, non tam lege quam more, in communi decurritur, omnesque spatium aliquod temporis privatim piæ lectioni tribuunt, quem in usum libros utiles a Confessario accipiunt. Qui ad horas canonicas non adstringuntur, ut quotidie Officium quod vocant Beatæ Virginis recitent, lege sancitum est. Prius quam lecto se committant, silentio facto, procumbunt omnes in genua, unoque ex iis verba præeunte, opem Superum usitatis invocationibus poscunt. Tum conscientiam excutiunt taciti, aliisque piis precibus diem claudunt. Atque hæc quotidiana, quæ ideo sunt sic moderate præscripta, ut fieri possint accuratius, tum etiam quod multis incumbit onus hora-

§ 1.

Culpa non vacare negligentiam in studiis.

§ 2.

Pietatis officia quotidiana.

§ 3.  
Sacramentorum  
frequentia.

§ 4.  
Præcipua pietas  
erga Beatam Vir-  
ginem.

rum canonicarum, & illud fuit cavendum ne studiis necessarium tempus subtraheretur. Placuit etiam uniuscujusque arbitrio quiddam adjungendum relinquere. Juventuti adultæ, atque hoc vitæ genus profitenti, non sic omnia præscribenda fuerunt, ut nihil quisque posset ad præscriptum addere ex proprio instinctu, cum maxime hinc frequentiores Sacramentorum non exigunt leges, quam ut semel in mensem, solemnibusque festis, ac Dominicis Adventus & Quadragesimæ, omnes communiter de sacra mensa participant. Id tamen plerique faciunt octavo quoque die, lege sibi ultro imposita. Et alia id genus multa, non necessitate, sed voluntate faciunt, quæ longum esset exponere. Divinæ Matri præcipuum cultum adhibent, magnum pudoris & innocentiae munimen. In duas sodalitates Alumni conscripti sunt universi, & utraque est in clientela magnæ Virginis posita. Altera Conceptum ejus immaculatum, altera Assumptionem in cælum pro titulo habet, hisque recurrentibus diebus, apparatu ac religione Mariani Sodales certant. Sabbato conveniunt in Sacellum domesticum veterani, ac post consuetas Virginis invocationes, quas vulgo Litanias Lauretanas dicimus, piam adhortationem ex Patre sodalitii præfecto audiunt. Et siquidem novitii nondum satis callere linguam italicam existimantur, eodem tempore aliam illi adhortationem separato loco audiunt lingua latina. Die eodem in vesperam inclinante, descendunt universi in templum, atque ante aram Virginis, quam in templi atrio sitam diximus, venerabundi consistunt. Namque ibi publicæ venerationi proponitur sabbato quoque die sacrosancta Hostia, eademque Virginis invocationes per Cantores externos decantantur: Nec inde abscedunt, nisi facto per Divinam Hostiam ab Sacerdote ductam signo solemnī Crucis ad populum. Denuo  
in

# ET HUNGARICI LIBER QUARTUS. 181

in Sacellum coeunt altero intra hebdomadam die, & Officium, ut loquimur, Mortuorum alternis decurrunt pro Sodalibus vita functis. Quin, ut cujusque innotuerit mors, ad ejus expiationem duo Sacra mortualia fiunt, tota assistente ac comprecante Sodalitate. Divini verbi pabulo nutriuntur sæpe, ut dictum est, a Patribus Sodalitatum Præfectis. Certis etiam intra annum diebus coactos ante se Rector gravi oratione alloquitur, subjicitque ad virtutem stimulos. Idem, at multo sæpius, privatis alloquiis Confessarius facit. Octobri mense incunte, cum Autumnales aguntur feriæ, tres continenter dies divinarum rerum commentationibus ex norma B. P. Ignatii tribuunt, & contractas eo anno labes confessione eluunt. Quo tempore suis conclavibus universi se continent, ab omni hominum commercio segregati, nec inde nisi demisso vultu, ac taciti, ad audiendum in sacello Patrem divina enarrantem, ad aliaque communia domus officia prodeunt. Ut paucis omnia complectar, pietatis ea cura est, qualem res supremæ gravitatis postulat. Non enim omnes contra hæresim voce aut scripto sunt pugnaturi, non omnes concionaturi, aliudve doctrinæ periculum facturi. At Sacerdotalem sanctitatem profiteri, & exemplo vitæ populo præluce omnes debent. Siquidem vero proprii Sacerdotum sunt ii ritus ac cærimonix, quibus Religionis officia continentur, in his etiam condiscendis exercendisque jam nunc multum operæ ac studii Alumni ponunt. Cantum quem vocant Gregorianum docentur novitii, traduntque huic studio diuiniæ quotidie horam a prandio. Quamquam & veterani in suis cubiculis cantu se parumper exercent eodem tempore. Examen de cantu sumitur quovis anno semel, idque palam coram Moderatoribus. Antea qui scientior videretur, Odæ Præfectus renunciabatur, totamque rem musicam gubernabat, quod munus propter adjunctam au-

§ 5.

Piacula pro  
sodalibus vita  
functis.

§ 6.

Pix adhortatio.  
nes crebræ.

§ 7.

Exercitia spiri-  
tualia quotan-  
nis.

§ 8.

Cantum Gre-  
gorianum edi-  
scunt, & exer-  
cent.

ctorita-

59.  
Itemque sacros  
Ecclesiæ ritus.

60.  
Qua dignitate  
res sacræ fiant  
in D. Apollina-  
ris.

ctoritatem avide prensabatur ab omnibus. Nunc, ea abolita iustis de causis præfectura, ut quisque excellere videatur, inter Præfectos cantus, qui quaterni sunt, recensetur. Hos Chori Bidellos nominant. Ad eosque spectat, cum aliquid extra ordinem canendum Alumnis est, prius experimentum sumere, & singulis tonos aptos præcentrationibus demonstrare. Sacrorum caeremonias ad rituales libros, & Sacelli Pontificii exemplum exigunt. Alumnus præ cunctis est unus peritior, cui alter tamquam adjutor officii jungitur, Cæremoniarum Magister. Is pridie eorum dierum, quibus augustiore ritu faciendum est sacrum, quid cuique agendum sequenti die sit scribit, & pro mensa legendum præbet. Post mensam conveniunt omnes, & suas quisque partes experiuntur. Magister in ipsa rei sacræ functione singulorum officia voce nutuque regit. Cæteri linteis induti amiculis Canonicorum more sedent, quadru-  
plici hinc inde ordine, loco eminentiore, quem a populo discludunt breves cancelli e marmore. Imminet interdum aliquis Moderatorum e specula, haud dubie multaturus si quem eo tempore corridentem, aut cum quoquam fabulantem cerneret: Quod tamen nunquam, aut perraro accidit, omnibus in officium intentis, & sancta sancte, ut dignum est, peragentibus. Sic Dominica, & quavis anni festâ die, solemne sacrum, & vespertinæ preces decantantur in Divi Apollinaris, ea dignitate, gravitate, modestia, ut accedente sacrarum vestium, rerumque cæterarum eximia pulchritudine, splendore, atque munditie, nihil fieri exactius, aut decentius possit. Nocte natali Christi Domini tanto caeremoniarum symphoniarumque apparatu matutinæ decantantur preces, ac solemne sacrum peragitur, ut nullibi major ea nocte populi concursus sit quam in æde Apollinaris. Ad hæc, prima post festum Corporis Christi die Dominica Divinam Hostiam per viciniora circum-

## ET HUNGARICI LIBER QUARTUS. 183

circumferunt, ea supplicatione ac pompa, cujus visendæ causa omnia circum tecta complentur ac viæ. Ut rem verbo absolvam, quæcunque intra annum in Ecclesiis Canonicorum exerceri sunt solita religionis officia, in S. Apollinaris exercentur diebus festis, eaque haud minore quam usquam alibi dignitate. Solam alioqui quam vocant Tertiam plerumque Alumni concinunt. Sacrationibus tantum anni diebus matutinas etiam, ac reliquas horarias preces. Cætera Cantores peragunt musici, qui ex urbe tota optimi adsciscuntur. Pauci deinde sunt præcipuæ celebritatis dies, quibus adhibentur etiam Symphoniaci, cum omnis generis instrumento sonoro. In hunc namque usum Joannes Hugo ab Orsbeck, Archiepiscopus & Elector Trevirensis, Collegii olim alumnus, atque Odæ præfectus, legatum mille quingentorum aureorum reliquit, quod beneficium quotannis Alumni recolunt, solemne pro eo sacrum facientes. Neque hic omiserim, certis intra annum diebus, nunc ad S. Sabæ, nunc ad S. Stephani in monte Cælio, semel etiam ad S. Stephani Hungarorum Regis prope Basilicam Vaticanam, Alumnos procedere. Collegio nimirum, ut alibi diximus, addicta templa, per eosque dies Divinorum officiorum majestatem iis templis, alioqui solitariis, reddere. Officii Sacerdotalis appendix quædam est sacra eloquentia, quam profecti ex hoc Collegio multi exercere coguntur, paræciis administrandis adhibiti. Et hanc quoque Alumni, si non præceptis, quæ nulla traduntur, at usu ipso & exercitatione quadantenus discunt. Nulla est intra annum dies Dominica, qua non orationem latinam aliquis Alumnorum habeat super mensam; Quod cum commune omnibus sit, omnibus necessitatem imponit, & scribendi apte, & apte pronuntiandi. Laudationes præterea multæ fiunt, ut supra diximus, de Divisionum tutelaribus, tum etiam de Christo Domino,  
de

61.

Odæum quale sit. Ubi de quodam Legato.

62.

Ut ad concionandum Alumni exercerentur.

de Virgine beatissima, de Apostolis, cum ita dies festi possunt, quarum honoratissima est quæ coram ipso Societatis Præposito Generali, Patribusque aliis ad convivium vocatis, habetur die festo S. Apollinaris. Orationes hæc, priusquam superiorem in locum producantur, recognoscit Præfectus studiorum, atque ubi opus sit, emendat ac corrigit. Ita deinde est institutum jam inde a temporibus Gregorii XIII., ut Alumnorum unus Sanctorum Omnium festa luce orationem latinam habeat in Pontificio Sacello, coram Pontifice & Cardinalibus, brevem illam, sed concinnam, & tanto confessu dignam; Quæ res non mediocri honori est, nec cuivis temere a Rectore committitur. Huic honore proxima est alia latina oratio, quæ die festo SS. Eustratii, Auxentii, Eugenii, Mardarii, & Orestis Martyrum, inter ejus diei solemnia ad infinitam populi multitudinem in templo recitatur. Nam quod eorum Martyrum sacra corpora in D. Apollinaris, ut alibi diximus, sunt recondita, eorumdem dies anniversaria cum insigni pompa & apparatu celebrari est solita in eodem templo. Oratio hæc studiosioribus e quarto Theologiæ anno Alumnis demandari in præmium navatæ studiis operæ solet. Illa vero altera coram Pontifice tantum nobilioribus. Atque hi rem tanti faciunt, ut Orationem eandem in charta pergamena, auro minioque distincta, imposito gentilitio stemmate, exscribendam curent, ac velut illustre sui nominis monumentum Collegio relinquunt. Illud tamen ad rem præsentem præstabilius, quod qui facultate dicendi, ac pio ardore cæteris præpollere videantur, dominica quaque die, tum per Adventum, tum per majora jejunia concionari jubentur in templo palam lingua Germanica. Utque multi semper Germani Opifices in Urbe sunt, iis diebus in D. Apollinaris plerique concurrunt, ut Oratorem sermone patrio perorantem audiant.

Omnia

63.

Oratiuncula coram Pontifice, aliaque in Templo oratio.

64.

Conciones per Adventum & Quadragesimam.

# ET HUNGARICI LIBER QUARTUS. 185

Omnia demum si spectes, nihil in hoc Collegio videtur deesse ad perfectionem officii Sacerdotalis, cujus in spem Alumni formantur, nihil admodum immutatis primis illis potioribusque Collegii institutis, nec primævo fervore ejus extincto. Mirabitur potius quispiam, tanta rerum ac studiorum mole non obrui opprimique ingenuos adolescentes, & erunt fortasse qui dicant, plura iis imponi majoraque, quam ferre ætas ac valetudo possit. Verum, ut multa sint quæ imponuntur, nec levia, ea suo quæque geruntur tempore, suo ordine. Porro quid rerum gerendarum ordo, quid apta partitio temporis, quid certæ vivendi leges ad res commodè gerendas valeant, experti sciunt. Hac sane ratione fieri videmus ab intentis multa, eaque valde operosa, quæ male feriat, ac temere viventes homines fieri negabunt posse. Ad rem quod attinet, illud interest, illud agitur maxime in hoc Collegio, ne otio torpescant Juvenes, malorum multorum altore, juventutis perniciæ. Cæterum occupantur, non obruuntur labore, & in vita tam actiuosa, qualem hæcenus descripsimus, suæ illis laborum intermissiones sunt, suæ animi relaxationes, quibus & reficiuntur vires, & valetudo salva consistit. Duas minimum quotidie habent horas ab omni cura vacuas, quas mutuis inter se colloquiis transigunt, alteram a prandio, a cœna alteram, idque præter horarum segmenta plurima, quibus interdiu colloqui permisum est. Ipsi illi itus quotidiani ad scholam reditusque cessationis instar ac levamenti sunt, gaudente aperto cælo juventute, nihilque ægrius ferente quam in arcto degere intra septa. Quibus diebus procedunt in villam, de qua sæpe diximus, non uno distinentur ludo, tum ad animi solatium, tum ad salubrem exercitationem corporis. Alii tridiculis ligneis in aperto solo, alii eburneis in tabulato, ex propriis cujusque ludi legibus certant. Sunt qui

65.

Occupantur  
Alumni, non ob-  
ruuntur labore.

66.

Quæ ad animi  
relaxationem  
pertinent.

67.

Ludi Alumni in  
Villa permitti.

A a

ampla

68.  
Relaxationes  
quædam extra  
ordinem.

69.  
Celebriora quæ-  
que Urbis spe-  
ctatum eunt.

70.  
Honor Alumnis  
deferri solitus in  
Sacello Pontifi-  
cio.

ampla in area grandiores e ligno globos in versatilem e ferro orbem impellunt, magno nisu, nec sine æmulatione industriæ. Ludi præter hos cæteri sunt interdicti. Lusorias vero chartas attingere sceleri proximum haberetur. Quibus exiliores sunt vires, aut in umbra virentium lauretorum libri aliquid volutantes sedent, aut apricantur, aut inambulantes, atque inter se colloquentes, diem fallunt. Jam hæc cessatio, hæc animi quies, hæc in puro ac patenti solo commoratio placida atque tranquilla, semel redit singulis hebdomadis feriato die, per Bacchanalia vero, & Autumnii tempore multo sæpius. Quin etiam per Bacchanales dies, ne expertes omnino Alumni sint spectaculorum, quæ sunt ejus temporis propria, nunc theatrum adeunt Seminarii Romani, spectantque generosæ illius Juventutis comicas actiones, nunc aliqua simili actione, aut per externos adolescentes, aut per venales Histriones distinentur domi. Et siquidem modulis musicis maxime delectantur, editur interdum per delectos Cantores carmen in suo genere exquisitissimum, quod magnam populi ac nobilitatis frequentiam attrahit. Apparatus ac pompas publicas, quæ sunt Romæ crebræ, & per quam magnificæ, si bacchanales ludos excipias, & quædam hujus generis alia, spectatum ire nunquam vetantur, nisi tamen incidant in dies festos, cum serviendum Ecclesiæ est, eaque abesse non licet. Sacellum quoque Pontificium ut adeant permittitur diebus celebrioribus, atque ita quidem, ut omnes per suas vices aspiciant aliquando Pontificem maximum cum sacro Senatu, cunctisque ordinibus Ecclesiastici Principatus, divinis ritibus operantem, mirenturque Religionis veræ majestatem in eo conventu, quo nihil toto Orbe terrarum augustius. Quin etiam ii, qui annum ultimum in Collegio decurrunt, utpote proxime discessuri, ex quadam veteri prærogativa admitti consuevere ad pedes Ponti-



# ET HUNGARICI LIBER QUARTUS. 187

Pontificis Purificatæ Virginis festo die , ex ejusque manu candelam solemnî prece sacratam , pro more ejus diei , accipiunt . Ac similem honorem ferunt FERIA IV. Quinquagesimæ , cum sacros cineres dispertit Pontifex , & Dominica die Palmarum . Ad hæc diebus canicularibus , cum pomeridianæ lectiones vacant , prodeunt quotidie Alumni domo divisîs agminibus , jamque celebriora Urbis templa , jam sumptuosiora palatia , jam suburbanas villas atque hortos , ut præscripserit Rector , spectatum eunt , hac tantum imposita lege , ut præmoneant Ministrum , ac sole occiduo domum se referant . Neque hic omiserim lætam præ cunctis , ac maxime concupitam diem , cum quibus excurrit annus tertius Theologiæ , adire Tusculum , XII. ab Urbe lapide , permissum est , spectandi causa celebres illas ac plane regias Procerum Romanorum villas . Discedunt vix albente cælo invecti curribus , totamque eam diem inter amœna vireta , ac mille aquarum ex occulto micantium insidias ac lusus , præter regale epulum , quod ipsorum sumptu paratur , plane hilariter ducunt . Quæ , quæliacunque sint , idcirco commemoranda exultimavimus , ut cognoscere quivis possit , non sic gravari Alumnos labore , ut laboris honesta ac plane jucunda non habeant solamina , & immerito Collegii hujus disciplinam justo rigidiorẽ ab ignaris dici . Optandum sane , ut quemadmodum a Majoribus ad nos usque pervenit , sic in omne tempus posterum integra semper & incolumis sit . Quod votum semper antea justum , nunc etiam sacrum sanctumque debet videri , postquam hæc eadem disciplina gravissimo summi Principis , rerumque æstimatoris æquissimi judicio est comprobata . Nam , ut addam extremo loco rem unam omnium maxime ad Collegii commendationem illustrem , in eaque claudam historiam , paulo ante quam hæc scriberemus advectus ex insperato Romam Josephus II. Imperator

71.  
De processions  
Tusculana .

72.  
Collegium invi-  
sit Josephus II.  
Imperator .

73.

Inquit de disciplina, eamque approbat.

74.

Summæ humanitati parem exhibet pietatem.

85.

Novam inde ac summum decus Collegio additum.

Augustus, nulla ille quidem Imperatoriæ Majestatis specie, sat cognitus tamen, atque ab ipsis virtutibus agnoscendus, cum celebriora Urbis ædificia, tum hoc inprimis suæ Nationis Collegium invisere festinavit. Utque Princeps mire perspicax, quocunque ierit, ita contemplatur omnia, ut penitiora scrutetur, quippe intimas rerum notitias ad artes regnandi referens; horas minimum tres in Collegio versatus, de Juventutis institutione, moribus, studiis, atque omni disciplina diligentissime edoceri, jam Italice Patres, jam Germanice Alumnos, omnes incredibili comitate alloquens, voluit, nihilque omnium non probare, magnopereque collaudare est visus. Sacræ deinde rei, quæ ea die (& erat sanctioris hebdomadæ dies quinta) cum usitatis ejus diei cæremoniis ac ritibus in templo agebatur, summa pietate ac religione interfuit, nunquam animo aut oculis evagatus, plane ut affici videretur Christi patientis memoria, quam iis diebus recolit, subjicitque Christianorum oculis fordidata ac mœrens Ecclesia. Rebus demum omnibus prolixè approbatis, cohortatus humanissime Patres ut Juventutem ita pergerent instituere, Alumnos ut occasione ac tempore uterentur, abscessit, Patribus æque atque Alumnis incredibili gaudio perfusus, tum quod honore tanto essent dignati ab summo Orbis Principe, tum præcipue quod ab tam acris ingenii Principe suas res comprobatas cernerent. Huic ego factò quod addam nihil est. Et facti memoriam idcirco huic monumento consignatam volui, ne qua vetustate res deleatur, ære alioqui aut marmore, quo patentiôr perenniorque sit, insculpenda.

ALUM-

## ALUMNORUM VARIA INDUMENTA.



ALUMNVS IN CHORO ECCLESIAE ALUMNVS DOMI TEMPORAE AESTIVO



ALUMNVS DOMI HIBERNO TEMPORE ALUMNVS PER VRBEM IN CEDENS

CATA-

IN MEMORIA DI GIULIO CESARE

# CATALOGUS VIRORUM ILLUSTRUM

*Qui ex Collegio Germanico Et Hungarico prodierunt.*

## VIRI ILLUSTRES EX CONVICTORIBUS.

**G**REGORIUS XV. Pont. Max., antea ALEXANDER  
LUDOVISIUS Archiepiscopus Bononiensis.

### S. R. E. CARDINALES.

Flavius Ursinus ex Ducibus Gravinæ Archiep. Cosentinus.  
Michael Bonellus Ord. Prædic. S. Pii V. P. M. Sororis Ne-  
pos, Ep. Albanensis, S. R. E. Camerarius.

Cynthius Passerus Aldobrandinus Clementis VIII. P. M. So-  
roris filius, Major Pœnitentiarius.

Ludovicus de Torres S. R. E. Bibliothecarius, Archiep.  
Montis Regalis.

Carolus de Comitibus ex Ducibus Poli, Ep. Anconitanus.  
Innocentius de Bubalo de Cancellariis Episc. Camertinus.  
Franciscus Maidalchinus.

Bandinus Panciaticus Prodatarius, & Sacr. Congr. Conc. Præf.  
Josephus Renatus Imperiali ex Principibus Francavillæ, Præ-  
fectus Boni Regiminis, & Disciplinæ Regularis.

Joannes Baptista Prolemaus Soc. Jesu, Præfectus Congregatio-  
nis Linguarum Orientalium.

Joannes Baptista ex Marchionibus Salernis Soc. Jesu.

*Postremos hosce duos ideo huic Catalogo accensuimus, quia  
prior Collegii erat Rector cum creatus est Cardinalis,  
alter Jus Canonicum aliquandiu docuerat in eodem  
Collegio.*

EPI-

Andreas Baccalar, Episcopus Algariensis, ac deinde Archiepiscopus Turritanus seu Sassaritanus. Vir linguarum peritissimus, Opera S. Joannis Damasceni in latinum vertit.

Josephus Faraonius Messanensis, Episcopus Massæ-Lubrensis, ac deinde Crotonensis.

Rutilius Berzonius Romanus, Episcopus Lauretanus, & Recinetensis, pietate, doctrina, pluribusque editis Theologicis voluminibus illustris.

Napoleo Comitulus Perusinus, S. Rom. Rotæ Auditor, ac deinde Ep. Perusinus. *vita sanctitate commendatus.*

Jo: Dominicus Rebiba Messanensis, Episcopus Ortonensis, ac deinde Catanensis.

Paullus Æmilius Sadoletus Mutinen., Ep. Carpentoractensis: Sebastianus Ghislerius a Bosco, S. Pii V. fratris filius, Episcopus Strongulensis.

Robertus Perbenedetti Camers, Episcopus Nucerinus, singulari sanctimonia clarus.

Julius Sanfedonius Senensis, Episcopus Grossetanus; abdicato Episcopatu, & singulari sanctitate conspicuus. Vitam B. Ambrosii Sanfedonii gentilis sui conscripsit.

Maphæus e Comitib. Gambarà Brixienfis, Ep. Derthonensis.

Guillelmus Cisolmus Scotus, Episcopus Dunblanenfis in Scotia, deinde Vassionensis in Gallia, tandem Episcopatu dimisso sub Sixto Papa V. pius Carthusianus.

Marcellus Crescenzi Romanus, Episcopus Assisienfis.

Philippus Billius Eugubinus, Clericus Regularis, Ep. Callienfis.

Sigisfinundus Donatus Corrigienfis, Episcopus Venusinus, ac deinde Asculanus, Nuncius Apostolicus Pauli V. apud Venetos.

Claudius Sozomenus Cyprius, Episcopus Polensis in Ithria.

CON-

CONVICTORES ALII

ALIIS NOMINIBUS COMMENDATI.

Tiberius Cybo e Ducibus Massæ & Carrariæ, Princeps natus.  
 Paulus Guinifius Parmensis, Utriusque Signaturæ Referendarius.  
 Paulus Alaleona Maceratenfis, primus Cærem. Pontific. Mag.  
 Rusticucci Rusticucci Fanensis, Utriusq. Signat. Referend.  
 Marcus Antonius Olgiatus Comensis, Utriusq. Sign. Referendarius & R. C. A. Præses.

Fabritius Rebiba Mellanen., Sixto PP. V. a cubiculo secretiore.  
 Alexander Settonius Scotus, Regni Scotiæ Magnus Cancellarius & Prorex.

Augustinus Mascardus Sarzanensis, Philosophus ævo suo clarus.  
 Fabius Ranucci Maceraten., J. U. consultif., libris editis celebris.  
 Marcus Antonius Amici Maceratenfis libris editis clarus.

Ludovicus Benius Eugubinus vir linguarum peritissimus, complura vulgavit philosophica & philologica volumina.  
 Hieronymus e Comitibus Martinenghis Brixienfis, summis abdicatis honoribus Cappuccinorum ordinem ingressus, in eo pie vixit atque obiit.

Jo: Baptista Piscator Novariensis Soc. Jesu, ob vitæ innocentiam S. Aloysio Gonzagæ carus & familiaris.

Augustinus Justinianus Genuensis	) <i>Homines clari e Societate Jesu Scriptores fuere, eorumque</i>
Jo: Baptista Peruscius Romanus	) <i>variis de rebus scripta recensentur ab Ale-</i>
Benedictus Justinianus Genuensis	) <i>gambe in Bibliotheca Societatis. Quidam</i>
Joannes Hayo Belgæ	) <i>etiam non solum do-</i>
Julius Fuligatti Cæsenas	) <i>Etrina, sed etiam san-</i>
Stanislaus Grodzicki Polonus	) <i>elitæ eminuerunt, ne</i>
Hieronymus Dandinus Cæsenas	) <i>ibidem videre est.</i>
Petrus Xumenes Toletanus	
Antonius M. Parentuccelli Sarzanensis	
Nicolaus Orlandinus Florentinus	
Ludovicus Roggerius Aretinus.	

B b

Tho-

Thomas Cottamus Anglus Soc. Jesu, in Anglia occisus in odium Fidei.

Ven. Rodulphus Aquaviva Neapolitanus Soc. Jesu, in Salfettis insulis pro Christi fide necatus, de cujus Martyrio constare declaravit Benedictus XIV. *Hunc ideo apponimus, quia ex hoc Collegio, ubi per triennium Theologiae operam dedit, ad Indos profectus est.*

## VIRI ILLUSTRÉS

EX ALUMNIS GERMANIS ATQUE HUNGARIS.

### S. R. E. CARDINALES.

Franciscus ex S. R. I. Comitibus a Dietrichstein, Episcopus & S. R. I. Princeps Olomucensis.

Franciscus Willhelmus, Ferdinandi Bavariae Ducis filius, S. R. I. Comes de Wartenberg, Episcopus & S. R. I. Princeps Osnabrugensis, Mindensis, Verdenfis, & Ratisbonensis.

Ernestus Adalbertus ex S. R. I. Comitibus ab Harrach, Archiep. Pragensis, Bohemiae Primas, Episcopus Tridentinus, & S. R. I. Princeps.

Guidobaldus ex S. R. I. Comitibus de Thun, Archiep. Salisburgensis, Germaniae Primas, Sedis Apostolicae Legatus Natus, Ep. Ratisbonensis, & S. R. I. Princeps.

Maximilianus Gandolphus ex S. R. I. Comitibus de Kuenburg Archiep. & S. R. I. Princeps Salisburgensis, Germaniae Primas & Sedis Apostolicae Legatus Natus.

Guillelmus ex S. R. I. Comitibus de Fürstenberg, Episc. S. R. I. Princeps Argentoratensis, & Abbas S. Germani in Gallia.

Wolfgangus ex S. R. I. Comitibus de Schrattenbach, Episc. S. R. I. Princeps Olomucensis, Utriusque Siciliae Prorex, Damia-



## VIRO RUM ILLUSTR IUM. 195

- Damianus ex S. R. I. Comitib. de Schönborn Buchaim ,  
Episcopus Spirensis & Constantiensis , Præpositus  
Weissenburgenfis & Odenheimensis , S. R. I. Princeps,  
& Præceptor Ordinis Teutonici .
- Sigismundus de Kollonitz ex S. R. I. Comitib. de Trey-  
berg &c., primus Archiep. Viennensis S. R. I. Princeps .
- Emericus Csáky ex Comitibus Scepusii &c. , Archiepisc.  
Colocenſis .
- Thomas Philippus de Alſatia ex S. R. I. Comitibus de Boſſu ,  
& Principib. S. R. I. & de Chimay , Archiep. Me-  
chlinienſis , Belgii Primas .
- Ferdinandus ex S. R. I. Comitibus de Troyer , Episcop.  
& S. R. I. Princeps Olomucenſis .
- Chriſtophorus ex S. R. I. Comitibus Migazzi de Waal &  
Sonnenthurn , Archiep. S. R. I. Princeps Viennensis ,  
& Adminiſtrator Episcopatus Vacienſis .

## S. R. I. ELECTORES.

- Jo. Suicardus ex Liberis Baronibus a Cronenberg , Archie-  
piscopus Moguntinus , S. R. I. Princeps Elector , &  
per Germaniam Archicancellarius .
- Georgius Fridericus ex Liberis Baronibus de Greiffenclaw ,  
Episcopus S. R. I. Princeps Wormatiensis , ac deinde  
Archiepiscopus Moguntinus , S. R. I. Princeps Ele-  
ctor , ac per Germaniam Archicancellarius .
- Anſelmus Caſimirus ex Liberis Baronibus de Wamboltt ab  
Umbſtatt , Archiepiscopus Moguntinus , S. R. I. Prin-  
ceps Elector , ac in Germania Archicancellarius .
- Philippus Chriſtophorus ex Liberis Baronibus de Sötern ,  
Episcopus S. R. I. Princeps Spirensis , ac deinde Ar-  
chiepiscopus Trevirensis , S. R. I. Princeps Elector ,  
& per Galliam Archicancellarius .

- Jo: Hugo ex Liberis Baronibus ab Orsbeck, Episcopus S.R.I. Princeps Spirensis, postea Archiepisc. Trevirensis, S.R.I. Princeps Elector, ac per Galliam Archicancellarius.
- Philippus Carolus ex S. R. I. Comitibus ab & in Eltz, Archiepiscopus Moguntinus, S. R. I. Princeps Elector, ac per Germaniam Archicancellarius.

## PRIMATES ET ARCHIEPISCOPI.

- Nicolaus Scered Archiepiscopus Tuamensis in Hibernia.
- Wolfgangus Theodoricus a Raittenaw Archiepiscopus S.R.I. Princeps Salisburgensis, Germaniæ Primas, ac Sedis Apostolicæ Legatus Natus.
- Marcus Sitticus ex S. R. I. Comitib. ab Alta-Emps, S. Caroli Borromæi Sororis filius, Archiepiscopus S.R.I. Princeps Salisburgensis, Germaniæ Primas, & Sed. Ap. Leg. Nat.
- Emericus Losi Episcopus Csanadiensis, dein Archiepiscopus Strigoniensis, Regni Hungariæ Primas, Sedis Apostolicæ Leg. Natus: Seminarii Pofoniensis Fundator.
- Andreas Creusen Episcopus Ruremundanus, postea Archiepiscopus Mechliniensis, Belgii Primas.
- Georgius e Comitib. Lippay Episcopus Agriensis, deinde Nitriensis, Regni Hungariæ Cancellarius, postea Archiepiscopus Strigoniensis, ejusdem Regni Primas, ac Sedis Apostolicæ Legatus Natus: Collegiis & Seminariis fundatis de re Catholica optime meritus.
- Georgius Pohroncius Szelepcséni Episcopus Vefprimiensis, deinde Nitriensis, Regni Hungariæ Cancellarius, postea Archiepisc. Colocensis, demum Strigoniensis, ejusdem Regni Primas, Sedis Apost. Legat. Natus, ac S.R.I. Princeps: Collegiis, & Seminariis erectis celeberrimus.
- Martinus Borkovich Ord. S. Pauli primi Eremitæ Prior Generalis LV., Episcopus Zagabriensis, & Archiepiscopus Colo-

VIRORUM ILLUSTRIMUM. 197

Colocensis, Sanctitate vitæ in Hungaria laudatissimus.

Jo. Guillelmus L. B. a Kollowrat in Archiepiscopum S. R. I. Principem Pragensem nominatus, sed ante confirmationem morte interceptus.

Joannes Gubafoczy Episcopus Quinqueecclesiensis, dein Vacienſis, postea Nitrienſis, & tandem Archiepiscopus Colocensis, ac Regni Hungariæ Cancellarius.

Jo. Josephus ex S. R. I. Comitib. a Breiner Episcopus Viennensis, deinde Archiepiscopus S. R. I. Princeps Pragensis, Bohemiæ Primas.

Paulus Szécsényi Ordinis S. Pauli primi Eremitæ Episcopus Quinqueecclesiensis, deinde Vesprimienſis, & tandem Archiepiscopus Colocensis.

Emericus ex Comitib. Eszterházy Ord. S. Pauli primi Eremitæ Prior Generalis LXIII., Episcopus Vacienſis, tum Zagabrienſis, postea Vesprimienſis, ac Regni Hungariæ Cancellarius, demum Archiepisc. Strigonienſis, ejusdem Regni Primas, Sedis Ap. Legat. Nat. & S. R. I. Princeps.

Leopoldus Antonius ex L. B. de Firmian, Episcopus S. R. I. Princeps Lavantinus, dein Seccovienſis, ac tandem Archiepiscopus S. R. I. Princeps Salisburgensis, Germaniæ Primas, & Sedis Apostolicæ Legatus Natus.

Jacobus Ernestus Julius e S. R. I. Comitib. de Liechtenstein Episc. S. R. I. Princeps Seccovienſis, deinde Olomucensis, ac demum Archiepiscopus S. R. I. Princeps Salisburgensis, Germaniæ Primas, & Sedis Apost. Leg. Natus.

Gabriel Hermannus ex L. B. Patachich de Zajefda Episcopus Syrmienſis, ac deinde Archiepiscopus Colocensis.

Nicolaus Comes Csáky de Kereſztſzegh Episcopus Magna-Varadienſis, mox Archiepiscopus Colocensis, demum Strigonienſis, Regni Hungariæ Primas, Sedis Apostolicæ Legatus Natus, & S. R. I. Princeps.

Franciscus Xaverius Klobufficzky ex L. B. de Zetheni Episc. Tran-

Transilvanienſis , deinde Zagabrienſis , & demum  
 Archiepiſcopus Colocenſis .

Antonius Petrus Przichowſzky ex L. B. de Przichowitz ,  
 Archiepiſcopus S. R. I. Princeps Pragenſis , Bohemiæ  
 Primas .

Franciſcus Comes Barekoczy Epifcopus Agrienſis , poſtea  
 Archiepiſcopus Strigonienſis, Regni Hungariæ Primas,  
 Sedis Apoſtolicæ Legatus Natus , & S. R. I. Princeps .

Jo. Henricus ex S. R. I. Comitib. de Frankenberg Archiepi-  
 ſcopus Mechlinienſis , Belgii Primas .

### E P I S C O P I .

Andreas Jerinus Epifcopus S. R. I. Princeps Uratiſlavienſis .

Joannes Teltz Epifcopus S. R. I. Princeps Olomucenſiſis .

Stanislaus Paulowſzky Epifcopus S. R. I. Princeps Olo-  
 mucenſis .

Joannes Bogenrinus Epifcopus Tergeſtinus .

Paulus Albertus Epifcopus S. R. I. Princeps Uratiſlavienſis .

Georgius Stobæus Epifcopus S. R. I. Princeps Lavantinus .

Joannes Plazgumerus Epifcopus S. R. I. Princeps Brixinenſis .

Nicolaus Novák Epifcopus Cſanadienſis .

Henricus a Knörnigen Epifcopus S. R. I. Princeps Augu-  
 ſtanus .

Paulus David Czalokózy Epifcopus Veſprimienſis .

Jacobus Eberlin Epifcopus S. R. I. Princeps Seccovienſis .

Ehrenfridus ex Lib. Baronib. a Küenburg , Epifcopus S. R. I.  
 Princeps Chiemenſis .

Antonius Wolfradt Ord. S. Benediſti , Abbas Cremiphanen-  
 ſis , deinde Epifcopus S. R. I. Princeps Viennenſis .

Georgius Nagy-falvay Epifcopus Tranſilvanienſis , deinde  
 Vacienſis .

Ladislauſ Deáký Epifcopus Modruſienſis .

Anto:

VIRORUM ILLUSTRIORUM. 199

Antonius ex L. B. de Crofina Episcopus S. R. I. Princeps Brixinensis.

Nicolaus Braikovich Episcopus Segnienfis, deinde Zagrabienfis.

Ladislaus Martinyi Episcopus Syrmienfis & Vacienfis.

Thomas Balasffy Episcopus Bosnienfis, ac deinde Quinquecelesienfis.

Guillelmus a Velsperg Episcopus S. R. I. Princeps Brixinensis.

Jo. Christophorus e Comitibus S. R. I. de Liechtenstein Episcopus S. R. I. Princeps Chiemenfis.

Jo. Georgius e Lib. Baronib. ab Herbestein electus in Episcopum S. R. I. Principem Ratisbonensem, & confirmatus; sed paucos post menses obiit nondum consecratus.

Albertus Beatus a Ramstein Episcopus S. R. I. Princeps Bafilensis.

Carolus Wandenbosch Episcopus Brugenfis, Flandriae Cancellarius, deinde Episcopus S. R. I. Princeps Gandavenfis.

Philippus Fridericus ex S. R. I. Comitib. a Breiner Episcopus S. R. I. Princeps Viennensis.

Jo. Flugius ab & in Aspremont Episcopus S. R. I. Princeps Curienfis.

Georgius ex Comitib. Dráskovics Episcopus Jaurinenfis.

Michael de Kopesányi Episcopus Syrmienfis.

Benedictus Kisdy Episcopus Agrienfis, Collegii, Seminarii, ac Universitatis Cassoviae Fundator, vitae sanctimonia illustris.

Andreas Francisci Ord. S. Pauli primi Eremitae Episcopus Syrmienfis.

Otho Fridericus ex S. R. I. Comitib. a Puchheim Episcopus S. R. I. Princeps Labacenfis.

Albertus Priamus Episcopus S. R. I. Princeps Lavantinus.

Joan-

- Joannes Eberlin Episcopus S. R. I. Princeps Viennensis .  
 Marquardus Schenk ex S. R. I. Comitib. a Castell Episcopus  
 S. R. I. Princeps Eycstadiensis .  
 Joannes ex L. B. Ecker de Käfing Episcopus S. R. I. Prin-  
 cept Frisingensis , vir singulari in pauperes libera-  
 litate .  
 Franciscus Vigilius ex L. B. a Spaur Episcopus S. R. I. Prin-  
 cept Chiemenfis .  
 Carolus Grimming Episcopus S. R. I. Princeps Gurcensis .  
 Franciscus Joannes ex L. B. a Prasberg Episcopus S. R. I. Prin-  
 cept Constantiensis .  
 Georgius Jakusich de Orbova ex Lib. Baronib. in Oroslány-  
 kö Episcopus Wesprimiensis , deinde Agriensis , &  
 Reginae Hungariae Cancellarius .  
 Georgius Telegdi Episcopus Nitriensis .  
 Stephanus ex L. B. Bosnyák de Magyarbely Episcopus Quin-  
 quecclesiensis , dein Vesprimiensis , Regni Hungariae  
 Cancellarius , ac demum Episcopus Nitriensis .  
 Franciscus Alberti Episcopus S. R. I. Princeps Tridentinus .  
 Paulus Hoffman Episcopus Quinquecclesiensis , postea Ve-  
 sprimiensis .  
 Adamus Laurentius ex L. B. a Törting Episcopus S. R. I.  
 Princeps Ratisbonensis .  
 Nicolaus Pösgay Episcopus Jaurinensis .  
 Franciscus e Comitibus S. R. I. de Lodron Episcopus S. R. I.  
 Princeps Gurcensis .  
 Jo. Franciscus ex L. B. a Schonaw Episcopus S. R. I. Princeps  
 Basileensis .  
 Wildericus ex L. B. a Walderdorff Episcopus Viennensis ,  
 S. R. I. Princeps & Pro Cancellarius .  
 Leonardus Franciscus Szegedy Episcopus Transilvanienfis ,  
 deinde Vacienfis , postea Agriensis .  
 Georgius Pongrácz Episcopus Vaccienfis .

Sigi-

Sigismundus Alphonfus de Thun , Episcopus S. R. I. Princeps Brixinensis , & deinde etiam Tridentinus .

Thomas Emericus e Comitibus Pálffy , Episcopus Csanadiensis , Vacienfis , Agrienfis , & Nitrienfis .

Petrus Philippus ex L. B. a Dernbach , Episcopus S. R. I. Princeps Bambergensis , & Herbipolensis , Dux Franconiae Orientalis , vir sanctitatis eximiae .

Jo: Baptista e Comitib. S. R. I. de Lodron , Episcopus S. R. I. Princeps Gurcensis .

Albertus ex S. R. I. Comitib. de Waldstein , Episcopus S. R. I. Princeps Viennensis .

Stephanus ex L. B. Sennyei , Episcopus Vespriemensis , ac Reginae Hungar. Cancellarius .

Georgius Bársony , Episcopus Transilvanienfis , postea Magno-Varadiensis , & tandem Agrienfis , multis pro Catholica Fide adversitatibus confictatus .

Sebastianus ex S. R. I. Comitib. a Pörting , Episcopus S. R. I. Princeps Lavantinus , ac deinde Patavienfis .

Nicolaus Balogh , Episcopus Csanadiensis , ac deinde Vacienfis .

Ernestus ex S. R. I. Comitib. a Trautson , Episcopus S. R. I. Princeps Viennensis .

Jo: Marcus ex L. B. Rossetis , Episcopus Petinenfis .

Andreas Daniel ex L. B. a Raunach , Episcopus Petinenfis .

Augustinus Benkovich , Ordinis S. Pauli primi Eremitae Prior Generalis LVIII. , dein Episcopus Magno-Varadiensis , & Praepositus Leleszienfis , sanctitatis fama conspicuus .

Henricus Hartardus ex L. B. a Rollingen , Episcopus S. R. I. Princeps Spirensis .

Stephanus Telekesy , Episcopus Csanadiensis & Agrienfis , maximis repudiatis dignitatibus , zelo Apostolico , & invicta patientia illustris .

Joannes e Comitibus Kéry , Ordinis S. Pauli primi Eremitae

Prior Generalis LVII. , Episcopus Syrmienſis , deinde Cſanadienſis , tandem Vacienſis . Complures libros in lucem edidit .

Fridericus Chriſtianus a Plattenberg , Episcopus S. R. I. Princeps Monaſterienſis .

Sigismundus Chriſtophorus ex S. R. I. Comitib. ab Herbeſtein , Episcopus S. R. I. Princeps Labacenſis . Abdicato Episcopatu , inter Presbyteros Oratorii S. Philippi Nerii cooptatus , ſanctiſſimo obitu vitam clauſit .

Ladislaus Mattyaſowski , Episcopus Nitrienſis , & Regni Hungariae Cancellarius .

Andreas Illyés , Episcopus Tranſilvanienſis , vir doctus , qui volumina non pauca conſcripſit .

Blasius Jaklin , Episcopus Nitrienſis , & Regni Hungariae Cancellarius .

Jo. Antonius Knebel ex L. B. de Katzenellenbogen , Episcopus S. R. I. Princeps Eychſtadienſis .

Jo. Puſchi , Episcopus Jaurinenſis .

Jo. Franciſcus Kuen ex L. B. ab Aver , Episcopus S. R. I. Princeps Brixinenſis .

Stephanus Dolny , Episcopus Cſanadienſis .

Joannes Pyber , Episcopus Agrienſis .

Sigismundus Antonius Ordódy , Episc. Magno-Varadienſis .

Jo. Conradus a Reinach , Episc. S. R. I. Princeps Baſileenſis .

Valentinus Drugeth ex Comitibus de Homonna , Episcopus Modruſienſis .

Ferdinandus Paulus Erneſtus Maximilianus ex S. R. I. Comitibus de Berlo , Episcopus Namurcenſis .

Franciſcus Arnoldus ex Lib. Baronib. a Metternich , Episcopus S. R. I. Princeps Paderbornenſis , ac deinde Monaſterienſis .

Stephanus Illyés Episcopus Samandrienſis ſeu Belgradienſis .

Joannes ex S. R. I. Comitibus a Kuenburg , Episcopus S. R. I. Princeps Layantinus . Jo.



Jo. Philippus ex Comitibus S. R. I. a Schönborn, Episcopus S. R. I. Princeps Herbipolensis, Dux Franconiæ Orientalis.

Fridericus Carolus ex Comitibus S. R. I. a Schönborn, Episcopus S. R. I. Princeps Bambergensis & Herbipolensis, Dux Franconiæ Orientalis.

Gaspar Ignatius ex S. R. I. Comitib. a Königl, Episcopus S. R. I. Princeps Brixinensis.

Jo. Antonius ex L. B. a Freyberg & Eissenberg, Episcopus S. R. I. Princeps Eychstadiensis.

Ladislau Szürenyi Episcopus Csanadiensis. Ea sanctitatis fama e vivis excessit, ut ejus virtutes post obitum editæ typis fuerint.

Franciscus Ignatius Mednianscky, ex Lib. Baronib. de Medgyes, Episcopus Vacienfis.

Jacobus Maximilianus ex S. R. I. Comitib. de Thun, Episcopus S. R. I. Princeps Gurcensis.

Ladislau Adamus ex Comitib. Erdödy, Episcopus Nitriensis, & Regni Hungariæ Vice-Cancellarius.

Sigismundus Felix ex S. R. I. Comitib. a Schrattenbach, Episcopus S. R. I. Princeps Labacensis.

Joannes Okolicsány, Episcopus Magno-Varadiensis.

Gabriel Antonius e Comitib. Erdödy, Episcop. Agriensis. Liberalitate in pauperes aliisque virtutibus adeo insignis, ut ejus vita typis vulgata sit.

Antonius Josephus Sigismundus ex S. R. I. Comitib. a Reinach in Surbrunn, Episcopus S. R. I. Princeps Bassileensis.

Jo. Constantinus Pataky, in Missionibus, quibus Transilvaniam & Valachiam lustravit, zelo Apostolico clarus: eamque ob causam Episcopus Græci Ritus constitutus.

Carolus Josephus ex S. R. I. Comitib. a Küenburg, Episc. S. R. I.

- S. R. I. Princeps Seccoviensis, ac deinde Chiemenfis.  
 Josephus Ignatius ex L. B. de Ruvere, electus Episcopus Neo-  
 stadiensis, sed paucis diebus ante consecrationem mor-  
 te sublatuſ.
- Emericus Gabriel e Comitib. Eszterházy de Gálántha,  
 Episcopus Nitriensis, Regni Hungariæ Cancellarius.
- Simon Nicolaus ex Comitibus S.R.I. de Froberg, Episcopus  
 S. R. I. Princeps Basileensis.
- Leopoldus Maria ex Comitibus S. R. I. a Spaur, Episcopus  
 S. R. I. Princeps Brixinensis.
- Sigismundus Josephus ex Comitib. Berényi de Karancs-Beré-  
 ny, Episcopus Quinqueecletiensis.
- Paulus ex Comitib. Forgach, Episcopus Magno-Varadiensis,  
 ac deinde Vacienſis.
- Adalbertus ex L. B. de Walderdorff Ord. S. Benedicti,  
 Episcopus & Abbas S. R. I. Princeps Fuldenſis, Pri-  
 mas Abbatum in Germania & Gallia, & Romano-  
 rum Imperatricis Archi-Cancellarius.
- Josephus Antonius Chiolnich de Chiolka, Episcopus Bos-  
 nienſis.
- Franciscus Felix ex S. R. I. Comitib. de Albertis, Episcopus  
 S. R. I. Princeps Tridentinus.
- Franciscus ex Comitib. Zichy de Vásonkò, Episcopus Jau-  
 rinensis.
- Cyriacus Ferdinandus ex S.R.I. Comitib. ab Halweill, Epi-  
 scopus Neostadiensis.
- Franciscus Antonius e Comitib. Engl de Wagrein, Episcopus  
 Csanadiensis.
- Adamus Fridericus ex S. R. I. Comitib. de Seinsheim, Epi-  
 scopus S.R.I. Princeps Bambergensis, & Administrator  
 Episcopatus Herbipolensis, Dux Franconiæ Orientalis.
- Jo: Baptista ex S. R. I. Comitib. de Turri Valfassina & Ta-  
 xis, Episcopus S. R. I. Princeps Lavantinus.

Leo-

# VIRORUM ILLUSTRIORUM. 205

Leopoldus Ernestus ex L. B. de Firmian Episcopus S. R. I.  
Princeps Seccoviensis, ac deinde Pataviensis.

Jo: Antonius ex L. B. de Federpsil, Episcopus S. R. I. Prin-  
ceps Curienfis.

Adamus ex L. B. Patachich de Zajezda, Episcopus Magno-  
Varadiensis.

Emmanuel ex Comitibus S. R. I. de Waldstein, Episcopus  
Litomericensis in Bohemia.

Jo: Baptista ex S. R. I. Comitib. de Pergen, primum Sacrae  
Romanae Rotae Auditor, deinde Episcopus Mantuanus,  
& S. R. I. Princeps.

Josephus Philippus e Comitibus S. R. I. a Spaur, Episcopus  
S. R. I. Princeps Seccoviensis.

Ignatius Koller de Nagy-mánya, Episcopus Vespriensis.  
Carolus e Comitib. Eszterházy de Gálántha, Episcopus  
Agricenis.

Ludovicus e Liberis Baronibus de Welden, Episcopus S. R. I.  
Princeps Frisingensis.

## EPISCOPI TITULARES, ET SUFFRAGANEI.

Nicolaus Elgardus, Episc. Ascalonenfis, Suffraganeus Mo-  
guntinus Erfordiae in Thuringia.

Christophorus Guillelmus Weylhamer, Suffraganeus Pata-  
viensis.

Petrus Binsfeldt, Episcopus Azotensis, Suffraganeus Trevi-  
renfis.

Georgius ab Helffenstein, Suffraganeus Trevirensis.

Joannes Hertlinus, Suffraganeus Bambergensis.

Gerhardus Crane, Praepositus & Suffraganeus Topatenfis  
in Livonia.

Henricus Fabritius, Suffraganeus Spirensis.

Hen-

- Simon Feurstein , Episcopus Bellinensis , & Suffraganeus ac  
Præpositus Brixinensis .
- Eucharius Sangius , Suffraganeus & Visitator Herbipolensis .
- Georgius Schultetus , Suffraganeus Wratislaviensis .
- Martinus Chylenus , Suffraganeus Constantiensis .
- Jo: Jacobus Mügel , Episcopus Sebastensis , Suffraganeus  
Constantiensis .
- Joannes Schonerus , Episcopus Naronensis , & Suffraganeus  
Bambergenfis .
- Cornelius Gobelius , Suffraganeus Trevirensis .
- Fridericus Fornerus , Suffraganeus Herbipolensis & Bamber-  
genfis . Vir Apostolicus & doctus , cujus multa ex-  
stant scripta .
- Christophorus Gobelius , Suffraganeus Moguntinus .
- Otho Gereon , Suffraganeus Colonienfis .
- Joannes Prenner , Episc. Symbaliensis , Suffrag. Patavienfis .
- Jodocus Wagenhauber , Suffraganeus Herbipolensis .
- Jo: Gaspar Stredele , Suffraganeus Patavienfis , & Admini-  
strator Episcopatus Olomucensis .
- Jo: Bernardus ab Angeloch , Episcopus Christopolitanus ,  
& Suffraganeus Basileensis .
- Jo: Antonius de Triddi , Episcopus Tiberiadensis , & Suffra-  
ganeus Constantiensis .
- Jo: Fridericus ex L. B. a Breiner , Episcopus Rosensis , &  
Suffraganeus Olomucensis .
- Sebastianus Molitor seu Myllerus , Suffraganeus Augu-  
stanus .
- Jo: Balthassar Liefch , Episcopus Nicopolitanus , Suffraga-  
neus & Administrator Episcopatus Wratislaviensis .
- Ægidius Gelenius Præpositus Crenenburgensis , Episcopus  
Aureliopolitanus , & Suffraganeus Osnabrugensis .
- Zacharias Stumpff , Suffraganeus Herbipolensis . Magnam  
sanctitatis opinionem post se reliquit .

- Gaspar Karas , Suffraganeus Olomucensis .  
 Nicolaus Aliprandus de Thomasiis, Suffraganeus Pataviensis ,  
 quod tamen munus ex Christiana humilitate abdicavit .  
 Jesse Perchofer , Episcopus Bellinensis , & Suffraganeus ac  
 Decanus Brixinensis .  
 Jo: Adamus ex Lib. Baronib. a Grofs , Suffraganeus Herbi-  
 polensis .  
 Udalricus Grapper , Episc. Lampfacenus, Suffrag. Pataviensis .  
 Gabriel Haug , Episcopus Tripolitanus , & Suffraganeus Ar-  
 gentoratenfis .  
 Guillelmus Ludovicus Pentz , Suffraganeus Constantiensis .  
 Sigisfinundus Georgius Myllerus, Suffraganeus Constantiensis .  
 Joannes Vanowicz, Ordinis S. Pauli primi Eremitæ, Episcopus  
 Scardonensis . Is, deposita insula, ad claustrum rediit ,  
 & in Apostolico Missionum munere piissime obiit .  
 Libros nonnullos in lucem edidit .  
 Michael Matkovich , Episcopus Scardonensis .  
 Georgius Paris Ciurletta , Suffraganeus Salisburgensis .  
 Andreas Szily a Palotta , Episcopus Scapiensis .  
 Joannes ex Lib. Baronib. ab Hedervara, Episcopus Scapiensis .  
 Willhelmus Vintler ex Liberis Baronibus a Platph , Suffraga-  
 neus Brixinensis .  
 Jo. Henricus Anethanus , Episcopus Hierapolitanus , & Suf-  
 fraganeus Hildesiensis , ac deinde Colonienfis .  
 Joannes Kalamanczay , Episcopus Scardonensis .  
 Georgius ex Comitib. Eszterházy de Gálántha , Episcopus  
 Bacensis , & Archidiaconus Strigonienfis .  
 Franciscus Christophorus de Rinck , Episcopus Amyclensis ,  
 & Suffraganeus Eychitadiensis .  
 Paulus Olasz Episcopus Tinninienfis .  
 Jacobus Senfft, Suffraganeus Moguntius Erfordiz in Thurin-  
 gia . Multa a Lutheranis perpeffus, dignitatem dimisit .  
 Jo. Wolfgangus ab & in Bodman, Suffraganeus Constantiensis .  
 Latif-

Ladislauſ Pyber , Epifcopus Almiſienſis .

Maximilianus Henricus ex Liberis Baronibus de Weichs, Suffraganeus Hildeſienſis .

Jo. Sigifmundus Zeller ex Lib. Baronib. a Leiberſtorff, Epifcopus Bellinenſis , & Suffraganeus , Præpoſitus , atque Adminiſtrator Friſingenſis : editis de Jure Canonico voluminibus illuſtris .

Franciſcus Theodoricus ex Lib. Baronib. a Guttenberg , Suffraganeus Auguſtanus .

Jo. Petrus Quentell , Epifcopus Adrianopolitanus , & Suffraganeus Monaſterienſis .

Franciſcus Julianus ex S. R. I. Comitib. a Braida , Epifcopus Hipponenſis , & Suffraganeus Olomucenſis .

Jo. Edmundus Gedult , Epifcopus Mallenſis , & Suffraganeus Moguntinus .

Franciſcus Joannes Jezerniczky , Suffraganeus Strigonienſis .

Emericus ex L. B. a Pongrácz , Præpoſitus Major Scepuſienſis , Epifcopus Dorosſtonenſis .

Jo: Vernerus Schnatz , Suffraganeus Bambergienſis .

Franciſcus Labſánczky Epifcopus Arbenſis .

Jo: Adamus Nieberlin , Suffraganeus & Vicarius Generalis Eychſtadienſis .

Conradus Ferdinandus Geiſt de Wildegg , Suffraganeus Conſtantienſis .

Antonius Ignatius Müntzer , Epifcopus Madaurenſis , Suffraganeus Wratiſlavienſis .

Emericus Ignatius Luby , Epifcopus Corczolenſis .

Franciſcus Engelbertus Barbo ex S. R. I. Comitib. a Waxenſtein , Suffraganeus Wratiſlavienſis .

Andreas ex L. B. Péterffy , Epifcopus Novienſis .

Godefridus Langwert Attenhaim , Suffraganeus & Adminiſtrator Ratiſbonenſis .

Petrus Cornelius de Beyweg , Suffraganeus Spirenſis .

Paulus

# VIRORUM ILLUSTRIORUM. 209

Paulus e Comitibus Zichy, Canonicus Strigoniensis, Episcopus Draveński.

Joannes Kiff, Episcopus Ansfariensis.

Otho Honorius ex S. R. I. Comitib. ab Egkh, Suffraganeus Olomucensis.

Joannes Jacobus de Mayer, Suffraganeus Augustanus.

Paulus Spaczay, Episcopus Arbenensis.

Elias Daniel a Sommerfeldt, Episcopus Leontopolitanus, & Suffraganeus Wratislaviensis.

Jo: Antonius ex L. B. de & in Sirgenstein, Suffraganeus Constantiensis.

Paulus Bartakovich, Episcopus Almisiensis.

Jo: Ferdinandus ex L. B. de Pöczigheim, Episcopus Amyclensis, & Suffraganeus Frisingensis.

Ignatius Franciscus ex L. B. ab Adelman de Adelmansfelden, Episcopus Mačitaritensis, & Suffraganeus Augustanus.

Michael Frivaisz, Suffraganeus Strigoniensis.

Jo. Christophorus Crats, Episcopus Dibenensis, & Suffraganeus Paderbornensis.

Ernestus Fridericus ex L. B. a Twickel, Suffraganeus Hil-desiensis.

Laurentius Hauff, Suffraganeus Basileensis.

Franciscus ex L. B. Péterffy, Episcopus Pharensis.

Jo. Fridericus Adolphus ex L. B. de Höerde, Episcopus Philopolitanus, & Suffraganeus Osnabrugensis.

Franciscus Ignatius ex L. B. de Werdenstein, Episcopus Tenedensis, & Suffraganeus Frisingensis.

Ferdinandus Josephus ex S. R. I. Comitib. a Sarenthein, Episc. Hypopolitanus, & Suffraganeus Brixinensis.

Jo. Carolus ex S. R. I. Comitib. a Scherffenberg, Episc. Tanagrienensis, & Suffraganeus Olomucensis.

Stephanus Nicolaus Jáklín de Elephant, Episc. Almisiensis.

D d

Ambro-

- Ambrosius Simon de Stock, Præpositus infulatus S. Petri  
Viennæ, & Episcopus Rosonensis.
- Franciscus Carolus ex S. R. I. Comitib. de Fugger, Episc.  
Domitiopolitanus, & Suffraganeus Constantiensis.
- Adamus Ernestus ex L. B. de Bernclau, Episcopus Aby-  
lenfis, & Suffraganeus Ratisbonensis.
- Gabriel Ordódy, Episcopus Dulmenfis.
- Jo: Antonius Maria ex L. B. de Wolfframsdorff a Westko-  
reissen, Episcopus Arethufanus, & Suffraganeus Ra-  
tisbonensis.
- Matthias Hubert, Episcopus Vegliensis.
- Jo: Mauritius de Strachwitz, Episcopus Tiberiadensis,  
& Suffraganeus Wiatislavienfis.
- Rodolphus Josephus ex S. R. I. Comitib. ab Edlingen, Epi-  
scopus Capharnaum, primus primi Archiepiscopi Go-  
ritiensis Suffraganeus.
- Carolus Szalbek, Episcopus Nemesinus, & Suffraganeus  
Vacienfis.
- Romedius Maria ex S. R. I. Comitib. de Sarenthein, Epi-  
scopus Augustopolitanus, & Suffraganeus Brixinensis.
- Josephus Adamus Felix ex S. R. I. Comitib. ab Arcu, Epi-  
scopus Hipponensis, & Suffraganeus Patavienfis.
- Franciscus ex Comitib. de Berchtoldt, Episc. Novienfis.
- Sigismundus ex Comitibus Keglevicz, Episcopus Maca-  
rienfis.
- Franciscus ex Comitibus Kõrnis & Lib. Baronib. de Gó-  
nez Ruzska, Episcopus Juliopolitanus, & Suffraganeus  
Jaurinensis.



## ABBATES ET PRÆPOSITI INSIGNIORES

ALIIQUE REGULARIUM SUMMI PRÆSIDES.

Jo. Georgius de Kalckenried ex Fuffach, Ordinis S. Benedicti,  
Abbas Murbacensis & Lutrensis, S. R. I. Princeps.

Petrus Schönfelder, Ordinis Cisterciensis, Monasterii Lanc-  
keimensis Abbas.

Joannes Zaicz, Ordinis S. Pauli primi Eremitæ, Prior Ge-  
neralis LL.

Rodolphus Biell, Ordinis S. Pauli primi Eremitæ, Prior Ge-  
neralis LII.

Christophorus Haertlin, Ordinis Præmonstratensis, Abbas  
Imperialis Minderaugensis. Aliquot Monasteria sui  
Ordinis reformavit.

Gaspar Brack, Ord. Cisterciensis, Monasterii Ebracensis  
Abbas Imperialis.

Bernardus Hertfelder, Ord. S. Benedicti, Abbas Imperialis  
ad SS. Udalicum & Afram Augustæ Vindelicorum.

Joachimus e Comitibus S. R. I. a Gravenack in Burgberg,  
Ordinis S. Benedicti, Abbas Archi-Monasterii Ful-  
densis, S. R. I. Princeps, Primas Abbatum per Ger-  
maniam & Galliam, ac Romanorum Imperatricis  
Archi-Cancellarius.

Matthias Binder, Canonicus Regul. Præmonstratensis, Ab-  
bas Imperialis Sorethanus.

Petrus Heister, Ord. S. Benedicti, Congregationis Burs-  
feldensis, multis annis in aula Cæsaris Procurator,  
Monasterii B. M. V. Scotorum Viennæ Abbas.

Jo. Adolphus ab Hoheneck, Ordinis S. Benedicti, Abbas  
Archi-Monasterii Fuldensis, S. R. I. Princeps, Pri-  
mas Abbatum per Germaniam & Galliam, ac Ro-  
manorum Imperatricis Archi-Cancellarius.

D d 2

Ufwal-

- Ufwaldus Weis , Canonicus Regularis S. Augustini , Monasterii Trifensteinensis Præpositus Infulatus .
- Bonifacius Negele , Ordinis S. Benedicti , Abbas Cremphanensis .
- Leonardus de Becke , Ordinis S. Benedicti , Abbas Abdingkofensis .
- Henricus Hulshorst , Ord. S. Benedicti , Abbas Bursfeldensis & Myndensis .
- Cornelius Strauch , Ordinis Cisterciensis , Abbas Campilliorum .
- Benedictus Leis , Ordinis S. Benedicti , Abbas Mellicensis .
- Christophorus Raßlerus , Ordinis S. Benedicti , Monasterii Zwyifaltenensis Abbas Imperialis .
- Romanus de Giel ex L.B. a Gielsburg , Ord. S. Benedicti , Abbas S. R. I. Princeps Campidonensis .
- Blasius Sarwei , Ordinis S. Benedicti , Abbas ad S. Blasium in Silva Hercinia , S. R. I. Princeps .
- Romanus Vogler , Ordinis S. Benedicti , Abbas ad S. Blasium in Silva Hercinia , S. R. I. Princeps .
- Ignatius Trauner ex S. R. I. Comitib. ab Alttetten , Ord. S. Benedicti , Monasterii S. Haimerani Ratisbonæ Abbas Imperialis .
- Henricus Christophorus ex L. B. de Wolframsdorff , Præpositus S. R. I. Princeps Elvacensis .
- Henricus Melchior Hüländ , Ordinis S. Benedicti , Abbas Sigebergensis .
- Jo: Fridericus Karg , Abbas Infulatus ad S. Hurthardium in Gallia , & primus Minister Electoris Colonienfis .
- Constantinus a Pücl , Ord. S. Benedicti , Abbas Arnoldesteinenfis .
- Augustinus Finck Wolffachen , Ord. S. Benedicti , Abbas ad S. Blasium in Silva Hercinia , S. R. I. Princeps .
- Gaspar Mallechich , Ord. S. Pauli primi Eremitæ , Prior Gene-

VIRORUM ILLUSTRIMUM. 213

Generalis LXII., pietate, illustribus factis, librisque editis magnum sui Ordinis lumen.

Leopoldus Ilfing de Fratenberg, Canonicus Regularis S. Augustini, Abbas Infulatus ad S. Georgium Augustæ Vindelicorum.

Wilibaldus Popp, Ord. S. Benedicti, Monasterii SS. Udalrici & Afræ Augustæ Vindelicorum Abbas Imperialis.

Augustinus Imhoff Canonicus Reg. S. Augustini, ad S. Crucem Augustæ Præpositus Infulatus.

Franciscus Kröl, Canonicus Reg. S. Augustini, ad S. Florianum in Austria Præpositus Infulatus.

Adalbertus Norbertus Landtgraff, Canonicus Præmonstratensis, Plagæ in Austria Superiore Abbas Infulatus.

Constantinus ex Liberis Baronibus a Buttlar, Ordinis S. Benedicti, Abbas Archi-Monasterii Fuldenfis, S. R. I. Princeps, Primas Abbatum per Germaniam & Galliam, ac Romanorum Imperatricis Archi-Cancellarius.

Stephanus Demfich, Ordinis S. Pauli primi Eremitæ, Prior Generalis LXVI.

Magnus Kleber, Canonicus Reg. Præmonstratensis, Abbas Imperialis Sorethanus.

Andreas Mufar, Ordinis S. Pauli primi Eremitæ, Prior Generalis LXVII.

Eugenius ex S. R. I. Comitib. ab Inzaghi, Ord. S. Benedicti, Abbas ad S. Lambertum in Superiore Stiria, & in Cellis Marianis.

Cælestinus Vogler, Ord. S. Benedicti, Abbas ad S. Blasium in Silva Hercinia, S. R. I. Princeps.

Jo. Josephus Kuon, Canonicus Regularis S. Augustini, Abbas ad S. Georgium Augustæ Vindelicorum.

Joachimus Waibel, Canonicus Regularis S. Augustini, Abbas ad S. Georgium Augustæ Vindelicorum.

Ste-

Stephanus Enroth, Ordinis Cisterciensis, Abbas Imperialis Salemitanus.

Josephus Maria Langenmantel, Ordinis S. Benedicti, Abbas Imperialis ad SS. Udalicum & Afram Augustæ Vindelicorum.

Michael Balthassar ex S. R. I. Comitib. a Kristalnegg, Canonicus Regularis S. Augustini, Præpositus S. R. I. Princeps Berchtolsgadensis.

Matthæus Gogl, Canonicus Regularis S. Augustini, ad S. Florianum in Austria Præpositus Infulatus.

Dominicus Lechner, Canonicus Regularis S. Augustini, Præpositus & Abbas Beurbergensis.

Paulus ex Comitibus Eszterházy, Ord. S. Pauli primi Eremitæ, Prior Generalis LXXIII.

Franciscus Xaverius ex Lib. Baronib. a Taufferer, Ordinis Cisterciensis, Abbas Infulatus ad B. M. V. Siticii.

## PRINCIPES NATI ALIQUE GESTIS MUNERIBUS VIRI CONSPICUI.

Jo. Carolus Marchio Baden, S. R. I. Princeps.

Bernardus Willhelmus Marchio Baden, S. R. I. Princeps.

Albertus Ernestus S. R. I. Comes a Wartenberg, e Septemvirali Domo Bavarix.

Alexander Rodolphus ab Holstein, Dux hæreditarius Norvegiæ, Schlefwiciæ, & Holfatiæ &c., Comes Oldenburgensis &c. Prælatus, Archidiaconus, & Custos Cathedralis Ecclesiæ Olomucensis, itemque Archidiaconus Cathedralis Wratislaviensis.

Laurentius Magnus Suecus, Sigismundi Sueciæ Principis Moderator.

Joan-

Joannes Bult, ejusdem Regii Principis a Secretis.

Hector Kotzaun, Decanus Bambergensis, Præpositus S. Jacobi ibidem, Canonicus Herbipolensis, & a Cubiculo Summi Pontificis.

Christophorus Strackwitz, Canonicus Wratislaviensis, & Episcopatus Administrator.

Franciscus de Requesens, Canonicus & Præpositus Cathedralium Olomucensis, & Wratislaviensis, atque eorundem Episcopatum Administrator. Ecclesiam S. Apollinaris heredem scripsit, ubi etiam sepultus est, quum ultimos vitæ annos, dignitatibus amplissimis abdicatis, in Collegio transegisset. Obiit 6. Febr. 1662.

Jo. Hector Schad in Mettelbibrach, Præpositus Jecensis, & Episcopatus Pataviensis Administrator.

Jo. Fridericus Deutsch, Præpositus Cathedralis Halberstadiensis, ubi, sublato ob pacem Monasteriensem Episcopo Catholico, ipse Cleri fuit caput, & Catholicam Religionem solus sustentavit.

Franciscus Uratislaus de Mitrovicz, Sacræ Religionis Hierosolymitanæ Eques Commendatarius, a Sacro suæ Religionis Consilio ad Clementem X. Summum Pontificem Legatus missus.

Elias Castel, Canonicus Olomucensis, & Episcopatus Administrator nomine Archiducis Leopoldi Episcopi Olomucensis.

Joannes Henricus Pascha, Ferdinandi IV. Romanorum Regis Eleemosynarius.

Joannes Wenceslaus Zierowski, Canonicus Wratislaviensis, & Administrator Episcopatus.

Carolus Samuel de Butschki & Rotenfeld, Canonicus Wratislaviensis, & Episcopatus Administrator.

Guillelmus Adalbertus ex S. R. I. Comitib. de Kolowrat, Præpositus Olomucensis, & Episcopat. Administrator.

Fran-

Franciscus Ludovicus Hartmannus a Wassenberg L. B. de Ampringen, Ordinis Teutonici Magnus Magister, S. R. I. Princeps.

Franciscus de Paula ex S. R. I. Comitib. ab Hrzan & Haras, Sacræ Romanæ Rotæ Auditor.

## A L U M N I

## PIETATE AC DOCTRINA ILLUSTRÉS.

Henricus Blyssenius Soc. Jesu, primus omnium in Collegio Germanico Laurea insignitus, vir doctissimus, & Libris editis clarus.

Paulus Hoffæus Soc. Jesu, de re Catholica & opera & Libris editis, potissimum in Bavaria, optime meritus. Splendidiores præfecturas inter suos gessit, & Romæ Assistens pro Germaniæ Provinciis fuit.

Hermannus Thyraeus Soc. Jesu, Hæreticorum insectator acerrimus, quos libris eruditis confutavit. Rexit plura Collegia, & totam Rheni Provinciam.

Stephanus Szánto (scu Arator), ingressus Societatem Jesu, dicendo scribendoque hæreticos innumeros ad Catholicam Religionem traduxit. Heterodoxorum furore in exilium pulsus, obiit Olumucii anno 1612.

Vitus Miletus, Canonicus Wratislaviensis, scripsit apologiam suam & Societatis contra hæreticos.

Balthassar Conigius, Isnensis Præpositus primum, deinde Canonicus Frisingensis, tandem Landshuti Decanus & Parochus, semper & ubique de re Catholica optime meritus.

Iustus Rab Cracoviensis Soc. Jesu, strenuus Religionis defensor, cujus gratia multa pertulit, potissimum in Valachia. Aliquot scripsit libros, & Sigismundo Poloniæ Regi intimus fuit.

Joan-

# VIRORUM ILLUSTRIMUM. 217

Joannes Gibbonus, a Canonicatu Bonnenſi ad Societatem Jeſu tranſgreſſus, plura contra Calviniſianos & Puri-  
tanos Angliæ doctè ſcripſit.

Fabianus Quadrantinus Soc. Jeſu, Concionator egregius. Pruſ-  
ſiam magno labore & libris ſcriptis excoluit, An-  
næ Auſtriacæ Poloniæ Reginæ a ſacris Concionibus  
& Confeſſionibus fuit.

Jacobus Myllerus, Conſtantienſis Diœceſis Viſitator pri-  
mum, deinde Ratiſbonenſis Vicarius Generalis, ad  
obitum uſque magnam habuit opinionem virtutis.

Gerhardus Voſſius, Præpoſitus Tungrenſis, operibus San-  
ctorum Ephrem Syri, Gregorii Thaumaturgi, alio-  
rumque Patrum in latinum verſis & illuſtratis, apud  
doctos viros notiſſimus.

Joannes Arduſphus, in Suecia Miſſionarius. Scripſit Vindicias  
Collegii Germanici contra obtrectatores.

Victor Hoffman, eximie pietatis juvenis, rerum humana-  
rum contemptor ſplendidus, ac miro in Deum amo-  
re ſuccenſus. Obiit in ipſo Collegio anno 1575.

Georgius Gothardus, Canonicus Patavienſis. Volumen ſcrip-  
ſit *De bonorum operum & Sacramentorum neceſſitate*.

Robertus Turnerus, Eloquentiæ Profeſſor Ingolſtadii, li-  
bris editis clarus.

Michael Eiſelim Soc. Jeſu, diſputationibus editis de divi-  
na gratia celebris.

Nicolaus Eringius. Vix e Collegio egreſſus edidit reforma-  
tum Breviarium Trevirenſe.

Bartholomæus Laubichs. )  
Adamus Steinhælen, Ca- ) Sigismundi Sueciæ Regis Theologi, il-  
nonicus Warmienſis. ) luc a Pontifice miſſi, quorum conſilio  
Jacobus Holſten. ) Rex carere paterno regno maluit, quam  
fidem mutare.

Joannes Hueber Soc. Jeſu. Complures Germanice ſcripſit li-  
bros de Dogmatica Theologia.

E c

Geor-

Georgius Witweiler Soc. Jesu, Concionator eximius, & Scripturalibus, Catecheticis, atque historicis vulgatis libris clarus in paucis.

Jo: Henricus ab Heyden, nobilissimus adolescens, Canonicus Trevirensis, ob æximiam pietatem cælestibus visis, ut creditum est, dignatus. Sancte obiit in ipso Collegio, anno 1587.

Adamus Nisselius Soc. Jesu Novitius, ab animi demissione & abstinencia laudatissimus.

Matthæus Schrick Soc. Jesu. Librum edidit contra hæreticos, & vitam scripsit P. Michaelis Lauretani.

Guillelmus de Metternich Soc. Jesu, intima cum Deo conjunctione, ardenti proximos juvandi studio, & piis editis libris conspicuus.

Erhardus Denselius, Protonotarius Apostolicus, & Vicarius Bambergensis. Integros hæreticorum pagos atque oppida ad Catholicam Fidem traduxit.

Willhelmus Veylhamer. Virorum principum gratia, & Ecclesiasticis dignitatibus florens, provecta jam ætate secessit in Societatem Jesu, in eaque pio exitu vitam clausit.

Joannes Isfording Soc. Jesu, linguarum peritia, libris editis, & virtutibus non vulgaribus commendatus.

Jo: Christophorus ex Lib. Baronib. a Neustetter, Decanus Bambergensis, & ibidem Præpositus ad S. Wolfgangum. Ter in Episcopum electus, ter in Capitulo Episcopatum respuit.

Petrus Gebauver electus in Episcopum Wratislaviensem, Episcopatum Ferdinando Carolo Poloniæ Regis patri ultro cessit. Obiit sanctissime post multa egregie facta ad utilitatem Ecclesiæ.

Jacobus Canisius Soc. Jesu, caritate in proximum, & libris contra hæreticos conscriptis, Patru sui Ven. Petri Canisii imitator egregius.

Mel-



Jo. Lorch, Decanus Wratislaviensis, & Præpositus Nissenfis. Catholicæ Religionis promovendæ studio, largos, perpetuosque ære suo statuit reditus, quibus juvenes ad veræ Ecclesiæ sinum venientes sustentarentur.

Melchior Inchoffer Soc. Jesu, vir multiplici doctrina, pluribusque libris in lucem editis notus.

Mathias Faber Soc. Jesu, Concionator insignis. Concionum tria edidit volumina, & alia quædam.

Wolfgangus a Gravenögg Soc. Jesu, insigni vir sanctimonia, magna in primis vitæ austeritate, & erga proximos caritate.

Jo. Adamus Schallus Soc. Jesu, apud Sinarum Imperatorem Tribunalis Mathematici supremus Præfectus. Christi fidem Apostolicis laboribus, & libris editis in eo Regno propagavit, pro eaque carceres ac vincula perpessus est.

Martinus Steineckh Ord. S. Benedicti ad S. Blasium in Silva Hercinia. Obiit cum insigni fama sanctitatis.

Andreas Fornerus, Canonicus Herbipolensis, vir doctus & studio Religionis flagrans. Multa contra hæreticos erudite scripsit.

Andreas Tablerus Ord. S. Pauli primi Eremitæ, vitæ innocentia, Cælitum consortio, doctrina infusa, aliisque supernis donis ita spectatus, ut Beati nuncupationem obtineat in Hungaria.

Leonardus Creder Soc. Jesu, concionandi facultate inter Oratores sui temporis excellens, libris ex Hispanico latine redditus de re ascetica optime meritus.

Fridericus Veylhamer Soc. Jesu. Tridenti decessit magna cum opinione sanctitatis.

Jo. Fridericus Queller Ordinis S. Pauli primi Eremitæ, vir omnium testimonio sanctus, atque instar Cælitum vulgo invocatus in Hungaria.

Michaël Haim, Parochus in Ducatu Neoburgensi, ubi multos ad catholicam fidem pertraxit.

Cyprianus Hohperger Ord. S. Pauli primi Eremitæ, vir modestia, pietate, abstinencia singulari, nunquam otiosus, in procuranda animarum salute indefessus.

Georgius Emericus Nagy Ord. S. Pauli primi Eremitæ, sanctitate vitæ, pluribusque in suo Ordine gestis muneribus clarissimus.

Eusebius ex Comitibus & Dapiferis hæreditariis S. R. I. de Truchses, Societatem Jesu ingressus, cum pietate non vulgari parem junxit doctrinam. Libros Philosophicos & Theologicos edidit, & Assitens pro Germania Romæ fuit.

Ferdinandus Grieskircher Ord. S. Pauli primi Eremitæ, Scriptor egregius.

Petrus Bolla Ordinis S. Pauli primi Eremitæ. Elegias & Epigrammata sacra typis edidit.

Jo. Franciscus Fluske, officio Parochus, inter Hæreticos utiliter laboravit, ex iisque complures ad catholicam fidem traduxit.

Richardus Heydinger, Canonicus Regularis Lateranensis ad S. Florianum. Recusata Infula, quam ei Canonici unanimi suffragio obtulerant, eximiis tantum virtutibus inter suos clarere maluit, bene alioqui meritis de suo Cœnobio.

Augustinus Bolla Ord. S. Pauli primi Eremitæ. Apostolicis laboribus in Hungaria plurimum defudavit.

Petrus Ignatius S. R. I. Comes a Strasoldo, tanta animi demissione vir, ut indignum se putaverit Sacerdotio. Itaque vita pie sancteque traducta, in bona senectute Diaconus obiit.

Marquardus Hergott, Ord. S. Benedicti ad S. Blasium in Silva Hercinia. Historiam Augustæ Familiæ Austriacæ conscripsit.

Hen-

Valterus ex Lib. Baronib. de Voigt, Ord. S. Benedicti ad  
Sñum Salvatorem Fuldæ. Magnam moriens sanctita-  
tis famam reliquit.

## A L U M N I

### VEL PRO FIDE OCCISI

#### VEL IN OFFICIO CARITATIS EXSTINCTI.

Martinus Weinreichius, Catholici Dogmatis defensor stre-  
nuus, in obsequio tabidorum extinctus.

Fridericus Bartscius Prutenus Soc. Jesu. Theologica doctri-  
na, libris scriptis, eximiis virtutibus clarus, & Sigi-  
smundo III. Poloniæ Regi a sacris Confessionibus,  
quem secutus in Moscovitica expeditione, dum mi-  
lites contagio laborantes sedulo procurat, eodem  
morbo correptus occubuit.

Gualterius Belius, Ecclesiæ Curiensis Decanus, lue sæviente  
in officio caritatis extinctus.

Robertus Janfonus, ab Hæreticis in Anglia interfectus.

Joannes Goffinus Villarius, in territorio Leodiensi Parochus,  
in odium fidei interemptus.

Leo Hoffman, Præpositus Badensis. Propter Catholicam Fi-  
dem carceri inancipatus, in eodem occubuit.

Marcus Stephanus Crisinus, Canonicus Strigoniensis, Casso-  
viæ a Calvinistis crudelissime interfectus.

Joannes Reubi, peste laborantibus in Suevia deserviens, obiit.

Josephus Matthæus Mercklinger Argentoratensis. Per an-  
nos 25. Fidem Catholicam contra Lutheranos acerrime  
in patria propugnavit, ac pro eadem in carceri-  
bus detentus interiit.

Elias Franciscus Mayer. Viennæ in contagiosorum obsequio  
victima caritatis cecidit.

An-

- Andreas Peczi, in Hungaria peste sublatuſ, dum ea lue laborantibus impigre deſerviret.
- Joannes Kapronczay, Parochuſ Nitrienſiſ, dum Catholicæ Fidei propagandæ operam navat, ab hæreticis veneno ſublatus.
- Petrus Tarli, Parochuſ ad S. Nicolaum Sárvárieſem. Graſſante peſtilentia, ex ægrotorum quibus ſubſerviebat attactu tabem hauſit, ac pie deceſſit.
- Joannes Sellei, Parochuſ ad Tyrnaviam, in odium fidei a Turciſ capite obtruncatuſ.
- Petrus Parrady, Canonicuſ Poſoniienſiſ, in Hungaria a rebellibus hæreticis occiſuſ.
- Stephanuſ Dobyſ, Canonicuſ Strigoniienſiſ, in odium fidei crudeliſſime necatuſ.
- Chriſtianuſ Otterſtetter Ordiniſ Ciſterciienſiſ, ab hæreticis per medium diſſectuſ.
- Stephanuſ Jóſa, in Hungaria Fidei cauſa trucidatuſ.
- Jacobuſ Szalay, dum peſte infectiſ ſacra miniſtraret, eadem vi morbi ſublatus.
- Stephanuſ Stanislaſ Györffy, in eodem caritatiſ officio exſtinctuſ.
- Petruſ Gnad, Ord. S. Pauli primi Eremitæ Miſſionariuſ. Ex eadem cauſa idem mortis genus oppetiit.
- Franciſcuſ Miho, curam tabidorum gerens, contracta peſte gloriouſ occubuit.
- Joanneſ Gellert, cum peſte laborantibus ſacramenta miniſtraret, palmam eandem abſtulit.
- Joanneſ Palugyay, dum lue correptiſ opem ferret, Galgozii in Hungaria abſumptuſ.

## INDEX RERUM.

## A

**A**dhortationes pie quam crebre in Collegio. [lib. 4. n. 54.](#) & [56.](#)

Agricola ( Christianus ) diocesim Vormatensem lustrat. [lib. 3. n. 88.](#)

Albanus ( Alexander Cardinalis ) Protectorum antiquissimus, Collegii curam præcipuam gerit. [lib. 4. n. 13.](#)

Albertus Bavariz Dux Collegium meditatut Germanico simile, consulitque ea de re S. Ignatium [lib. 1. n. 24.](#) Unum ex Alumnis reposcit ab Archiepiscopo Moguntino. [lib. 3. n. 50.](#)

Altempius Card. Episc. Constantiensis uni ex Alumnis lustrationem committit suæ diocesis. [lib. 3. n. 85.](#)

Alumni primi in Collegium recepti.

[lib. 1. n. 18.](#) In magna rerum angustia sustentantur a S. Ignatio. [ibid. n. 29.](#) Bello ingruente ditribuuntur

per domos Societatis. [n. 34.](#) Ignatium loco Parentis habent coluntque. [n. 28.](#) Alumnis adduntur Convictores. [n. 44.](#) Diversa disciplina

gubernantur Alumni ac Convictores. [n. 46.](#) Alumnorum pius ardor pestilenti lue sævient. [n. 60.](#) Ducendorum funerum procuracionem

suscipiunt. [n. 61.](#) Ut Christianis virtutibus informarentur. [n. 62.](#) Quam

sedulam darent operam studiis. [n. 63.](#) Alumnorum numerus usque ad Gregorium XIII.

[n. 71.](#) Quidam in Societatem Jesu transgressi. [n. 71.](#) & seq.

Quales redirent in Germaniam Alumni. [n. 78.](#) Inducantur eorum

labores Apostolici. [n. 79.](#)

Alumni post inlaurationem a Gregorio XIII. Collegium. Primus eorum

adventus. [lib. 2. num. 15.](#) Separantur a Convictoribus, & propriam

in domum traducuntur. [ibid. n. 17.](#) Admittuntur a Pontifice ad pedis

osculum. [n. 18.](#) Crescit Alumnorum numerus ad centum. [n. 22.](#)

Transferuntur ad Palatium S. Apol-

linaris. [n. 23.](#) Templi quoque possessionem capiunt. [n. 25.](#) Partem

laboris sumunt in Templo sarciendo. [n. 32.](#) Sacras cæremonias peragunt magna dignitate in D. Apol-

linaris. [n. 33.](#) Viliora quæque Templi ministeria obeunt. [n. 34.](#) Alumni

nationis Hungaricæ junguntur Germanis. [n. 44.](#) & [45.](#) Qua discipli-

na Alumni continerentur sub Michaele Lauretano Rectore. [n. 59.](#)

& seq. Supplicationes ab iis habitæ anno piaculari [1575. n. 63.](#) Quantus

pietatis fervor inter eos exarsit eodem anno. [n. 64.](#) Ut laboribus

Apostolicis assueherent. [n. 64.](#) Quanta dignitate sacros Ecclesiæ ritus

exercebant. [n. 67.](#) Cantum ediscunt tum Gregorianum, tum figuratum. [n. 68.](#) Quam bene affecti erga Rectorem suum Lauretanum. [n. 70.](#)

Alumni hujus temporis commodius habitant. [lib. 4. n. 4.](#) Eorum cubi-

cula. [ibid. num. 5.](#) Indumentum. [n. 16.](#) Quam propria eorum compositio & gravitas Ecclesiastica. [n. 17.](#)

Numerus Alumnorum. [n. 20.](#) Quo pacto fiat Alumnorum delectus. [n. 21.](#) Quid præcipue spectetur in

admissionibus. [n. 22.](#) Quibus conditionibus accerantur Romam. [n. 25.](#) Novitiatus. [n. 26.](#) Juramenta quæ præstare jubentur. [n. 28.](#)

Fiunt Sacerdotes titulo Sacrarum Missionum. [n. 34.](#) Qui digni sunt creantur Doctores. [n. 35.](#) Discessuri

adeunt Summum Pontificem. [n. 36.](#) Qua cæremonia e Collegio discedant. [n. 37.](#) Redire jubentur in patriam via brevior. [n. 38.](#) Alumnis omnia necessaria gratis subministrantur. [n. 39.](#) Qualis eorum victus sit. [n. 40.](#) Ut plectantur errata. [n. 41.](#) Quas frequentent scholas. [n. 43.](#) Quibus studiis dent operam. [n. 47.](#) Quot ad studendum stimuli. [n. 48.](#) & seq. Pietatis officia. [n. 52.](#) & seq.

Can.

- Cantum Gregorianum ediscunt, & exercent. n. 58. Itemque sacros Ecclesie ritus. n. 59. Ut ad concionandum exerceantur. n. 62. & seq. Animi relaxationes iis permisit. n. 66. & seq. Honor Alumnis deferri solitus in Sacello Pontificio. n. 70.
- Alumni munere aliquo aut præfectura insigniti. Bibliothecarius. lib. 4. n. 7. Aeditui duo. ibid. n. 12. Magister ac Ductor Tironum. n. 27. Belli quos vocant Scholarum. n. 50. Præfetti cantus. n. 58. Cæremoniarius Magister cum Socio adjutore. n. 59.
- Anisius (Michael) cum magno populi assensu concionatur Monachii. lib. 3. n. 54.
- S. Apollinaris palatium Collegio traditur. lib. 2. n. 23. Mox etiam Templum. ibid. n. 24. Templi hujus Historia a suis initis. n. 26. Repurgatur Templum ornaturque. n. 31. Diruitur, ac novum ex integro excitatur. lib. 4. n. 12.
- Apostoli e Collegio plures initio, deinde plures Episcopi. lib. 3. n. 2.
- Aquaviva (Ven. Rodolphus) pietatem inter Alumnos exemplo promovet. lib. 2. n. 61.
- Aque Virginis duæ uncie Collegio attributæ. lib. 2. n. 28.
- Ara S. Ignatio dicata in æde Apollinaris. lib. 1. n. 38.
- Arator (Stephanus) cum hæreticis sæpe congregitur, semper victor. lib. 1. n. 75.
- Ardulphus (Joannes) Vindicias Collegii scribit. lib. 3. n. 140.
- B**
- Baakes (Andreas) reformat Monasterium Mettense. lib. 3. n. 57.
- Bartzius (Fridericus) egregie rem gerit Brunsvigæ. lib. 3. n. 110.
- Bavariam Alumni excolunt. lib. 3. n. 50. & seq.
- Bellajus (Joannes Cardinalis) præclare de Collegio meretur. lib. 1. n. 41.
- Bellii (Gualterii) pietas, & mors in officio charitatis. lib. 3. n. 114.
- Bellum inter Paulum IV. Pont. & Philippum Hispaniæ Regem. lib. 1. n. 34. Belli exitus. ibid. n. 43.
- Benedictus XIII. Alumnos Collegii laudat a compositione & modestia. lib. 4. n. 18.
- Benedictus XIV. de Collegio ac Templo S. Apollinaris insigniter meritus. lib. 4. n. 12.
- Binsfeldius (Petrus) Brumienſe oppidum ac Monasterium reformat. lib. 3. n. 33. & seq. Ejus litteræ ad Lauretanum de negotio Brumienſi. ibid. n. 35. Scribit ad sodales epistolam paræneticam. n. 36. Evocat Treviros, & sit Episcopus, Vicariusque Archiepiscopi. n. 38. Quædam de ejus virtutibus & doctrina. n. 39.
- Blyſemius (Henricus) gestis in Societate magistratibus, & libris editis clarus. lib. 1. n. 74.
- Borgia (S. Franciscus) creatur Præpositus Generalis Societatis. lib. 1. n. 55. S. Pio V. Pontifici carus. ib. n. 59. Comædias vetat Convictoribus. ibid. n. 65. Eisdem postea permittit. n. 68.
- Brigantium, Oppidum Anabaptistarum furore correptum. lib. 3. n. 84.
- Bulla Julii III. de erectione Collegii. Post lib. 1. pag. 45.
- Bulla Gregorii XIII. de Collegii instauratione. lib. 2. n. 9.
- Bulla de erectione Collegii Hungarici cum assignatione proventuum. lib. 2. n. 42.
- Bulla Constitutionum. Post lib. 2. pag. 93.
- C**
- Alumnæ contra Collegii famam. lib. 1. n. 71. Renovantur, ac diluuntur. ibid. n. 47. & 50.
- Canisii (Petri) colloquium cum Gregorio Pontifice de rebus Germanicis. lib. 2. n. 4.
- Canonici S. Apollinaris suam Collegio ædem concedunt. lib. 2. n. 24.
- Canonicatus, alique Germaniæ dignitates Alumnis facile conceduntur. lib. 4. n. 56.

- Cantus Gregoriani studium in Collegio. lib.4. n.58.
- Carbonis (Joannis) Apostolicus labor prope Viennam. lib.3. n.77.
- Cardinalium liberalitas erga Collegium. lib.1. n.11. Hujus rei monumentum. Post lib.1. pag.44. Nova eorumdem beneficentia. lib.1. n.40. Cardinalium Protectorum munus & auctoritas. lib.2. n.4. Atque iterum lib.4. n.13.
- S. Carolus Borromæus Ipse de se magnam facit Collegio sub avunculo Pio IV. lib.1. n.48. Collegium in possessionem immittit Sacerdoti Laudensis. lib.2. n.36.
- Castorius (Bernardinus) privilegium impetrat pro Collegii doctoratibus. lib.3. n.61.
- Cervinus (Marcellus Cardinalis) urget Collegii institutionem apud Julium Pontificem. lib.1. n.8. Et apud Cardinales. ibid. n.9. Fit Pontifex, sed brevi excedit. n.27.
- Chemnitii Lutherani amara vox de Collegio Germanico. lib.1. n.23.
- Collegium Germanicum decernitur Pontificis & Cardinalium sumptu sustentandum. lib.1. n.11. Collegii dies natalis. ibid. n.22. Ejus prima sedes. n.16. Collegii angustia post obitum Julii III. n.27. Collegio adduntur Convictores. 44. Aliæ atque alix Collegii sedes. n.45. Iterum transfertur in aliam sedem. num.54. Nova Collegii habitatio. lib.2. n.13. Ei jungitur Collegium nationis Hungaricæ. ibid. num.44. Quale Collegium fuerit Michaelæ Lauretano Rectore. n.69. Quanta ejus opinio in Germania. num.71. Quanta apud ipsos hæreticos existimatio. n.72. Collegii novum ædificium multo nunc quam antea commodius. lib.4. n.4. Ejusdem hodie proventus, eorumque administratio. ibid. n.15.
- Collegium Romanum augetur Scholis superioribus in gratiam Germanici. lib.1. n.17. Opibus etiam atque ædificio amplificatur ob eandem causam. lib.2. n.58.
- Collegia alia Romæ atque alibi a Gregorio XIII. condita. lib.2. n.57.
- Comædiæ Convictoribus in Collegio vetitæ. lib.1. n.64. Deinde permittæ. ibid. n.68. Gravis perturbatio per causam comædiarum exorta. ibid. n.69. Comædias nunc Alumni spectant in Seminario Romano. lib.4. n.68.
- Comenlis Cardinalis unus ex Collegii Protectoribus. lib.2. n.21.
- Conciones sacræ, quibus Alumni exercentur. lib.4. n.62. & seq.
- Congregationes B. Virginis in Collegio erectæ. lib.4. n.54.
- Conigius (Baldassar) Concionator excellens, & rebus gestis clarus. lib.3. n.55. Quædam ejus acta Landshuti. ibid. n.56.
- Contarellus (Matthæus Cardinalis) augendum opibus atque ædificio Collegium Romanum curat. lib.2. n.58.
- Convictores in Collegium inducti. 1.1. n.44. Ingens eorum numerus, & præclara conditio. ibid. n.47. Actiones comicæ edunt. Offensio inde orta. n.64. Eorum aliqui transeunt in Seminarium Romanum. n.66. Reddi sibi actiones scenicas postulant, atque impetrant. n.67. Facinus per eam occasionem admissum. n.69. Agitur de removendis a Collegio Convictoribus, sed nullo effectu. n.70. Separantur ab Alumnis, ac Seminario Romano adduntur. lib.2. n.16. & 17.
- Cortefonus (Jacobus) Collegii Rector. lib.1. n.66.
- Cubacula Alumnorum. lib.4. n.5.

## D

Disputationes Alumnorum variz lib.4. n.48. Honoratioris quædam ex merito decerni solitæ. ibid. num.50.

Divi nationum, quibus Collegium constat, Patroni. lib.4. n.32.

F f

Do-

Doctratus Collegii in controversiam vocati . lib.3. num.60. Privilegium Imperiale de iis . ibid.n.61.

Doctores laureati cæteris operariis in Germania utiles . lib.3. n.7.

Drumius ( Martinus ) in aula Bavarica Consiliarius & Concionator . lib.3. num.52.

Duirrus ( Jacobus ) paræciam suam ab hæreticorum contagione servat immunem . lib.3. n.42.

## E

**E**der ( Bernardus ) Collegio Germanico , & Gregorio XIII. gratum se præbet . lib.3. n.101.

Egloffius ( Johannes ) Grammaticam docet in Seminario Eichstadiensi . lib.3. num.100.

Eichstadiensis Episcopus Seminarium suum Alumnis administrandum tradit . lib.3. n.99. & 100.

Eisfeldiam Alumnus excolunt . lib.3. n.6. & seqq. Res gestæ in Eisfeldia lue ferviente . ibid. n.14.

Elgardus ( Nicolaus ) Eisfeldiam excolit . lib.3. n.6. Fit Episcopus Suffraganeus Erfordiz . ibid. n.17. Multiplices ejus molestiæ ab hæreticis . num.18. Concionari pergit quamvis prohibitus n.19. Episcopalia exercet n.20. Ejus litteræ ad Cardinalem Comensem . n.21.

Eltzius ( Jacobus ) Archiep. & Elector Trevirensis . Alumnos adhibet ad suam excolendam diocesim . lib.3. n.32. & seqq. Ejus mors ibid.n.45.

Enlishemii Collegium Societatis conditur Alumnus unius opera . lib.3. n.108.

Episcopi Germaniz Evangelicos operarios & Collegio depolcunt . lib.3. num.4.

Erfordiz Alumnus strenue laborant pro fide Catholica . lib.3. n.17. & seq. Iterum n.26. & seqq.

Eringius ( Nicolaus ) reformat Breviarium Trevirensis . lib.3. n.41.

S. Eultratii & Soc. MM. dies festa magno apparatu celebratur in S. Apollinaris . lib.4. n.63.

Examen quotannis in Collegio duplex . lib.4. n.49. Examen de cantu . ibid. num.58.

Exercitia spiritualia quovis anno Alumnus obeunt . lib.4. n.57.

## F

**F**abritius ( Adamus ) Eloquentiz Præceptor in Seminario Eichstadiensi . lib.3. n.100.

Fabritius ( David ) rem egregie gerit Hasburgi . lib.3. n.105. & seqq.

Ferdinandus Romanorum Rex selectos Juvenes in Collegium mittit . lib.1. num.25. Ejus liberalitas erga Collegium & Societatem . ibid. n.30.

Ferdinandi II. Imperatoris Privilegium de Collegii doctoratibus . lib.3. num.61.

Ferdinandus Archidux uno ex Alumnis utitur ad subigendos Brigantinos Anabaptistas . lib.3. n.83.

Fischerus ( Bartholomæus ) Collegio Georgiano præest Ingolstadii . lib.3. n.58. Ejus litteræ ad sodales . ibid. n.59. Fit Canonicus Ratisbonensis . num.60.

Fischerus ( Joannes ) in Diocesi Herbipolensi Parochus indefessus . lib.3. num.102.

Florshutzius ( Nicolaus ) paræciam amplam administrat in Herbipolensi Diocesi . lib.3. n.101.

Frußius ( Andreas ) primus Collegii Rector . lib.1. n.16. Ut Alumnorum disciplinam temperaret . ibid. n.31. Ejus mors . n.38.

## G

**G**entili ( Antonius Xaverius Cardinalis ) aram excitat SS. Martyrum Primi & Feliciani in Templo S. Stephani in Monte Cælio . lib.2. n.47.

Ghislerii ac Bonelli S. Pii V. confanguinei in Collegio Convictores . lib.1. num.56.

Gibbonus ( Joannes ) e Canonico Bonensis Jesuita multis nominibus clarus . lib.1. n.76.

Go-



Gothardus ( Georgius ) pietatis ac doctrinæ documenta præbet Pataviæ .

lib.1. n.79.

Gratiarum solemnes actiones in Collegio institutæ pro acceptis beneficiis .

lib.2. n.12.

S. Gregorii VII. litteræ ad Olavum Norvegicæ Regem . lib.4. n.2.

Gregorius XIII. novus Collegii Fundator merito appellatus . lib.2. n.1.

Omissa Turcici belli cura, verit se ad sananda Germaniæ vulnera. ibid.

n.3. Collegii Germanici instaurationem decernit . num.5. Rem Jesuitis committit . n.6. Scribit ad Germaniæ Principes , & legationem ad eos mittit . n.8. Bullam edit de novo

Collegio. n.9. Gregorii liberalitas in adornanda Collegii domo . num.13.

Collegium invisit . num.18. Palatium Sancti Apollinaris Collegio

tradit . n.23. Mox etiam Templum

n.24. Alios Collegio fundos assignat

n.36. & 37. Alia quædam ejus beneficia . num.38. Villam suburbanam

emit pro Collegio . num.39. Collegio Cardinales V. Protectores imponit . num.40. Collegium condit

nationis Hungariæ cum sua dote .

n.41. & 42. idque Germanico jungit in eadem domo . n.45. Bullam

edit Constitutionum. n.52. Moritur ,

cique etiam nunc Alumni iusta persolvunt . n.53. Quanta benevolentia

Alumnos complecteretur . n.53. Largitiones Indulgentiarum ab eo factæ

Collegio . n.56. Collegia alia ab eodem condita . n.57. Ut Collegium

Romanum amplificaverit in gratiam

Germanici . n.58.

Gropperus ( Gaspar ) Legatus Pontificis ad Germaniæ Principes per causam Collegii . lib.2. n.8.

Guillelmus Baviaræ Dux unum ex Alumnis poscit ad ministerium sacelli aulici . lib.3. n.66. Ejus acta approbat , ac defendit . ibid. n.72.

Guillenfeldus ( Maternus ) pietatem ferit inter milites . lib.3. n.44.

Guisonius ( Ursinus ) Collegii Rector . lib.1. n.39.

H

H Eidenus ( Henricus ) Canonicus Trevirensis in Collegium se recipit . lib.3. n.47.

Helfensteinius ( Georgius ) ad Pontificem legatus . lib.3. n.49.

Herzæus ( Jacobus ) in Eisfeldia operarius . lib.3. n.8. Audax hæretici cujusdam facinus adversus eum .

ibid. n.9.

Heysius ( Joannes ) Philosophiam docet in Seminario Eichstadiensi . lib.3. num.100.

Hirlinæus ( Joannes ) publico Gymnasio præest Ensisheimii , idque postea Societati concedit . lib.3. 108.

Hoffmannus ( Ætherius ) præclare rem gerit Moguntia . lib.3. n.25.

Ab Homburg ( Daniel ) Archiepisc. & Elector Moguntinus Alumnos evocat in suam diœcesim . lib.3. n.5.

Hortmannus ( Sebastianus ) ad Catholicam fidem transgressus , eam mira constantia retinet . lib.3. n.110.

Hortulanus ( Felix ) Paræciam cum laude administrat Treviris . lib.3. n.40.

I

J Esuitæ in Collegio degentes , eorumque officia . lib.4. n.14.

S. Ignatii curæ Germania , Luthero contra Ecclesiam debaccante . lib.1. n.1. & seq. Quamdam Collegii Germanici imaginem sibi adumbrat .

ibid. n.5. Ejus colloquium cum Cardinali Morono . n.5. Collegii consociendi negotium suscipit num.7.

Ignatio ejusque Ordini committitur Collegii erigendi & administrandi provincia . n.12. Leges Collegii scribit Ignatius . n.15. Collegium in summis angustiis sublevar , ac tuetur .

n.29. Missos a Ferdinando Romanorum Rege juvenes recipit in suam Societatem . n.30. Ejus de statu Collegii litteræ ad Petrum Canisium .

n.33. Bello ingruente Alumnos per varia sui ordinis domicilia distribuit .

num.34. Ignatii mira constantia in

tueno Collegio adversus omnes humanas rationes. n.35. Quoddam ejus vaticinium de futura Collegii sorte. n.36. Mors S. Ignatii. n.37. Eum Parentis loco Alumni habent, coluntque singulari pietate. n.38. Imago B. Mariæ Virginis clara miraculis in porticu S. Apollinaris. lib.2. num.29.  
 Imagines virorum illustrium per parietes Collegii appensæ. lib.4. n.9.  
 Immunitas ab omni vectigali Collegio attributa. lib.2. n.38.  
 Indulgentiæ Collegio concessæ. lib.2. num.56.  
 Joannes III. Sveciæ Rex Operarios Evangelicos poscit a Pontifice. lib.3. n.117. Catholicæ Religionis favet impensè. ibid. n.119. Ejurat hæresim, at quædam sibi a Pontifice concedi postulat. n.120. Reiciuntur ejus postulata. n.121. Rex Possevinum Pontificis Legatum recipit cum magno honore. n.125. Repulsam ægre fert, atque omnia bene cæpta rescindit. n.128. & seq.  
 Josephus II. Imperator Collegium humani sisme invisit. lib.4. n.72.  
 Julius III. Collegii Germanici institutionem comprobat. lib.1. n.8. Quintingentos aureos promittit ad ejus sustentationem. ibid. n.11. Bullam edit de institutione Collegii. num.13.  
 Juramenta quæ olim Alumni præstabant. lib.1. n.21. Quæ modo præstant. lib.4. n.28. Quale illud sit de non amplectendo statu religioso. ibid. n.29.

## L

**L** Ainius ( Jacobus ) Societatis Præpositus Generalis penuriam Collegii sublevar. lib.1. n.39. Ei Convictores diversarum gentium adjungit. ibid. n.44.  
 Lateranenses Canonici item Collegio intentant de Templo S. Stephani in monte Cælio. lib.2. n.51.  
 Lauretanus ( Michael ) Collegio Re-ctor imponitur. lib.2. n.14. Alum-

nos dividit a Convictoribus, tradueitque propriam in domum. ibid. n.17. Palatium impetrat S. Apollinaris. n.23. Mox etiam Templum n.24. Templum squalens repurgat ac reficit. n.31. Lauretani quæ fuerit gubernandi ratio. n.59. Immorigeros e Collegio dimittit. num.60. Pietatis primam curam gerit. n.61. Alumnos ad Apostolatium informat. n.64. Studia litterarum promovet. n.66. Sacris Ecclesiæ ritibus insistit. n.67. Quale Collegium reliquerit. n.69. Alumnorum mira erga Lauretanum benevolentia. num.70. Nec mortui carere sultinent. ibid.  
 Lauretani litteræ consolatoriz ad Walramum Tumulrum. lib.3. n.74.  
 Legatum Petri Pazmanni Cardinalis pro Alumnis Hungaris. lib.4. n.36.  
 Legatum Hugonis ab Orsbeck Archiepiscopi Trevirensis pro Odeo Sancti Apollinaris. lib.4. n.61.  
 Leges Collegii ab ipso S. Ignatio conscriptæ. Post lib.1. pag.49. Leges alias Collegio præscribunt Cardinales Protectores. lib.2. n.21. Leges Gregorianæ non adstringunt conscientiam. ibid. n.53.  
 Lindener ( Guillelmus ) paræciam Vilmarinam administrat in Trevirensi Diocesi. lib.3. n.40.  
 Lingua tantum Italica aut Latina Alumnis permissa. lib.4. n.14.  
 Ludi Alumnis permitti in suburbano. lib.4. n.67.  
 Lutheri calumniæ contra Pontificem & Urbem Roman. lib.1. n.3.

## M

**M** Artorum corpora in Divi A pollinaris æde recondita. lib.2. n.28. Alia in templo S. Stephani in monte Cælio. ibid. n.47.  
 Mercurianus ( Everardus ) fit Præpositus Generalis Societatis, eique Collegii instaurandi cura committitur a Pontifice. lib.2. n.6.  
 Milesius ( Vitus ) egregie rem gerit in aula Moguntina. lib.3. n.22. Scribit de

de fe, ac de aliis Alumnis ad Cardinalem Comensem . *ibid.* num. 24. Ejusdem acta Erfordiz . n. 72. Libel. lum maledicum scripto confutat . n. 28. Societatis quoque famam defendit . n. 30.

Millerus ( Jacobus ) Constantiensis Urbis Visitator offendit apud Archiducem Ferdinandum . lib. 3. n. 81. Purgat se, ab eoque in gratiam recipitur . *Ibid.* n. 83. Ejus expeditio ad Brigantinos, & operæ fructus . *ibid.* n. 84. Totam Diocesim Constantiensem lustrat n. 85. Pericula quæ adiit, ac superavit . n. 87.

Milonius ( Nicolaus ) in Sueciam missus . lib. 3. n. 122. & seqq.

Moguntinam Diocesim Alumnæ excolunt . lib. 3. n. 5. & seq.

Monachi in Collegium recipiuntur . lib. 4. n. 19. Eorum numerus . *Ibid.* num. 23.

Montani ( Laurentii ) luctuosa defectio in Suecia . lib. 3. n. 137.

Moronus ( Joannes Cardinalis ) agit cum S. Ignatio de Collegio excitando . lib. 1. n. 6. In eandem deliberationem pertrahit Julium III. Pont. *ibid.* n. 8. Idem persuadet Cardinalibus . n. 9. Ejus oratio in Consistorio . n. 10. Gregorium XIII. incendit ad Collegium instaurandum . lib. 2. n. 5. In Concilio Tridentino urget decretum de Seminariis Episcopalibus proposito Collegii Germanici exemplo . lib. 1. n. 26.

Murarius ( Lucas ) in Eisfeldia Parochus dire vexatur ab hæreticis . lib. 3. n. 15.

## N

Nationum discrimina inter Alumnos . lib. 4. n. 31.

Nicolaus V. Templum reficit S. Stephani in monte Cælio . lib. 2. n. 49.

Norvegus ( Laurentius ) in Sueciam mittitur . lib. 3. n. 118. Scholis Stocholmiensibus Rector imponitur, & Seminarium aperit . *ibid.* n. 119. Regno discedit . n. 131.

Novitii a Veteranis in Collegio discreti . lib. 4. n. 6. Novitarius ad annum producit . *Ibid.* n. 27.

## O

Odæum S. Apollinaris quale sit . lib. 4. n. 61.

Officia divina ab Alumnis celebrari solita . lib. 4. n. 60.

Ogilbenus ( Petrus ) Parochus in Dicecesi Tridentina . lib. 3. num. 113.

Olmucii atrox discordia ex electione duorum Episcoporum . lib. 3. n. 89. Discordiæ exitus . *ibid.* n. 98.

Orationis studium quo Alumnæ tenebantur sub Lauretano . lib. 2. n. 62.

Oratiuncula in Sacello Pontificio . lib. 4. n. 63.

Ab Orsbeck ( Hugo ) Elector Trevirensis Legatum relinquit pro Odæo S. Apollinaris . lib. 4. n. 61.

Orth ( Adamus ) disputat cum Lutherano insigni, eumque confundit . lib. 3. n. 63. Ejus virtus elucet inter Canonicos Ratisbonenses . *ibid.* n. 65.

Ofnabrugi omnia Catholica Religioni adversa . lib. 3. n. 105.

## P

Parochus S. Apollinaris nullam potestatem gerit intra Collegium . lib. 2. num. 25.

Paulus IV. Pontifex Collegio laboranti nihil præbet . lib. 1. n. 28.

S. Pauli Eremitæ amovenitur a Templo S. Stephani in monte Cælio . lib. 2. n. 43. Ut Templum istud possederint . *ibid.* n. 49. Ut prædium acquisierint S. Mariæ in Celsano . n. 50.

Pauluschi ( Stanislaus ) eligitur Episcopus Olomucensis . lib. 3. n. 97. Ejus severitas contra alium Alumnem veneficii convictum . *ibid.* n. 98.

Pazmanii ( Petri Cardinalis ) Legatum pro Alumnis Hungaris . lib. 4. n. 36. Peculium quoddam Alumnis fere necessarium . lib. 4. n. 45.

Peruscius ( Jo. Baptista ) primus Seminarii Romani Rector . lib. 1. n. 53.

Pettingerus ( Christophorus ) præ cunctis

- Ætis Canonici carus Episcopo Patavienſi . lib.3. n.80.
- Philippini ( Joannis ) ambitio impotens , male artes , exitus luſtuosus . lib.3. a n.90. ad 98.
- Picula pro Alumnis vita functis . lib.4. num.55.
- Pistorius ( Joannes ) in Collegium veniens ſua omnia dividit inter pauperes . lib.2. n.15.
- Pietatis officia Alumnis præſcripta . lib.4. n.52. Pietas præcipua erga B. Virginem . ibid. n.54.
- Pius IV. bene de Collegio meretur . lib.1. num.49. Collegium ipſum in- viſit , ejuſque famam contra obtre- ctatores tuetur . ibid. n.51. Condit Seminarium Romanum , traditque Societati . n.52.
- S. Pius V. eligitur Pontifex . lib.1. n.55. Collegii lætitia ob eam rem . ibid. num.56. Conviſtores conſanguineos ſuos manere in Collegio jubet . n.57. Nonnulla beneficia deſert Collegio . num.58.
- Pœnæ quibus Alumnorum errata ple- ctuntur . lib.4. n.41.
- Polſevini ( Petri ) celebriſ expeditio in Sueciam a ſuis initiis uſque ad exitum . lib.3. n.116. & ſeqq.
- Præſecti Alumnorum , eorumque munus . lib.4. n.6.
- Prædia quædam Collegio attributa . lib.2. n.26. & 27.
- SS. Primi & Feliciani MM. corpora in æde S. Stephani . lib.2. n.47.
- Privilegium Collegio conceſſum a Phil-ippo Hiſpaniarum Rege . lib.2. num.38.
- Privilegium Imperiale Ferdinandi II. de Collegii doctoratibus . lib.3. n.61. Ejus exemplum . Poſt lib.3. pag. 158.

## Q

- Q Uadrantinus ( Fabianus ) in au- la Polonica Concionator , & Regi- næ a confeſſionibus . lib.1. num.77.

- R Abus ( Juſtus ) multarum vir litte- rarum , Sigismundi Poloniæ Re- gis Conſeſarius . lib.1. n.77.
- A Reitenau ( Volfangus Theodoricus ) Archiep. Salisburgenſis ſex candela- bra argentea dono mittit Collegio . lib.3. n.112.
- Relaxationes animi Alumnis permiſſæ . lib.4. n.66. & ſeq.
- Rodolphus Imperator Alumnorum ope- ra utitur ad tuitionem Religionis . lib.3. n.76.
- Romæ prima ponuntur Collegiorum exempla . lib.4. n.1.
- Romæus ( Sebaſtianus ) Collegii Re- ctor paulo indulgentior . lib.1. n.67. Amovere nititur e Collegio Convi- ctiores . ibid. n.70.

## S

- S Sabbæ Monafterium , ejuſque ſ. historia a ſuis initiis . lib.2. n.10. & ſeq.
- Sacellum Pontificium Alumno adeunt , in eoque honorem præcipuum fe- runt certis diebus . lib.4. n.69.
- Sacramentorum frequentia Alumnis præſcripta . lib.4. n.53.
- Saliceus ( Joannes ) paræciam Polche- menſem ſedulo adminiſtrat . lib.3. num.40.
- Salis quædam portio Collegio attribu- ta . lib.2. num.38.
- Scheffartus a Merode ( Adrianus ) Ca- nonicus Trevirenſis , idemque Alu- mnus , & ad Pontificem Nuntius . lib.3. n.46. & ſeq.
- A Schoneburgo ( Joannes ) creatur Archiepiſc. & Elector Trevirenſis . lib.3. n.45.
- Schnegaſius ( Simon ) Grammaticam docet in Seminario Eichſtadienſi . lib.3. n.100.
- Scholæ Vaticana & Lateranenſis Col- legiorum prima rudimenta . lib.4. n.1.
- Scholæſticæ Alumnorum exercitatio- nes . lib.4. n.48.
- Schutzius ( Jacobus ) apud Episcopum Argen-

# INDEX RERUM.

231

- Argentinenſem mire gratioſus . l.3. num.109.
- Secman ( Gothardus ) Parochus Brixinenſis . lib.3. n.113.
- Seminaria Episcopalia originem suam debere Collegio Germanico . lib.1. num.26.
- Seminarii Romani ortus ex Collegio Germanico . lib.1. n.52. Primi in eo Convictores ex eodem Collegio. ibid. n.66.
- Sigismundus Sveciæ Regis filius , ad conciones hæreticorum trahitur a patre . lib.3. n.130. A matre catholice educatur . ibid. n.133.
- Sixtus V. partem attributi census Collegio admittit . lib.2. n.11.
- S. Stephanus Hungariæ Rex quale Templum Romæ condiderit in honorem S. Stephani Protomartyris . lib.2. n.46.
- S. Stephani Templum in monte Cælia Collegio tribuitur . lib.2. n.42. Templi huius historia a suis initiis . ibid. n.46. & seq.
- Stobæus ( Georgius ) egregie defudit Græci , deinde fit Episcopus Lavantinus . lib.3. n.113.
- Stocholmiæ scholis publicis præficiuntur Magistri Catholici . lib.3. n.119. Et Seminarium aperitur Catholice juventutis . ibid. n.120.
- Studia quibus Alumni operantur . lib.4. num.47.
- Svecica expeditio a suis initiis usque ad exitum . lib.3. n.116. & seq.
- Supplicationes ab Alumnis habitæ anno piaculari 1575. lib.1. n.63.
- Surius ( Laurentius ) Lubecz Canonicus omnia experitur adversa . lib.3. n.103. Pontificiam auctoritatem intrepide defendit . ibid. n.104.
- T**
- Tectonius ( Jacobus ) egregie concionatur Confluentibus . lib.3. num.40.
- Teleczius ( Joannes ) Decanus Ecclesiæ Olomuccensis . lib.3. n.90. Eligitur Episcopus . Ejus ad Lauretanum litteræ de sua electione . ibid. n.93. Moritur ex veneno . n.95. & 96.
- Thyræus ( Hermannus ) doctrina prudentiaque præstans ( lib.1. n.76.
- Tillius ( Guillelmus ) Canonicus & Parochus Confluentinus hospitalitatem exercet . lib.3. n.43.
- Titulus Cardinalitius S. Apollinaris supprimitur . lib.2. n.23.
- Trevirenses Duceſum Alumni excollunt . lib.3. n.32. & seq.
- Truchſes ( Otho Cardinalis ) hortatur S. Ignatium ut Collegii curam dimittat . lib.1. n.35. Idem postea Gregorium XIII. incendit ad Collegium instaurandum . lib.2. n.3. & 5.
- Tumlerus ( Walramus ) præficitur sacello aulico Ducis Bavarie . lib.3. n.67. Depravata omnia reperit . ibid. n.68. Omnia instaurat Romano more . n.69. & seq. Multorum incurrit invidiam , sed in proposito permanet . num.75.
- Tumerus ( Robertus ) eloquentiam docet Ingolſtadii , librosque plures edit in lucem . lib.3. n.62.
- Tusculana Alumnorum profectio . lib.4. num.71.
- Tyrolensem provinciam Alumni excollunt . lib.4. n.113.
- V**
- Valetudinarium Collegii . lib.4. num.11.
- Varſevicius ( Stanislaus ) in Sveciam proficiſcitur . lib.3. n.118. Offendit apud Regem , & quare . ibid. n.130. Regno discedit . n.132.
- Vaſtanenſe Monaſterium in Suecia sacrorum ministerio recreatur . lib.3. num.134.
- Veilhammer ( Christophorus ) Eislefeldiam excollit . lib.3. n.5. & seq. Ejus ad Collegii sodales litteræ . ibidem n.10. Transit in Bavariam . n.50. Straubingæ rem catholicam curat . n.51.
- Veinreichius ( Martinus ) in Eislefeldia Parochus rem gerit egregie . lib.3. n.11. Ejus callitas experimento probata .

- bata . ibid. n. 12. Moritur in tabido-  
rum obsequio . n. 13.  
Vestes Alumnorum variz . lib. 4. n. 16.  
earum forma graphio delineato .  
Post fin. lib. 4.  
Victoria ( Thomas ) Musicz artis Ma-  
gister insignis . lib. 2. n. 16.  
Viennæ adhibentur Alumni ad religio-  
nem propugnandam lib. 3. n. 76.  
Villa suburbana ad Alumnorum relaxa-  
tionem . lib. 2. n. 39. Ut eam Alum-  
ni frequentent . lib. 4. n. 67.  
Villarius ( Joannes ) ab hæreticis inter-  
ficitur in odium Fidei . lib. 3. n. 115.  
Ulnerus ( Laurentius ) Molshemiensis  
oppidi Parochus . lib. 3. n. 109.  
Vogellius ( Joannes ) Theologiam tra-  
dit in Seminario Eicstadiensi , simul-  
que paræciam rusticanam admini-  
strat . lib. 3. n. 100.  
Voltzius ( Georgius ) Diœcesim Vor-  
matiensem luitrat cum Episcopo .  
lib. 3. n. 88.

## ERRATA

## sic CORRIGENDA.

Pag. 10. ter mille sexaginta	ter mille quingentos sexaginta
44. Ego Jac. Episcopus	Ego Jo. Episcopus
55. huminis	hominis
56. omina	omnia
58. se vita	si vita
60. mille trecentos	mille ducentos
63. cuiruire	circuire
70. maxima laboriosa	maxime laboriosa
102. Miletus Svecus	Miletus Svevus
136. Joannem Telezium	Joannem Teleczium , & sic deinceps
138. corre	corde
ibid. biennii spatîo	bienni spatîo
139. Pauloccius	Paulouschius
ibid. eblandari	eblandiri
ibid. n. 98. Ei veneficii	Et veneficii
193 Ludovicus	Paulus

KONSERVIERT DURCH  
OSTERREICHISCHE FLORENZHILFE  
WIEN

